

Ex Bibliotheca
majori Coll. Rom.
Societ. Jesu

Coll. Rom. 12-3 I-28. Societatis Ier...
cat infenp. etc.
Dialectica Ioan

NIS CAESARII VIRI

VNDECVNQVE DO-

CTISSIMI, NVPER

ab ipso autore reco-
gnita & aucta.

* *

Adiecta est ad finem huius Dialecticæ institutionis,
Ioannis Murrnellij Isagoge in decem Prædicamēta Ari-
stotelis, oppidoquàm utilis huius disciplinæ studiosis.



VINCENTI

LVGDVNI

Apud hæredes Simonis Vincentij .

M. D. XXXVIII.



unus in un

AVTORES qui in hoc opusculo citantur hi sunt.

EX GRAECIS.

Plato	Porphyrius
Aristoteles	Herodotus Historicus
Theophrastus	Diogenes Laertius
Themistius	Suidas
Cleomedes	Athanasius
Galenus	Ioannes Damascenus
Nicephorus	Georgius Trapezuntius
Gilbertus Poretanus	

EX LATINIS.

M. Cicero	Priscianus Grammaticus
Vergilius	Donatus Grammaticus
Ovidius	Diomedes Grammaticus
Horatius	Martianus Capella
Persius	Macrobius
Iuuenalis	A. Gellius
Seneca	Iustinus Historicus
F. Quintilianus	Anselmus
C. Plinius Secundus	Alexander Hegius
Vistorinus	Rodolphus Agricola
Higinius	Laurentius Valla
Lactantius	Georgi ⁹ Valla Placētinus
Solinus	Erasmus Roterodamus
Ambrosius	Thomas Linacer
Hieronymus	Ludouicus Viues
Augustinus	Iacobus Faber Stapulensis
Seuerus Sulpitius	Iudocus Clichtoncus
Boëthius	Buredanus.

VIRO MAGNA

NIMO IUXTA QVE

egregie docto Vuilhelmo Riffenstein,

Ioannes Cæsarius S. D.



I Q V A N D O in mentē mihi uenit consuetudinis eius, qua tecum interim, cū Stolbergæ agerem superioribus annis, nō tā utebar, quā fruebar oppidō quā familiariß. Vuilhelme uir magnanime, ac iuxta nō uulgariter docte, uix mihi imperare possum, quin grauit̃er molesteq; feram, illius consuetudinis carētiam, Quippe quōd ea mihi nunc non perinde uti liceat, idq; propter locorum distantia, quæ nos disiungit, adeō (corporum tamen magis quā animorum intercapedine) ut facile mihi non fuerit, nedum commodum, tantum arripere iter, quoties me tui inuisendi conueniendiq; cupido incescit tenetq;. Hinc illa scilicet animi mei ægritudo. Siquidem nihil mihi per id temporis tantum solatij adferebat, aut tam incundum erat, atque mutuus ille conuictus, ut in quo nulla prop̃e alia de re confabulatio inter nos agebatur ultro citroq;, atque id quidem super mensam præsertim, quā de literis atque bonis artibus, & earum scriptoribus, magnis quidem illis & gradibus, eisdemq; classicis magna ex parte, quos uocant, nec ijs tantum, qui superiori bus seculis claruerūt, sed & ijs pariter, qui nostra quoq; tēpest̃ate clari habētur, inter quos primas Erasmo Roterodamo, & Philippo Melāchthoni uterq; nostrū

A 2

MIO



uno quasi consensu adiudicare solebat. Loquor autem hic non de his artiū scriptoribus & eruditis uiris, quos Germania nobis donat. Nam habēt & reliquæ nationes suos, ut Gallia, ut Hispania, ut Britannia olim dicta, illis quidē si non superiores, certē nec inferiores, imō pares potius, & cum illis neluti ex æquo comparandos: quod tamen nolim alicui odiosē à me dictum uideri. Taceo in præsentia de Italia, altera post Græciam bonarum literarum parente. At de hoc ad præsens satis superq̃, ut de quo tecum coram quàm per literas agere malim. Quare illuc redeo, unde digressus sum. Adjiciebat huic nostro tam suauī & iucūdo conuictui non parum gratiæ, & (ut ita dicam) uoluptatis studiosum illud tuorum liberorum & aliorum quorundam ingenuorum adolescentum contubernium, atque unā cum his præceptor ipse siue pædagogus, alter quidem post alterum. Nam alter in alterius locum successit, ac uices eius subiit, facta scilicet prioris missione iuxta præscriptum tempus, sed honesta: uterque sanē, ut literis politioribus probē institutus, ita moribus non inelegantibus pulchrè præditus, quales utique & discipulos suos dedita opera reddere conabantur satagebantq̃. Nec eos suus ille pulcher conatus fefellit interim, id quod literæ profectō ipsorum adolescentum, quas ad me aliquoties post abitum istinc meum in patriam dederunt, planē indicant, ac testes ut non falsæ, ita locupletes proferri possunt. Quæ quidem in re Vuilhelme rarum admodum de te, & tamen utile exemplum præbes, non modò priuatis hominibus quantumuis magnis & potentibus, sed & principibus quoque uiris, quod meritò imita

imitarentur, utinamq; imitentur. Quin & illud non minus ad cumulum laudum tuarum accedit, quòd uiros probè doctos non tantum affectu & animo beneuolo ac fauore pleno prosequeris, sed & eosdem tibi (quorum saltem notitiam tibi habere ex præsentia contingit) beneficijs non uulgaribus conciliare ac deuincire studes. Quo & factum existimo (nisi tamen me mea fallat coniectura) ut Dialecticam suã idem Philippus breuem quidem illam, sed miro artificio cõscriptã tibi nuncuparit, anno ab hinc tertio plus minus, ut uiro scilicet de se benemerito, ac sui in primis studioso. Quæ certè causa est (sic tibi persuadeas uelim) ut et ego tibi meam, ubi illam nuperrime recognoueram, ac paulò locupletiore redidideram, nuncupare destinauerim, ac nuncupem, planè hac nimirum ratione potissimum inductus, quòd ex literis Erhardi Holsatiësis, quas ille superioribus diebus ad me dederat, dum idem adhuc domi tuæ tuorum liberorũ præceptorem agebat, intellexeram Dialecticam meam uel qualemcunq; ipsius Philippi cura & subornatione publicè nunc prælegi atq; doceri in Academia Vuittembergenfi: unde dubitare nec possum nec debeo, quin lubenti animo illam sis amplexurus, utpote tanti uiri caliculo approbatam, non quòd ea ipsa tibi nunc usui sit, quem scio studijs longè grauioribus, si quãdo per otium licet, uacare sedulò, sed unde tui & illorum æquales prima illius ætatis rudimẽta haurire ac percipere queant. Bene uale, & quod facis, boni consule. Colonia Idibus

Iunij, anno à CHRISTI natali

M. D. XXXII.

A 3

Incom

IN COMMEN- DATIONEM ARTIS DIA-

lecticæ, pariterq; , & de eius usu, &
utrum philosophiæ pars sit nec
ne, Ioannis Cæsarij.

P R A E F A T I O.



INTER liberalia studia quæ uul-
gò ita dicta sunt, autore Seneca,
quòd sint libero homine digna, nò
minima existimari censeriq; debet
Dialectica, ob id scilicet, quòd cæ-
teris artibus & disciplinis ancille-
tur quodammodo ipsa, & suum præstet obsequium,
cum interim nihilo minus & ipsa pars philosophiæ &
sit, & habeatur, quippe quæ proprium perinde ac re-
liquæ bonæ artes finem retineat. Est autem hîc inuentio
iudiciumq; rationum, quemadmodum id tradit ac docet
Boëthius quoq; , haud ignobilis apud Latinos philoso-
phus, ultimus tamē (si Laurentio Vallæ credimus) crudi-
torum. Itaq; hæc ars, quatenus quidem ipsa suū habet re-
tinetq; finem, isq; à sola philosophia consideratur, pars
utiq; philosophiæ ponenda est. Quatenus uerò finis ille
ad alias quoq; philosophiæ partes suam pollicetur exhi-
betq; operam, instrumentū ipsius philosophiæ, & sciēdi
ratio nō ab re iudicata est. Quo etiam nomine tantò ma-
gis hæc ars amplectēda fuerit studiosæ iuuetuti. De qua
quidem arte, quanquā complures ante me, ut etiā post
me quidā, tam ex Græcis quā ex Latinis hominibus, nō
sine

sine laude scripserūt: ex his tamen alij quidem adeò ope
 rose atq; prolixè, ut discentibus illam, aut etiam legenti
 bus fastidiū propemodum pariant: alij tanta usi breuita
 te, ut eius rei institutioni neutiquā satisfacere proben=
 tur, partim ob artis subtilitatē, partim ob quorundam
 ingenia nō ita prompta atq; capacia: quidam uerò tam
 confusè, atq; (ut ita dixerim) argutè, ut quantū quidem
 ad ipsam institutionē attinet, maiorem in modū profue
 rit, eam artem nō ex illis addiscere conari. Omitto nūc
 eos, qui de eadē arte scripserūt & ipsi quidem, uerū
 adeò barbarè adeoq; ineruditè, ne dicā insulsè, ut si quis
 paulò liberalius institutus in eorū libros incidere, ui
 delicet ut dialecticā inde discere uellet, aut saltem pro
 explorato habere posset, qualisnam ars ea sit, is haud du
 biè nō tam autores tales, quā artem ipsam contemne
 ret protinus, reijceretq;. Hoc ipsum cū ego tandem ani
 maduertissem, expertus nimirum iam multò antè ea o=
 mnia, cœpi mecū cogitare, quonam pacto huic tātæ mo
 lestiæ remediū qualecunq;, uel per me tandē afferretur,
 si modò iā scopum ipsum attigi, simulq; aggressus sum
 colligere in unū hinc inde ex non contemnendis autori=
 bus eius artis præcepta, sed summatim & per compen=
 dium, atq; de his cōponere tractatus aliquot, uidelicet
 numero decē, quos & ita digessi atq; disposui (si tamen
 iudicio isto meo nō fallor) ut totius ferè artis uim in his
 cōprehendisse uideri possim, adeò, ut nihil, quod ad artē
 ipsam pertinet, desiderari queat, nisi ab eo fortassis cui
 non satis fuerit capita siue genera rerū, iuxta Ciceronis
 cōsiliū, percepisse atq; tenere, per q̄ reliqua ipse psequa
 tur. Verū nō minus usus sū & ipse breuitate, iuxta Ho=

ratij in Arte doctrinam, sed temperata, ut citra fastidium atq; magnum laborem studiosus lector Dialecticam ex hac nostra institutione facile assequi possit, modo idem non sit auribus usque adeo delicatis, ut elegantiam dictionis magis spectet & obseruet, quàm rem ipsam, quæ docetur ac traditur. Hunc ego uelim prius ipse secum expendat, atq; animo reputet illum Manlij uersiculum, quàm iudicium suum ferat nimis alioqui præceptis, quo doctor ille studiosos artium admonitos esse uult, artes plerasque tales esse, ut non admodum orationis elegantiam affectent, sed doceri contentæ sint. Versiculus autem ille huiusmodi est.

Ornari res ipsa negat, contenta doceri.

At nunc etiam priusquàm finem huic præfationi imponam, quorundam grauissimorum autorum sententias breuiter subscribendas subiiciendasq; existimaui, ut ex quibus intelligere etiamnum poterit diligens lector, qualis nam ars sit Dialectica, & quatenus in ipsa discenda immorandum sit, simul etià unde et quomodo inuētio eius habeatur, tum uerò quòd præter hanc artem aliarum artium studia non sint contemnenda, contra falsum & temerarium aliquorum iudicium. D I X I.

Cicero in Bruto.

Dialectica (inquit) ars est, quæ docet rem uniuersam distribuere in partes, latentem explicare definiendo, obscuram explanare interpretando, ambiguam primum uidere, deinde distinguere, postremo habere regulam, quæ uera & falsa iudicatur, & quæ quibus propositis sint, quæq; non sint consequentia.

Anluc

Aulus Gellius cap. 8. lib. 16.

Dialecticæ, inquit, disciplinæ studium atq; cognitio in principijs quidē tetra & aspernabilis, insuavisq; esse & inciuilis uideri solet, sed ubi aliquantulum processeris, tum deniq; & emolumentum eius in animo dilucebit, & sequetur quædam discendi uoluptas insatiabilis. Cui sanè si modum non feceris, periculum non mediocre erit, ne ut pleriq; alij, in illis Dialecticæ gyris ac mæandris, tanquam apud Sirenios scopulos, consenescas.

Augustinus in libro de ordine.

Scientia argumentandi, diuidendi, definiendi, nō ab hominibus pro arbitrio instituta est, sed in rerum ratione comperta est.

Boëthius in eius libri principio, quē De syllogismis categoricis inscripsit.

Sed qui ad hoc opus (inquit) lector accedit, ab eo primū petītum uelimus, ne in his quæ nunquā aliās attigerit, statim audeat iudicare: ne uē, si quid in ludo puerilium disciplinarum rudis adhuc & nondū firmus acceperit, iam ut sacrosanctum amplexandum, atq; etiā colendum putet. Alia enim teneris atq; imbuēdis adhuc auribus accommodata: alia firmis ac robustioribus doctrina mentibus reſeruatur. Quare si quid est quod discerepabit, ne statim obstrepat, sed ratione cōsulta, quid ipse sentiat, quid nos offeramus ueriores mētis acumine, & subtiliore consideratione dijudicet. Ita nanque eueniet, ut quæ in primo statim studendi aditu didicerunt, perspecta penitus, ac potius deprehensa cōtemnant. At si iam quisquis suæ scientiæ defensor cupidus esse malit,

(habent enim hoc quoq; uitij homines, quos comprehendit uetus ac longa segnitie, ut ab arreptis semel opinionibus nō recedant; ne in senectute discendo, nihil usque in senectutem didicisse uideantur) si inquam malint uindicare quā uertere, quæ uulgatis semel studijs imbibierunt, nemo expetit, ut priora condēnent, sed ut maiora quædam atq; altiora cōiungant. Non enim una eademq; diuersarum ratio disciplinarum, cū sit diuersis finis disciplinis una atq; eadem subiecta materies. Aliiter enim de qualibet orationis parte Grāmatico, aliter Dialectico disserēdum est. Nec eodem modo lineam uel superficiem Mathematicus, uel Physicus tractat. Quo fit, ut altera alteram non impediat disciplina, sed multarum consideratione coniuncta, fiat uera naturæ atq; ex omnibus explicata cognitio. Hæc ille.

Quid sit philosophia, & item quid sapientia, similiter quid philosophus, & qualem eum esse oporteat, ex Alcinoō Platonico philosopho, de doctrina Platonis, interprete Marsilio Ficino.

Philosophia est appetitio sapientiæ, uel solutio anime à corpore, & cōuersio quædam ad ea quæ uera sunt atque diuina. Sapientia est diuinarum humanarumq; rerum scientia. Philosophus autem est, qui à philosophia nomen accipit, quemadmodum à musica musicus. Et qui philosophus futurus est, ab ipsa natura sic institutus esse debet, ut primò quidē ad omnia disciplinarū genera facilis ac prōptus existat: deinde ut non ijs
que

quæ in fluxu uersantur, sed illis quæ semper eodem modo consistunt, mentem adhibeat. Tercio loco, ut natura sit uerax, ab omni mendacio penitus alienus. Quisquis enim ueritatis auidus, ad diuinorum contemplationem mentem conuertit, uoluptates corporis paruipendit. Oportet præterea liberali animo philosophum esse. Et enim rerum uilium æstimatio homini ueritatem rerum contemplaturo aduersa est. Huius insuper uoluntas iustitiam diligit, quippe cum ueritatis, temperantiæ, liberalitatis studiosus existat. Adde quod ingenij acumine atque memoria illi opus est. Hæc nanque philosophum uirum perficiunt. Atqui hæc quidem naturæ dotes, cum disciplina atque educatio decens adhibita est, perfectum uirtute uirum perficiunt: uerum si neglectæ sunt, maximorum scelerum causa sunt.

De tribus apud philosophos differenti generibus, ex præfatione Marsilij Ficini in librum de uoluptate.

TRia sunt apud philosophos discernendi genera. Vnū, quo certam aliquā quæstionis partem disputando defendimus atque approbamus, ut Peripatetici ac Stoici fecere. Alterū, quo quæstione proposita, diuersas ad id quod queritur, sententiæ rationesque referimus, ut propositis pluribus, inuicemque collatis, quid ex his probabilius uerisimiliusque appareat, eligamus: quo Academici ac Socratici penè oēs usi sunt. Tertium genus Scepticorum maximè proprium est, qui cum omnia indifferentia esse

esse putent, nec certum aut probabile habeant quicquam quod sequantur (ea enim quæ naturæ ordine se iuncta distinctaque sunt confundunt atque permiscunt) ab excellentissimis quibusque philosophis reijciuntur.

D I A L E C T I

C A E I O A N N I S C A E

S A R I I T R A C T A

T V S P R I -

M V S.

Qua ratioe à prædicabilibus initium huius artis tentandum sit, licet in ea omnium minima sint prædicamenta.



V E M A D M O D V M
qui legendi, & lecta rectè intelligendi callem quærunt, primū quidem elementa ac literas discunt, inde ad syllabas transcendunt, à syllabis autem ad dictiones perueniunt, & denique ad orationem

ipsam, ita qui totius philosophiæ instrumentū, hoc est discerendi artem, quam *διαλεκτική* Græci uocant, expetunt, in prædicamentis dignoscendis in primis erudiri debent, inde ad interpretationē progredi, ab interpretatione demum ad syllogismorum ferri figuras. Decem namq; prædicamenta tanquam elementa sunt quædam, quippe quæ simplices sunt uoces, & disiunctæ, & per sese duntaxat inspectæ. Verbi gratia, Substātia, quantitas, ad aliquid, qualitas, ubi, quando, facere, pati, cōpositum esse, habere, & quæ sub ipsis sunt, ut species sub ipsis generibus, & quæ ex ipsis diuisa, ut quæ specificæ differentię appellantur. Verumenimvero cum prædicamentorum

mentorum ratio haud ita facile à quouis percipitur ei

Hic est ille tra cognitionem prædicabilium, quam certè & ipse
 Porphyrius, Porphyrius prædicabilium autor ad Chrysaorium scri-
 qui, ut ait Sui- bens, etiamnum necessariam esse indicat, non solum ad
 das, accerim^o eam, quæ est apud Aristotelem prædicamentorum do-
 Christiani no- ctrinam intelligendam, uerum & ad alia quædam, nem-
 minis hostis, pe ad diuisionem, ad definitionem, & ad demonstratio-
 linguâ ob id nem: quæ tria potissima sunt ad comparandas discipli-
 suâ aduersus nas instrumenta, utpote cuius gratia hanc artem inuen-
 Christianos tam esse constat. De ipsis prædicabilibus (quæ uocantur)
 exacuit, qua prius quàm breuissimè dicendum est, simulq; ab his ini-
 per multa cõ- tium huius artis tenendum.
 nitia eos con-
 tumeliosissi-
 meis etatus
 est. Quippe q
 præter quàm
 q de prædica-
 bilib⁹ scriptû
 à se librû relia-
 quit, scripsit
 & alios q plu-
 rimos, & in-
 ter hos quins-
 decim aduer-
 sus ipso Chri-
 stianos. Cla-
 ruit autè im-
 perâre Aure-
 liano Cæsare,
 uixitq; ad tẽ-
 pora usq; Di-
 oeletiani im-
 patoris. Hæc
 alle. Quocir-
 ca mihi quis-
 dẽ uideretur
 autor ille quã
 liber magnus
 è Christianos
 rû scholis exi-
 gendus potis-
 us, q prælegẽ-
 dus: cû alium

Prædicabile quid sit.

PRædicabile igitur uox est, quæ de pluribus uniuo-
 cè prædicari potest, ut genus, ut species, ut diffe-
 rentia, ut proprium, ut accidens. Horum enim unum-
 quodque tam uoce quàm ratiõe eadem de pluribus præ-
 dicari natum est, id quod de singulis paulò pòst proprio
 uniuscuiusq; loco latius explicabitur. Quò fit, ut indiui-
 duum prædicabile dici nō possit, nisi impropriè: quippe
 quod de uno solo prædicatur tantum, ut Socrates, quæ
 uox de ipso tantû Socrate prædicatur. Quæ eadem tam
 etsi de alijs quoque compluribus prædicatur, id certè
 iam non uniuocè, sed equiuocè fit. Veluti si Catonis no-
 men de utroque Catone Censorio atque Vticensi, & de
 tertio item illo prædicaretur, de quo Iuuenalis satyra se-
 cunda, Tertius è cælo cecidit Cato: si modò tertius ali-
 quis fuit. Prædicabile igitur aliud quidem propriè tale
 dicitur, aliud uerò minus propriè.

De eo quod Differēs, & quod Idem dicitur: tum quot modis utrūq; dicatur.

de iam hard
quinq; nocē
cognitio ab
de satis habes
ri possit.

SANē de pluribus prædicari dupliciter cōtingit. Aut enim de pluribus numero differentibus, aut de pluribus differentibus specie. Proinde paulò altius repetendum hoc loco atq; dicendū breuiter, Differens quot modis dicatur: tum quod huic ex aduerso respondet, Idem, ita fiet haud dubiè, ut quæ sequuntur, planius percipi queant. Sciendū igitur, quòd Differens tot modis dicitur, quot modis dicitur Idem. Idem aut tripliciter dicitur. Nā aut genere, aut specie, aut numero idem alicui quippiam dicitur. Et genere quidē eadem dicuntur, quæcunq; sub eodē genere cōtinentur proximo, ut homo & leo sub animali. Specie uerò quæcunq; sub eadem specie continentur, ut Socrates & Plato sub homine. Numero porrò eadē, quatuor dicuntur modis: nempe aut nomine, ut Marcus & Cicero: aut definitione, ut homo & animal rationale: aut proprio, ut homo & risibile: aut accidēte, ut mel, & ipsum tum flauum, tum dulce. Hinc iam colligitur, & differens ab alio quippiā tripliciter dici: genere, specie, & numero. Genere quidē differentia dicuntur, quæ sub diuersis sibi proximis generibus cōtinētur, ut homo & quercus. Siquidē homo sub animali proximo sibi genere, & quercus sub arbore, itidem genere proximo cōtinetur. Specie uerò differentia dicuntur, quæcunq; sub diuersis continentur speciebus, ut Alexander & Bucephalus: quippe Alexander sub homine, Bucephalus uerò sub equo cōtinetur. Quin & spē differentia dicuntur ipsæ inter se species diuersæ, tametsi unius

unius generis species sunt, ut homo, leo, bos, equus, &c. Numero porro differentia dicuntur, quaecumq; in numerando, hoc est, dū numerantur, inter se differunt, ut Socrates & Plato. Nam cū dixit quispiā, Hic Socrates est, & itē, Hic Plato est, duas iam fecit unitates, unā in Socrate, in Platone alteram. Atq; ita nō eadem in Socrate unitas numerata est, quā in Platone, sed altera atq; altera, & per hoc numero tātū differūt Socrates & Plato.

De genere quid sit, & quomodo diuidatur.

GENUS cū multipliciter dicatur, autore Victorino (dicitur nanque & parens & patria, hinc illud Vergilij, Vnde genus ducis. Item & cuiuslibet rei qualitas, ut si dicas, Cuius generis uestis est?) una tamē eius significatio est, secundum quam praedicabile fit, similitudine uidelicet à primo illorum trium significatorū sumpta, & à philosophis hoc pacto definitur, Genus est, quod de pluribus et differētibus specie, in eo quod quid est praedicatur. Vel sic, Genus est uox, quā complures sub se species, easdemq; inter se diuersas continet amplectiturq; de quibus & in eo quod quid est praedicatur, ut animal de homine, de leone, & equo. Nā si quaeratur, quid est homo, quid leo, item quid equus: recte conuenienter quae de unoquoq; horum respondebitur, quòd animal est. Animal igitur de homine, de leone, & de equo, in eo quod quid est praedicatur. Atque haec ipsa inter se specie differunt, tamet si sub animali, ut sub genere proximo, continentur. Diuiditur autem genus in genus generalissimum, & genus subalternum. Genus
gene

generalissimum est, supra quod non est aliud superueniens genus. Atque id quidem in unaquaque prædicamentorum serie ita observatum est, ut sit aliquod supremum, quod proinde à quibusdam generalissimum, ab alijs principalissimum, aut (quod Laurentio Valle magis probatur) summum genus dicitur, ut substantia, quantitas, ad aliquid, qualitas, &c. de quibus licet ens prædicetur, genus tamen ad nullum horum dici potest, quoniam non uniuocè, sed æquiuocè de ipsis prædicatur. Definitur rursus & hoc modo, Genus generalissimum est, quod quum sit genus, non pòt esse species: ob id quidem, quòd species (ut paulò pòst dicetur) ea est, quæ sub assignato genere ponitur. Genus uerò subalternum est, quod, cum sit genus, potest uicissim & species esse. Imò uerò quicquid continetur inter genus generalissimum, & specie specialissimam, genus subalternum dici potest.

De Specie quid sit, & quomodo diuidatur.

Speciei quoq; multiplex est acceptio. Nā præter catera eius nominis significata, uniuscuiusq; rei forma siue pulchritudo Species dicitur. Hinc speciosos dicimus, qui forma sunt liberaliori: unde & formosos eosdē appellamus interim. Species item dicitur, quæ generi subijcitur, secundū quam significationem à philosophis accipitur, definiturq; hoc modo, Species est quæ de pluribus & differētibus numero, in eo quod quid est prædicatur, ut homo de Socrate & Platone, & ut nostræ religionis uocabulis utar, de Petro itē & Paulo. Definitur rursus species, ea quæ sub assignato genere ponitur.

B

Quæ qui-

Quæ quidem speciei definitio, tã speciei specialissimæ, quàm speciei subalternæ cõmunis est, prior uerò tatum conuenit speciei specialissimæ. Sciendũ itaq; quòd ut genus supra diuisum est in genus generalissimũ & genus subalternũ ita & species nunc diuiditur in speciem specialissimã & speciem subalternã. Species quidẽ specialissima est, quæ cùm sit species, genus esse non põt: quippe quòd sub se species alias nõ habeat, ut homo, sub quo indiuidua tantum cõtinentur. Species uerò subalterna est, quæ & genus & species esse potest, ad aliud quidẽ & aliud sumpta, cuiusmodi ea omnia sunt, quæcũq; media sunt inter genus generalissimũ, & speciem specialissimam, id quòd subscripta figura luce clarius indicabit.

De indiuiduo quid sit, & quot modis accipiatur.

SEd & interim de indiuiduo pauca adijcere liceat. Siquidem præter eam significationẽ, qua id esse definitur, quod de uno solo particulari prædicatur, idq; multis modis, ut Socrates, & hoc album, & hic ueniẽs, & Sophronisci filius, si solus & unicus ei Socrates extitit filius: alia eius à Ioanne Damasceno significata produuntur. Nam & quod infecabile prorsus & indiuisibile est, indiuiduũ dicitur, ut punctũ, & temporis momentum, quod & nũc quoq; dicitur, & ipsa nimirũ unitas, similiter & mens, & quod difficulter sub sectionẽ uenit, ut adamas, et quicquid tale est. Præterea Indiuiduũ dicitur & species specialissima, qd' in aliis uidelicet species nõ diuidatur. Sed ex his omnibus prima illa Indiuidui significatio ppria huic loco & peculiaris est, quod
& qui

Et quidam ita interpretantur, ut ipsum asserant ex quibusdam proprietatibus constare, quarum collectio nunquam in alio quolibet eadem erit. Quorum item et numerum et nomina quidam hoc uno uersiculo comprehendit.
 Forma, figura, locus, stirps, nomen, patria, tempus.
 Sciendum insuper, quod Individuum in ea significatione, quæ primo loco posita est, et propriè ita dicitur, in rationalibus creaturis personæ nomine nonnunquam designatur. Vnde et Boëthio in libro de duabus naturis in CHRISTO ita definitur, Persona est rationalis nature indiuidua substantia. Quanquam et hic Valla reclamant, nec nisi inuitus illam personæ definitionem admittit. Græci eandem nunc πρῶτον πρῶτον, nunc ὑποσώματιον adpellant.

F I G V R A.

Substantia

Corporea	Corpus	Incorporea
Animatum	Animatum corpus	Inanimatum
Sensibile	Animal	Insensibile
Rationale	Rationale animal	Irrationale
Mortale	Homo	Immortale
Socrates, Plato, Aristoteles, Cato, Cicero, Vergilius.		

De triplici Differentia.

Differentia uerò cōmuniter, propriè, et magis propriè dicitur. Cōmuniter quidem differentia dicitur, qua alterum ab altero alteritate quadā differt solum. Alteritate inquam, hoc est, qualibet ratione ab altero diuersum. Qua quidē differentia Xenocratē ab Aristotele differre Plato iudicauit, ut autor est Diogenes

Laërtius, quòd hic quidem præcipiti & acri ingenio erat, ille uerò tardo atq; hebeti. Haud dissimile illi est, quod & Cicer., III. de Orat. lib. de Isocrate refert, Isocrates doctor (inquit) singularis dicebat se in Ephoro calcaribus, contra autem in Theopompo frenis uti solere. Alterum enim exultantem uerborum audacia reprimebat, alterum cunctantem & quasi uerecundantem incitabat. Quin & hac ipsa differentia à seipso quispiam differt puero olim & iam uiro, & faciente nunc aliquid cum antea quiesceret. Quo sanè modo apud Vergilium de Hectore in alium quasi hominem mutato, Aeneas inducitur ita loquens, Hei mihi qualis erat, quantum mutatus ab illo Hectore. Propriè uerò differentia dicitur, qua alterum ab altero differt accidente inseparabili: quomodo is, qui oculos habet caecos, ab eo differt, qui tales non habet. Magis autè propriè differentia dicitur, qua alterum ab altero differt non accidente quopiam siue separabili, siue inseparabili, sed substantiali qualitate: quæ & ipsa nimirum uniuscuiusq; rei ratio est. Itaq; ab equo homo differt rationali qualitate. Siquidè homo rationalis est, equus uerò irrationalis. Præterea ut hæc speciem à specie differre facit, unde & specifica differentia dicitur: ita superiores duæ Indiuiduum ab Indiuiduo separant, quæ ob id ipsum Accidētariæ, siue Aduētitiæ differentiæ dici possunt. In uniuersum igitur omnis differētia alteratum facit: sed quæ specifica dicitur, ultra id quod alteratum facit, aliud quoq; facit. Atq; ita differentiæ cōmunes quidē sunt, quibus omnes aut ab alijs, aut à nobisipsis differimus. Propriæ, quæ uniuscuiusq; indiuidui formā ali-

qua

qua naturali proprietate depinguunt. Magis autem propria, quæ in substantia ipsa permanet, & uniuscuiusq; rei rationem explicant, & speciem a specie distinguunt.

De ea, quæ specifica differētia dicitur quid sit.

Differētia ergo, quæ magis propria & specifica dicitur, & proinde tertium fecit prædicabile, ea est qua species (ut dictum est) à specie differt, & hoc modo definitur, Differentia est, quæ de pluribus & differentiibus specie, in eo quod quale quid est prædicatur, ut rationale de homine & de deo, si Porphyrio credimus, qui tam deū, quàm hominē animal esse, opinatus est, idq; magis Platoniorum sentētia, qualis & ipse erat, quàm secundum ueritatē. Est igitur (sed id exempli causa nūc admittatur solū) & deus et homo animal rationale, sed à deo homo separatur mortalitate, quòd homo quidem mortalis sit, deus autē immortalis. Rursus autē & hoc pacto definitur. Differētia est, quæ diuidit atq; dispecit ea, quæ sub eodem genere posita sunt, ut rationale hominem separat ab equo & leone, cæterisq; animalibus omnibus quæcūq; rationis expertia sunt. Assignatur item & hæc eius descriptio, Differētia est, qua species genus superat, ut homo quatenus est & rationalis & mortalis, animal superat, exceditq;. Siquidem nihil horū, actu animale est, licet potestate nō has solū habeat differētias, sed & his oppositas. Diuiditur autē huiusmodi differētia, quæ & per se & specifica, & per hoc magis propria differentia dicta est, quòd hæc quidem genera diuidit in species, illa uerò species constituit & informat.

Actus à potestate eatenus differt: quatenus homo redens ab homine, qui ridere quidem possit, non rideat autem.

B s

Omnis



Omnis quippe differētia generi adueniens cōstituit speciem, ut cum rationale additur animali, hominem protinus constituit, quæ species animalis esse dignoscitur. Vnde & hæc proinde constitutiva differentia dicitur, quæadmodū illa quæ genera in species secat, differentia dicitur diuisiua. Sciendum tamen quòd eadem differētia & diuisiua dici potest, & cōstitutiva, diuisiua quidem generis, constitutiva autem speciei.

De proprio, quot modis dicatur, tum
& quot modis dicatur Commune.

Proprium uerò, quatuor dicitur modis. Primo nāq; proprium dicitur, quod soli alicui accedit speciei, etsi non omni, ut homini medicum esse, aut geometram. Secundo, quod omni quidem accedit, sed non soli, quemadmodum homini esse bipedem, quādo & auibus perinde id accedit. Tertio, quod soli quidem, & omni, uerū nō semper, ut omni homini, & soli homini accedit in senectute canescere, licet Aristoteles & Plinius id etiam equis tribuant. Quarto, quod soli, & omni, & semper, quemadmodum homini ridere, idq; potestate tamen magis & aptitudine, quàm actu. Siquidem omnis homo, & solus, & semper risibilis est, licet non semper rideat. Sanè ut proprium his quatuor modis dicitur: ita cōmune, quod proprio quodammodo opponitur, quatuor dicitur modis. Commune quippe dicitur: aut quod in partes diuisibile est, ut ager communis pluribus: aut quod in usu comuni positum est, à diuisione prorsus immunē, ut seruus pluribus communis, & equus, & puteus: aut quod in occupando proprium factum est, alioqui commune,

commune, ut in templo aut theatro locus communis est omnibus priusquam occupetur, occupatus uero proprius sit occupanti: aut quod æquè omnibus sese præbet, ut uox præconis, aut alterius cuiuspiam concionantis docentisue.

De accidente, quid sit, & quomodo diuidatur.

Accidens est, quod adest, & abest præter subiecti corruptionem. Desinitur rursus & hoc modo. Accidens est, quod contingit eidem inesse, & non inesse, ut homini album esse, & non esse album, & sedere & stare. Quin & aliter hoc pacto, Accidens est, quod neque genus est, neque differentia, neque species, neque proprium, semper autem in subiecto subsistens est. Diuiditur autem accidens, aliud namque separabile est, aliud inseparabile. Separabile quidem, ut dormire: Inseparabile uero, ut nigrum esse in Aethiope & coruo, & candidum in cygno & niue. Accidens porro tam separabile, quam inseparabile, aliud naturaliter tale est, aliud extrinsecus aduenit. Naturaliter quidem, ut pueritia, iuuentus, senectus: extrinsecus autem, ut sedere, aut si qua cicatrix obducta uulnere occalluerit.

Quomodo accidentis definitio intelligenda sit, cum solutione dubitationis.

Supere est ultima huius Tractatus pars, quæ & agredi iam certum erat, nisi nos remoraretur dubitatio haud facilis, expendenda interim, examinandaque, & discutienda prius. Ea autem huiusmodi est, Si accidens est, quid adest & abest absque eius, in quo est, interitu, qui

fieri potest, ut ex accidētibus aliud separabile, aliud inseparabile statuatur? Nam quod inseparabile est, id abesse non pōt. Sanè huic dubitationi Porphyrius ita paucis satisfacere uidetur, quod ait exempli causa coruum posse album subintelligi, & Aethiopem candore nitentem, præter utriusq; corruptionem interitumq;. Verū hoc ipsum Boëthius paulò altius repetit dicens, Nam quoniā sunt accidentia inseparabilia, in his definitio uidetur conuenire non posse. Sed hæc (inquit) tam uehemens quæstio, soluitur hoc pacto, quòd hæc ipsa definitio de accidentibus facta est potestate, non actu: intelligentia, non ueritate. Age igitur, quoniam Aethiopi color niger auferri non potest, animo eum & cogitatione separemus, erit tum color albus Aethiopi, nō tamen species consumpta est. Ita quoq;, si à coruo nigredinem abstuleris imaginatione, permanebit tamen uis, nec species interibit. Ergo quod dictum est adesse & abesse, nō re, sed animo intelligēdum est. Quòd tamen in his, quæ speciem constituunt, haud ita sese habet, ut si ab homine rationalitatem auferas, quam licet actu separare nō possimus, tamen si uel animo, imaginatione uel disiunxerimus, statim peribit hominis species.

De communitate prædicabiliū inter se, & differentia item eorū à se inuicem.

Commune est omnibus prædicabilibus de pluribus prædicari, ut exempli gratia, Genus quidem de omnibus sub se contentis speciebus & indiuiduis: de quibus omnibus & constitutiua cū primis differentia prædicatur. Species autem de his solum, quæ sub ea continentur,

tinentur, indiuiduis. Proprium uerò & de specie cuius
 est proprium, & de eiusdem speciei indiuiduis. Porro
 accidens & de speciebus pariter & indiuiduis, sed prin-
 cipaliter quidem de indiuiduis, secūdo uerò loco & de
 ijs, quæ continent indiuidua, hoc est, speciebus ipsis.
 Quemadmodum è diuerso, propriū principaliter qui-
 dem de specie cuius est proprium, at secundo deinde lo-
 co, de illius speciei indiuiduis, ut risibile esse, prius qui-
 dem & principaliter de homine prædicatur: posterius
 uerò & secundo loco, de Socrate & Platone, ceterisq;
 particularibus hominibus. Communis item est omnibus
 prædicabilibus, præter accidens, uniuocè prædicari de
 quibus prædicantur. Differūt autem à se inuicem præ-
 dicabilia, quòd alia quidem prædicantur in eo quod
 quid est, ut genus & species: alia uerò in eo quod qua-
 le quid est, aut quomodo se habet quippiam, id quod
 plerisque accidentibus quæritur, ut si quis interroget,
 quomodo se habet Socrates? tum quis rectè responde-
 rit, quòd aut ambulat, aut disputat: sin uerò interroget
 quispian qualis est Socrates, aptè fortassis respondebit
 alter, quòd sapiens est. Ergo differentia, proprium, &
 accidēs, præsertim inseparabile, in eo quòd quale quid
 prædicantur. A specie item genus differt, quòd genus
 quidem prædicatur de pluribus specie differentibus: spe-
 cies uerò de indiuiduis, & numero differentibus tan-
 tum. Et differētia à proprio & accidente differt, quòd
 differentia quidem prædicatur in eo quod quale quid
 est, secundum rei scilicet essentiam: proprium uerò &
 accidens secundum rei potius inherēntiam. Demum
 proprium ab accidente differt, quòd proprium quidem

conuersim prædicatur de eo, cuius est proprium, acci-
dens uerò minime. Hactenus de quinque prædicabilibus
uocibus, restat nunc ut Prædicamenta aggrediamur.

IN TRACTATVM
SECUNDVM, IN QVO DE
Prædicamentis agitur, & primū ostenditur
quid sit Prædicamentum, & cur ita
appelletur,

P R A E F A T I O.



E P R A E D I C A-
mētis deinceps scripturus, operæ
preciū facere uidebor, si quid sit
Prædicamentum prius exposue-
ro, ne nominis uis ipsum lectorem
ad illorum iam cognitionem pro-
perantem, longius æquo remore-
tur, utpote nondum perspecta, dum tanē interim quid
sit scire laborat. Prædicamentū igitur est (ut & à Tra-
pezuntio definitur) terminorum, qui secundum nul-
lam complexionem dicuntur, natura rerum ordina-
tio. Quæ definitio, ut mihi quidem uidetur, hunc ha-
bet intellectum, quòd Prædicamentum aliud est, quàm
series quædam terminorum incomplexorum, quate-
nus ex his natura, id est, ratione rerum alij alijs
subijciuntur, alij de alijs prædicantur. Ceterum no-
men Prædicamēti dictum hinc esse uidetur, quòd de o-
mnibus prædicantur decē numero prædicamenta, uelut
ipsorum

ipforum uocabulorum elementa quadam. Quo nomine & Quintilianus ea uocat, & approbat Laurētius Val-
la, quòd sensus scilicet ceterorum uocabulorum ad ista
tanquā ad elementa & principia referuntur, ob eāq; rē
(ut idem ait) genera quoq; dicuntur, quòd ex his cetera
significata gignātur, quorūq; nullū alio superius est, aut
alteri genus, sed ipsa genera sunt principalia, imò uerò
si sic dicere licet, principalissima genera. Quoniā uerò
eorū quæ prædicantur, alia quidem prædicātur æquiuo-
cè, alia uniuocè, alia uerò denominatiuè: ab æquiuocis
igitur & uniuocis & denominatiuis, necnon & ab alijs
quibuscūq; quæ Antepredicamenta à recentioribus dicū-
tur, ut ea quæ sequuntur ipforum prædicamentorum tra-
ditionem, Postpredicamenta ab eisdem appellantur, uo-
cibus quidem nouis, at non adeo improprijs, hunc ipsum
tractatum auspicari conuenit.

De æquiuocis, uniuocis, & de- nominatiuis.

A Equiuoca dicuntur, quorum nomen solum com-
mune est, secundum nomen uerò ratio substantiæ
diuersa, ut animal homo, & quod pictum est, hominis
tamen speciem interim referens. Horum sanè utrique
nomen commune est solum, nempe animalis: at uerò
substantiæ ratio secundum ipsum nomen alia atque al-
ia. Uniuoca uerò dicuntur, quorum nomen commune
est, & secundum nomen ratio substantiæ eadem, ut ani-
mal homo, & quod est equus. Horum nanque unum-
quodque (homo inquam & equus) animal est, & ani-
malis quoque rationem, hoc est, definitionem suscipit,
quæ

quæ quidem est substantia animata sensibilis. Denominatiua porrò dicuntur, quæcunque ab aliquo, nempe ab ipso principali, solo casu differentia, secundum nomen habent appellationem, ut à fortitudine fortis, à grammatica grammaticus. Hic iam illud addendum, quòd nomen in his definitionibus non solum pro ea orationis parte, quæ à Grammaticis prima consideratur, sed et pro cæteris orationis partibus perinde accipitur. Nomen itaque hoc loco accipiendum, ut sit omnis rerum per uocem significatio, id est, omne uocabulum.

De complexis & incomplexis

Diuisio prima.

Eorum quæ dicuntur, alia quidem dicuntur cum complexione, alia uerò sine complexione. Sine complexione dicuntur quæcunque secundum simplicem uocis sonum proferuntur, ut homo, equus, uincit, currit. Cum complexione uerò, quæcunque uel coniunctione aliqua copulantur, ut Socrates uel Plato: uel secundum aliquod accidens coniunguntur, ut uerbi gratia, quia in Socrate ambulatio uenit, hinc dicimus, Socrates ambulat, aut si qualitate fortè aliqua affectus fuerit, utpote sapientia, dicimus, Socrates sapiens est.

De ijs quæ uel prædicantur de aliquo, uel in subiecto aliquo sunt, diuisio scd'a.

Rursus autem præter hanc et alia ex ipso Aristotele subiiciatur diuisio, quæ talis est. Eorum quæ sunt, alia quidem de subiecto dicuntur aliquo, in subiecto uerò nō sunt, ut homo: alia uerò in subiecto quidem sunt aliquo, de subiecto uerò nullo dicuntur, ut hoc albu:
alia

alia & de subiecto dicuntur aliquo, & in subiecto sunt, ut color: nam hic de subiecto quopiam, ut albo predicatur, et in corpore insuper reperitur. Omnis enim color in corpore est: alia neq; in subiecto sunt, neq; de subiecto dicuntur aliquo, ut Socrates, & quodcunq; substantia nomen singulare & in diuiduum.

De nouem modis, quibus quippiam inesse alicui dicitur.

Consentaneum fortassis fuerit hoc loco adijcere nouem modos, quibus esse in aliquo quippiam dicitur: quos ex Boethio obseruauimus, in his, quae in Aristotelis Prædicamenta scripsit, commentarijs. Quos haud dubie uir ille ex quarto Aristotelis de physico auditu libro, ubi de loco tractat, & ex primo deinde Alexandri Aphrodisæi de anima libro multò antè collegisse existimandus est. Itaq; dicitur esse aliquid aut in loco, ut quum dicimus quempiam in foro esse aut in theatro: aut ut in uase, ut triticum in modio, & in dolio uinũ: aut ut pars in toto, ut pupilla in oculo, & in manu digitus, & hæc omnia in toto corpore: aut ut totum in partibus, ueluti corpus in omnibus suis mēbris, aut ut in genere species, ut homo in animali: aut genus in speciebus suis, ut animal in homine, leone, equo, & boue: aut ut in fine, ut in beatitudine, quæ certè finis est bene actæ uitæ: aut ut in potēte, ut in imperatore totius regni siue imperij moderatio: aut ut in materia forma, ut in ære, siue in marmore Iouis statua: quo quidē modo & accidens hic nūc in aliquo esse dicitur, ut in subiecto. Præter hos aut nouē modos à Ioanne Damasceno duo adduntur, ut in tēpore, ueluti

ueluti cū dicimus, Noë tempore diluuium fuisse. Et ut in efficiente causa, ut in Deo omnia, & in artifice rationes eorum, quæ ab ipso emanant.

De ijs quæ ordine quodam de subiecto aliquo prædicantur,

REGULA PRIMA.

Quando alterum de altero, ut de subiecto quopiam prædicatur, quæcūq; dicuntur de eo quod prædicatur, omnia & de subiecto ipso prædicantur, ut quia homo de Socrate prædicatur, de homine uerò & animal & substantia, & animal igitur & substantia de Socrate quoque ipso prædicantur. Quare si Socrates homo est, idem nimirū Socrates & animal est & substantia. Sciendum tamen quòd intellectus regale accipi debet de ijs prædicatis, quæ nomina sunt, rei substantiam explicantis, nō etiam de ijs, quæ nomina sunt aliorum nominum designatiua, siue secundæ impositionis nomina, & per hoc nominum nomina à diuo Seuerino Boëthio, à recentioribus uerò nomina, siue termini secundæ intentionis appellantur: cuiusmodi sunt, genus, species, subiectum, prædicatū, & his similia. Quia propter de homine licet species prædicetur, & homo de Socrate, non perinde tamen & de Socrate ipso species prædicabitur unquam.

De nominibus siue uocibus, quæ uulgo primæ & secundæ tū intentionis, tū impositionis, siue noīa siue uoces appellant.

Hanc igitur ob causam haud ab re fuerit paulò altius hoc loco repetere atq; adnotare duplicia esse nomina

nomina siue uoces, quibus in tradendis disciplinis atq; artibus passim utuntur autores, uidelicet alia ex his dici prime, alia secundæ impositionis, siue (ut uulgus dialecticorum ea appellat) primæ & secundæ intentionis nomina, neque id quidem omnino temere. Nam quæ primæ siue intentionis siue impositionis nomina dicuntur, ea sic appellata esse certum est: quòd qui uocabula instituire in animo habuerunt, primum quidem ij intenderunt, ut ipsis rebus nomina inderent siue imposerent, quæ rerum uocabula, & essent & dicerentur: qualia sunt ea uocabula cum primis, quibus uulgus hominum passim utitur in exprimendis suis inuicem conceptibus, & quibus utimur in disciplinis, tum naturalibus, tum moralibus, addo & in mathematicis & in diuina philosophia, & alijs plerisque. deinde uerò cum uiderent ijdem necessarias fore artes aliquas, per quas disceremus & sciremus rectè ac propriè uti illis nominibus iam positis, ut quæ docerent nos illorum significationes, proprietates, & elegantias, & in summa illorum aptas ubi que compositiones, siue ut quid animo tuo conceperis, alij indicare possis: siue ut quid uerum quid uel falsum sit, statim dijudicare possit, quicumque loquentem alium audierit: siue ut auditorem inducere queas ad assentiendum tibi, quod persuadere conaris, hinc illi ueluti iam secundo loco intenderunt ac mente conceperunt, ut ipsis nominibus uocabula imposerent inderent que. Cuiusmodi nomina siue uocabula sunt, quibus tum in grammatica, tum in dialectica, tum in rhetorica arte utimur. Vnde & ipsa secundæ siue impositionis siue intentionis nomina tandem dici cœperunt.

perunt. Et hæc quidem mea de his nominibus siue uocibus sententia est: nec uideo aliam huius discriminis inter ipsas uoces rationem magis consonam rei propositæ: quamcunq; uerò alij protulerint reddiderintq; eam mihi ut nec refellere omnino, ita nec probare admodum curæ fuerit: iudicium tamen suum cuiq; relinquo, Nos interim ad institutum reuertamur.

De generibus diuersis, & non subalternatim positis. REGULA II.

Diuersorum generum, & nõ subalternatim positorum diuersæ sunt species, & differentię, ut animalis & scientię. Animalis quippe differentię sunt, gressibile, bipes, uolatile, & aquatile: scientię uerò harum nulla est, quin potius ipsius scientię differentię assignari possunt, quòd hæc quidem naturalis, hæc moralis, illa uerò rationalis existit. At uerò generum subalternorum, siue subalternatim positorum nihil prohibet easdẽ esse differentias, ut auis, & animalis, quæ genera sibi subalterna sunt. Siquidem species animalis auis est, eademq; corui genus. Vtriusq; autem utpote tam animalis quàm auis differentię eadem esse possunt & diuersæ. Eadem quidem, ut si quis has animalis differentias assignet, quòd animalium alia sunt quæ pascantur herbis, alia quæ seminibus, alia quæ carnibus, per quas & aues inter se differre dignoscuntur. Quandoquidem & inter aues aliæ herbis pascuntur, aliæ seminibus, aliæ carnibus. Diuersæ uerò, ut quum animalis differentię assignantur, quòd aliud quidem rationale est, aliud irrationale, quarum sanè nulla auis ab aue differt.

De

De Prædicamentis generatim.

Eorum quæ secundum nullam complexionem dicuntur, unumquodque significat aut substantiam, aut quantitatem, aut qualitatem, aut ad aliquid, aut ubi, aut quando, aut situm esse, aut habere, aut agere, aut pati. Et substantia quidem est (ut exempli gratia dicam) ut homo, equus: quantitas, ut bicubitum, tricubitum: qualitas, ut musicum, grammaticum, album, nigrum: ad aliquid, ut duplum, dimidiam, maius, minus: ubi uero, ut in foro, in theatro: quando autem, ut heri, anno superiori: situm esse, ut iacere, sedere, stare: habere autem, ut calceatum esse, armatum esse: agere, ut secare, urere: pati, ut secari, uri. Sane ex ijs quæ dicta sunt, ipsa quidem secundum se singula in nulla affirmatiōe, uel negatione dicuntur, ut quæ neq; uerum neq; falsum significant. Horum autem ad se inuicem cōplexione affirmatione utiq; fit, aut negatio.

De substantia quid sit, & quo modo diuidatur.

Substantia dicta esse uidetur, quod alijs omnibus substat, proinde à Ioanne Damasceno hoc pacto describitur, Substantia est, quæ per se subsistit, alio neutiquam indigens ut sit. Hæc ipsa ab Aristotele in primam diuiditur & secundam. Et primam quidem eam esse dicit, quæ propriè & principaliter, & maximè substare dicitur, quæ neq; de subiecto dicitur, neq; in subiecto est, ut quidam homo, ut Socrates, ut Plato, & si quid huiusmodi est, nempe singulare & indiuiduum. Secundam uero substantiam, id est, secundæ substantiæ nomine, adpellat species ipsas, in quibus quæ principaliter substantiæ di-

C cuntur

cuntur, insunt, & harum specierũ genera, ut homo, ut animal. Ceterũ primæ substantiæ idcirco dici videntur, quòd sensibus p̃p̃inquoiores sint, primæq; his occurrāt, ut ex quarũ hausta prius sensibus cognitione, generalitas deinde animo concepta colligitur, constituiturq;. Id quod & diuus Sexerinus Boëthius in libro de duabus naturis in Christo, alijs quidem uerbis, sed sensu propè eodem dicere uidetur, Intellectus, inquit, uniuersalium rerum ex particularibus sumptus est. Ex quo & liqui-
dò constat, quòd ex seculis substantijs magis substan-
tia ea dicitur, quæ primis substantijs propinquior est, quippe quæ & pluribus etiã substat. Quo fit ut & species magis substantia sit, quàm genus, ut homo quàm animal. Porro inter species ipsas, quæ quidem huiusmo-
di sunt, ut genera esse non possint, nulla magis substan-
tia est quàm altera, quemadmodum nec in primis sub-
stantijs, altera, altera magis substantia est.

De sex substantiæ proprietatibus.

Omnibus substãtjjs, tam primis quàm secũdis, pro-
prium quodãmodo est, in subiecto non esse. Dico
autem quodãmodo, quando id non his conuenit solis,
sed & earum perinde differentijs: quippe quæ nec ipse
in subiecto sunt aliquo. Omnibus insuper secũdis sub-
stantijs, & earum differentijs cõuenit uniuocè prædica-
ri de primis, ut homo & animal de Socrate, & de eodẽ
item Socrate, rationale. Omnia nanque hæc de Socrate
prædicantur nomine pariter & ratione, id quod uniuo-
cè prædicari suprã definitum est. Substãtiæ præterea ni-
hil

hil est contrarium. Quod tamen omnino uerum esse nō uidetur, cum igni aqua, & aquæ ignis contrarius esse putetur. Sanè hunc scrupulum Boëthius paucis uerbis ita diluit, idq; iuxta Alexandri Aphrodisei mentē, Neutrum, inquit, horum elementorum alteri contrarium est, licet eorum inter se qualitates repugnent diuersæq; sint. Substantie igitur nihil est contrariū. At nec proprium hoc substantie est, quando & quantitate perinde conuenit, & alijs quibusdam. Substantia item neque magis, neque minus suscipit, ut homo non est magis aut minus homo, uel seipso prius uel posterius, uel altero quolibet homine. Quod ergo dictum est, neque magis neq; minus suscipit, id ita intelligitur, quod substantia ipsa neq; intenditur neque remittitur. Sed nec illud substantie proprium, quando neque circulus alio circulo magis aut minus circulus est. Videtur autem omnis substantia hoc aliquid significare, id quod in primis quidem substantijs haud dubiè ita se habet. In secundis uerò non ita planè, nisi ob adpellationis figuram, ut quum quis dicit hominem, aut animal, is iam perinde ac quendam hominem, aut quoddam animal dixisse uideri potest. Atqui id ita non est. Quapropter secunda substantia non hoc aliquid, sed potius quale quid significat. Maximè uerò proprium substantie est, quod tametsi una eademq; numero ipsa existit, secundū sui tamen mutationem, contrariorū susceptibilis est, ut quidā homo, qui licet unus, idemq; numero maneat, ipse tamē nunc calidus, nūc frigidus, nunc prauus, nunc studiosus existit, mutaturq; hoc pacto interim contrarijs inter se qualitatibus, id quod neque orationi, neque opinioni

conuenire potest. Quippe quod neutra earum (quantum quidem in ipsa est) mutatur: & si aliquando uera, aliquando falsa iudicatur: quin potius res ipsa, de qua uel oratio profertur, uel opinio habetur, mutationem sui admittit, patiturq;. Nam ut Aristoteles, inquit, tate nus oratio aut uera aut falsa est, quatenus res sese habet. Idem de opinione sentiendum.

De Quantitate.

Quantitas est secundum quam in partes quippiam diuiditur. Quantitatis autem alia continua est, alia uero discreta. Continua quantitas ab Aristotele ea esse definitur, cuius partes ad eundem terminum communem copulantur, ut lineæ ad punctum, ad lineam superficiem, & ad superficiem demum ipsius corporis. Id quod de linea ostendisse satis fortassis fuerit, quantum praesens hoc institutum exigit. Itaque sit linea aliqua in duas partes per punctum in ea signatum, secta animo tamē magis quam re ipsa. Hæc quia continua est, partes ipsas ad eundem illum punctum, nempe terminum utriq;
 c
 a b communem (sitq; c) coherentes habet & copulatas. Continua ergo quantitas est, ut lineæ, ut superficies, corpus. Additur his & tempus, cuius partes, quoniam successione solum continuantur, ad instans, quod & nunc dicitur, copulari habet. Et locus, sed improprie, quippe quod re magis quam ratione quantitas sit. Porro discreta quantitas est, cuius partes ad nullum terminum communem copulantur, sed à se inuicem seiunctæ sunt atq; discrete, ut numerus & oratio. Numeri quippe, ut exempli causa, denarii partes sunt, quinque; & quinque, aut tria
 & se

et septem, aut quomodolibet aliter idem diuidatur numerus, ipse nimirum, quæcunq; eius numeri partes fuerint, inter se disiunctæ sunt atq; separatæ. Sic et in oratione partes, nempe literæ et syllabæ, et item dictiones, tum breuitate longitudine uel, tum ipsa prolatione separantur, quinetiam scriptura, ut per quam oculi eas facile discernant atque distinguant.

De tribus Quantitatis proprietatibus.

CAeterum quantitati nihil est contrarium, id quod in ijs quidem, quæ finita sunt, nullam habet dubitationem, ut bicubito aut tricubito nihil est contrarium. In ijs uero quæ sunt indefinita, uidetur quidem alterum alteri contrarium esse, ut multum paucum, et magnum paruum, uerum horum nihil quantitas est, quemadmodum Aristoteles dicit, sed ad aliquid potius. Quippe cum nihil sit, quod per se magnū aut paruum, multum aut paucum dicatur, sed id aliorum euenit respectu. Quantitas præterea neque magis neque minus suscipit, ut bicubitū non est alio bicubito magis aut minus bicubitum, neque numerus alio numero magis aut minus numerus est. Maxime autem proprium quantitati est, ut secundum eam æquale quicquam dicatur, aut inæquale. Ita secundum numerum, exercitus unus alteri æqualis aut inæqualis dicitur: et secundum magnitudinem lignum ligno æquale est, ut cum alterum alteri respondet, aut secundum longitudinem, aut secundum latitudinem, aut secundum crassitiem, aut secundum his omnes dimensiones simul. Quod quia suo constat ternario, perfecte quantum dicitur.

De ijs quæ Ad aliquid dicuntur.

AD aliquid uerò talia dicuntur, quæcūq; hoc ipsum quod sunt, aliorū esse dicuntur, uel quomodolibet alter ad aliud, ut duplum hoc ipsum quod est, alterius dicitur, nempe dimidij, itidem & scientia. Etenim ut duplum dimidij duplum est, ita scientia scibilis scientia. Adiectum est autem, uel quomodolibet aliter ad aliud, ut intelligamus relatiuorum quædam esse, quæ casu aliquo, quædā quæ absq; casu referantur. Casu referuntur, quæ aliorum esse dicuntur: absque casu uerò, quæ quomodolibet aliter ad aliud, ut cum dicitur mons magnus ad montē paruū, relatio quidē est magni ad paruū, sed nō quæ per casum facta sit, tametsi in ea casus accusatiuus sumptus est, quod nimirū ideo euenire Boëthius ait, quòd illius relationis uis non in casu, sed in præpositione sola consistit. Per casum itaq; referuntur, cum aut per genitiuum referuntur, ut pater filij pater. Aut per datiuum, ut similis simili similis. Aut per ablatiuum, ut maius minori maius. Sunt etiam quæ mutatis casibus referantur, ut scientia scibilis scientia, & scibile scientia scibile. Sunt item quæ referantur nominibus eisdem, ut amicus amici amicus, & socius socij socius. Sunt quæ diuersis, ut alia ferè omnia. Sciendum autem dictam definitionem Platonis esse, nō Aristotelis, id quod Boëthius plane astruit, & proinde alia ab Aristotele ipso traditur, quæ huiusmodi est, & cuius propria, Ad aliquid sunt, quibus hoc ipsum esse est ad aliud quodammodo se habere. Sanè hac definitione ea relatiua describuntur, quæ in quadam comparatione & relationis habitudine consi-

considerantur solum, ut quaternarius, quod duplus est, non ex se habet, sed hoc ipsum ex medio trahit, ad quod refertur, nempe ex binario. Atque è diuerso binarius, quod medius sit ex eo tantum habet, quod ad quaternarium refertur. Relatiuorum igitur quæ propriè dicuntur, siue eorum quæ sunt ad aliquid, hoc est esse, id est, hæc eorum natura est, ut ad aliud referantur, siue quo ne intelligi quidem possunt. Quo fit, ut prior definitio maior sit quàm posterior, hoc est, cõmunior, ut quæ omnia quæcunque ad aliquid utcunq; dicuntur complectatur.

De quinque eorum, quæ ad aliquid dicuntur, proprietatibus.

INest autem & his quæ ad aliquid dicuntur, contrarietas. Nam uirtus uitio, & scientia ignorantie contraria est. Atqui ut hoc ipsum nec proprium omnibus est, ita nec commune. Videntur item & magis & minus suscipere. Simile nanque alicui quippiam dicitur, & magis & minus. Verum ne hoc quidem omnibus aut proprium aut commune. Omnia porrò quæ sunt ad aliquid, ad conuertentiam dicuntur, ut seruus domini seruus, & dominus serui dominus. Sed neque in his firma semper conuertentia est, nisi conuenienter id ad quod dicitur, assignetur: ut si ala auis ala dicatur, non rectè assignatio facta est, & per hoc nec conuertitur, ut dicatur, auis ala auis, sed si ala alati ala dicatur, iam conuertentia fiet hoc pacto, alatum ala alatum. Proinde rectè Aristoteles nos monuit, necesse esse aliquo-

ties ut nomina fingantur. Videntur autem ea quæ ad aliquid dicuntur, simul esse natura, id quod in pluribus quidem uerum est, ut simul sunt duplum, & dimidium, dominus item & seruus. In aliquibus uerò non ita est, nam scibile quippiam est, cuius tamen scientia fortassis nondum habetur. Vnde & à nonnullis haud ab re relationum talis assignatur distinctio: ut sint quædam quæ actu referantur, quædam quæ potestate solû. Maxime uerò proprium est eorum, quæ ad aliquid dicuntur, quòd ex his uno definitè cognito, cognoscitur eodem modo & reliquum: ut si quis definitè sciat quippiam duplum esse, idem etiam definitè scit id, cuius est duplum, nempe dimidium. Quemadmodum si quis scierit Anchisen Aeneæ esse patrem, is proculdubio iam sciet Aeneam Anchisæ filium esse.

De Qualitate.

Qualitas est, secundum quam quales esse dicimur, ut secundum musicam musici, & secundum albedinem albi. Porro qualitatis species ab Aristotele quatuor assignantur. Ex his una est, quæ habitus & dispositio siue affectio dicitur, sed ab habitu dispositio differt, quòd permanentior quidem habitus sit & diuturnior, dispositio uerò facile mobilis & cito mutabilis. Et habitus quidem sunt, ut scientiæ & uirtutes: dispositiones uerò, ut calor & frigus, quæ tamen exempla magis analogicis quàm reuera hoc loco ponuntur, tum & sanitas & ægritudo. Nanque secundum has dispositur, afficiturq; quodammodo homo, aut aliud quoduis animal, uerum cito in contrarias mutatur qualitates,

tes, ut à sanitate in ægritudinem facilis est transitus, & rursus ab ægritudine in sanitatem. Nonnunquam uerò euenit, ut earum aliqua temporis protractione in alicuius transeat naturam, ut nigritia ex solis ardore longo tempore contracta, & quæ hectica febris Græco uocabulo à medicis dicta est, Latino uerò habitualis dici potest. Vnde fit ut dispositio quasi quædam uia sit ad habitum, & per hoc habitus imperfectus. Habitus uerò constans omnino atque perfecta dispositio, & ueluti ipsius dispositionis terminus. Hinc habitus definitur, qualitas difficulter mobilis ab eo in quo est: dispositio contra, qualitas quæ facile à subiecto dimouetur. Rursus autem & habitus modo quodam dispositiones dici possunt: dispositiones uerò ut habitus dicantur, non est necesse. Alia autem Qualitatis species est, quæ naturalis potentia & impotentia dicitur, secundum quam quidem quispiam non ex eo quod talis est, dicitur, sed quòd talis esse potest, ut docilis puer dicitur, non qui iam doctus sit, sed qui aptus est doceri: & fragile lignum, non quod iam fractum sit, sed quia tale est, ut frangi possit. Sic durum dicitur, quod naturalem resistendi potentiam habet, ut non facile secetur diuidaturque: contra molle, quod ad hoc naturalem habet impotentiam. Ad hunc quoque modum, & saltatores & pugiles dicimus aliquos, non quòd in his artibus, saltandi inquam & concertandi, periculum unquam fecerint, sed quòd ad eas insitam suaptæ natura potentiam habeant, habilitatemque. Tertia uerò species ea esse dicitur, quæ passio & passibilis qualitas nominatur, & differt hæc ab illa, perinde atque habitus à dis-

positione, quòd passibiles quidem qualitates perpetuo perdurant, ut in melle dulcedo, & in glacie frigus: passionibus autem ad tempus exortæ, facile commutantur: quare & qualitates uix dici merentur, ut in facie rubor ex uerecundia subortus, & ex metu pallor. Quarta demum qualitatis species est, quæ dicitur figura, & circa hoc aliquid constans forma, ut triangulum, quadratum, cubicum, & alia huiusmodi, quæ qualia omnino dicuntur, ab ipsa uidelicet figura, hoc est, à linearum superficierum, quæ deductione, si magnitudinis nomina sunt: uel à descriptione situq; numerorum, si multitudinis. Eadem insuper & ab ipsa forma qualia dici solent, utpote à cōcinna partium compositione. Haud secus in his quæ artificio constant, sese habet id quod dictum est, ut in domo, naui, statua, & alijs huiusmodi: quorum unumquodq; duplici qualitate affectū, ex iam dictis nemo non percipit, nempe tum figura, tum forma. Figura quidem, ut uerbi gratia, statua ab ipsorum lineamentorum deductione, qua hunc aut illum exprimit & representat. Forma uerò à conuenienti illorum inter se consensu, quæ debita proportio rei dici solet, & commensuratio, à Græcis *συμμετρία* appellata.

De communitatibus & proprietatibus ipsius qualitatis.

INest autem & Qualitati contrarietas, ut iustitiæ in iniustitia contraria est, & albedo nigredini. Verum non in omnibus hoc ita habet. Nempe rubori & pallori, cæterisq; eiusmodi medijs coloribus nihil est contrarium,

trarium. Alioqui uni plura contraria erunt. Tum & figura nihil contrarium est, ut exempli gratia, triangulo, quadrato, cubico, necnon & ipsi circulo. Suscipiunt autem & magis & minus, non adeo qualitates ipsæ, sed quæ ab his qualia denominatiuè dicuntur, ut album magis & minus album dicitur, uel seipso, uel altero quolibet albo. At uerò ne hoc quidem figuris ipsis conuenit, suscipere inquam magis & minus. Nam quæcunque aut trianguli, aut quadrati, aut circuli definitionem suscipiunt, omnia peræque aut triangula, aut quadrata, aut circuli sunt. Sciendum uerò, quod tam hanc quàm illam communitatem potius quàm proprietatem dixerimus: quando ea secundum utranque dicta sunt, nec solis, nec omnibus conueniant qualitatibus. Maxime autem proprium qualitati est, ut secundum eam similia & dissimilia dicantur. Simile enim aut dissimile alterum alteri dicitur, non secundum aliud quippiam, quàm secundum id quod quale est, siue à qualitate denominatur.

De cæteris sex Prædicamentis breuis annotatio.

DEcursis hætenus prioribus quatuor Prædicamentis ex Aristotelis traditione, quæ certè consideratione aliqua egere uisa sunt etiam ipsi Aristoteli, quemadmodum id ipsum & Boëthius apertè attestatur, restant posteriora sex: de quibus priusquàm ea prosequamur, præfari hoc pacto libuit, Aristotelem uidelicet, cum priora illa quatuor latissimè prosecutus esset, posteaquàm omnia numero decem, in principio sui tractatus ex ordine connumerasset, & per conuenientia

nientia exempla declarasset, hæc sex posteriora ne repetere quidem curasse, præterquam ex his duo tantum agere & pati, sed cursum admodum, atque id profecto haud inconsultè, id quod & Iacobus Faber Stapulensis ingenue contestatur, quòd eorum scilicet uocabula, præsertim ultimorum quatuor, trita prorsus & uulgaria sint, nullumq; proinde ad disciplinas momētum habeāt, imo uerò ciuilibus atque forensibus negotijs, necnon historiæ scriptoribus accommodatiora. Verumenimvero Gilbertus cognomento Poretanus, non contētus hoc Aristotelis siue consilio, siue iudicio, librum sex ultimis scriptum reliquit, alijs mirificè probatum, alijs prope modum cōtemptum, ut quibus labor ille superuacaneus planè iudicatus sit, quum si quid in illis ad disciplinas usus esset, id Aristotelem nequaquam latuisset. Nos igitur, ut tempori aliquid concedamus, uel potius ne ab institutis quorundam prorsus abhorreere uideamur, inter Aristotelem ipsum & hunc Gilbertum mediam tenebimus uiam, & in trās cursu tantummodo de his susceptū prosequemur Tractatum.

De actiōe & passiōe, & earū utriusq; tā cōmunitatibus quàm proprietatibus.

FAcere siue agere dicitur quispiam, cuius actio ab ipso in aliam quamlibet rem ueniens consideratur. Pati uero is, in quo actio illa consideratur, ut in quem uenerat, ut quum secat quispiam, eius sectio in id quod secatur, transit. Et quum quid percutitur, percutientis actio i eo recipitur, atque eatenus ipsa percussio passio dicitur. Secare igitur & percutere, agere est. Secari ue-

rò & percuti, pati. Actio igitur est, secundum quam in id qd' subijcitur, agere dicimur. Passio uerò illatio effectusq; actionis. Recipit autem agere & pati contrarietatem, & magis & minus: quippe calefacere contrarium est ei, qd' est frigefacere: & calefieri ei, quod est frigefieri. Sic & calefacere & frigefacere: & calefieri item & frigefieri dicimus hoc uel illud magis aut minus.

Qua ratione uocabula harum duarum categoriarum discerni possint.

Sanè in his duobus prædicamentis spectare oportet, non ad figuram duntaxat ipsius dictionis, sed ad significata potius. Nam sunt quedam, quæ & significato & figuratione dictionis agendi uim habent, ut curare, docere, legere. Quedam figuratione tantum, nō etiam significato: quippe quæ actiue proferuntur, significato tamē passiua sunt: cuiusmodi uerba seu uoces sunt time re, mœrere, uidere, intelligere. Quedam contra significato quidē actiua sunt, figuratione uerò passiua, ut insidiari, proficisci. Atq; id quidem quod iam diximus, maxima sanè ex parte cōprobat & confirmat Prisc. Gram. lib. s. de uerborum significationibus. Actiua, inquit, species actionem semper significat, & facit ex se passiuū, exceptis duobus, metuo metuor, timeo timeor. Quin & ad sensus pertinentia uerba, si quis altius consideret, in actiuis uocibus passionem, & in passiuis actionem facere inuenimus, ut cum dico, uideo te, audio te, tango te, ostendo me in ipso actu aliquid pati.

De Situ siue Positione &
cuius speciebus.

Situm

Situm esse Aristoteles ait denominatiue dici à positione. Quæ quidem licet ipsa sit alicuius eorum, quæ ad aliquid dicuntur, quæ tamen ab ea denominatiue dicuntur, proprium prædicamenti genus faciunt, ut à statione, quæ relatio est quædam, stare denominatiua dicitur, quod quidem est suum esse. Vnde & situm esse à Ioanne Damasceno id dicitur, quod positionem habet quoquo modo ad alterum, puta ad partes corporis, uel sic uel sic se habentis. Huius deinde tres species esse dicit, stare, sedere, recumbere, id est, iacere. Et stare quidem est, erecto omnino corpore esse. Sedere uerò partim erecto, partim incuruo. Recumbere uerò in totum esse corpore prostrato, quod & tribus cōtingit modis: nempe aut prone, aut supine, aut oblique. Eorum autem quæ situm habent, hæc quidem secundum naturam sita sunt, ut elementa in proprio & suo quodque loco. Hæc autem secundum artem, ut statuae atq; columnæ. Rursus eorum quæ sita sunt, hæc quidem sunt, quæ nunquam loco mouentur, ut terra: hæc uerò quæ nunquam à motu quiescunt, ut cælum.

De ubi, & quando, & habere.

Eodem propè modo, ut Boëthio placet, & ubi, & quando, & habere, sese habent, ut quæ nec ipsa simpliciter intelligantur, quin potius ex alio naturam, id est, rationē trahant, id quod & Martianus Capella attestatur. Quo fit, ut nec ubi, nec quando esse possint, nisi locus & tempus fuerint. Siquidem locum ubi, & tempus quando comitatur. Neq; uerò idem est tempus & quando, nec locus & ubi, sed proposito prius loco,
 si

si qua res in eo loco est posita, ubi esse dicitur. Vnde & ab Aurelio Augustino recte dictum est, Locus est cuius rei, ubi est. Eodem modo si res quæpiam in tempore est, quando esse perhibetur, ut natale CHRISTI, cum sit certo in tempore, nempe VII. Calend. Ianuarij, quando ipsum esse dicimus. Vbi ergo & quando hoc pacto à quibusdam definiuntur, Vbi est, quæ à loci circumscriptione procedit corporis locatio. Quando uerò, quæ ex tempore relinquitur rerum affectio. Habent autem & ubi & quando proprias diuersitates. Nam ubi aliquoties quidem infinite dicitur, ut cum alicubi quæpiam esse dicimus: aliquoties uerò definite, ut in foro, in gymnasio. Sic & quædo nunc definite, nunc indefinite dicitur. Habent rursus & ubi & quando, secundum locorum & temporum differentias diuisionesq; species quasdam & differentias. Et locorum quidem differentie sunt, sursum, deorsum, ante, pone, dextrorsum, laeuorsum: Temporū uerò, præsens, præteritum, & futurum. Habere porro (ut subinde Boëthius ait) est quiddam extrinsecus adueniens, neq; innatū ei à quo habetur, imo aliud quā est illud ipsum, à quo habetur in se, uel potius circa se retinere, ut armatū esse, uel esse uestitum, & habere uestes atq; arma, quæ cum eo qui habet, nata non sunt, neq; aliqua comuni natura proprietate uel coniunguntur.

De Oppositis.

Consequens est autem de ijs dicere, quæ (ut diximus) Post prædicamenta à recentioribus appellantur, & primum quidē de Oppositis, quoties scilicet opponantur

opponantur. Opponi autem alterum alteri quadrupliciter dicitur. Nempe aut ut ad aliquid, aut ut contraria, aut ut habitus & priuatio, aut ut affirmatio & negatio. Atque hæc omnia communi quidem nomine opposita dicuntur, quod ueluti ex aduerso sibi obsistere, & contrà stare uideantur. Ad aliquid igitur opponi dicuntur, quæcunque hoc ipsum quod sunt, oppositorum dicuntur, uel quomodolibet aliter ad hæc, ut dimidiū opponitur duplo, & eiusdem dupli dimidium est, & paruum opponitur magno, & ita, ut ipsum paruum ad magnum, cui opponitur, paruum sit. Contraria uerò dicuntur, quæ ita sibi opponuntur, ut eorum non sint, quibus opponuntur, sed sunt sibi inuicem contraria, ut bonum, quod licet malo opponatur, non tamen mali bonum est, sed malo contrarium. Itidem & album, non nigri album est, sed nigro contrarium. Habitus autem & priuatio dicuntur, quæ & ipsa quidem opponuntur sibi, sed ita, ut circa idem aliquid necessario uersentur, ut uisus & cæcitas circa oculum, auditus & surditas circa aurem. Quartum demum oppositorum genus est, ut affirmatio & negatio, quo quidem genere opponuntur, quæcunque inter se uerum & falsum condiuidunt, ut Socrates ambulat, Socrates non ambulat.

De oppositorum definitionibus & proprietatibus.

Cacterum hæc quoniam pacto definiantur dicendum item breuiter. At uerò quoniam de his, quæ ad aliquid seu relatiua dicuntur, supra dictum est, cū de prædicamentis tractaremus, de reliquis tribus id tantum
nunc

nunc agamus. Itaque contraria definiuntur, quæ in eodem genere posita, plurimum à se distant, quæ eidem susceptibili uicissim insunt, unde & mutuo se expellunt, nisi quæ per naturam subiectis suis insunt. Itaque ex contrarijs si unum fuerit, non necesse est alterum esse. Contraria rursus eidem simul inesse est impossibile. Sed & contraria omnia circa idem aut genere aut specie uersantur, ut ægrotudo & sanitas circa corpus, iustitia & iniustitia circa animam. Omnia insuper contraria, uel in eodem genere sunt, ut album & nigrum: uel in contrarijs generibus, ut iustitia & iniustitia: uel sunt ipsa contraria genera, ut uirtus & uitium, bonum item & malum. Bono quippe malum ex necessitate contrarium est: malo autem aliquando quidem bonum, aliquando uerò & malum. Id quod facile uidere est in uirtutibus & uitijs moralibus. Sed & de contrarijs ipsis ad eundem ferè modum Victorinus loquitur in ijs commentarijs, quæ in rhetorica Ciceronis de inuentione scripsit: Contraria (inquit) tribus modis inueniri possunt: cum aut sub eodem genere species multum inter se distant: aut sub singulis generibus diuersis, species etiam diuersæ sunt: aut duo genera inter se diuersa sunt. Hæc ille. Porro quæ secundum habitum & priuationem opponuntur, ea esse definiuntur, quæ circa idem fieri nata sunt, ordine irregressibili, & tempore per naturam determinato. Et hæc quidem sunt, quæ potentie priuatione talia dicuntur. Nam quæ talia sunt priuatione actus, hæc utique circa idem fieri possunt, ordine regressibili: cuiusmodi sanè sunt motus & quies, lux & tenebræ, somnus & uigilia. Iam uerò & quæ

D

secundum

secundum affirmationem & negationem opponuntur, ea ipsa definiuntur, quorum secundum se nullum datur medium, & quæ in contradictione consistunt. Contradictio porro dicta est, quasi opposita dictio, id est, locutio. Huius nimirum hoc præ cæteris proprium est, quod siue res subsistat, siue non sit omnino, in alterutra tamē contradictionis parte uel ueritas, uel falsitas semper inuenitur, quod certè in alijs oppositionibus minime euenit. Nam si quid omnino non est, illud neque ægrum neque sanum esse potest, tum neque cæcum neque uidens. Nec si non est omnino qui genuit, iam aut filius aut pater erit. Veruntamen siue fuerit quippiam, siue non fuerit, contradictio nihilo minus constabit semper. Et uerum & falsum dicet, quicumque dixerit Socrates est, uel Socrates non est.

De quinque modis Prioris.

PRIUS autem alterum altero quinque dicitur modis. Primo quidem id quod secundum tempus altero prius est, ut quod antiquius altero est, aut uetustius. Hinc Thebanorum bellum prius, id est, antiquius seu uetustius dicitur excidio Troiano, idcirco quod tempore præceßerit: & Pythagoram priorem, id est, seniores Socrate dicimus, & Socratem Aristotele. Secundo autem modo prius illud dicitur, à quo non conuertitur subsistendi consequentia, quo quidem modo, unum duobus prius est. Nam duobus existentibus, unum iam esse consequens est, at non contrà. Non enim si unum est, consequens continuo erit, ut sint duo. Atque hoc modo quod prius est, secundum naturam prius esse dicitur.

Tertio

Tertio uerò modò prius esse dicitur, quod ordine quodam anteuertit, id quod in disciplinis & orationibus rhetoricis, & alijs huiusmodi, ut in reipub. administrationibus facile est uidere. In disciplinis quidem, ut exempli causa in Geometria, elementa figurarum delineationibus priora sunt, & principia ijs, quæ ex illis demonstrantur, hoc est, ipsis conclusionibus. Elementa autem dico, punctum, lineam, superficiem. In rhetoricis uerò orationibus procemium, id est, exordium narratione prius est, & in reipub. administratione cōsiliū actiōne. Quarto deinde modo prius id dicitur, quod melius est & honorabilius & præstantius & dignius altero. Quo sanè modo, sol luna prior est, & anima corpore. Sed ut ipse Aristoteles ait, alienissimus hic modus est à significatione prioris. Siquidem isto modo (quod & Boëthius approbare uidetur) quicumque dignitate & reuerentia cæteris præcellunt, magis proprie uenerabiles & honorabiles dicuntur: ut uero priores dicantur, abusio potius est quàm ulla proprietas. Quinto demum prius dicitur alterum altero in ijs, quæ secundum subsistendi consequentiam conuertuntur, nempe illud quod alterius quomodolibet causa est & principium, ut ueritas imagine, & lux ipso lumine siue splendore, & in orationibus prius quidem est rem ipsam subsistere, quàm ueritas constet propositionis, ut si uerum est, hominem esse, uera iam ea est oratio quæ dicit, homo est. Ac rursus, si oratio uera est qua dicitur, homo est, uerum iam quoque est hominē esse: & tamen hominem esse, hoc est, eius rei subsistentia, causa insuper est, cur propositio de homine uera habeatur. Itaque rei subsi-

stentia, ueritate sermonis prior est.

De tribus modis eorū quæ sunt simul.

Simul autem dicuntur aliqua tribus modis. Primo quidem & simpliciter & propriè simul dicuntur, quorum generatio eodem fit tempore, ut gemini, qui ob id simul esse dicuntur, quòd unius tēporis ortu editi sunt. Secundo uerò modo simul dicuntur, quæcunq; ad se inuicem conuertuntur, sed ita, ut alterum alteri subsistendi neq; causa sit, neq; principiū, ut duplum & dimidiū. Etenim hæc ad se inuicem conuertuntur, quoniam si duplum est, dimidium est: & si dimidium, & duplum: & tamen neutrum alteri causa est, ut nec pater filio causa est ut sit, nec filius patri. Quod uerò dico, huiusmodi est, Aeneas habuit Ascanium filium, non tamen causa fuit ut filius eſet, sed ut eſet Ascanius. Sicut igitur filius dicitur quisspiam, cum primum ei fuerit pater, ita & pater iam dicitur, cū primum ei fuerit filius. Tertio autem modo simul dicuntur, quæ ex eodē genere ex aduerso diuiduntur à se inuicē, ut homo & equus. Homo nanq; & equus, quoniam sub eodem genere ponuntur, nempe animali, simul esse dicuntur. Eodem sanè modo & de cæteris speciebus dicendū, quæ sub eodem genere, uel hoc, uel alio ponuntur. Quo fit, ut omnes species eiusdē generis æquæ ue sibi met sint, & generi illi æqualiter supponantur. Porro autem & differentie, quæ genus aliud quod condiuidunt, simul esse dicuntur, ut rationale & irrationale. Sanè sciendum quòd quæcunq; secundo & tertio modo simul sunt, hæc natūra simul dicuntur, primo uerò modo simul dicuntur tempore.

De sex

De sex speciebus motus.

Motus uerò species sex sunt, generatio, corruptio, augmentatio, diminutio, alteratio, secundum locū mutatio. Et generatio quidē motus est ad substantiā, cui opponitur corruptio, motus proinde à substantia. Augmentatio uerò motus ad quantitatem, cui diminutio opponitur, motus uidelicet quo acquisita iam antea, et paulatim aucta, quantitas fit minor: deperditurq; . Alteratio est, qua aut qualitas acquiritur, aut deperditur acquisita, Secundum locū uerò mutatio dicitur, quæ fit aut ad locum, aut circa locum: ad locum quidē, ut quæ secundum rectum fieri dicitur: circa locum uerò, quæ in gyrum siue in orbem. Omnium autem horum motuum ex aduerso quietem intelligimus, cum tamen in his speciebus motuum ipsi motus sibi inuicem contrarij sint, præter eum motum, qui circa locum fieri dictus est, ut est motus corporum cœlestium, cui nullus motus cōtrarius est. Ceterum animaduertendum hoc loco est, haudquaquam absonū esse quod dictū est, motum esse motui contrarium, et item quietem: quasi uerò duo iam uni contraria esse dixerimus, non unum uni, ut in Physicis Aristoteles docet. Quandoquidem id quod dictum est secundum aliud, et item aliud fieri intelligitur, quemadmodū id Ioannes Damascenus in sua dialectica subtilissime annotauit. Nam eidem motui motus quidem opponitur, ut habitus et forma siue actus, quies uerò, ut finis et priuatio.

De octo habendi modis.

HAbere quoq; multis modis dicitur. Nam habere quis dicitur, aut, ut qualitatem aliquam: ut scientiam uel uirtutem: aut ut quantitatem, magnitudinem uel, & hanc quidem uel bicubitam, uel tricubitam, aut alias quantumcunq;: aut ut ea quae circa corpus sunt, ut uestimentum, cuiusmodi est subucula uel penula: aut ut in parte aliqua corporis, ut in digito anulum, uel torquem in collo: aut ut partem aliquam sui, nempe manum uel pedem, uel caput: aut ut in uase, quemadmodum modius dicitur habere triticum: & lagæna uinum, & amphora aquam, ut sit habere pro continere: aut ut possessionem, quodammodo dicitur aliquis domum habere uel praedium: aut ut uxorem, quemadmodum uir uxorem habere dicitur. Sed ut Aristoteles quoq; ait, idq; per iocum (ut uidetur) alienissimus hic habendi modus est: siquidem nihil aliud est uirum habere uxorem, quam eidem cohabitare. Ideo autem hunc habendi modum improprie dictum putant multi docti, ac per hoc penè respuunt, quod aiunt non haberi posse, quod habentem habeat, sed multo rectius dici, uiro mulierem esse, & pari uice mulierem uirum.

INTRACTATVM

TERTIVM PRAEFATIO

breuiuscula.



PEDIT A utcumq; à nobis in prioribus duobus libris, siue tractatibus, ea parte dialecticæ, quam Elementariam uocant, utpote quæ Prædicabilia tantum, & Prædicamenta, simplices quidem uoces, complectatur: sequitur hinc tractatus tertius de Propositione, quæ & ipsa huius artis pars quædam est: quippe quæ prima ex simplicibus illis & incomplexis uocibus, perfecta constituitur oratio. Atqui huius quoniam nomen & uerbum partes sunt, & hæc ipsa per uocem definiuntur, à Voce haud ab re huius tractatus exordium sumere licebit.

Quid sit Vox, tum etiam quid Sonus.

Vox igitur est, ut à nonnullis definitur Philosophis, ex ictu aëris elicitæ qualitas, auribus accedens. À recentioribus autem, & ijs quidē, qui superiori bus aliquot annis circa hanc artem uersati sunt, magis cōuenienter accommodatēq; ad hunc locū hoc pacto definitur, Vox est sonus, qui ab ore animalis proficiscitur, certis quibusdam naturæ instrumentis formatus. Sonus item ab eisdē quoq; definitur, quicquid proprie & per se auditu percipitur. Itaq; uox sonus est, non quilibet, sed qui (ut dictum est) ab ore animalis proficiscitur, formaturq; interim certis quibusdam naturæ instrumentis,

quæ quidem sunt guttur, lingua, palatū, primores quatuor dentes, & labia duo, quibus à quibusdam additur & pulmo. Nam per guttur uocalis arteria intelligitur, quæ & spiritalis fistula appellatur. Ex quo ià liquidò patet, quòd neq; manuum ad se inuicem cōplosus, neq; pedum strepitus, aut fragor arborum, & in nubibus tonitrus, uoces ullo modo dici debent. Quin & ob eandē fortassis causam, neque tuſis, neq; excreatio, & si quid huiusmodi est, uoces propriè dici possunt, licet de animantis ore prodeant.

De uocis diuisione.

Vocum autem alia quidem significatiua est, alia uerò non significatiua. Porro significatiua uox ea dicitur, quæ per auditum aliquid intellectui representat. Nō significatiua autem, quæ nihil omnino significat, ut quæ neq; naturaliter, neq; secundum placitum apud intellectum quicquam constituit, ut literæ prope modum & syllabæ. Itaq; bifariam uox significare dicitur, tum naturaliter, tum secundum placitum. Naturaliter quidē uox significare dicitur, quæ naturalem duntaxat affectū animi monstrat, ut est dolor, aut gaudiū, cuiusmodi sanè uoces sunt gemitus ægrotantium, & lugentium eiulatus, insolentum item cachinnus & risus indecens, tum bonorū cuiusq; animalium uox propria. Secundum placitum autem quæcūq; ex impositione rem aliquam designat, ut sua uniuscuiusq; gentis lingua siue loquela, qua quis utitur, quoties alteri indicare uolet, quicquid animo conceperit. Hæc rurſus diuiditur. Alia nanq; tempus secum ad significationem trahit, ut ambulo:

ambulo: alia prater tempus significat, ut homo. Caterū hæc nomen, illa uerò uerbum apud Dialecticos appellatur, ex quorum utriusq; debita complexione uox constituitur, quæ oratio dicitur, uox proinde complexa: ut tā nomen, quā uerbum, uox incomplexa. At de nomine quidem primum hinc dicamus oportet.

De Nomine.

Nomen itaq; uox est significatiua, secundum placitum, sine tempore, cuius nulla pars significatiua est separata, finitum aliquid designans, et casus recti. Sanè in hac definitione uox generis locum obtinet, ut apote pluribus communis. Significatiua deinde adiectum est: nam sunt et uoces, quæ nihil significant. Rursus secundum placitum, quòd sint uoces, quæ naturaliter tantum significant. Sine tempore autem, quoniam uerba quoq; uoces sunt significatiuæ secundum placitum, sed distant à nominibus, quòd nomina quidē sine tempore: uerba autem cum tempore significant. Adiectum præterea est, cuius nulla pars significatiua est separata, propter orationem. Siquidem huius partes utiq; et separatæ significant, ut mox dicetur. Postremò aut adpositæ sunt particule duæ, una quidem, nempe finitum aliquid designans, propter nomina infinita: altera uerò, quæ quidem est, et recti casus, propter nominum obliquos casus, qui quoniam cum *ε* *ς* *τ* uerbo copulati, plenam absolutamq; sententiam explicare nō possunt, non nomina, sed casus nominum iure nuncupantur, ut non rectè dixeris, demonstrato quopiam, Catonis est, Catoni est, aut Catonem est: sed, Cato est.

De Verbo.

Verbum autem est uox significatiua secundum placitum, cum tempore, cuius nulla pars significatiua est separata, finitum aliquid designans, & casus recti. Quæ quidem uerbi definitio, præter particulam, cum tempore, omnia cum nomine habet communia. Siquidem id uerbi proprium est, significare, inquam, cum tempore. Ergo quod & participium cum tempore significat, hoc à uerbo habet, unde deducitur. Neq; uerò mouebit quæpiam, quod ex nominibus quidem ipsis quedam etiam tempus significant, ut annus, mensis, dies: attamen nullum eorum tempus consignificat, quemadmodum Aristoteles ait. Cæterum ut nomina finita sunt ac infinita, ita ex uerbis quoq; alia finita sunt, alia infinita: finita, ut ambulo, disputo: infinita uerò, ut non ambulo, non disputo. Rursus & de casibus uerborum haud secus ac de casibus nominum dicere par est: quippe ut nominum casus dicuntur, qui ab ipso recto flectuntur: ita casus uerborum appellari possunt, qui à temporis præsentis & modi indicatiui significatione diuariant. Verbum igitur secundum Dialecticos id solum esse dicitur, quod temporis præsentis est & modi indicatiui.

Vtrum Nomen, & Verbum apud Dialecticos solæ partes orationis sint.

Exposita eatenus tam nominis, quam uerbi ratione, quatenus id ipsum Dialecticorum usus postulat, occurrit non temere quæstio illa, hoc in loco nunc etiam considerata, quæ à plerisque proponi solet, Vtrum scilicet nomen atq; uerbum solæ apud Dialecticos orationis partes

partes sint, cum tamen ab ipsis Grammaticis octo huius
 modi constituentur partes. Sanè huius questionis modum
 D. Seuerinus Boethius. uir profectò tatus in Latina phi-
 losophia, quantus inter ipsos Latinos in arte oratoria
 M. Cicero, his uerbis ita dissoluit breuissimè, Grāmati-
 ci enim (inquit) figuras tantummodo uocum consideran-
 tes, octo proinde orationis partes connumerāt: Philoso-
 phi autem atq; Dialectici, quoniā eorum omnis intētio
 circa ueritatem, falsitatemq; locutionis uersatur, atque
 ea ex nomine, uerboq; plenissimè cōstat, duas tantū ora-
 tionis partes admittunt, easq; nomen & uerbum esse do-
 cuerunt. Cetera uerò, non partes, sed orationis supple-
 menta, & ueluti colligamenta quedam appellant, quæ
 admodum in quadrigis frena & lora, & in nauibus ta-
 bulæ & trabes. Non aliter autē de his sentit & Priscia-
 nus ille Grammaticus lib. 11. de participio: Quibusdam
 (inquit) Philosophis placuit nomē & uerbum solas esse
 partes orationis: cetera uerò adminicula & iuncturas
 earum: quomodo nauium partes sunt tabulæ & trabes.
 sed nunc ad Orationem transeamus.

De oratione.

O Ratio est uox significatiua secundum placitum, cu-
 ius partes extra aliquid significant & separatæ.
 Ad hunc sanè modum à Dialecticis oratio definitur. Cu-
 ius quidem definitionis intellectum facillè est ex superio-
 ribus colligere. Nam quòd oratio ipsa uox est, quòd si-
 gnificatiua uox, quodq; item significatiua secundum pla-
 citum, id cum nomine atq; uerbo commune habet. Cuius
 enim partes secundum placitum significant, ipsum quoq;
 secun-

secūdum placitum significatiuum est. Differt autem ab utroq; quoniam nominis quidem & uerbi partes separatae nihil significant, ac ne in cōpositis quidem, ut & Aristoteli placet, quamuis id tamen uideri uelint, ob dictionis figuram, sed tali uoci siue dictioni res ipsa repugnat, nempe suapte natura simplex & una: ut animalis nomen, quod Græcis ζῷον & dicitur, Latinis uerò hircocerus dici potest, ab hirci, ceruiq; similitudine. Nam cum cerui speciem habeat, autore Plinio, ab eo tamē barba & armorum uillo distat solum, in quo cum hirco quadam tenus conuenit: unde & nomen ei est ex utroque compositum. At uerò orationis partes multò aliter sese habent, Quippe quæ & extra ipsam significare possunt, ut uerbi causa, huius oratiōis, Plato disputat, tam nomen ipsum, quod quidem Plato est, quàm uerbum disputat, partes nimirum seorsum utiq; & separatim omnino aliquid significant.

De diuisione Orationis.

- D**ividitur autem oratio: alia nanque perfecta est, alia imperfecta, Perfecta quidem oratio ea esse dicitur, quæ ex nomine, uerboq; constructa, perfectam sententiam in animo audiētis relinquit, ut Plato disputat, Quisquis enim eam audit, statim quiescit, ac iam intelligit, quid sit hac ipsa uoce prolatum. Imperfecta uerò, quæ plenam sententiam non facit, tametsi nonnunquam ex uerbo constat, unde orationis perfectio potissimum habetur: quippe quod ut in nominibus materia, ita in uerbis sermonis uis intelligatur, autore Quintil. Imperfecta igitur oratio est, quoties sine uerbo profertur, ali
quoties

quoties autem & cum uerbo ipso. Sine uerbo quidem, ut Aeneis Vergilij. Cum uerbo autem, ut quisquis ambulat. Vtraq; nimirū imperfecta oratio est, perficitur autem uerbo utrobiq; adiecto. Hæc quidē, si addas uerbum, mouetur, ut sit, Quisquis ambulat, mouetur: illa uerò si addatur uerbū, legitur, ut si dicas, Aeneis Vergilij legitur. Atq; hunc in modū omnis imperfecta oratio perfici potest, qualis profectō ea esse debet oratio, quæ ab Aristotele quidē ipso facili huius artis principe, Enunciatio: à Cicerone uerò (quem Plinius lucē doctrinarum appellat) Pronunciatū, & Proloquium nōnunquam: à Boëthio demum inter Latinos præsertim Propositio dicta est, qua etiam appellatione communis Dialecticorum schola nunc passim utitur.

De diuisione Orationis perfectæ.

Orationum perfectarum alia Deprecatiua est, ut Iuppiter omnipotēs precibus si flecteris ullis, Da deinde auxilium pater, atq; hæc omina firma. Alia Imperatiua, ut Vade agē nate, uoca zephyros, & labere pennis. Alia interrogatiua, ut Dic mihi Damoëta, cuiū pecus, an Melibœi? Alia Vocatiua, ut Huc ades o Melibœe. Alia Enūciatiua, ut Principio arboribus uaria est natura creandis. Præter has autē quinque perfectæ orationis species, sunt qui duas alias addant, nempe optatiuā & subiunctiuam. Optatiuam, ut O' mihi præteritos re ferat si Iuppiter annos. Subiunctiuam, ut, Si fœtura gem suppleuerit, aureus esto. Verumenimvero huiusce modi orationū, siue quinque, siue septem species constituas, ea tamen sola, quæ Enūciatiua siue Indicatiua dicitur.

citur, propositio est: quippe quæ uel esse aliquid, uel nō esse designet, & in qua aut ueritas aut falsitas inueniatur. Reliquæ uerò poëtis atq; oratoribus ad affectus uarios mouendos magis accommodatæ uidentur.

De propositione, eiusq; secundum substantiam diuisione, tum quid subiectum, & quid prædicatum.

Propositio est oratio uerum uel falsum significans. Eius uerò prima & quidem secundū substantiam diuisio hæc est, Propositionum alia categorica est, alia hypothetica. At de hypothetica quidē aliàs, interim de categorica (ut cœpimus) prosequamur. Hæc autem est, quæ duobus terminis perficitur, subiecto scilicet & prædicato, hoc est, quæ simplicissimè cōstat ex nomine casus recti, eodemq; finito, & uerbo modi indicatiui, ut Aristoteles docet. Sunt qui præter duos dictos terminos, tertiam his ueluti partem adiiciant, nempe copulam (quam uocant) uerbalem. Et proinde propositionē huiusmodi hoc pacto illi definiunt, Propositio categorica est, quæ habet subiectum, prædicatum, & copulam principales partes sui: ut huius propositionis, Aristoteles docet, subiectus quidem terminus est Aristoteles, prædicatus uerò uerbum docet, & quod alterum cum altero coniungit, copula (ut dictum est) à recentioribus uocatur. Quam iidem deinde per resolutionem uerbi adiectiui, si quod in huiusmodi propositione prædicatur, ut eius uerbi docet, prodi ac patere aiunt, si ita ipsam propositionem protuleris, Aristoteles est docēs. Huius quippe propositionis Aristoteles subiectum est, docens

docens prædicatum, est uerò uerbum, copula: quasi uerò hoc totum est docens, non multo rectius prædicatum diceretur. Subiectum porro id esse dicitur, de quo aliquid prædicatur. Prædicatū uerò, quod dicitur de subiecto. Ceterum quæ categorica dicta est propositio uoce Græcanica, Latina à prædicando prædicatiua seu prædicatoria dici potest, quando eadem utrobiq; significatio est: quippe quod Latinis prædico, hoc Græcis est *πρᾶξις*, quod uerbū et si aliàs accuso significat Græcis hominibus, apud philosophos tamen pro prædico accipitur. Vnde *πρᾶξις* Prædicamenta dicuntur, de quibus tractatu superiori transsegimus.

Vtrum non nisi ex nomine & uerbo perfecta consistat oratio, an ex solo etiā uerbo consistere aliquando possit.

Sed & hoc loco quæstio suboritur nō incommode, Vtrum haud unquam aliter, quàm ex nomine & uerbo plena & perfecta oratio, cuiusmodi propositio est, constare queat, an ex solo etiam uerbo aliquando. Huic sanè quæstioni ita Martianus Capella occurrit, Quoties (inquit) uerbum primæ uel secundæ personæ fuerit, quia per ipsum iam aliquid significatur, quod uel negari uel affirmari possit, simul & in hominē tantum cadat, & hūc quidem certum, utiq; ex solo ad hūc modū uerbo, perfecta oratio & propositio haberi potest, ut disputo, aut disputas. Quippe ut in horum altero, quod quidem primæ personæ est, subauditur protinus pronomen ego, ac per hoc plenum per se est, atque ueritati aut falsitati æquè obnoxium, ita in altero, quod est

est personæ secundæ, facillè intelligitur tu pronomen. Vnde tantundem penè ualet cum dicitur, disputo, uel disputas, quantum si dixeris, ego disputo, uel tu disputas: hoc excepto, quòd quoties istiusmodi pronominum expressio fit, toties uel emphasis notatur, uel discretio aliqua intelligitur. Tertia uerò uerbi persona, quia non hominis tantum est, sed aliarum etiam rerum, & simul ac dicta fuerit, non continuò intelligitur, de quo dicatur, ita ut affirmari aut negari possit, idcirco neque ueritati, neque falsitati obnoxia est: quare nec propositio ex ea sola constare unquam potest, nisi forte de eo dicatur, de quo solo intelligi potest id quod dicitur, ut cum dicimus, Pluit, aut ningit, hoc quod dicitur, pluit aut ningit, utrumque aut uerum esse potest, aut falsum, & per hoc negari aut affirmari, licet nihil addamus, quia notum est qui pluat aut ningat, nempe Deus aut natura. Cum uerò dicimus, disputat, aut legit, aut loquitur, in nullo horum certum aliquid intelligitur. Quapropter nec uerum, nec falsum dici potest, quamuis etiam de homine intelligi possit quod dicitur, disputat, aut legit, aut loquitur: quia tamen non de uno certo aliquo dici potest, idcirco subdendum est nomen alicuius hominis, ut plenum sit quod dicitur. Prima igitur & secunda uerbi persona, quia de homine tantum etiam certò intelliguntur, idcirco solum dictæ possunt aut uerum aut falsum significare. Tertia uerò persona uerbi, ut nec de solo intelligitur homine, ita nec sola dici potest, ac per hoc nec ex sola, nisi admodum rarenter (ut dictum est) propositio constitui potest.

Vtrum

Vtrum quoties ex nomine & uerbo propositio cōstituitur, ipsum nomen nō alterius quā recti casus esse possit.

R Vrsus & alia nunc quæstio emergit, præcedenti haud multū absimilis, quæ huiusmodi est, Vtrum nomen, ex quo cum uerbo propositio conficitur, solum recti casus esse debeat, an alterius quoq; cuiuslibet obliqui casus esse possit. Huic quoq; dubitationi idem Martianus subtiliter obueniens, ad hunc modum respondit breuissimè, Vbi uerò uerba (inquit) illa sunt, quæ impersonalia dicuntur, non iam ex recto casu sententia impletur, sitq; propositio, sed alios casus recipit, ut disputatur cum dicitur, ut est impersonale uerbum, plena omnino sententia est, si ablatiuum adiungas, & per hoc affirmari aut negari potest, ut est, à Cicerone disputatur, à Cicerone non disputatur. Et pœnitet cum dicitur, plena quoque sententia est, si accusatiuum iungas, ut est, Ciceronem pœnitet: atque de alijs quoque impersonalibus uerbis, quæ uel cum eisdem, uel cum alijs construuntur casibus, ad hūc modum dicendum est. Vt igitur quoties personale uerbum est, ex quo cum nomine propositio constituitur, ipsum nomen recti casus esse oportet, ita non minus necesse est, quoties uerbum impersonale fuerit, ut sit nomen casus obliqui, natura uerbi id ita exigente. Sed iam ad institutum reuertamur, & quonammodo propositio secundum qualitatem diuidatur, deinceps dicamus.

E

De di

De diuisione propositionis secundum qualitatem.

Propositionum itaq; categoricarum, aliæ quidem qualitate, aliæ uerò quātitate differentes inueniuntur. Porro secundum qualitatem differunt, quarum altera affirmatiua est, altera negatiua. Affirmatiua quidē propositio est, in qua aliquid de aliquo prædicatione enuntiatur. Vel in qua prædicatum affirmatur de subiecto, ut Plato philosophus est. Negatiua uerò in qua aliquid ab aliquo prædicatione seiungitur. Vel in qua prædicatum negatur de subiecto, ut Plato philosophus nō est. Hic nanq; de Platone negatur philosophus ut prædicatum de subiecto apposito ad uerbum substantiuum (quæ utiq; potior pars prædicati est) negādi aduerbio, cuius quidē hæc uis esse perhibetur, ut quicquid post se inuenit, tollat prorsus, & eius oppositum reponat.

De diuisione propositionis categoricæ secundum quantitatem.

AT uerò secundū quantitatem differentię huiusmodi propositionum hoc modo sumuntur, quod aliæ quidem sunt uniuersales, aliæ particulares, aliæ indefinitæ, aliæ uerò singulares. Sed harum uniuscuiusq; uim propria descriptione hinc iā explicemus oportet. Vniuersalis igitur propositio est, quæ tum affirmando, tum negādo uniuersaliter proponit: uel in qua subiicitur terminus cōmunis signo uniuersali determinatus, ut omnis homo sapiens est, nullus homo sapiens est. Particularis uerò, quæ siue affirmet, siue neget, particulariter tantum proponit, quam & alij ita describunt, Particularis propo

propositio est, in qua subiicitur terminus communis signo particulari determinatus, ut quidam homo sapiens est, quidam homo sapiens non est. Indefinita uero est, quæ absque uniuersalitatibus particularitatis uel nota tam affirmando quam negando profertur, uel cuius subiectus terminus absque ullo signo sumitur, ut homo sapiens est. homo sapiens non est. Singularis porro propositio est, in qua de indiuiduo et singulari quicquam prædicatur, idque tum affirmatiue, tum negatiue, ut Socrates ambulat, Socrates non ambulat. Eandem autem nonnulli hoc pacto describunt. Propositio singularis est, in qua subiicitur terminus singularis, aut certe communis, qui tamen singulariter teneatur accipiaturque, ut Socrates, uel hic homo sapiens est.

De tribus signis quæsititiuis, quibus de unaquaque propositione quærere cõtingat.

Cum igitur tres sint propositionum differentie, ut dictum est, quæ quidem sumuntur aut secundum substantiam, aut secundum qualitatem, aut secundum quantitatem, tria quoque par est quæsititiua signa accommodari, quibus apta eliciatur responsio ab eo, qui de illis interrogatus fuerit. Itaque interrogatus quispiam quæ sit hæc aut illa propositio, apte conuenienterque respondebit, quod sit categorica uel hypothetica. Si uero idem deinde interrogatus fuerit, qualis sit, tum quoque apte respondebit, quod sit affirmatiua uel negatiua. Rursus autem si interrogetur quanta sit, recte nimirum et hæc interrogati responsio quadrabit, si dixerit, aut uniuersalis, aut particularis, aut indefinita, aut singularis. Atque

hæc quidem quanquam fortassis nō tanti habetur, ut negotium faceßere debeāt, cō tamen pertinere uidentur, ut exercitati istis interrogatiunculis nouitij huius artis ueluti tyrones aßueſcant paulatim propoſitionū differentias internoscere, quod utiq; momenti nōnihil habet ad ea, quæ deinceps ſequuntur, planius percipienda.

Quæ propoſitiones ſuis terminis conueniant, & quæ non.

HAtenus de propoſitione quæ categorica dicitur, eiusq; partibus atq; differentijs quibusdam: reſtat ut quibus ipſa ſit prædita affectionibus (quas paſſiones iuniores uocant) oſtendamus, idq; hac præmiſſa diuiſione, Propoſitionum aliæ ſunt, quæ nulla terminorū participatione conueniunt, aliæ ſunt quæ conueniunt quidem, at non ex æquo: Nempe ex his, aliæ utroq; termino participant, ut Plato philoſophus eſt, Plato philoſophus non eſt. Aliæ uerò altero tantum, quod nimirum tribus modis fieri conſtat: quippe cū uel communis ille terminus in una propoſitionum ſubiicitur, & prædicatur in altera, uel prædicatur in utraque, uel in utraque ſubiicitur. Communem autem terminum hic nūc uoco, non eum qui de pluribus prædicari poſſit, ſed qui in ſingulis hoc pacto participantibus propoſitionibus reperiatur: uerumenimvero de his propoſitionibus, quæ altero termino, uel neutro participant, nihil ad præſens, cū de his ſolum hoc loco agatur propoſitionibus, quæ utroq; termino cōueniūt, id quod duobus fit modis, aut enim ordine eodem, aut per ordinis commutationem. Eodem quidem ordine participāt ſuis terminis, quæ de eodem

eodem subiecto idem pronūtiant prædicatum. Per ordinis uerò commutationē, quoties qui in una subiectus est terminus, in altera fit terminus prædicatus, ut omne iustum est bonum, & quoddam bonum est iustum. Ceterum ut ex ordinis quidem commutatione cōuersio propositionum colligitur, de qua non multò post dicetur, ita ex constantia ordinis propositionum sumitur oppositio, de qua primum hic nunc dicamus.

De oppositione propositionum categoricarum, & quid sit.

Propositionum igitur categoricarum utroq; termino eodem ordine participantium, aliæ quidem contrariæ sunt, aliæ subcontrariæ, aliæ contradictoriæ, aliæ uerò subalternæ. Contrariæ sunt duæ propositiones uniuersales, alia quidē affirmatiua, alia uerò negatiua, eiusdem subiecti pariter et prædicati, ut omnis homo iustus est, nullus homo iustus est. Subcontrariæ uerò propositiones duæ particulares, altera quidē affirmatiua, altera uerò negatiua, eiusdē subiecti pariter & prædicati, ut quidam homo iustus est, quidam homo iustus nō est. Contradictoriæ autē propositiones duæ, uniuersalis & particularis, uniuersalis quidē affirmatiua, particularis uerò negatiua: uel uniuersalis quidē negatiua, particularis uerò affirmatiua, eiusdē subiecti pariter & prædicati, ut omnis homo iustus est, quidam homo iustus nō est: uel, nullus homo iustus est, quidā homo iustus est. Subalternæ porrò sunt propositiones duæ, ambæ quidē aut affirmatiuæ, aut negatiuæ: sed ex his altera quidē uniuersalis est, altera uerò particularis, eiusdem subiecti pariter et

prædicati, ut omnis homo iustus est, quidā homo iustus est: uel nullus homo iustus est, quidā homo iustus nō est. Oppositio igitur est, ut ex prædictis patet, duarum propositionum categoricarū repugnantia quædā, uel qualitate tantū, uel quātitate tantū, uel qualitate simul & quantitate. Toties enim sibi inuicem aduersantur dictæ categoricæ propositiones. Quarum quidem oppositio, ut ueluti oculis exposita habeatur, figuram ex quatuor angulis constitutam, subijcere non grauabor.

Omnis homo

iustus est

Contrariæ

Nullus homo

iustus est

Subalterne

dictorie

Contra

Contra

Subalterne

dictorie

Quidā homo iustus est Subcontrariæ Quidā homo iustus nō est

De triplici propositionum materia.

Sed priusquam harum inter se oppositarum propositionum leges (quas uocant) exponamus, commendus interim probus lector est, ipsius uidelicet propositionis triplicem esse materiam, naturalem, contingentem, & remotam. Voco autem materiam propositionum

num hoc loco, earum utrunq; terminum, subiectum, inquam & prædicatum. Quidam uerò definiunt habitudinem, quæ est prædicati ad subiectū. Naturalem igitur materiam esse dicūt, quoties prædicatum est de essentia subiecti, aut certè propriū eius, ut homo est animal, homo est risibilis. Contingentē uerò, quoties prædicatum subiecto aut adesse aut abesse pōt præter subiecti corruptionem, ut Socrates ambulat. Remotā autem, quando prædicatū ipsi subiecto nullo modo cōuenire potest, ut homo est lapis. Itaq; sciendū quòd iuxta primā quidē habitudinem necessariæ propositiones dicuntur, quarū ut affirmationes semper ueræ sunt, ita negationes perpetuò falsæ. Iuxta secundā aut contingentes seu accidentariæ, quarū proinde tam affirmationes quàm negationes incertæ sunt tum ueritatis tum falsitatis, nisi suppositione facta, aut quod prædicatur accidēs sit inseparabile. Iuxta tertiā uerò impossibiles: quarū ut affirmationes quidem falsæ semper, ita negationes semper ueræ.

De legibus oppositarum inter se propositionum.

ERgo ut id, quod hoc loco instituimus commodius fieri possit, operæpretiū fuerit hasce leges per certas quasdam regulas digerere, atque distribuere. Itaq; cum quatuor sint inter se oppositarum propositionum differentiæ, consentaneū erit, quatuor quoq; regulas de ipsis constituere, ut unicuiq; differentiæ sua respondeat regula. Prima igitur regula erit de lege & natura contrariarum, secunda de lege & natura subcontrariarū, tertia de lege & natura contradictoriarum, quarta

uerò atq; ultima de lege & natura subalternarum. Sed & illud obiter occurrit admonendū, non esse harum regularum ullam exactam demonstrationem hic exigendam, ut nec in sequentibus usquam ubicunque regulæ propositæ fuerint: quippe quòd id supra uires prorsus captumq; esset eorū, qui primis adhuc huius discipline rudimentis imbuendi sunt atq; formandi. Satis autem fuerit, si idoneis tantum exemplis utcunq; declarentur. Quod profecto si ubiq; obseruetur, non paruum ex eo (ni fallor) sentient profectum tum auditores, tum etiā lectores, non modo ad eruditionem ipsam, uerumetiam ad sermonis facultatem: tum & releuabuntur interim & hi, qui docent artem, & qui eam docentur.

SEQVVTVR REGVLÆ.

Prima regula de lege & natura contrariarum.

SI duarum contrariarum una uera est, reliquam esse falsam est necesse, at id quidem cōuertitur minime. Nam possunt duæ huiusmodi propositiones simul esse falsæ, ut in materia cōtingenti: proinde si hæc est uera omnis homo iustus est, falsa erit ea quæ proponit, nullus homo iustus est. Sed illud, ut dictum est, non conuertitur. Non enim si falsa est, quæ dicit, omnis homo iustus est, uera iam erit de necessitate ea, quæ dicit, nullus homo iustus est. Fieri nanq; potest, ut utraque sit falsa. Esto igitur disciplinæ gratia, ut aliquis homo sedeat, tunc falsa erit hæc quæ dicit, nullus homo sedet. Esto rursus, ut per idē tempus aliquis homo nō sedeat, tunc hæc quoq; falsa erit, quæ dicit, omnis homo sedet. Hæc itaq;

itaq; concessa hypothesi, falsa erit hæc, omnis homo sedet, falsa itidem ea que dicit, nullus homo sedet. Et sunt hæc quidē per definitionem inter se cōtrariæ. Quapropter cōtrarias ppositiones aliquādo quidē falsas simul esse nihil prohibet, esse autē simul ueras est impossibile.

Secunda regula de lege & natura subcontrariarum.

SI duarum subcontrariarum una falsa est, reliquam ueram esse necesse est. Verum nec id unquam recurrit. Quandoquidem duæ subcontrariæ simul ueræ esse possunt, ut in materia contingenti. Quocirca si hæc falsa est, quidā homo est iustus, uera protinus erit ea, que dicit, quidam homo non est iustus. Atqui id (ut dictum est) non recurrit. Nam non oportet, si uera est que dicit, quidam homo est iustus, falsam continuo eam esse que dicit, quidam homo nō est iustus. Siquidem utraq; uera esse potest. Esto igitur, falsa sit ea que dicit, nullus homo sedet, mox iam uera erit ea que dicit, aliquis homo sedet. Similiter autē ac per idem tempus falsa sit ea, que dicit omnis homo sedet, iam tum uera erit hæc, quidam homo non sedet. Erunt igitur iuxta datam hypothese[m] ambæ simul ueræ, & hæc que dicit, quidam homo sedet, & que dicit, quidam homo non sedet, & sunt inter se subcontrariæ. Quocirca subcontrarias propositiones simul quidē ueras esse possibile est, atqui simul esse falsas, est impossibile.

Tertia regula de lege & natura contradictoriarum.

SI duarum contradictoriarum una est uera, reli-

quam esse falsam est necesse: & contrà, si una falsa est, reliquam protinus ueram esse oportet. Non enim simul aut uera unquam, aut falsæ esse possunt. Quæ quidem regula, quoniam per totam artem logicam principij loco habetur, uix ullis uel exemplis est comprobanda. Si cui tamen hoc etiam in animo federit, ut exempla omnino subiiciantur, poterit hic per se haud difficulter ea ex duabus superioribus mutuari commodissime. Nam hæc ipsa regula cum duabus illis, quæ diuersas alioqui naturas inter se habent, cõuenit quoquo modo, partibus uidelicet hinc inde suis, quæ duæ sunt, quarum quidē una est, quòd contradictoriæ inter se propositiones nunquā simul ueræ esse possunt, quæ certè lege contrariæ etiam tenentur. Altera uerò, quòd duæ contradictoriæ nunquā possunt simul esse falsæ, quam legem profectò subeunt & subcontrariæ. Vnde hæc etiam regula primo utiq; loco collocanda erat, ut quæ niterentur reliquæ, ueluti in ædificio tectum & parietes basi & fundamento. Verumenimvero eum nunc ordinem tenere in his libuit, quem passim in gymnasis literarijs obseruāt, id quod & in alijs quoque haud inuitè facimus, quantum quidem rei ratio ferat permittat ue, nisi quòd, quā maxime possumus, barbariem ubiq; uitare studemus, quod & alios plerosq; facere uideo, sed multò felicius in bonis literis iuuandis. Hæc siquidem ut semel introducta, causa proculdubio fuit abolitionis penè omnium bonorum studiorum, ita explosa demum efficiet, ut omnia illa pristino suo nitori restituantur.

Quarta

Quarta regula.

SI propositionum subalternarū uniuersalis siue affirmatiua, siue negatiua uera est, uera erit & eius particularis, at non contrā. Siquidem non oportet, si uera est particularis, ueram esse & eius uniuersalē, ut si hæc uera est, omnis homo est iustus, & hæc quoq; uera erit, quidam homo est iustus. Rursus, si hæc est uera, nullus homo est lapis, uera etiam erit eā quæ dicit, quidam homo nō est lapis. Sin uerò uniuersalis fuerit falsa, iam necesse non est eius particularem esse falsam: tametsi contrā, si particularis falsa est necesse est uniuersalē quoq; falsam esse: ut si falsa est, quidam homo lapis est, falsa quoq; erit hæc, omnis homo lapis est. Tum etiam si falsa est, quæ dicit, quidam homo non est risibilis, falsa erit & hæc, nullus homo est risibilis.

De propositionum Aequipollentia.

EXigit hinc ratio ordinis, ut post oppositas inter se propositiones à nobis hætenus expositas, de earum aequipollentia protinus institutum prosequamur. Quandoquidem hæc facit, ut oppositæ alioquin propositiones, atq; inter se tum ueritate falsitate uetum aut qualitate aut quantitate dissentientes, rursus his ipsis, ueritate dico & falsitate, aut qualitate etiam & quantitate cōueniant, consentiantq; inuicē. Ac proinde nonnulli eam definiunt, duarum propositionum categoricarum, formalem & necessariam consequentiam, idq; propter negationem, uel præpositam uel postpositam, uel præpositam simul & postpositam. Cuius insuper tres regulas constituunt, ex quarum prima deinde atque

atq; secunda quartā eliciunt: quæ sit ad eas perinde atq; corollarium quoddam.

SEQVUNTUR REGVLÆ.

Prima regula de Aequipollentia propositionum inter se contradictoriarum.

Quoties negatio præponitur signo siue uniuersali siue particulari, ipsa æquipollere facit propositiones inter se alioqui contradictorias, ut cum sint contradictoriæ hæ duæ, omnis homo iustus est, & quidam homo iustus non est, si earum uni præponas negationē, ut exempli causa uniuersali, ac dicas, non omnis homo iustus est, protinus hæ duæ, non omnis homo iustus est, & quidam homo iustus non est, ueritate inter se aut falsitate consentiunt, ac per hoc, ut regula ipsa proponit, inuicē æquipollent. Eodē quoq; modo si particulari præponatur negatio, nempe huic, quidā homo nō est iustus, ac proinde ita dicatur, non quidam homo nō est iustus, eruntq; hoc pacto simul ueræ aut falsæ, omnis homo iustus est, & non quidā homo iustus non est, quæ aliàs ueritatem inter se falsitatemq; diuidebant. Quod quidē et in altera contradictionis parte ita euenire certum est.

Vtrum iuxta primā hāc regulā de æquipollētīs, perpetuo id ita eueniat, qd' illa præscribit, ut negatio pposita signo siue uniuersali siue particulari faciat contradictorias inter se ppositiōes æquipollere.

Sed hic iā questio oritur, fortassis neq; friuola adeo, neq; omnino indigna, quæ hoc loco pponatur, examinanda

minanda tamē discutiendāq; iudicio lectorū, estq; huius
 modi, An hæc propositio (exēpli gratia) Nō omnis qui
 dicit mihi domine domine, intrabit in regnū cœlorum,
 iuxta præsentem regulā suæ tantū contradictoriæ æqui
 polleat, quæ quidē est, Aliquis qui dicit mihi domine do
 mine, nō intrabit in regnū cœlorum? An potius suæ con
 trariæ, nempe huic, Nullus qui dicit mihi domine domi
 ne, intrabit in regnū cœlorum? Siquidem hunc mihi sen
 sum (nisi tamen fallor) ipse dominus in sacro euāgelio,
 ut est apud Matthæū capi. 7. suis illis uerbis innuere &
 præferre uidetur, quibus dicit, non omnis qui dicit mi
 hi, &c. quasi qui ita dicere uideatur, Nullus qui dicit
 mihi domine domine, intrabit in regnum cœlorum, nisi
 idem fecerit uoluntatē patris mei. Neq; uerò id qd' hic
 nunc à me proponitur, & in dubiū reuocatur, prorsus
 exemplo caret. Nam ad eundē plane modum Aurelius
 Augustinus in 6. de ciuitate Dei lib. cap. 4. contra Var
 ronem disputat, ostēdere inibi uolens illū de nulla deo=
 rum natura scripsisse, cum tamen ille dixerit libros à se
 scriptos de natura deorū, & si non omni. Vnde & ita
 tandem idem Augustinus infert atq; concludit, Restat
 ergo (inquiēs) ut de nulla deorū natura libros scripsis
 se intelligatur, neq; hoc ille apertē dicere uoluisse, sed
 intelligentibus reliquisse. Vbi enim dicitur, non omnis,
 usitate quidem intelligitur aliqua non, sed pōt intelligi
 & nulla. Quoniam quæ nulla est, nec omnis est, nec ali
 qua est. Hæc ille lib. & capite paulò suprā citatis. Quo
 in loco Ludouicus Viues, uir pfecto ut uariæ lectionis,
 ita exacti iudicij in scholijs suis in eundē locū hoc de suo
 addit, Non omne (inquiens) nihil affirmat, sed siue ali
 quid

quid sit, modo aliquid non sit, siue nihil, non omne uerū efficitur. Sane hæc nobis ideo hoc loco adijcere placuit, ut studiosi artium triuialium intelligant earū leges non esse immutabili necessitate (ut Quintiliani uerbis utar) *æstrictas*. Quod tamen ita esse citius in hac arte, quàm uel in grāmatica uel rhetorica deprehendas, quas etiam artes tres idcirco, quòd sermonum præcipuam curam agant, lacteus ille Lactantius tertio diuinarum institutionum libro, uno nomine Logicam appellari indicat, eamq; tertiam esse philosophiæ partem dicit, cuius hæc uerba sunt. Superest illa pars tertia philosophiæ quam Logicam uocant, id est, rationalem, in qua tota Dialectica, & omnis loquendi ratio continentur.

Secūda regula de Aequipollētia propositionum inter se contrariarum.

Quoties negatio postponitur signo, præsertim uniuersali, ipsa æquipollere facit propositiones inter se alioqui contrarias: ut quoniā contrarie inter se sunt hæc duæ, omnis homo iustus est, & nullus homo iustus est, si uni earum postponas negationem, ut exempli gratia huic, omnis homo iustus est, & idcirco dixeris, omnis homo iustus non est, tum quæ prius ueritate ipsa haudquaquam conuenire poterant, utpote contrariæ, ambæ simul ueræ esse possunt. Haud aliter eueniet, si etiamum alteri negationem postponas: uempe huic, nullus homo est iustus. Aequiualent ergo inter se, omnis homo non est iustus, & nullus homo est iustus. Item omnis homo iustus est, & nullus homo nō est iustus. Quorum proinde si una uera est, & altera: & si falsa una, altera quoque

quoque falsa est.

Tertia regula de Acquipollentia propositionum subalternarum.

Quoties negatio tam præponitur quam postponitur signo siue uniuersali, siue particulari, ipsa æquipollere facit propositiones sibi inuicem subalternas, ut cum sint hæ duæ sibi subalternæ, omnis homo iustus est, & quidam homo iustus est. Itē & hæ duæ, nullus homo iustus est, & quidam homo iustus non est, utapote quantitate solum differentes, si de quolibet pari, & præponendo & postponendo alterutri earum negationem, ita dixeris, Non omnis homo non est iustus, & quidam homo est iustus, uel omnis homo est iustus, & non quidam homo non est iustus. Similiter, non nullus homo non est iustus, & quidam homo non est iustus. Vel, non quidam homo haudquaquam non est iustus, & nullus homo est iustus. Vbiq; sane inuenies binas atq; binas ita constitutas propositiones, quæ inter se prius quantitate differebant, ut subalternæ, secundum eandem rursus quantitatem inter se conuenire, ac per hoc ueritate simul aut falsitate consentire.

Quarta regula.

Quoties in aliqua propositione duo signa uniuersalia negatiua ponuntur, alterum quidem quod ad subiectum, alterum uerò quod ad prædicatum refertur, ex his duobus id quod subiectū respicit, contrario: quod uerò ipsum concernit prædicatum, suo æquipollet contradictorio. Huius quidem regulæ huiusmodi dant exēpla, Nihil nihil est, Ex nihilo nihil fit: quorum
primum

primum iuxta regulæ præscriptæ huic æquipollet propositioni, quodlibet est aliquid. Secundum uerò huic, ex quolibet fit aliquid. Talia sunt & hæc, nullus homo nullum animal est, nusquam nullū corpus est, nunquam nihil mouetur, & his similia. Verum quoniam talia apud idoneos et probatos autores, aut rari usus sunt, aut certè momenti non admodum magni, ea in præsentia missa facere consultum uidetur, & ad propositionum conuersionem potius transire, quippe cuius maior usus in syllogismorum præsertim demonstratione habeatur.

De propositionum conuersione.

His igitur, quæ talia sunt, utpote uulgaria prope modum, posthabitis, de propositionum conuersione, quæ restat adhuc, potius dicamus, ob eā causam quæ dicta est. Hæc aut à Trapezuntio hoc pacto definitur. Conuersio est, quoties propositionis subiectus terminus in prædicatum, & prædicatus in subiectum cōuertitur. Hanc bifariam distingui, uel ex eo patere potest, quòd aut in sese cōuertuntur propositiones, aut in alias. Itaq; cum quatuor sint propositionū genera, iuxta quatuor uidelicet suprascriptæ figuræ angulos, ex his in se quidem cōuertuntur uniuersales negatiuæ, & particulares affirmatiuæ: in alias aut, uniuersales tum affirmatiuæ, tum negatiuæ. At uerò particulares negatiuæ, nec hoc, nec illo cōuertuntur modo, sed per aliā quandam cōuersionis formā, quæ per contrapositionē cōuersio dicitur. Ex quo iam colligere quoq; licet, triplicē esse propositionum cōuersionem. Simplicem, qua in se propositiones conuertuntur. Per accidēs, qua in alias. Per contrapositionem

positionem, qua in se quoq; conuertuntur quidē ipsæ, sed non nisi mutatis earum terminis, ut mox dicetur.

De conuersione simplici.

Dicimus ergo quòd simplex quidem conuersio est, quoties conuertendæ propositionis subiectus terminus in prædicatum eius, in quā conuertitur, & prædicatus in subiectū transponitur, seruata utriusq; propositionis eadem tum qualitate, tum quantitate. Quo quidem conuersionis modo, duæ tantum conuertuntur propositionum formæ, nempe uniuersalis negatiua, & particularis affirmatiua. Vniuersalis quidem negatiua, ut si nullum iustum malum est, nullū malum iustum est. Particularis autem affirmatiua, ut si quoddam iustum bonum est, quoddam bonum iustum est. Neq; uerò nos cōturbet, quòd quædam uniuersales affirmationes, & quædam etiam particulares negationes isto modo cōuerti possunt, ut in quibus id quod proprium cuiusq; est, prædicatur, aut quod nullo modo ei potest inesse de quo prædicatur. Verumenimvero quia non fit illud uniuersaliter, nec ubiq; eādem uim retinet, idcirco à simplici conuersione haud temere excluduntur, reijciunturq;. Siquidem propositionem quamlibet in se, uel in aliam conuerti, est ad eam necessariò consequi aliam, ut per quam fit conuersio.

De conuersione per accidens.

Per accidēs autem conuersio dicitur, quoties propositionis subiectus terminus in prædicatū, & prædicatus in subiectum transponitur, eadem utriusq; propositionis qualitate quidē seruata, sed mutata quanti-

F tate.

tate. Sanè hoc modo duæ itidem propositionũ differen-
tiæ conuertuntur solum, nempe uniuerſalis affirmati-
ua, & uniuerſalis negatiua, utraq; uidelicet in particu-
larem ſuæ qualitatis. Vniuerſalis quidem affirmatiua,
ut ſi omne iuſtum bonũ eſt, quoddam bonũ iuſtum eſt.
Etenim ſi uera eſt quæ dicit, omne iuſtum bonũ eſt, ue-
ra eſt ea quæ dicit, quoddam iuſtum bonũ eſt: ad quam
quia ſequitur per conuerſionẽ ſimplicem, quoddam bo-
num iuſtum eſt, hec ipſa nimirum & ad priorẽ ſeque-
tur, eritq; perinde uera. Itaq; rectè ſequitur, omne iu-
ſtum bonũ eſt, ergo quoddam bonum iuſtum eſt, quod
erat oſtendendũ. Vniuerſalis uerò negatiua, tametſi ſim-
plicit̃ (ut ſuprà dictũ eſt) conuertitur, ipſa tamen nõ
minus & in particularẽ negatiuam conuerti poteſt, ut
ſi nullum iuſtum malum eſt, quoddã malum non eſt iu-
ſtum, quoniam uidelicet nullum malum iuſtum eſt. Atq;
hoc ipſum proſectò eſt, quod per accidēs conuerti dici-
tur, ſecũdo ſcilicet loco, & per aliud: ſicut ſimpliciter
cõuerti, cũ nihil aliunde petitur, aut mutatur quicquã,

De conuerſione per contra- poſitionem.

Conuerſio per contrapõſitionẽ eſt, quoties propo-
ſitionis conuertẽdæ terminus ſubiectus tranſit in
prædicatũ eius, in quam uertitur, atq; interim in huius
ſubiectũ illius trãſit terminus prædicatus, ſeruata qui-
dem utriuſq; propoſitionis eadẽ & qualitate & quan-
titate, ſed mutatis terminis finitis in terminos infinitos.
Ad hunc certè modum duæ ſimiliter propoſitionum for-
mæ conuertuntur ſolum, nempe uniuerſalis affirmatiua

&

et particularis negatiua. Vniuersalis quidem affirmatiua, ut si omne iustum bonum est, omne non bonum, non est iustum. Particularis uerò negatiua, ut si quoddam album non est dulce, quoddam non dulce non est non album. Hinc illa conuersio per contrapositionem dicta est, ut sit perinde atque per terminorum oppositionem.

IN TRACTATVM QUARTVM DE PROPO- sitione Hypothetica et Modali

PRAEFATIO.



OST Categoricā hactenus expositam, alterā dehinc propositionis partem aggrediamur oportet, nempe eā, quae Categorica est regione respondet, constituiturque. Hae autem est, quae Graeco quidem nomine Hypothetica dicta est, Latine uerò conditionalem non ineptè appellaueris, quanquam Graeci nominis crebrior usus est etiā apud Latinos. Tum etiam et de modali agendum in hoc ipso tractatu est, sed quam fieri poterit breuissimè. Verum hae à Categorica non distinguuntur, nisi forte secundum accidens aliquod, quo differt ab ea Categorica, quae simpliciter quicquam inesse significat: tamen quia plus habet fortassis difficultatis, quam utilitatis, ut cuius non sit admodum frequens usus in syllogismorum contextu, quamuis et in hac quoque parte plus satis Aristoteles occupatus fuerit: seorsim de ea.

quod restare adhuc uideretur, statim post Hypotheticā tractare libuit, tum ut illorum cōsuleremus capacitati, qui rudes adhuc huius artis huc accedunt, eius iam primum præceptis initiandi, tum uerò, ut eorum occurrere mus mordacitati, qui nihil nō improbare soleāt, nisi quod ab ipsis proficiscitur insulsum planē ac barbarum. Sed nunc propositum exequamur.

De propositione Hypothetica, quid sit, & unde dicta sit.

DE Hypothetica quidem propositione tametsi nullus ab Aristotele tractatus relictus est, id quod & Boëthius ingenue libereq; fatetur, eam tamen ipse à categorica ita distinguit in libro, quē *τῶν ἐπιεικῶν* inscripsit, ut illam quidem appellet simplicem & unam, hanc autē compositam & coniunctione unam, ut quæ ex pluribus categoricis (hoc est simplicibus) coalescat, Vnde & à quibusdam ita definitur, Hypothetica propositio est, quæ ex pluribus categoricis, coniunctione omnino aliqua, aut aliquo æquivalente compositis constat. Sunt qui & ita definiāt, Propositio hypothetica est, quæ plures habet categoricas, principales sui partes simul iunctas, ut, Si dies est, lux est. Hanc idcirco diximus Latino nomine Conditionalē appellari, quam tamen uerbum uerbo reddentes, Suppositoriam fortassis rectius appellaremus. Nam quod Græcis hypothesis est, hoc Latinis est suppositio. Verum quia hypothesis præter cetera significata apud Græcos nonnunquam uim habet conditionis, & item causæ, ut hoc loco, placuit Latinis hominibus Conditionalem potius dici, quàm Suppositoriam:

riam : propterea quòd huiusmodi propositio sub conditione aliquid proponit, ut si hoc est, illud est : uel si hoc est, illud non est.

De tribus propositionibus Hypo- theticae speciebus.

Huius autem propositionis tres esse species, inter omnes fere conuenit huius artis professores, quas & Seuerinus Boëthius ad hunc modum colligit: Omnis (inquit) hypothetica propositio constituitur uel per connexionē, uel per disiunctionē. Per connexionē rursum, aut per copulationem, aut per conditionem. Per copulationem quidem, ut ea quæ copulatiua coniunctione connectitur, unde & nomē habet, ut & dies est, & lux est. Per conditionem uerò, ut quæ coniunctione quadam partibus interposita ad consequentiam, conditionemq; ducitur, quæ idcirco nomine peculiari Conditionalis appellatur. Per disiunctionem autē, ut in qua disiunctiua coniunctio interueniēs, ambas prædicatiuas (hoc est, categoricas) coniūgit, & per hoc Disiunctiua propositio dicitur, ut. Aut dies est, aut nox est.

De qualitate propositionum Hypotheticarum.

Cacterum quoniam omnis propositio aut uerū, aut falsum significat, & quemadmodum Aristoteles docet, quicquid cōtingit affirmare, contingit & negare : inquirendum & illud nunc est, quonam pacto hypotheticae propositiones, cū affirmationem recipiant, admittant simul & negationem. Illud certè à nonnullis dubitatur. Itaq; dicimus, quòd hypotheticae propositiones,

nes, ut affirmatiuæ sunt, quarū principalis copula non negatur, & si inter partes ipsas nonnunquam negatio ponitur, ut si homo est, animal est: item, si non est animal, non est homo. Ita negatiuæ dicuntur, quarum copula principalis negatur. Principalem autem copulam uoco, quæ partes simul iungit, & certam hypotheticæ propositionis speciem constituit, cuiusmodi sunt coniunctiones copulatiuæ, disiunctiuæ, & rationales, seu conditionales, tum & aliæ quædam orationis partes, illis tamen æquiuales. Igitur cum quis uolet ex hypotheticis affirmatiuis easdem facere negatiuas, is toti propositioni negationem præponet, quæ tamē supra copulam principalem ferri intelligatur, ut non si homo ambulat, homo mouetur: non & dies est, & lux est: non aut dies est, aut nox est. Atq; ita in his propositionibus præter contradictionem, nulla alia inuenitur oppositio, quæ à Cicerone & Boëthio Repugnantia appellatur.

De quatuor Hypotheticarum propositionum differentijs.

Cum ergo affirmatio & negatio in his propositionibus non secundum partes sumatur, uidendum etiannum est, quot modis partes ipsas uariari cōtingat penes affirmationem & negationem. Vnde & tot earum differentiæ constituendæ sunt. Itaq; constant hypotheticæ aut ex duabus affirmatiuis, ut si cælum rotundum est, cælum est uolubile: aut ex duabus negatiuis, ut si cælum rotundum non est, cælum non est uolubile: aut ex affirmatiua & negatiua, ut si cælum quadratū est, cælū uolubile non est: aut ex negatiua & affirmatiua,
ut si

ut si cœlum rotundum non est, cœlum stabile est. Quatuor igitur sunt istarum propositionum differentiæ, secundum partium uariationem penes affirmationem & negationem, & ut in conditionalibus id iam monstratum est, ita & in copulatiuis & disiunctiuis sese habet, quod dictum est.

Breuis de hisce propositionibus admonitio.

Sed prius quàm hinc iam de ueritate & falsitate harum propositionum agamus, illud tantum præmonendum duximus, quòd ex his singulæ duas habent partes, unam, quæ cōiunctionem ipsas coniungentē (quam principalem copulā iuniores uocant) præcedit, alterā, quæ coniunctionem ipsam subsequitur. Atq; ex his rursum interdum prior pars uera est, sequēs falsa, interdum contrā. Nonnunquàm etiam ambæ aut ueræ, aut falsæ. Præter hæc autem & in conditionalibus ipsis hoc amplius præmonendum subit, quòd ex illis duabus partibus, ea quidem quæ prior est, & coniunctioni si proximè præponitur, Antecedens dicitur: quæ uerò priorem deinde partem subsequitur, ac posterior proinde pars est, Consequens appellatur.

De ueritate & falsitate Conditionalis.

ITaq; breuiter nunc repetamus harum propositionū definitiones, simulq; ostendamus quemadmodum sese habeant singulæ secundum ueritatem, falsitatemq;. Cōditionalem igitur propositionem esse dicimus, quæ ex duabus constat categoricis, si coniunctione simul iun-

Etis, ut si Socrates ambulat, Socrates mouetur. Conditionalium autem quoniam alia quidem affirmatiua est, alia negatiua: affirmatiua quidem uera esse cognoscitur, si oppositum consequentis antecedenti repugnat: falsa autem, si non repugnat. Ergo uera quidem est, quæ dicit, si homo est, animal est. Quandoquidem huius oppositum quod est, non est animal, ei planè repugnat quod dicit, homo est: falsa autem hæc, si homo est, album est. Nam non album esse, haudquaquam ei repugnat quod est, hominem esse. At uero si negatiua fuerit, uera ne an falsa sit, ex affirmatiua facile deprehenditur, negatione remota, id quod & in copulatiua & in disiunctiua, cum negatiua sunt, ita quoque euenire certum est. Quocirca uera hæc esse iudicatur, quæ ita proponitur, non si homo est, quadrupes est, quoniam eius affirmatiua falsa est. Sunt tamen qui aliter harum propositionum ueritatem & falsitatem discutiant: sed nos Trapezuntium in hoc sequi maluimus. Verum quia tota huiuscemodi propositionum uis in consequentia, atque conditione consistat, iidem hoc addunt amplius, atque idcirco, ut omnem conditionalem ueram, necessariam esse dicunt: ita falsam impossibilem. Itaque uera simul & necessaria hæc est, quæ dicit, Si dies est, lux est: siquidem diem esse non contingit, nisi lux sit. Nec minus si ita proponas, si uolat quispiam, alas habet: atqui hæc quæ dicit, Si dies est, terra mouetur, ut falsa est, ita & impossibilis: quando non ideo terra mouetur unquā quòd dies sit, aut si dies est: sed est alia tum ratio, tum causa, cur terræ motus fiat, quemadmodum in Physicis id proditur.

De ueritate & falsitate propositionis Copulatiuæ.

Copulatiua propositio est, quæ ex duabus pluribus uel categoricis constat, copulatiua coniunctione, aut æquiualente aliquo simul iunctis, ut Socrates ambulat, & Plato disputat. Copulatiua uera quidem est, cū utraq; pars uera est: falsa autem cū uel alterutra pars falsa est. Caterum in definitione copulatiuæ particula quæ erat, aut æquiualente aliquo, innuit plerasq; haberi copulatiuas propositiones, in quibus tamen non copulatiua coniunctio partes connectit, sed aduerbiū aut temporis, aut loci, aut similitudinis. Vnde & tales propositiones ab his aduerbijs nomina sæpenumero sortiuntur, ut aliæ quidem temporales, aliæ locales, aliæ uerò similitudinis propositiones dicantur: quas tamen sub copulatiua comprehendere licet, quemadmodū sub eadem quidam etiam comprehendere putant propositionem rationalem, ut, Quia sol lucet, dies est: quam proinde ita explicant, Sol lucet, & ideo dies est. Alij autem sub conditionali eam comprehendere malunt, propter uim consequentiæ, quæ eadem est in utraq;.

De ueritate & falsitate Disiunctiuæ propositionis.

Disiunctiua propositio est, quæ ex duabus pluribus uel constat categoricis, cōiunctione disiunctiua simul iunctis, ut Socrates ambulat, uel Plato disputat: quam ueram quidem iuniores esse dicunt, si alterutra tantummodo pars uera fuerit: falsam autē, si pars utraq; fuerit falsa. Et ad hunc quidem modum de Disiunctiua

propositione loquuntur hi maxime, qui hac tempestate dialecticam docent, cum tamen Boëthius, & ante hunc M. Cicero aliam huius propositionis significationē esse tradant, atq; eam esse dicant, quæ ex repugnantibus inter se categoricis constituta sit: cuius proinde posita pars una interimit alteram, & interempta una, alterā ponit, ut, Aut dies est, aut nox est.

De propositione Modali, sed prius quid sit Modus, à quo dicta uidetur huiusmodi propositio.

Sequitur propositio modalis, quæ ut nomine ipso patet, à modo dicta est. Porro modus à quibusdam definitur adiacens rei determinatio. Quæ modi definitio hunc præ se ferre uidetur intellectū. Modus (ut hoc loco accipitur) dictio est adiectitia, quæ rem quampiā determinat. Rem inquam, hoc est, uocē quæ rei alicuius significatiua est. Verbum autē determinat, positum est, ut sit idē quod explanat, aut certē distinguit, quod nimirum faciunt tam aduerbia ipsa, quàm nomina adiectiua. Nam ut Priscianus ait, hoc est aduerbium uerbis, qđ adiectiua nomina appellatiuis nominibus adiuncta, ut cum dico, prudens homo, hominē quidem aliquem designo, non tamen quēlibet, sed eum qui prudentia præditus est. Sic etiam cum dico, prudēter agit, agere quidem aliquem innuo, at cū hoc simul explano atq; distingo, agere uidelicet, nō utcunq; sed prudenter. Itaq; modus hoc loco nihil aliud est, quàm aut adiectiuū nomen, aut aduerbium. Itaque & hic nunc prius quàm ad reliqua pergamus, operæpretiū fortassis fuerit adijcere ex Diame

mede grammatico, quòd Scaurus uetus autor ipsum ad-
uerbiũ non alio pacto (quam nos paulò suprà modum)
definiat. Aduerbiũ est (inquit) modus rei adiectiuus,
ipsam pronuntiatione definiens, hoc est, terminans, ue-
luti rectè, diligenter, optimè.

Qui modi propriè modales efficiant.

C Aeterum cū aduerbiũ ipsum uerbũ determinat,
id facit aliquoties quidẽ ratione rei, hoc est, signi-
ficati ipsius uerbi, quod per eius participiũ explicatur.
Aliquando ratione temporis, quod uerbũ consignificat.
Aliquoties rōne modi uerbi, quo scilicet uaria in nobis
designatur affectio, prout animus noster nunc ad hoc,
nunc ad illud se inclinat, quā Græci proinde multo si-
gnificantius ἐγκλισις, id est, inclinationẽ, nos modũ ap-
pellamus, ut cum optamus quippiam, aut aliquẽhorta-
mur. Aliquoties uerò ratione compositionis uerbi, quæ
quidẽ in ipso uerbo intelligitur, quatenus uerbum sub-
stantiuũ intra se includit, de quo ita Aristoteles in prin-
cipio fere eius operis, quod πρὸς ἑρμηνείας, id est, de
interpretatione inscribitur. Nam si ipsum (inquit) est
uerbum parũ dixeris, nihil quidem est: significat autem
compositionẽ quandam, quam sine compositis, hoc est,
extremis, non est intelligere. Quo fit, ut ex hac multi-
plici aduerbij determinatione, multiplices quoq; modi
colligantur. Attamẽ ex omnibus his nulli tales sunt, qui
modales propositiones efficere constituereq; possint,
præter quatuor, siue aduerbialiter eos, siue nominali-
ter expresseris, qui sunt, possibile, impossibile, contin-
gens, & necessarium. Nam cum dicit quispiam, Plato
grauiter

grauiter disputat, aut homo albus currit, modus quidē in utraq; propositione ponitur, neutra tamen ex ipsis modalis dici debet: quoniā non tota utriusq; propositio nis compositio determinata est, sed pars tantum altera, unius quidem subiectū, alterius uerò prædicatū. Quare quicunq; modi partem propositionis aliquam, non totam eius compositionem determinant, nullo pacto eius modi censeri debēt, ut ab his modales propositiones dicantur. Sed neq; uerum neq; falsum, tales habentur modi, licet ipsarum propositionum compositionem determinant: quoniam in his propositionibus, quæ modis illis determinantur, oppositio & equipollentia haud aliter sumuntur, quā in his quæ simpliciter inesse significāt, uel ideo fortassis, quòd communes omnium propositionum affectiones siue passionēs sint. Omnis quippe propositio aut uera aut falsa esse perhibetur.

Quid sit propositio Modalis, & quomodo secundum quosdam diuidatur.

Modalis igitur propositio est, quæ modo ex his quatuor aliquo determinatur, cuiusmodi sunt, possibile, impossibile, contingens, & necessarium. Sanè hanc ipsam quæ iam definita est, Modalem compositam quidam appellant, quam & ita definiunt, ut sit, cuius dictum aliquo modorum determinatur, dictum quidem intelligentes id, quod ex casu accusatiuo & uerbo infinito constructum est, quale est cum dico, Socratem currere. Cum igitur dictum tale determinatur, huiusmodi propositio Modalis cōposita appellatur, ut cuius alterum extremorum est dictum, alterum modus ex his aliquis,

quis, qui dicti sunt, ut Socratem currere est possibile. Idem huic quasi ex aduerso aliam ponunt modalem, quam Diuisam appellant, & ita definiunt. Modalis diuisa est, cuius copula modo aliquo determinatur, ut sedēte possibile est ambulare, quales etiamnum propositiones simpliciter & propriè modales esse dicunt, illas autem non simpliciter, sed compositas. Verum non ita Aristoteles & Boëthius, quorū uterq; de his propositionibus, hoc est, cōpositis, si tamen ita appellare libet, & graui-ter & subtiliter suum instituit tractatū, de quibus etiā nos hoc ipso tractatu agemus, ut qui Aristotelem potius & Boëthiū, autores haud dubie grauissimos imitari uolumus, quā leuiusculos & clamorosos sophistas.

Quæ sit horum quatuor modorum ad signa tum uniuersalia, tum particularia proportio, siue conuenientia.

Sed ut harum deinceps propositionum inuestigemus qualitatē simul & quantitatem, unde & earum deinde oppositio intelligi possit, scire operæpretium est, hos quatuor modos sæpe dictos, magnam cū signis, tum uniuersalibus, tum particularibus habere conueniē- tiam, affinitatemq; ut exempli gratia, necesse, cū signo uniuersali affirmatiuo: impossibile, cū signo uniuersali negatiuo: porrò possibile & contingēs (qui duo modi hac in parte pro eodem passim accipiuntur) cum signis particularibus affirmatiuis. Vnde ut signa illa aliarum huius generis propositionum, subiecta tantum determinant, ita hi quatuor modi totam istiusmodi propositionum compositionem, quæ (ut iam suprā dictum est)

est) dicti nomine intelligitur.

De qualitate simul & quantitate modalium propositionum.


EX his igitur, et si facile iam quivis uideatur intelli-
gere posse, unde in his propositionibus tum qua-
litas, tum quantitas sumēda sit, tamen haud superuacuum
erit, interim & illud admonere, quod in modalibus,
tum affirmatio, tum negatio secundum modum sumen-
da est, quemadmodum in his, quæ sine modo proferun-
tur, atque inesse simpliciter significant, secundum uer-
bum, hoc est, copulam uerbalem, id quod & his penè
uerbis (ita ut solet omnia) grauiſſime secundum Aristo-
telis rationem Boëthius annotauit, Quemadmodum e-
nim (inquit) in ijs quæ præter modum quicquam esse
uel non esse proponunt: esse quidem & non esse apposi-
tiones quædam (id est prædicationes) sunt: res uerò est
quæ subiicitur: ut in eo quod dicitur, homo est, uel homo
non est, homo quidam quatenus rem significat, subiectū
est, appositiones autem & prædicationes sunt, **EST**, &
NON EST. Ita quoque in his quæ secundū modū aliquē
dicuntur, esse quidem subiectum est, ueluti res quædam:
modus autem, qui de ipso esse prædicatur. Nam cum di-
cimus, hodie pluriā esse est possibile, esse quidē iam sub-
iecimus, possibile autem prædicauimus. Sicut igitur in
illis, quæ præter modū dicuntur, uerbum totam uim præ-
dicationis habet, ita in his quæ cum modo proferuntur,
ipse modus. Et per hoc ut negatio in illis ad uerbum fer-
tur, ita in his ad modum ferenda est. Sed hinc ad earum
tranſeamus oppositionem.

De

De oppositione propositionum modalium.

Opponuntur autem & hæ quidem inter se quatuor modis. Si quidem aut contrariæ inter se sunt, aut subcontrariæ, aut cōtradictoriæ, aut subalternæ. Enimvero ut harum oppositionem planius quisq; discernere queat, conuenientius erit hoc pacto eas disponere, ut modus ipse subiecti, uerbum autem siue dictum (quod uocatur) prædicati locū interim teneat, tametsi perinde est, hoc uel illo ordine disponantur. Contrariæ igitur sunt, ut necesse est hominem spirare, necesse est hominem non spirare. Subcontrariæ, ut possibile est hominem spirare, possibile est hominem nō spirare. Contradictoriæ uerò, ut necesse est hominem spirare, non necesse est hominem spirare. Subalternæ uerò, ut necesse est hominem spirare, non necesse est hominem non spirare. Quæ omnia ut digesta sunt, ita sese habere subscripta figura monstrat luculentissime, licet modis in ipsis propositionibus ubique fere uariatis, idque haud temere: quippe iuxta signorum respondentiam, cum tamen, si libeat, ex eisdem ubique modis eas describere possis, suo uidelicet quanque loco.

Necesse est		Impossibile
hominem	Contrariæ	est hominem
spirare		spirare



Possibile est		Possibile est
hominem	Subcontrariæ	hominē nō
spirare		spirare

De consequentijs siue æquipollentijs propositionum modalium.

Hinc iam ad consequentias, siue (ut iuniores dicūt) æquipollentias harum propositionū transeamus. Ad quas quidem intelligendas, duæ regulæ ab Iacobo Fabro Stapul. traditæ, plurimum nobis adiumenti præstare poterunt, si eas animo perpendamus, simulq; memoriæ commendemus, quas proinde hoc loco adijcere placuit. Ad idem quoq; haud dubiè faciet subiecta figura, quatuor angulis per binas diametros descripta, appositis insuper quatuor ad hunc usum inuētis uocabulis,

lis, unicuiq; angulo singulis, quæ ob id ipsum artis uocabula haud iniuria dici possunt. Quibus tum ita dispositis, scire licet omnes uniuscuiusq; anguli propositiones inter se æquipollere, ac per hoc consequi sese. Cæterum ut nihil quod ad hanc rem attinet, non intelligatur planè, horum quatuor uocabulorum ars etiamnum aperienda est. Sciendum itaque quòd per à uocalem intelligere debemus, negationem in his propositionibus, neque ad dictum, neque ad modum ferendam esse. Et ut per e ad dictum tantum, ita per i solum ferenda est ad modum: per u uerò ad utrunq;. Sed nunc tandem ad ipsas regulas ueniamus. Quarum prima est, Si est aliqua propositio possibilis, eadem est contingens, atque eadem non est impossibilis, & eius contradictoria non est necessaria. Secunda, Si non est aliqua propositio possibilis, eadem non est contingens, eadem autem est impossibilis, & eius contradictoria est necessaria. Postremo autem exempla sumantur ex his propositionibus, quarum dicta æquivalent propositionibus uel singularibus, uel communibus, hoc est, quarum subiecti termini sunt aut singulares, aut communes. Verum quoties ex communibus terminis huiusmodi constituerint propositiones, tunc si tres præcedentes, utpote de possibili, contingenti, & impossibili, fuerint uniuersales, quarta de necessario erit particularis: at cōtrà, si præcedentes tres fuerint particulares, apt certè indefinita, quarta erit uniuersalis, atque id quidem est, quòd ambæ innuunt regulæ, cum in utraq; dicitur, & eius contradictoria est, uel non est necessaria.

G

Sequitur

Sequitur figura ex propositionibus singularibus.

P u r e	Socratē non currere non est possibile.	Socratē currere non est possibile.	I
	Socratē non currere non est cōtingens. Contra	Socratē currere non est contingens.	li
	Socratē non currere est impossibile.	Socratē currere est impossibile.	a
	Socratē currere est neceſſe.	Socratē non currere est neceſſe.	ce

Subalterne

Contra

Contra

dictorie

Subalterne

dictorie

A ma bi mus	Socratē currere est possibile.	Socratē non currere est possibile.	E
	Socratē currere est contingens. Subcō	Socratē non currere est contingens.	den
	Socratē currere nō est impossibile. trariæ	Socratē non currere nō est impossibile.	tu
	Socratē non currere non est neceſſe.	Socratē currere non est neceſſe.	li

Sequi

Sequitur figura ex propositioni-
bus communibus.

Pur pu re a	Oēm hoīem nō curre re nō est possibile.	Oēm hoīem curre re nō est possibile.	I
	Oēm hoīem nō curre re nō est cōtingēs.	Oēm hoīem curre re nō est cōtingēs.	li
	Oēm hoīem nō curre re est impossibile.	Oēm hoīem currere est impossibile.	a
	Quendā hoīem curre re est necesse.	Aliquem hoīem nō currere ē necesse.	ce

Subalterne

Contra

dictorie

Subalterne

Contra

dictorie

A ma bi mus	Omne hoīem currere est possibile.	Oēm hoīem nō cur rere est possibile.	E
	Omne hoīem currere est contingens.	Oēm hominē nō cur rere est contingēs.	des
	Omne hoīem currere non est impossibile.	Oēm hoīem nō curre re nō est ipossibile.	tu
	Aliquē hominē nō cur rere non est necesse.	Quendā hoīem cur rere nō est necesse.	te

G 2 De con

De conuersione modalium.

Sed & de conuersione harum propositionum iuxta
 seruatum prius ordinem dicendum deinceps. In quo
 quidem paulò liberius expatiari liceat propter eos qui
 hac in parte omnes eiusdem ordinis propositiones, ut
 equipollere inter se ubique, ita & conuerti dicunt, id
 ipsum rectè ne an perperà, ipsi uiderint: nos uerò Ari-
 stotelè in primis ipsum, & post hūc Boëthium, & post
 utrunque Iacobum Fabrum. Stapul. sequentes, non per
 omnia id ita se habere uel exemplis idoneis ostendemus.
 Insuper autem & illud nunc etiam mirari subit, quod
 plerique in re plane perspicua, uel acta omnino agunt,
 ut in prouerbio est, uel certè nimia interdū prolixitate
 usqueadeò laborant, ut eandem rem non modo luce sua
 priuēt, sed & obscuriorē relinquunt, quàm inuenerint.
 Contra uerò, in re quæ expositione aliqua indiget, uel
 tempus in ea prorsus male collocant, uel ita rem illam
 oculis (ut uidetur) conuiuentibus prætereūt, ut non tam
 negligere quàm ignorare uideantur. Quid enim refert
 dicere, omnes propositiones in suo ordine equipollere
 inter se, & conuerti perinde, cum tamen eæ proposi-
 tiones, quæ de impossibili sunt, id nequaquam admittāt, ui-
 delicet ut conuertantur? Nam cum uera sit quæ dicit, om-
 nem substantiam esse hominem est impossibile: falsa ta-
 men erit hæc, quendam hominem esse substantiam est im-
 possibile. Quocirca nec Aristoteles ipse de modalium cō-
 uersione tractans, meminit usquam de propositione im-
 possibili. Quod profectò & Iacobus Faber Stapulensis
 animaduertens, tales regulas de huiusmodi propositio-
 num

num conuersione posuit, Si conuersa, inquit, impossibile est, non oportet conuertentem eius esse impossibilem. Item, Si conuersa fuerit possibilis, cōtingens, aut necessaria, & eius conuertens possibilis, cōtingēs, aut necessaria erit. Vnde rectè fit cōuersio in ea quæ de possibili aut contingenti existit, si dicamus omnem hominem esse album, est possibile, siue contingens, ergo quoddam album esse hominem est possibile, siue contingens. Et in ea similiter id accidet, quæ est de necessario, ut omnem hominem esse mortalē est necesse, ergo quoddam mortale esse hominē est necesse. Quod quidem & in alijs quoq; generibus propositionum ita eueniet secundum duplicis conuersionis regulas suprā positas. Atque hoc ipsum est quod & Aristoteles ad hunc modū proponit, ubi de istarum propositionum conuersione agit: Eodem autem modo (inquit) & de necessarijs propositionibus se habet, & in contingentibus, quomodo in his, quæ absolute dicuntur, hoc est, simpliciter inesse significant.

Quot modis contingens dicatur.

Quoniam autem contingens quod dicitur, eandem ubiq; in his propositionibus cum possibili significationem habere constat, haud abs re fuerit, antequam huic tractatui finem imponamus, eius nominis multiplicem significationem breuiter exponere. Itaq; sciendum, quòd contingens tribus dicitur modis. Dicitur nanque contingens, & quod necessarium est, & quod non necessarium, & quod possibile est. Primo igitur modo contingens & necessarium idem sunt. Secundo contingens & non necessarium. Tertio contingens & possibile.

Rursus autem contingens, quod secundo modo dictum est, deducitur deinde incōtingens ut plurimū, siue quod frequentius est, in contingens rarum, & in contingens utrumlibet. Contigēs ut plurimum est, quod in alteram partem plus uergit, ut hominem in senectute canescere. Nam id quidem frequenter accidit: potest tamen etiam non canescere iam senex quispiam factus. Vnde & contingens natum idem appellatur. Contingens rarum est, ut fodientem reperire thesaurum. Id enim si aliquando contingat, rarissimum tamen est. Contigēs uerò utrumlibet, quod & indifferens dicitur, id est, cum dicimus sedere quēpiam, aut uigilare, quod proinde ita definitur, Vtrūlibet est, cuius indiscretus euētus est, hoc est, quod æqualiter euenire, uel non euenire potest. Et de modalibus quidem hactenus.

I N T R A C T A T V M

Q V I N T V M D E S Y L L O

gismo categorico

P R A E F A T I O.



VPEREST ut ad eam tādē perueniamus huius artis partē, in qua tota uis artis sita est, nēpe inueniēdi & iudicandi. Nam si dialectica (ut à M. Cicerone nō tam elegāter breuiterq; quam grauitē & uerē definitur) diligens differendi ratio est, fieri profectō non potest ut ab inuētiōne ipsa sit
sep4

separata. Siquidem disserere (hoc est, disputare) diligenter nemo poterit unquam de re quapiam, nisi inuentis à se prius argumentis, quibus disputatio ipsa fulciatur, procedatq; legitimè. Rursus autem & ob id ipsum à iudicio abesse nequit, quo is qui disserit perpendat examinetq; tum inuentum nuper argumentum, tum ipsius disputationis instrumentum, nempe argumentationem, quod certè nisi rite formatum fuerit, parum aptum idoneumue ad disputandum adhibebitur. Porro pars illa quæ de inuentione tractat, topice Græcè, Latine localis dici potest. Ea uerò pars, quæ in iudicando posita est, & quasdam discernendi regulas subministrat, analytice à Græcis dicitur, à nostris resolutoria. Huius rursus duplex ab Aristotele partitio traditur. Siquidem ea pars, quæ de propositionum iunctura considerat, & formam duntaxat syllogismi molitur, docens interim præmissis, quas uocant, rite dispositis, necessario ex his conclusionem sequi, prior analytice dicitur: quæ uerò de ipsis inuentis iudicium fert, hoc est, ostendit utrum quæ inuenta sunt, conueniant necne rei in disputatione propositæ, posterior analytice nuncupatur, quod nimirum tribus fit modis: quippe hæc ipsa uel de necessarijs iudicat, & Demonstratio appellatur: uel de uerisimilibus & probabilibus, & peculiari nomine Dialectice dicitur: uel de falsis & cauillatorijs, & Sophistica nuncupatur. De quibus omnibus singulatim per ordinem deinceps tractabitur, & primo quidem de syllogismo formæque argumentationis, cuius etiam præter syllogismum aliæ tres traduntur species, Enthymema, Inductio, Exemplum,

quæ tamen ad syllogismum ipsum, ueluti ad quandam mensuram reduci solent. Quoniam autem omnis argumentatio omnisq; syllogismus, propositionibus struitur, atq; hæ terminis perficiuntur, à propositionibus & terminis hunc tractatum inchoandum esse statuimus, idq; etiam non absq; exemplo.

De Propositione, materiali syllogismi principio.

Propositio igitur est oratio affirmatiua uel negatiua alicuius de aliquo, hoc est, oratio in qua aliquid de aliquo aut affirmatur aut negatur. Cuiusmodi sane sunt propositiones in primis categoricæ, quarum quidam hæc uniuersalis est, hæc particularis, illa uerò indefinita. Vniuersalis quidem, quæ aut omni, aut nulli inesse quippiã significat. Particularis uerò, quæ alicui, aut alicui non, aut non omni. Indefinita uerò, quæ inesse quidem uel non inesse significat, sed absq; uniuersalitate particularitatis ue nota.

De Terminis.

Terminos hæc in parte Aristoteles primũ definit, in quos propositio resoluitur ut prædicatum, & de quo ipsum dicitur, quod proinde subiectum propositionis appellatur, ut huius propositionis, omnis homo est animal, termini sunt, homo atq; animal, idcirco quòd in eos principaliter ipsa resoluatur. Et termini quidem dicti sunt, ueluti in agro limites. Nam ut his ager finitus designatur, ita terminis propositio (ut dictum est) perficitur. Cuiusmodi sunt simplices in primis, & significantiæ uoces, inter quas præcipuè habetur nomen & uerbum.

bum. Itaq; in has propositio recte resoluitur, ut ex quibus composita est. Fieri enim non potest, ut ulterius resolutio procedat, utpote in literas, aut in syllabas, quoniam hæ, ut alibi dictum est, significatiue non sunt.

De syllogismorū principijs regulatiuis.

CAeterum, ut ad rectam syllogismorum formationem connexionemq; nosse oportet, quid propositio, quid item termini, quæ ipsius syllogismi materialia principia sunt, ita quoq; scire operæ precium est, quid sit omni, aut nulli inesse, siue in toto esse, & nō esse, quæ regulatiua principia syllogismi à quibusdam appellātur. Definitur igitur ab Aristotele in toto esse, siue de omni prædicari, quoties nihil est sumere subiecti, de quo non dicatur prædicatū, ut cum ita proponitur, omnis homo est animal, ipsius hominis nihil inueniri pōt, de quo nō dicatur animal. Ergo quia de omni homine animal prædicatur, et de Socrate & Platone, imò uerò & de quolibet particulari homine prædicari potest. Ab eodē itē definitur in toto nō esse, siue de nullo prædicari, quoties nihil est sumere subiecti de quo dicatur prædicatū, hoc est, à quo prædicatū non remoueat, ut in hac propositione, nullus homo est lapis, quia de omni homine negatur lapis, & de Socrate, & Platone, & de alijs item omnibus particularibus hominibus negatur. Sane sciendum, quòd in toto esse, & dici de omni, uersa uice se habent. Nam si quid de omni aliquo prædicatur, id de quo illud prædicatur in toto eo est qd' prædicatur, ut de omni homine animal. In toto ergo animali hō est, ueluti pars quædā intra suum totū latens quodāmodo. Hacten-

nus de principijs syllogismi, tam materialibus, quàm regulatiuis, nunc ad Syllogismum ipsum transeamus.

De Syllogismo quid sit.

Syllogismus est oratio, in qua quibusdam positis, aliud quiddā ab his, quæ posita sunt, ex necessitate accidit, eo quòd hæc sunt. Sanè hoc pacto ab Aristotele ipso definitur syllogismus, cuius definitioni Boëthius adijcit particulam, & concessis, ut sit quasi explanatio eius, qd' Aristoteles dicit, positis, id qd' coniunctio, &, innuere uidetur, quæ expositiua interdū cōiunctio habetur. Boëthius igitur uolēs Aristotelis definitionē quodāmodo explanare, syllogismū ita definit, Syllogismus est oratio, in qua quibusdam positis & concessis, aliud quiddā præter ea quæ posita & cōcessa sunt, necessario euenit, propter ea quæ posita & concessa sunt. Porro per hoc qd' ab utroq; dicitur, aliud quiddā, ex necessitate accidit, ab his quæ posita sunt & cōcessa, significatur nobis, plane eos non esse syllogismos, q ab aliquibus fiūt hoc mō, Quicqd est homo, homo est, hō aut est homo, igitur homo est homo. Itē, oē animal est substantia, & omnis hō est animal, ergo oē animal est substantia. Huiusmodi sane syllogismi ridiculi prorsus sunt, ob id qd' in his conclusio non sit aliud à præmissis. Adiectum præterea est & illud nō temere, eo qd' hæc sunt, ppter eos, q plerūq; syllogismos faciūt, in qbus aut minus, aut plus, aut aliud qppia propositū est, q̄ pponi debuerat.

De multiplici syllogismorū differentia.

Syllogismorum autē alius categoricus est, alius hypotheticus. Et categoricus quidem est, cuius utraq;
sum

sumptarum propositionum, pariter conclusio categorica est. Hypotheticus uerò, cuius uel altera tantum, aut conclusio hypothetica est. At de hoc postea pprio quodam tractatu. Rursus categoricorum syllogismorum alius communis est, alius qui expositorius dicitur. Communis quidem est, cuius medium, quod dicitur, est terminus communis. Expositorius uerò, cuius medius terminus est singularis, hoc nomine fortassis dictus, quòd per ipsum quasi expositio designatioq; fiat propositionum ad demonstrationē sumptarū. Ex categoricis item, ex his quidem qui communes dicti sunt alij sunt perfecti, alij imperfecti. Perfectus quidem syllogismus is dicitur, qui nullius alterius indiget, præter ea quæ posita sunt, ut appareat necessarium, hoc est, ut conclusio ex necessitate sequatur. Imperfectus uerò qui aut unius, aut plurimum indiget ad hoc, ut necessariū appareat ex his quæ posita sunt, unius quidem, uerbi causa, aut conuersionis tantum, aut præmissarum transpositionis, aut reductionis ad impossibile. Plurimum uerò, cum ex his tribus perficiendi syllogismi instrumentis duo necessario requiruntur. Id autem quonam fiat pacto, postea, ubi de modis syllogisticis tractabitur, perspicuum euadet.

Ex quibus & quot propositionibus syllogismus constet, & de terminorum secundum positionem differentia, tum de triplici figurarum distinctione.

OMnis porrò syllogismus, ut ex tribus terminis, ita ex tribus quoq; constat propositionibus. Quarum quidem prima, maior propositio, secunda minor,

nor, tertia conclusio appellatur. Maior item & minor, communi nomine præmissæ quoque dicuntur. Cæterum ex tribus terminis neutiquam tres propositiones fieri possunt, imò ne duæ quidem, nisi singuli bis sumantur. Ex his igitur, qui bis sumitur ante conclusionem, ipsam non ingrediens, medium dicitur, ut per quem extrema in conclusione connectuntur. Aliorum autem alter maior extremitas, alter minor extremitas. Et maior quidē extremitas is terminus est, qui in maiori propositione cū medio sumptus, in conclusione de minori extremitate prædicatur. Minor uerò, qui in maiore propositione cum medio sumptus, maiori extremitati in cōclusionē subiicitur. Atq; id quidē ita se habet in his syllogismis siue modis, qui directim cōcludere dignoscuntur, quos & ab Aristotele accepimus numero quatuordecim, quibus quinque indirectim concludentes Boëthius autumat uel à Theophrasto, uel ab Eudemo adiectos, atq; ita in summa esse decem & nouem modos. Vt ergo definitiones illorum terminorum omnibus illis modis ex æquo cōueniāt, dicamus maiorem quidem extremitatē eum esse terminū, qui cum medio in maiori sumitur propositione. Minorem uerò, qui in minore. Cæterū is terminus qui bis sumitur ante cōclusionem, & medium uocatur, siquidem subiicitur in una sumptarū propositionum, & in altera prædicatur, primā facit figuram: si in utraq; prædicatur, secundā; si uerò in utraq; subiicitur, tertiam.

Quid sit Figura, & quot unaquæq;
 Q figura modos sub se contineat.
 Quod uerò tres sint syllogismorum figurae, trium dispositio

dispositio terminorum paulò antè facta planè indicare potest. Vnde & ita figura à nonnullis definitur. Figura est trium terminorum secundum debitam subiectionem prædicationemq; ordinata dispositio. Harum autè unaquæq; plures & hos quidem certos sub se modos habet, ita ut modi ipsi sub figuris sint, perinde atq; species sub suis generibus. Habet igitur prima figura sub se, autore Aristotele, modos quatuor, secūda item quatuor, tertia uerò sex. Sed ut paulò suprà meminimus, quatuor illis primæ figuræ modis, adiecti sunt alij quinque, ut essent illius figuræ nouē modi. In summa igitur modi sunt (ut dictū est) undeuiginti, ex quibus omnibus priores quatuor primæ figuræ modi, perfectos nobis subministrant syllogismos, reliqui omnes imperfectos.

Quid sit modus, & de quibusdam regulis.

Hinc iam ad modos ipsos paulatim ueniendum est, Vnde etiam quid sit modus definiendum prius, tum uerò & certæ quædam regulæ subiiciende, quippe quæ modis omnibus generatim inseruire dignoscantur. Itaque modum hoc pacto definiunt quidam, Modus est ordinatio duarum propositionum in debita qualitate & quantitate. Potest quidem & ita defini, & fortassis rectius. Modus est, tum sumptarum propositionum, tum ipsius conclusionis secūdam qualitatem & quantitatem conueniēs ordinatio. Porro autem quæ sit debita tum qualitas, tum quantitas, ex ipsis tandem regulis, quæ hinc sequuntur, discas licebit. Prima igitur regula est, In omni syllogismo oportet præmissarū aut alteram

alteram, aut utranque affirmatiuam esse. Secunda, In omni syllogismo oportet præmissarum aut alteram, aut utranque uniuersalem esse. Tertia, Si aliqua præmissarum fuerit negatiua, & ipsa conclusio erit negatiua. Quarta, Si aliqua præmissarum fuerit particularis, conclusio quoque particularis erit. Quinta, Medium conclusionem non ingreditur unquam.

De uocabulis quibusdam ad hanc rem inuentis.

INterim autem & hoc ipsum fortassis haud parum expedire uidebitur, si priusquàm modos ipsos aggrediamur, etiamnum aperiamus hoc loco breuiter, quis sit illorum uocabulorum (quibus ad syllogismos promptè fomandos utimur) intellectus, quippe quòd in his, quantum quidem ad hanc rem attinet, ars quasi latere uideatur, unde & artis uocabula appellari solent ut alibi quoq; annotauimus. Scièdum itaque quòd post priores quatuor primæ figuræ modos, qui perfecti euidentesq; sunt, quicumque ex sequentibus ab aliqua harum quatuor cōsonantium b, c, d, f, incipit, is reduci habet, ut euidens scilicet & ipse habeatur, ad eum ex illis quatuor superioribus modum, cum quo principali litera conuenit. Verumenimvero ut hæc ipsa reductio facilius percipiat, adiunctæ sunt aliæ cōsonantes quatuor, c, m, p, s, quibus intelligi plane possit, quomodo reductio illa fieri debeat, utrū uidelicet alicuius propositionis cōuersione, aut sumptarum propositionū transpositione, aut syllogismo ad impossibile ducente, qui cōuersiuus à quibusdā esse creditur, id quod c, litera ab his posita innuit quemad

quemadmodū in præmissarum indicat transpositionē, p, & s, propositionū conuersionē: p, quidem, si per accidens conuertēda est propositio aliqua: s, uerò, si simpliciter. Porro per quatuor uocales his consonantibus passim interpositas, quatuor propositionum genera accipere debemus, uidelicet per a, uniuersalem affirmatiuam, per e, uniuersalem negatiuam, per i, particularem affirmatiuam, per o, particularem negatiuam. Quibus iam expeditis, modos tandem ipsos aggrediamur.

De modis primæ figuræ.

Prima igitur figura nouem habet modos, ut dictū est supra, sed ex his priores quidem quatuor directim, sequentes uerò quinque indirectim cōcludere probantur. Sane directim concludere modus tunc dicitur, cum maior extremitas de minore in conclusione prædicatur. Indirectim uerò contrā, cum minor de maiore. His ita præmissis cognitisq; supereſt ut unumquemq; modorum deinceps suo ordine definiamus. Itaque primus modus est, in quo, datis tribus terminis, conficitur syllogismus ex duabus uniuersalibus affirmatiuis, uniuersalem affirmatiuam directim concludens. Termini quidem sunt, animal, substantia, homo, ut omne animal est substantia, & omnis homo est animal, igitur omnis homo est substantia. Vocabulum autem artis, Barbara. Secundus autem modus est, in quo datis tribus terminis, conficitur syllogismus ex uniuersali, negatiua maiori, & uniuersali affirmatiua minori, uniuersalem negatiuam directim concludens. Termini quidē sunt, animal, homo, lapis, ut nullum animal est lapis, omnis autē homo est

mo est animal, nullus igitur homo est lapis. Vocabulum autem artis, Celarēt. Tertius modus est, in quo datis tribus terminis, conficitur syllogismus ex uniuersali affirmatiua maiore, & particulari affirmatiua minore, particularem affirmatiuam directim concludens. Termini quidem sunt, animal, substantia, homo, ut omne animal est substantia, & quidam homo est animal, igitur quidam homo est substantia. Vocabulum autē artis, Darij. Quartus modus est, in quo datis tribus terminis, conficitur syllogismus ex uniuersali negatiua maiore, & particulari affirmatiua minore, particularem negatiuam directim concludens. Termini quidem sunt, animal, homo, lapis, ut nullum animal est lapis, quidam autem homo est animal, igitur quidam homo non est lapis. Vocabulum autem artis, Ferio.

Sequuntur modi indirectim concludentes.

Q Vintus modus est, in quo, datis tribus terminis, conficitur syllogismus ex duabus uniuersalibus affirmatiuis, particularem affirmatiuā indirectim concludens. Termini quidē sunt animal, substantia, homo, ut omne animal est substantia, & omnis homo est animal, igitur quædam substantia est homo. Vocabulū autem artis, Baralip̄tō. Et reducitur hic modus ad primū huius figuræ modum conclusionē illius per accidēs conuersa. Sextus modus est, in quo datis tribus terminis cōficitur syllogismus ex uniuersali negatiua maiori, & uniuersali affirmatiua minore, uniuersalē negatiuā indirectim concludens. Termini quidem sunt, animal, homo,

mo, lapis, ut nullum animal est lapis, omnis autē homo est animal, nullus igitur lapis est homo. Vocabulū autem artis, Celantes. Et reducitur hic modus ad secundum huius figuræ modum, cōclusionē conuersa simpliciter. Septimus modus est, in quo datis tribus terminis, conficitur syllogismus ex uniuersali affirmatiua maiori, & particulari affirmatiua minori, particularem affirmatiuam indirectim concludens. Termini quidem sunt, animal, substantia, homo, ut omne animal est substantia, & quidam homo est animal, igitur quædam substantia est homo. Vocabulum autem artis, Dabitis. Et reducitur hic modus ad tertium huius figuræ modum, conclusionē conuersa simpliciter. Octauus modus est, in quo datis tribus terminis conficitur syllogismus ex uniuersali affirmatiua maiore, & uniuersali negatiua minore, particularem negatiuam indirectim cōcludens. Termini quidem sunt, animal, substantia, lapis, ut omne animal est substantia, nullus autem lapis est animal, quædam igitur substantia non est lapis. Vocabulum autem artis, Fapesmo. Et reducitur hic modus ad quartum huius figuræ modum, maiore per accidens, & minore simpliciter conuersa, ac insuper præmissis transpositis. Nonus modus est, in quo datis tribus terminis, conficitur syllogismus ex particulari affirmatiua maiore, & uniuersali negatiua minore, particularem negatiuam indirectim concludens. Termini quidem sunt, animal, substantia, lapis, ut quidam lapis est substantia, nullum autem animal est lapis, quædam igitur substantia non est animal. Vocabulum autem artis, Frisefomorum. Et reducitur hic quoque modus ad quartum huius figuræ

H modum.

modū, utraq; præmissa simpliciter conuersa, insuperq; transposita.

De modis secundæ figuræ.

Secunda uerò figura modos habet quatuor, quorum primus est, in quo, datis tribus terminis, conficitur syllogismus ex uniuersali negatiua maiore, & uniuersali affirmatiua minore, uniuersalem negatiuam directim concludens. Termini quidem sunt, lapis, animal, homo, ut nullus lapis est animal, omnis autem homo est animal, nullus igitur homo est lapis. Vocabulum autem artis, Cefare. Et reducitur hic modus ad secundum primæ figuræ modum, maiore simpliciter conuersa. Secundus modus est, in quo, datis tribus terminis, conficitur syllogismus ex uniuersali affirmatiua maiore, & uniuersali negatiua minore, uniuersalem negatiuam directim concludens. Termini quidem sunt, animal, homo, lapis, ut omnis homo est animal, nullus aut lapis est animal, nullus igitur lapis est homo. Vocabulum aut artis, Camestres. Et reducitur hic quoq; modus ad secundum primæ figuræ modum, minore simpliciter conuersa, ac insuper præmissis transpositis. Tertius modus est, in quo, datis tribus terminis, conficitur syllogismus ex uniuersali negatiua maiori, & particulari affirmatiua minori, particularem negatiuam directim concludens. Termini quidem sunt, lapis, animal, homo, ut nullus lapis est animal, quidam aut homo est animal, igitur quidam homo non est lapis. Vocabulum autem artis, Festino. Et reducitur hic modus ad quartum primæ figuræ modum, maiore simpliciter conuersa. Quartus modus est, in quo,
 datis

datiſ tribus terminis , conficitur ſyllogiſmus ex maiore uniuerſali affirmatiua, & minori particulari negatiua particularem negatiuam directim concludens. Termini quidem ſunt homo, animal, lapis, ut omnis homo eſt animal, quidam autem lapis non eſt animal, quidam igitur lapis nō eſt homo. Vocabulum autem artis, Baroco. Et reducitur hic modus ad primum primæ figuræ modū ſyllogiſmo ad impoſſibile ducente.

De modis tertiæ figuræ.

Sequitur tertia figura, quæ modos ſex habet. Primus ex his modus eſt, in quo, datiſ tribus terminis, conficitur ſyllogiſmus ex uniuerſali affirmatiua maiori, & uniuerſali negatiua minori, particularem affirmatiuam directim cōcludēs. Termini quidem ſunt homo, animal, ſubſtantia, ut omnis homo eſt ſubſtantia: & omnis homo eſt animal, igitur quoddam animal eſt ſubſtantia. Vocabulum autem artis, Darapti. Et reducitur hic modus ad tertium primæ figuræ modum, minore per accidens conuerſa. Secundus modus eſt, in quo datiſ tribus terminis, conficitur ſyllogiſmus ex uniuerſali negatiua maiori, & uniuerſali affirmatiua minore, particularem negatiuam directim concludens. Termini quidem ſunt homo, ſubſtantia, lapis, ut nullus homo eſt lapis, omnis autem homo eſt ſubſtantia, igitur quædam ſubſtantia non eſt lapis. Vocabulum autem artis, Felapton. Et reducitur hic modus ad quartum primæ figuræ modum, minori conuerſa per accidens, Tertius uerò modus eſt, in quo datiſ tribus terminis, conficitur ſyllogiſmus ex particu-

lari affirmatiua maiori et uniuersali affirmatiua minori, particularem affirmatiuam directam concludens. Termini quidem sunt, homo, animal, substantia, ut quidam homo est substantia, et omnis homo est animal, igitur quoddam animal est substantia. Vocabulum autem artis Disamis. Et reducitur hic modus ad tertium primæ figuræ modum, maiore pariter et conclusione conuersa simpliciter, ac insuper præmissis transpositis. Quartus modus est, in quo datis tribus terminis, conficitur syllogismus ex uniuersali affirmatiua maiori, et particulari affirmatiua minori, particularem affirmatiuam directam concludens. Termini quidem sunt homo, substantia, animal. ut omnis homo est substantia, et quidam homo est animal, igitur quoddam animal est substantia. Vocabulum autem artis est, Datissi. Et reducitur hic modus ad tertium primæ figuræ modum, minore conuersa simpliciter. Quintus modus est, in quo datis tribus terminis, conficitur syllogismus ex particulari negatiua maiore, et uniuersali affirmatiua minore, particularem negatiuam directam concludens. Termini quidem sunt, homo, animal, lapis, ut quidam homo non est lapis, omnis autem homo est animal, igitur quoddam animal non est lapis. Vocabulum autem artis, Bocardo. Et reducitur hic modus ad primum primæ figuræ modum, syllogismo ad impossibile ducente. Sextus modus est, in quo datis tribus terminis, conficitur syllogismus ex uniuersali negatiua maiore, et particulari affirmatiua minore, particularem negatiuam directam concludens. Termini quidem sunt, homo, animal, lapis, ut nullus homo est lapis: quidam autem homo est animal: igitur quoddam animal

mal non est lapis. Vocabulū autē artis, Ferison. Et redu-
citur hic modus ad quartum primæ figuræ modum, mi-
nore simpliciter conuersa. Et de modis quidē hactenus.

De quibusdā regulis specialibus, tum
quid cōmune omnibus cuiuslibet figu-
ræ modis, & quid cuiq; figuræ propriū.

Igitur post definitos modos, præter iam dictas regu-
las, aliæ restant magis speciales, nihilo minus ipsis
modis inferuientes, ut quæ, ueluti corollaria quædā, ex
tribus expositis figuris eductæ uideri possint. Quarum
quidem prima est, in prioribus quatuor primæ figuræ
modis, & in omnibus tertiæ, si minor fuerit negatiua,
nihil sequitur. Secunda, in prioribus quatuor primæ fi-
guræ modis, & in omnibus secundæ, si maior fuerit par-
ticularis, nihil sequitur. Tertia, in secunda figura opor-
tet alterutram præmissarum esse negatiuam. Quarta, in
tertia figura conclusio semper erit particularis. Sanè
tum has, tum superiores illas regulas Nicephorus Græ-
cus autor, ut alia dicendi figura, ita & grauius & arti-
ficiosius complexus est, Commune est (inquit) omni-
bus syllogisticis modis per tres dispositas figuras, ut cō-
clusio deteriores sequatur propositionem. Est autem
deterior particularis uniuersali, & abdicatiua aiente,
hoc est, negatio, affirmatio. Atqui proprium quidem
primæ figuræ est, per modos saltem directos, maiorem
propositionem uniuersalem esse, & minorem semper af-
firmatiuam. Secundæ uerò figuræ proprium est, maio-
rem propositionem uniuersalem esse, minorem uerò dis-
similis ab illa qualitatis, & colligere cōclusionem sem-

per negatiuam. Tertia porro figura proprium est, maiorem propositionem indifferentem esse, minorem uero affirmatiuam semper, & colligere cōclusionem semper particularem.

De tribus instrumētis, quibus imperfecti syllogismi ad perfectos reducūtur, breuis commemoratio.

Cum sint autem tria (ut suprā diximus) instrumenta, quibus imperfecti syllogismi ad perfectos reduci possunt, nempe conuersio, præmissarum transpositio, & syllogismus ad impossibile ducēs, de his paulò altius repetere hoc loco haud inutile fuerit, ne quicquam prætermittatur, quod ad intellectum eorū quæ dicta sunt. conferre utcunq; possit. Verumenimvero quia de horum primo, ut de conuersione, tractatu tertio satis (ut arbitror) à nobis est dictum, de reliquis duobus hinc restat tractandum.

De transpositione præmissarum,
& quot fiat modis.

Transponuntur præmissæ, quoties ambæ locū mutant, ita ut ex maiore minor, & ex minore uicissim maior fiat propositio, quod aliquādo quidem cōtingit, alterutra, aut etiam utraq; ex ipsis conuersa. Quo sanè modo idoneum reductionis instrumentū habetur. Aliquando uerò absq; alicuius conuersione, uerū hoc pacto haudquaquā inter instrumēta illa, de quibus nūc loquimur, cōnumerari debet, quin potius aliā tum uim habet, nempe per quam in omni figura modi indirecti fieri posse probatur. Quo fit, ut tot modi esse possint, indirectim
conclu=

concludētes, quot sunt qui directim cōcludūt. Cui quidem sentētiæ illa Iacobi Fabri Stapulensis regula subscribit, Ad quascūq; præmissas aliqua sequitur conclusio, eadē ad easdem sequitur transpositas, id quod nunc exemplo tantū probare liceat, sitq; hic syllogismus, Omne animal est substantia, & omnis homo est animal, igitur omnis homo est substantia, Huius nāq; syllogismi si præmissas transponas, ad easdem eadē cōtinuo sequitur conclusio, ut omnis homo est animal, & oē animal est substantia, igitur omnis homo est substantia. Quod certē & in omnibus modis necessariō ita euenire etiānum demonstrari posset, sed nunc non est hic locus.

De Syllogismo ad impossibile le ducente.

Per impossibile uerō factus ostēditur syllogismus, quoties cōtradictio ponitur conclusionis, & assumitur altera sumptarū propositionum, nota pariter & confessa, ex quibus deinde, nēpe posita & assumpta colligitur syllogismus alterā ab assumpta concludēs: quæ quia manifeste falsa deprehēditur (quippe cuius cōtradictoria uera per hypothesim extabat unā cū assumpta) per eam alterutra perimenda uenit præmissarū, ut exēpli gratia, sit factus syllogismus in primo primæ figuræ modo, oē animal est substantia, & omnis homo est animal, igitur omnis homo est substantia. Huius syllogismi si conclusio ipsa uel dubitetur, uel negetur prorsus, tunc sic cōtexo syllogismū ad impossibile ducentē: quidam homo nō est substantia, omnis aut homo est animal, igitur quoddam animal non est substantia. Atqui hæc

quoniam manifestè falsa est, sequitur alteram præmissarum falsam quoq; esse, non minorem quidem, quoniam et ipsam in altero syllogismo uera ex hypothese cōcessa fuit, ergo maiorē. Quare eius cōtradictoria quæ erat, omnis homo est substantia, uera est, & hæc nimirū conclusio prioris syllogismi erat, quod erat propositū. Unde & ex hoc etiam error eorum manifestatur, qui per c, literam superius inter artis literas positam, significari credentes syllogismum conuersiuum, eundē proinde illum existimare uidentur, cum syllogismo ad impossibile ducente, cum sint à se longe diuersi.

Quòd præter prædictos modos alij oēs magna ex parte asyllogisti habeantur.

INsuper & illud nunc, quantum quidem ad definitos modos attinet, adiiciendū haud ab re puto, quòd quicunq; modi contra prædictas syllogismorum formas siue leges sunt, ordinanturq; omnes hi asyllogisti habentur. Siquidem hoc pacto contingeret in ipsa conclusionē, primum ex tribus datis terminis interdum omni inesse postremo, interdum nulli, hoc est, ut planius intelligatur quod dictum est, ex tribus terminis, seruata eadem forma, conclusionem colligi, nunc uniuersalem affirmatiuam, nunc nniuersalem negatiuam. Atque id quidem est, quemadmodum & in prioribus analyticis Aristoteles docet, dare terminos, in quibus omni, & in quibus nulli. At hoc ipsum nūc exemplis subiectis ostendamus. Constituatur itaq; syllogismus in prima figura, sintq; termini in quibus omni, id ē, ubi primus omni postremo inest, animal, homo, equus, ut omnis homo est animal,

animal, & nullus equus est homo, igitur omnis equus est animal. Alter rursus cōstituatur syllogismus, sintq; termini in quibus nulli, hoc est, ubi prius nulli inest prostrema, animal, homo, lapis, ut omnis homo est animal, nullus autem lapis est homo, igitur nullus lapis est animal. Et ut hoc iam in uniuersalibus ostēsum est propositionibus, ita & in particularibus ostendere licet, particularem colligendo conclusionem, si quibus id ita placet. Ex quo manifestum euadit, huiusmodi datorum terminorum contextum inutilem prorsus esse, id quod & in secunda & tertia figura simili modo ostendi potest, quanquam in tertia haud ita omni ex parte sese habet. Ceterum ut huiusmodi terminorum facilis habeatur inuentio, hæc à quibusdam tradita regula est per disunctionem: Accipiendi sunt tres termini, quorū tertius ad reliquos duos se habeat, ut genus ad species, quæ sub ipso continentur, ut homo, equus, animal: uel ut extraneus, hoc est, disparatus ad utrūq; ut homo, equus, lapis: uel utcūq; superior ad illos sit, qui & de se inuicem prædicentur, aut conuertibiliter, aut non. Conuertibiliter quidem, ut homo, risibile, substantia. Non conuertibiliter uerò, ut homo, animal, substantia.

De Enthymemate.

POSTREMÒ autem & de reliquis tribus argumētationis speciebus tractandū hic est, id quod initio huius tractatus ita polliciti sumus, atq; ex his primum de Enthymemate dicendū. Enthymema itaq; est (quemadmodū & ab Aristotele definitur) ex icotibus & signis imperfectus syllogismus. Ex icotibus quidē, hoc est, ex

consentaneis & probabilibus, εἰς enim Græcè præter alia, cōsentaneum quoq; significat Latinis & probabile. Cuiusmodi illud est, Diligere quenq; amantem se: & item illud, Omnem matrē suam diligere prolem. Ex signis autem, id est, ex necessarijs & probabilibus, ut est, Si quid cuilibet rei additum fuerit, totum maius efficietur. Definitur & sic, Enthymema est oratio, in qua non omnibus positis propositionibus, festinata inferitur conclusio. Itaq; in Enthymemate altera semper deest propositio, uel propter breuitatem, uel propter notitiam prætermiſſa, quæ tamen mente interim eius, qui ratiocinatur, concipitur, ut omne animal est substantia, igitur omnis homo est substantia. Vnde & truncatus syllogismus à quibusdam dicitur. Hinc à Iuvenale satyrico poëta dictū est de muliere impudica, Ne curtum sermone rotato Torqueat Enthymema. Rotato, inquit, id est, celeri. Siquidem apud Græcos ἐνθύμημα cogitationem significat, quæ certe nihil celerius.

De Inductione.

Inductio, quæ Græcis ἐπαγωγή, siue, ut uult Cicero, παράγωγὴ dicitur, hoc pacto definitur, Inductio est oratio, per quam à singularibus ad uniuersale fit progressio. Sanè per singularia hoc loco intelligere debemus, non solū ea quæ simpliciter talia sunt, ut sunt indiuidua, & numero differētia, uerum etiam minus cōmunia respectu ipsius uniuersalis, quod ex ipsis per inductionem colligitur. Ab his enim plerunq; uniuersale conflatur colligiturq; ut si quis uelit ostendere oēm numerum esse duorū iuxta se positorum mediū, id inductione

ctione probauerit, quoniam ternarius medius est binarij & quaternarij, & quaternarius item ternarij & quinarij, & ita deinceps: igitur omnis numerus est duorum iuxta se positorum medius. Eodē modo si probandum nobis fuerit, quod omnis uirtus moralis in mediocritate consistit, dicemus hoc pacto, Fortitudo in mediocritate cōsistit, nempe inter audaciam & timiditatem: & liberalitas, ut inter auaritiam & prodigalitatem: tēperantia item & iustitia: omnis igitur uirtus moralis in mediocritate consistit. Vnde & inductio hanc præcipuē uim habere putatur, ut per eam de principijs scientiarū aliquoties disputare contingat. Neq; uerō cū inductione utimur, opus erit semper adijcere particulam, & sic de alijs, ut Sophistæ solent. Quandoquidem id inducenti iam compertū esse debet, cætera similia esse his, quæ sumpta. Nam si Aristoteli credimus, qui singularem ignorat similitudinem, is non faciliē inducet.

De Exemplo. .

EXemplum, quod à Græcis παραδειγμα dicitur, ita definiunt, Exemplū est, cum ex multorū collecta particularitate, aliud quiddā particulare ostenditur, ut si quis probare uelit, rectores nō esse sorte dandos rebus publicis: quoniam neq; nauibus, neq; curribus moderandis sorte præponūtur rectores, sed qui arte & experimentis plurimum ualent. Sunt qui ita definiant, Exemplū est, quoties unum particulare per aliud probatur, ppter simile quod in utroq; cōspicitur, ut si malum est Græcos cum Troianis belligerari, malum quoq; est Lacedæmonios cū Atheniensibus armis decertare.

I N T R A C T A T V M

S E X T V M P R A E-

F A T I O.



OST hæc tractatum de Syllogismo hypothetico aggressurus, illud præfari in animo constitui, quòd tametsi de modalibus simul & hypotheticis propositionibus tractatus à nobis institutus est, nempe quartus, id tamen haud ita uisum est in eo facere tractatu, in quo de Syllogismo hypothetico tractabitur, ut etiam de syllogismo ex modalibus in eodem tractetur, imò nec alibi usquam in his tractatibus, non ob eam solam causam, quòd noui tij adhuc huius artis tyrones nimium alioqui grauarentur, sed quòd illorum syllogismorum, qui ex modalibus constituuntur, non admodum frequēs usus sit, ut etiam suprà notauimus. Accedit quòd præter unum Aristotelem nullus aliùs (quod scire potuerim) de huiusmodi ex modalibus syllogismis quicquam scriptum reliquerit, nisi quantum Boëthius in his laborauerit, id' que tamen magis Aristotelem ipsum exponendo, quàm institutum probando. In qua etiam sententia Iacobum Fabrum Stapulensem esse uideo, uirum profectò in omnibus disciplinis exercitatisimum: unde & non parua mihi subit admiratio de Aristotele ipso, cur in re non tam necessaria, etiam plus satis operosus fuerit, nisi quòd in hac præsertim arte ingenium suũ ostentare omnino uoluit uir ille, in omnibus alioqui disciplinis admirandus. Quæ propter multi etiã tã Græci, quàm Latini hoc animaduerten

certētes, per compēdia de hac arte scribere maluerunt, ne in hac discēda apud Aristotelem opus esset toties, noctesq; diesq; insomnes ducere, absq; magno etiā fructu. Non tamen negauerim hanc unam artem necessariā admodū esse, ideoq; inuentā à maioribus nostris, ut sine qua error in studijs plerūq; committeretur, qui cum alibi, tum hic maximē cauendus est: quippe quod hæc sola rerū rationes inuestigare doceat, atq; de his ipsis disputare possit. Itaq; qui in hac errauerit, uix in alijs erroris periculum euitare poterit. Namq; (ut Aurelius Augustinus autor est) hæc sola docet docere, docet discere, in hac seipsam ratio demonstrat atq; aperit, quæ sit, quid uelit, & quid ualeat: sola item sciētes non solū facere uult sed etiam potest. Hæc ille. et nos hinc ad hypotheticos syllogismos transeamus.

De syllogismo hypothetico, quid sit.

Syllogismus igitur hypotheticus (ut à Martiano Capella definitur) is est, cuius propositio & plenum argumentum, & plenum item id, de quo quæstio est, continet, ita ut assumpto argumento, iam certū inferri possit, de quo quæstio erat, ut sit exempli causa quæstio, utrum rhetorica sit utilis. Itaq; uolentes eam utilem probare, argumentum protinus ab eius definitione commodè capere possunt, quæ quidem est bene dicendi scientia. Ex hac deinde ut argumēto sumpto, & questione proposita, syllogismus hypotheticus ad hunc modum contextitur, Si rhetorica bene dicendi scientia est, utilis est: est autem rhetorica bene dicendi scientia, rhetorica igitur utilis est. In hac sanè oratione cum prius proponitur,

tur. Si rhetorica bene dicendi sciētia est, utilis est: ac de
inde assumitur, Est autem rhetorica bene dicendi scien-
tia: tum qui hæc duo conceſſerit, propositionem, in-
quam, & assumptionem, is uel inuitus cōcedat oportet,
rhetoricam utilem eſſe, id quod in quæſtione propoſi-
tum erat, quod tantisper dubium erat, donec & propo-
ſitio, & aſſumptio concederetur.

Ex quibus conſtet ſyllogiſmus hy-
potheticus, & quantum ei cōfe-
rat ſyllogiſmus categoricus.

CActerum ut categoricus ſyllogiſmus in propoſi-
tiōes reſoluitur, ut ex qbus cōſtituitur, & propo-
ſitiōes rursus in terminos, neq; ulterius reſolutio proce-
dit in his, ita hypothetici ſyllogiſmi in categoricos reſo-
lutio fit: quippe quòd ex his ipſe, ut ex ſimplicibus con-
ſtet cōpoſitus, cū præſertim prima eius propoſitio uim
conſequētiæ ex ſimplicibus (hoc eſt, categoricis) capiat
ſyllogiſmis. Prima nāq; hypothetica ſyllogiſmi propoſi-
tio, ſi dubitatur an uera ſit, prædicatiua demōſtrabitur
cōcluſione, hoc eſt, ſyllogiſmo prædicatiuo. Aſſumptio
porrò, quæ ſecunda huiusmodi ſyllogiſmi pars eſt, in
pluribus modis prædicatiua eſſe perſpicitur, itemq; con-
cluſio, ueluti cum dicimus, Si rhetorica bene dicēdi ſciē-
tia eſt, utilis eſt. atqui rhetorica bene dicēdi ſciētia eſt.
hic aſſumptio prædicatiua, item, categorica eſt, ſi quæ-
ratur, hoc eſt, in dubitationē trahatur, ipſa quoq; prædi-
catiua probabitur ſyllogiſmo. Hinc ſi demū inferatur,
rhetorica igitur utilis eſt, & hæc ipſa prædicatiua eſt,
atq; facti ſyllogiſmi cōcluſio: utpote quæ ad aſſumptio-
nem

nem probatam necessario consequitur. Nam si rhetorica bene dicendi scientia est, cur non et utilis ipsa erit? Præterea si hypothetica propositio ex categoricis iungitur, et ex his fidem capit, simul et ordinem partium consequitur, necesse est categoricos syllogismos hypothetico uim conclusionis administrare.

De partibus syllogismorum, siue ex quot partibus syllogismi constent.

Syllogismos autem tam categoricos, quam hypotheticos, alij quinque, alij quatuor, alij tribus constare partibus arbitrantur, quorum controversiam Boëthius ad hunc modum diiudicat atque discernit, Quoniam omnis (inquit) syllogismus ex propositionibus textitur, prima uel propositio, uel assumptum uocatur: secunda uero assumptum siue assumptio dicitur. Ex his quæ tertia infertur, conclusio nuncupatur, ut cum dicimus, Si homo est, animal est: homo autem est, animal igitur est. Ea quidem enunciatio, per quam dicimus, Si homo est, animal est, propositio uel sumptum uocatur: ea uero quam huic adiunximus, quæ quidem erat, Est autem homo, assumptio siue assumptum dicitur. Tertia autem ab his Conclusio appellatur, ut per quam ostendimus animal esse, si homo fuerit. Eadem sanè et in categorico syllogismo ipsarum partium et ratio est et ordo. Sed quoniam sæpe cuenit, ut propositio ipsa non sit uerisimilis, ei tum adiungitur approbatio, per quā id quod propositum est, uerum esse monstratur. Assumptio quoque sæpenumero ad fidem per se non uidetur satis idonea, idcirco huic quoque probationis iuuamen adiungitur, ut
uera

uera esse intelligatur. Quo fit, ut sæpe quinque partes, sæpe quatuor, interdum tres solum ipsos syllogismos habere contingat. In qua quidem sententia M. Tullius esse deprehenditur, qui in rhetoricis syllogismos quosdam quinque partitos, quadripartitos alios, et nonnullos tripartitos esse confirmat. At uero quibus ipsorum syllogismorum non placet partes ultra ternarium numerum propagari, hi propositionum atque assumptionum probationes non putant inter syllogismi partes ponendas esse, sed potius illarum, cum dubie sunt, fulcimenta quædam haberi. Quorum sanè iudicio atque sententiæ Boëthius ipse manibus, pedibusque accedit. Vnde nostra (inquit) sententia his potius accedit, qui tribus partibus syllogismum constare dicunt.

De modis ex hypotheticis propositionibus.

His itaque præmissis, consequens est ut ad modos hypotheticorum syllogismorum transeamus, quos certè, quantum hic eos definire liceat, dicere possumus ipsorum syllogismorum formas, et ueluti præscriptas leges. Sciendum autem quod tametsi innumeri prope modum huiusmodi modi sint, qui ex hypotheticis conficiantur propositionibus, ut de quibus Seuerinus Boëthius latissimè disputat duobus libris, nos tamen ex his paucos deligere statuimus, propterea quod eorum usus non parum frequens habeatur. De reliquis autem admonuisse tantum sat erit, ut si cui cognoscendi eos cupido inceserit, is Boëthium ipsum in primis adeat. Sed nunc ex his primum definiamus.

Primus

Primus modus.

Primus igitur modus est, cum in conditionali propositione, assumpto eo quod præcedit, ostendimus id quod sequitur ita necessario esse, ut est in connexionē propositum, ut si homo est, animal est, atqui homo est, animal igitur est. Hic antecedens homo est: proponitur ueluti dubiū, cum dicitur, Si homo est: assumitur deinde idem ut argumentum, cum absq; conditione repetitur, Atqui homo est. Ad quod demum necessario sequitur animal esse: quemadmodum erat propositum. Quod si parte ex altera annexum siue consequens assumamus, atq; dicamus, est autem animal, haudquanquam de necessitate euenit hominem idcirco esse. Inueniuntur autē certi termini, in quibus peræquē ualeat assumptio, siue præcedens, siue subsequens assumatur, ut in homine atq; risibili. Nam ut rectē sequitur, Si homo est, risibile est, ita rectē quoq; sequitur, si assumatur hoc modo. Atqui risibile est, igitur homo est. Sed in his hæc est consequentiæ causa, quia homo & risibile æqui sunt termini, atq; idcirco uno posito, alterū comitari est necesse. Verum quia hoc in omnibus non ita se habet, idcirco non recipitur ut firmum & stabile, sed magis improbat, ut incertum & minime constans.

Secundus modus.

Secundus uerò modus est, cum in conditionali, opposito consequentis assumpto, aufertur id quod antecesserat, hoc modo, Si homo est, animal est, non est autē animal, igitur homo non est. Quod si contrā hominem esse negemus, non tollitur proinde quod connexum est,
I ut si

ut si dicamus, non est autem homo, non iam continuò sequitur, animal non esse. Atq; idcirco hic modus, A' consequentibus appellatur: quemadmodum qui hūc præcedit, Ab antecedentibus dicitur. Quare & hi duo modi à recentioribus ita distinguuntur, ut prior quidē dicatur, A' positione antecedētis, sequens uerò, A' destructione consequentis. Ceterū ut utroq; modo ex datæ conditionalis partibus affirmatiuis firma ubiq; sentētia probatur, id quod paulò suprà exēplis adhibitis ostensum est: ita eadē consequētiae uis erit, si negatiuæ eius partes fuerint, ut si animal non est, homo non est, non est autem animal, igitur homo non est. Itē, si animal nō est, homo non est, atqui homo est, animal igitur est.

De quadam argumentatione contra
secūdi modi regulā facta ex Themistio.

Hic iam obijciat aliquis fortassis nobis Aristotelem ipsum, qui in proœmio libri de anima, tali cōtra præscriptam secundi modi formam (ut uidetur) usus est argumētatione, Si quod est animæ (inquiens) proprium opus, potest cōtingere, ut ipsa à corpore seorsum sit: Si uerò nullum est opus animæ proprium, contingere non potest, ut à corpore seorsum maneat, subsistat uel. Sanè hanc argumētationem sunt qui ob id calumnientur, reprehendantq; ceu minus firmam, minusq; dignam tātō philosopho. Calumnia autē huiusmodi est, Oportebat, inquiunt, accepto consequētis opposito, ita tollere demoliriq; antecedēs: at hic contrarius ordo seruatur. Verum hanc calūniam (si qua tamen dici meretur) Themistius haud dubie nobilissimus pcripateticus subtilissime dissol

diffoluit ac diluit. Vnde quicumque (ait) tam male animati sunt, ut hæc quæ in dialectica atque in exercitio argutarum iactata, & prompta omnibus sunt, ignorasse Aristotelem putent, hi planè ignorantissimi uidentur. Nanq; uerbum illud potest contingere (quo quidem Aristoteles in sua oratione utitur) non necessariam, sed possibilem & contingentem connexionem habet, in quo genere non oportet, ut abolito consequente, aboleatur & antecedens: id quod omnino ita euenit, quoties necessaria connexio est. Sed hic in contrarium obseruatio est, ut scilicet abolitio antecedentis aboleat consequens. Cui rei causam idem autor huiusmodi affert: semper enim (inquit) id quod contingenter sequitur, tanquam pars sit antecedentis: propterea quòd quandoque accidit, quandoque non accidit. Ita qui antecedens interemit, totum interemit. Toto autem sublato, consequens est parti quoque abolitionem afferri. Hinc & ab eodem autore aliud haud dissimile proponitur exemplū, quod tale est, Si animal est, quod procul ad nos accedit, potest contingere ut sit equus, igitur si animal non est, neque ut equus sit cōtingere potest. Quò fit, ut inscitie potius illi arguendi sint, qui talē argumentandi formam, ut minus sanam cauillantur, & nō Aristoteles ipse, qui rectissimè ita argumentatus est. Hæc ita ex Themistio, quem Hermolaus Barbarus ætate nostra Latinitate donauit, uir utique impense eruditus.

Tertius modus.

Tertius deinde modus est, qui appellatur, A' repugnans, in quo demonstratur non posse simul

hoc esse & illud. Fit autem quoties connexæ propositionis affirmatiuæ antecedens astringitur, ut consequens tollatur. Quod certè ideo ita euenire manifestum est, quòd huiusmodi propositiones ex repugnantibus, aut ex contrarijs constent partibus. Ex repugnantibus quidem, ut non si dies est, nox est: atqui dies est, nox igitur non est. Ex contrarijs autem, ut non si sanum est, ægrum est: atqui sanum est, non est igitur ægrum. In quibus syllogismis propositiones sumptæ huiusmodi sunt, ut impossibile sit, si antecedent est, consequens esse. Itaque cum ita proponitur, non si dies est, nox est, huius propositionis sensus hic est, non rectè sequi, si dies est, ut nox sit. Dictum est autem ex repugnantibus, aut ex contrarijs, quoniam quæ aliter se habent, syllogismum ad hunc modum nullum constituunt. Quapropter haud quaquam recipiendus est hic syllogismus, non si homo est, album est, est autem homo, igitur album non est, quando nec repugnantia sunt inter se & homo & album, nec contraria. Fit item & hic modus aliquoties, cum inter alterutram connexæ propositionis partem negatio interponitur, atque ea ipsa rursus denegatur, ut sit propositio, si animal non est, homo est, hæc repugnans est, & ob id falsa. Fit autem uera, si negatio huic à fronte adiiciatur, hoc modo, Non si animal non est, homo est. Huius quippe propositionis hæc est sententia, Si animal non sit, fieri non posse, ut sit homo. Ea igitur concessa, assumimus protinus hoc modo, Atqui animal non est, ac deinde concludimus, igitur homo non est. Similiter uerò si ita proponatur, Si homo est, uon est animal, quæ & ipsa falsa est, propter

propter partium inter se repugnantiam: quare si & huic deinde negatio apponatur, uera sit hoc modo, Non si homo est, non est animal. Nam & huius sententia est, si homo sit, non posse fieri ut non sit animal. Itaque ea concessa, talis contextitur syllogismus, non si homo est, animal non est, atqui homo est, animal igitur est. Rursus autem sit propositio ex utriusque partibus negatiuis, si non est dies, non est nox, quæ idcirco quòd partes eius inuicem repugnant falsa est: fit autem uera, si adiungamus negationem, hoc modo, Non si non est dies, non est nox. Huius quoque propositionis sensus est talis, quod si non est dies, esse non potest quin nox sit. Vnde ea ipsa concessa, assumimus hoc pacto, Atqui dies non est, & concludimus deinde, Est igitur nox.

Quo pacto tertius hic modus à superioribus duobus differat.

EX his porro colligere licet, quid intersit inter hunc tertium, & superiores duos modos. Sanè inter ipsos hæc est diuersitas. quòd in eo quidem modo, qui ab antecedentibus dictus est, ponitur antecedens, ut id quod sequitur, astruatur. In eo uerò qui, à consequentibus appellatus est, perimitur consequens, ut id quod antecesserat, auferatur. At uerò in hoc tertio, qui dictus est, à repugnantibus, neutrum horum seruatur. Siquidem neque antecedens ponitur, ut quod sequitur confirmetur: nec interimitur consequens, ut id quod præcesserat euertatur: sed ponitur antecedens, ut interimatur consequens, Quod ideo euenire dictum est: quoniam hic propositionis

tionis modus partes inter se continet repugnantes. Aduersum quippe est atque repugnans, quod dicitur, si dies est, non est lux: quare propositio hæc falsa est, quæ tamen rursus negatione præposita, fit uera hoc modo, Nō si dies est, lux non est: atq; ita cōsimilis est affirmationi, nempe huic, si dies est, lux est: quod & recte quidem ita euenire receptum est, quando scilicet affirmationem geminata facit negatio.

Quartus modus.

Quartus modus est eorum, qui ex disiunctiuis consistunt syllogismorum. Fit autē cum datæ disiunctiue propositionis antecedens in assumptione ponitur, ut quod cōsequēs est auferatur, hoc pacto, Aut dies est, aut nox est, atqui dies est, non est igitur nox. Itē, aut sanus est, aut ægrotat, atqui sanus est, non ægrotat igitur. Hic uerò si ita quispiam argumentetur, aut dies est, aut nox est, atqui dies est, nox igitur est, Ac rursus, aut sanus est, aut ægrotat, est autē sanus, igitur ægrotat. Talis profectò modus asyllogistus & incollectilis prorsus habetur. Nam in eo datæ disiunctiue posita parte una non tollitur reliqua: quod utiq; repugnantiū natura requirit.

Quintus modus.

Quintus autem modus est, cum id quod in disiunctiua propositione præcesserat, in assumptione tollitur, ut quod sequitur affirmetur hoc modo, Aut uiuit, aut mortuus est, nō uiuit autem, mortuus igitur est. At hic quoq; asyllogistus fit & incollectilis, quoties datæ disiunctiue, una sublata parte, tollitur simul & reliquum: ut aut uiuit, aut mortuus est, non uiuit autē, igitur

non

non est mortuus.

Sextus modus.

Sextus uerò modus est, in quo duobus per disiunctio-
nem propositis, ostenditur si unum sit, non posse si-
mul esse & reliquum. Fit autem ex disiunctiua in copu-
latiuam mutata, addita uidelicet negatione, idq; modis
duobus. Primo, cū propositionis datæ antecedens poni-
tur, ut tollatur consequēs hoc pacto, Nō & dies est, &
nox est, sed dies est, non est igitur nox. Itē, non & pru-
dens est, & ineptus, atqui prudēs est, ineptus igitur nō
est. Secundo, cū propositionis datæ antecedēs tollitur,
ut consequēs ponatur, hoc modo, Non & dies est, &
nox est, sed dies non est, igitur nox est. Sanè tertius hic
ex disiunctiuis modis consimilis ei est, qui ex propositio-
nibus conditionalibus tertius est positus, præterquàm
quòd in illo propositio cū conditione, in hoc sine condi-
tione proponitur. Verū & hoc amplius hic obseruan-
dum, ut tā repugnantia quàm contraria, ita sibi repu-
gnent atq; cōtraria sint, ut posito uno, interimatur al-
terum, & uno interempto alterū ponatur. Quare locu-
tiones hmōi, Aut perijt, aut literas docet. Item, Aut cu-
cubitæ florē, aut ipsam cucurbitā, et aliæ pleræq; (quæ
apud Græcos olim in proueria cessere) consuetudine
atq; ipso euentu magis receptæ fuerunt, quàm ueritatis
constātia, de quibus & alijs pene innumeris Erasmus
noster in opere adagiorū non iā copiosè quàm fructuo-
se elegātī narratiōe perscribit, uir profectò hac nostra
ætate extra omnē ingenij aleam positus, ut Plinij uerbis
utar, qui hoc sua ætate M. Ciceroni tribuit uerisime.

Ex prædictis autem sequitur, copulatiuam negatiuam æquipollere disiunctiuæ affirmatiuæ ex eisdẽ partibus, sed sibi contradicentibus, uerbi causa, hanc, non & dies est, & nox est, huic, aut non est dies, aut non est nox.

Cur ex copulatiuis nõ fiant syllogismi.

IAm uerò mirabitur fortassis quispiam, quid causæ subsit, quòd cum tres sint superius posita hypotheticarum propositionũ species, & ex cõditionalibus quidẽ, & disiunctiuis certi syllogismorum modi à nobis iam præscripti sint, nullos præterea subiiciamus, quibus ex copulatiuis perinde syllogismi fieri demonstrantur. Huius sanè rei hãc esse causam arbitror, quòd quæ hypotheticæ propriè dicuntur, huiusmodi sunt, ut in his conditio aliqua uel exprimatur, ut in eis, quæ peculiari nomine conditionales appellantur, uel subintelligatur, ut in disiunctiuis. Nam cū ita proponitur, aut dies est, aut nox est, hæc eadem propositio cum conditione nihilo miuus pronuntiari potest, hoc modo, Si dies est, non est nox, uel si non est dies, nox est. Itaque per has, neque esse aliquid, neq; non esse, simpliciter significatur, sed aut illud esse si hoc fuerit, aut quoties unum fuerit, non posse simul & aliud esse. Vnde & in his consequentiæ uis inesse quoq; perspicitur. At uerò quæ copulatiuæ dicuntur, ut non ueræ hypotheticæ sunt, ita nec in his consequentiæ uis ulla deprehenditur: quæ nimirum facit potissimū ut ex propositionibus hypotheticis, hypothetici syllogismi struantur. Hypotheticæ tamen quoquo modo dici possunt, quatenus ex categoricis cõpositæ constant. Quare nec Boëthius etiam, cū aliàs de syllogismis

logismis ex hypotheticis copiosissime tractet, ullos præscribit modos, iuxta quos syllogismi ex copulatiuis perinde fierent. Nec ipse admodum probo eas consequentiæ formas, quas uulgo ex copulatiuis eliciunt, ut à tota copulatiua ad alteram eius partem: & item à destructione partis copulatiuæ, ad destructionem totius, quæ licet necessaria utiq; sint, utiles tamen non sunt. Ex copulatiuis tamen recte fortassis argumentatio procedet, siue syllogismum uoces, siue aliam quamlibet argumentationis speciem, quoties per has ex disiunctis ad coniuncta procedimus, hoc est, quoties quæ diuisim prædicantur de subiecto aliquo, de eodem etiamnū coniunctim dici posse probantur. Quod quia aliquando ita contingit, aliquando uerò minime, certæ ad hoc regulæ ex ipso Aristotele colliguntur, quibus id discernere licet, quas proinde hic subijcere non grauabimur.

Sequuntur tres regulæ.

EX his igitur prima regula est, Quæcunq; diuisim secundum accidens de aliquo prædicantur subiecto, aut alterum de altero, hæc simul atque coniunctim de eodem prædicantur minime. Cuius regulæ hanc reddit rationem Aristoteles, quod uidelicet unū non faciāt. Quare non rectè sequitur, Socrates est albus, & Socrates est musicus, igitur Socrates est albus musicus. Dictum est autem secundum accidens: quoniam sciens & grammaticus licet secundū accidens de subiecto aliquo dicantur, tamen alterum de altero non secundum accidens, sed per se dicitur: & pinde ut diuisim, ita & coniunctim de eodē prædicari possunt, ut Socrates est sciens,

¶ Socrates est grammaticus, igitur Socrates est sciēs grammaticus. Secunda regula. Quæcunq; diuissim de aliquo prædicatur, ut de subiecto, si id qd' sequitur, in præcedenti includitur, ipsa de eodē simul & coniunctim nō prædicatur. Huius quoq; regulæ hæc ab Aristotele redditur ratio, quia cōmitteretur uitium negationis. Vnde non rectē sequitur, Socrates est homo, & Socrates est animal, igitur Socrates est homo animal. Siquidē in homine animal includitur. Nec sequitur ob id ipsum, Socrates est grāmaticus, & Socrates est sciens, igitur Socrates est grammaticus sciens. Tertia est, quæ ex his sequitur, regula, Quando aliqua de aliquo ut subiecto seorsim atq; diuissim prædicantur, idq; neq; secundū accidens omnino, neq; ex his posterius in priori directim continetur, hæc de eodē simul atq; coniunctim prædicatur, ut Socrates est homo, et Socrates est albus, ergo Socrates est homo albus. Item, homo est animal, & homo est rationalis, ergo homo est animal rationale.

De ratione consequentiæ.

Post hæc etiam de consequentiæ ratione haud absurdum fuerit hac in parte nonnihil adijcere, propterea quòd in superioribus sæpius in huius incidimus mentionem. Primo igitur dicendum est quid sit, deinde quomodo diuidatur, tertio regulæ quædam subiiciendæ sunt. Neq; uerò ut uana res existimari debet consequentiæ uim posse intelligere: quoniam ad hos summa totius dialecticæ tendit & utilitas. Sane hæc ex eo potissimum percipitur, si cui recte uti contigerit coniunctione rationali ergo, siue igitur, aut si qua huiusmodi est: quæ alio
qui

qui (ut Alexander Hegius dicere solebat) multum facit sit negotij studiosis huius artis hominibus. Porro hac ipsa recte uti poterit, quicumque rei probandæ tum causam, tum signum intellexerit. Ita enim res una ab alia dependet, ut certus proculdubio ordo aliquis in ipsa rerum natura esse intelligatur, id quod Seneca inter philosophos non contemnendus autor, primo naturalium questionum libro his uerbis non tam disertè, quàm grauer expresseit, Omnium (inquit) rerum certus ducitur ordo, & alia alijs ita complexa sunt, ut quod antecedit, aut causa sit sequentium, aut signum.

De consequentia & eius diuisione.

Consequetiam igitur hoc pacto quidam definiunt, Consequentia est oratio ex antecedente & consequente, suis quidem partibus constituta, quas rationalis aliqua coniunctio connectit. Eam ita diuidunt, ut sit & bona & mala consequentia. Et bona quidem ab eisdem definitur, cuius si antecedens uerum est, non potest esse, quin consequens quoque uerum sit, ut homo est, igitur animal est. Mala uerò, cuius etsi antecedens uerum est, non tamen necesse, ut consequens uerum sit, ut Socrates ambulat, igitur cælum serenum est. Bonam rursus diuidunt in materialem & formalem, Verum qui Aristotelem potius sequuntur, quàm barbaros sophistas, eam in necessariam, & non necessariam dispeſcunt, ut sit tamen necessaria cōsequentia, quam illi formalem uocant, nō necessaria, quæ materialis ab illis dicitur. Ergo formalis cōsequentia est, quoties datis quibuslibet terminis iuxta præscriptā aliquam argumētandi formā, si antecedens

tecedens uerum est, & consequens esse uerū necesse est. Cuiusmodi in primis sunt syllogistica consequētiæ oēs, & quæ ex ipsarum propositionū tum conuersione, tum æquipollentia eliciuntur, & si quæ aliæ his consimiles sunt. Materialis uerò, quæ tametsi bona quidē est, tamē iuxta eandē similemque argumentandi formā firma ubique & constans nō est, quales ferē sunt dialectica argumentationes, & quæ per Enthymemata & ceteras argumentationis species constituuntur, nempe terminorum tantum gratia, uidelicet qui materie uicem præstant. Itaque materialis consequentia est, si hoc modo argumentaris, Cælum uolubile est, ergo cælum rotundum est. Quippe quod iuxta eandem formam ita argumentari licebit, Cælum uolubile est, ergo cælum stellatum est, Ceterum probabilitas in his ac confirmatio, ex locorū aliquo dialecticorum peti solet, profisciturque.

Sequuntur duæ regulæ, tū instantia contra secundam, tum etiam quæ sit bonæ consequentiæ proprietas.

Sequuntur hinc regulæ duæ, quarū prima est, Si ad Antecedens bonæ consequētiæ sequitur consequēs, ad oppositum consequentis oppositum sequitur antecedens. Et oppositum quidem hic intelligo id, quod contradictorium dicitur. Ceterū ipsius regulæ tale sit exemplum, homo est, igitur animal est. Hic quia recte sequitur, homo est, igitur animal est, ad oppositū consequentis, quod est, nullū animal est, recte quoque sequitur, igitur nullus homo est. Secūda regula, Quicquid sequitur ad consequens bonæ consequentiæ, sequitur & ad eius antecedens,

antecedens, ut quia ad hanc, homo est, rectè sequitur,
 igitur animal est: & ad hanc rursus, animal est, igitur
 substantia est: ad eandem idcirco, quæ erat, homo est,
 rectè quoque sequitur, substantia est, ut sit, homo est,
 igitur substantia est. Sanè has duas regulas ideo adijce-
 re libuit hoc loco, quòd unaquæque harum per totam
 artem logicam principij uim obtineat. Contra secun-
 dam tamen regulam huiusmodi fit instantia. Nam si
 quid necesse est esse, illud quoque possibile est esse.
 Rursus autem, si quid possibile est esse, illud iam non
 necesse est esse. Igitur si quid necesse est esse, idem erit
 non necesse esse, quod prorsus inconueniens uidetur. Sa-
 ne huius difficultatis nodum Theophrastus Græcus au-
 tor, uir utiq; in omnibus disciplinis consummatissimus,
 dignus proinde qui in Aristotelis diatribam, ipso etiam
 Aristotele id ita adiudicante, succederet (ut autor est
 Aulus Gellius) ad hunc modum soluit, Non omnino (in-
 quit) idem est possibile esse, & nō necesse esse, quòd hoc
 negatiuam speciem habeat, illud uerò affirmatiuam:
 quamuis tamen eadem propemodum utrobiq; sit signifi-
 cationis uis. Itaq; affirmationē, quæ est, necesse est esse,
 non rectè sequitur negatio, per quam aliquid nō necesse
 esse proponitur. At de consequentia quidem quæ sit, &
 quæ bona, tū quæ necessaria, hactenus quàm breuissime
 dictum sit. Bonæ præterea consequentiæ id esse propriū
 obseruatum est, ut ex uero quidem non nisi ue-
 rum sequatur unquam: ex falso au-
 tem cum plurimum falsum,
 nonnunquam etiam
 uerum.

I N T R A C T A T V M

S E P T I M V M D E D E =

monstratione

P R A E F A T I O.



AEPIVS mecum reputaui, ac toties admiratione non parua captus sum, quid causæ esset, cur bonus ille uir, qui cum in artem dialecticam tractatus aliquot scribere constitisset, eosdem pro sua (ut uidetur) opinione ita demum parauit, ut per eos ad Aristotelis Logicam studiosi eius artis introducerentur, non id etiam tentauerit in eam huius disciplinae partem, quæ Demonstratiua dicitur, ac per hoc omnium potissima est & habetur, etiam eorum iudicio, qui illorum tractatum autorem non frigide, imò strenuè (ne dicam superstitiose) sectantur: cum tamen illud neq; grauiori illius labore, neq; minori introducendorum in hanc quoque huius artis partem utilitate fieri potuisse constet: maxime quòd pueri olim (quod utinam hodieq; obseruaretur, omisissis friuolis cauillationibus) ad philosophiam instituendi, in mathematicis disciplinis, ad quas cõparandas hac parte plurimum iuuamur, antea exercebantur, & si non exacte, rudi saltem modo: quod & exempla passim per Aristotelis libros dispersa disseminataq; indicare planè uidentur. Vnde etiã in foribus Platonicæ diatribæ scriptum legebatur, Nemo huc ingrediatur geometricæ expers, quo nomine simul & arithmetica intelligebatur. Sed ego iã causam ipsam uel subolfacere uideor, quòd

quòd uidelicet hæc pars dialecticæ uisa sit illi haud
quaquam idonea ad sophisticas captiūculas, & steriles
illas nugæ, quibus per id temporis, quo uir ille claruit,
scholæ omnes atque literarij ludi non tam uacabant se-
dulò, quàm strepebant acriter. Atque interim (proh
pudor) dum in his nugæ illæ leuiusculæ ueluti imperio-
se docebantur, optimi quique bonarum artium autores
in pluteis & sub scamnis deliteſcebant, situ & pulue-
re obducti, & (quod hoc etiam miserabilius est) esca-
blattis & tineis. In quorum subiere locum barbari pau-
latim, idq; ſerè in ſingulis artibus ut, uerbi cauſa, in
Grammatica Alexander Gallus, in Dialectica Pe-
trus Hiſpanus, in Poëtica Gauſfredus Britannus, &
in Rhetorica Eberhardus quidam, qui etiam ob rem
à ſe obſcurius fortassis traditam opusculum ſuum la-
byrinthi nomine inſcripſit, Taceo Græciſtam, Flori-
ſtam, Cornutum, Alanum in parabolis, & cæteros hu-
ius farine uiros. Dij boni, quos hic autores recenſeo.
Sed neque deſuere tamen interim, qui in mathemati-
cis quoque ſtudijs operam ſuam nauarunt, quanquam
non ſatis feliciter, ueràm pro temporum iniuria excu-
ſandi potius quàm incuſandi. Quæ quidem ſtudia, quo-
niam (ut paulò ſuperius diximus) demonſtrandi uia,
quæ utique certiſſima eſt, comparantur imprimis, de ho-
rum utilitate pariter & dignitate, ex Seuerino Boë-
thio acris haud dubie iudicij uiro, paulò alius repetere
libet, priuſquàm inſtitutum tractatum aggrediamur:
Talia (inquit ille) ſtudia ſunt ea, quæ mathematica di-
cuntur, ut ſi his careat diligens ueritatis inquiſitor,
uerum ipſum inuenire non poſſit. Quinimo ſine hac
ueritatis

ueritatis speculatione nulli rectè sapiendum est. Proinde qui hæc spernit, id est, has semitas sapientiæ negligit, ei denuntio non rectè philosophandum. Siquidem philosophia amor sapientiæ est, quam certe in his spernendis, ante iam aliquis contempserit. Hæc ille. Quare cū hæc studia minime spernenda sint, nec uia etiam qua ad illa pergitur, negligēda erat. Hæc igitur ratioe persuasus, cum in cæteras dialecticæ partes tractatus certos, atq; hos quidem introductorios parare instituerim, in hanc quoque partem, hoc est, de Demonstratione tractatum aliquem parandum duxi.

De quadam alia dialecticæ diuisione, ut per quam tria potissima philosophiæ instrumenta colligantur, quæ sunt demonstratio, definitio, & diuisio.

Quemadmodum autem dialectica in duas breuissimè partes diuidatur, inueniendi unam, alteram iudicandi, superius à nobis expositū est: restat nūc (cuius & ipsa res iam nos admonet) ut ab eodem repetentes principio, aliam eius diuisionē aggrediamur, qua et tripartita eius uis, siue facultas esse dignoscatur, quæ tamē secunda diuisio priore destituta esse, ut nō debet, ita non potest. Diuisio autem hinc patet. Nam cū dialectica ex M. Ciceronis sententia diligens disserendi ratio sit, quā fieri potest, ut non etiam ratio sit tum definiendi, tum diuidendi, tum colligendi? Id quod de definiendi facultate idē Cicero locupletissimè præcipit primo Officiorum libro his uerbis, Omnis enim (inquit) quæ à ratione suscipitur de aliqua re institutio, debet à defi

definitione proficisci, ut intelligatur quid sit de quo disputetur. Haud secus & de diuisione sentiendum est, quando nec sine ipsa disputatio legitime procedere potest: quippe quæ uiam ad ipsam definitionem non tam parare, quam aperire uideatur, ut sequenti tractatu conuenienti exemplo ostendemus. Maxime uerò ad hanc ipsam artem pertinere probatur colligendi facultas ex eo quòd quicquid in disputationem affertur, collectio ne tandem aliqua consummatur, perficitur que, id que secundum triplicem diuersitatem, quemadmodum & suprà annotatum est. Nam aut ex proprijs & ueris ac necessarijs huiusmodi collectio fit, procedit que, & Demonstratio appellatur, aut ex communibus & maximè probabilibus, & Dialectica peculiari nomine dicitur, aut ex captiosis & planè falsis, & Sophistica, id est, cauillatoria perhibetur, sed quæ tamen abiectissima, depectiſsimaque totius Logicæ pars est, ut quæ magis deceptionem eius, cum quo disputatio desumpta est, molitur, quàm rei in disputatione propositæ probationem. Itaque Dialectica, quæ est discerendi peritia, tum de definitione, tum de diuisione, tum de collectione quoque tractat: quæ quidem si (ut debet) fit cum ratione, Syllogismus Græcè dicitur, συλλογισμὸς Græce, ratiocinari Latine interpretatur, hoc est, cū ratione colligere aliquid. Videtur enim uerbum ipsum συλλογισμὸς compositum esse ex præpositione σύν, quæ cum significat, & in compositione idem facit, quod con inseparabilis præpositio apud Latinos, & ex nomine λόγος, quod præter alia multa, rationē quoque significat. Vnde & ars ipsa à ueteribus Peripateticis Logica postea ap-

K

pellata

pellata est, quam antea & Stoici, & Plato Dialecticā appellauerūt, ut qui angustius de ea tractauerint, quā Peripatetici, ut à Boëthio id memoriæ proditū est. Logica igitur quasi rationalis scientia dicta est, non quidem, ut barbari nomē ipsum interpretantur (ut alia ferre omnia) infantissimè, scēdisimèq; , etymologia ad hoc adducta aliqua, sed ex Græcorum potius consuetudine, qui artes & disciplinas posessiuīs ab aliquo deductis nominibus significari, uoluerunt, & his quidem fœminini generis, subintellecto (nī fallor) artis nomine, quod Græce τέχνη dicitur, quod utiq; fœminini generis nomen est, ut quod huic respondet apud nos ars.

Quo pacto inter se duæ Dialecticæ diuisiones conueniant, aut altera alterā contineat.

Videndum nunc etiam, hæ duæ diuisiones, quam se attingant cognatione. Nam cum aliquid definitione explicare uolumus, genere in primis opus est, tum & differentijs, quibus id quod definiendum est, ab alijs omnibus distinguatur. Quas nisi prius cum ipso genere iunxerimus, haudquaquam definitionem cōstituere poterimus. Inuentio igitur necessaria est, si definitio perfici debeat. Similiter autem & cū quid diuidere in animo est, ea omnia prius inuenire oportebit, quibus diuisio ipsa perficiatur. Hæc aut sunt tum differētiæ in primis, tum accidentiæ nonnunquā, maxime uerò inseparabilia & propria. Iam uerò si inuentio absit, nec collectio unquā ualebit, id quod in superioribus paulò latius explicauimus. Sed his omnibus nisi iudiciū acceſſerit,

rit, frustra haud dubiè aut definire quicquam, aut diuidere, aut colligere tentabimus. Ergo an rectè definitum quid sit, aut diuisum, aut collectum, iudicatio perpedit, examinatq;. Quo fit ut prior Logicæ diuisio secundam quasi cōtinere uideatur, quia neque existere quicquam sine inuentione, neq; internosci præter iudicium potest. Sed nunc propositum exequamur. Et primum quid sit Demonstratio dicamus.

De Demonstratione quid sit, tum etiam quid sit Scire.

Demonstratio igitur ab Aristotele definitur, syllogismus faciens scire, hoc est, syllogismus per quem rei alicui scientia comparatur, pariturq;, quem promde syllogismum Aristoteles Græco uerbo επισημομικόν appellat, quod uerbū apud nos interpretari potest scientialis, si linguæ usus ferat, ἀπὸ τοῦ επισαῶς, hoc est, à sciendo deflexum. Ab eodem præterea Scire quoque definitur, rem per causam cognoscere, propter quam res est, quatenus uidelicet illius est causa, nec est possibile hoc aliter se habere. Sanè cū multis alioqui modis scire dicatur, latius et præsius, latius quidē qualitercunque, præsius uerò eo dūtaxat modo, quo nunc definitum est. Quo quidem modo scire is dicitur, qui demonstratione aliquid cognoscit. Demonstratione inquam, hoc est, per syllogismum demonstratiuū, qui idcirco scire facit, quod ex his sit constitutus propositionibus, quæ primæ et immediatæ, tum notiores, prioresq; conclusionē habentur, ac eius insuper causæ sunt.

DE DEMONSTRATIONE
Quòd ad omne scibile opus sit
prænoscere aliquid.

AT uerò priusquam aliquid demonstrare contingat, præscire aliqua oportet, nempe principia quæ uocantur, & significata eorum, quæ ad demonstrationem sumuntur, ut exempli gratia, cum à geometra definitur punctus, cuius nulla pars est, tum præscire oportet, quid partis nomine significetur. Sic & in edificijs, quid lapides, quid intritum, quid materies sit, prænosse debet is, qui edificandi artem discere uult. Atque hoc ipsum profectò est, quod Aristoteles in principio operis de posterioribus analyticis his uerbis proponit, Omnis doctrina, & omnis disciplina intellectiua, ex præexistente fit cognitione. Id quod cū in alijs omnibus artibus perspicitur, tum in his præcipuè, quarū aliæ sermocinales, aliæ peculiari nomine disciplinæ appellātur. In quibus omnibus prænoscere necesse est, quid nomine eius, quod ad demonstrationem sumitur, intelligatur, significeturq;: tum ipsa principia, ut ex quibus conclusio demonstratur, cuius per hoc etiam scientia habetur solum.

Quòd duæ sint prænotiones:
quod est, & quid sit.

EX his igitur quæ dicta sunt, patet duobus modis cōtingere, ut aliqua prænoscamus, tum quòd sunt, tū quid sint. Vt quærenti propter quid à magnete ferrū trahatur, prænoscedum utiq; est, ferrum à magnete trahi. Id ubi iam perspectū quispiam habet, sciscitatur deinde propter quid ita eueniat. Similiter quærens aliquis, quid motus, uel quid tempus sit, exploratum iam is habere

bere debet, utrunq; esse & motum & tempus. In quibus uerò sciscitatur adhuc, sint nec ne aliqua, uerbi gratia, an sit prouidentia, in his necesse est prænoscere quid uocabulo ipso indicetur. At qui contrà euenit, ut sciatur quidem quid uocabulo siue nomine significetur, sed nescitur an sit: ut quæ sit Scyllæ aut Hippocentauri appellatio, nemo est qui non sciat. An uerò etiam sint, incertum fortassis compluribus adhuc. Sanè non idem putandum est esse quid nominis, & quid rei: quinimo longo hæc & insigni inter se interstitio dissentiūt differuntq;. Significatum nanq; uocis cuiusq; omniū etiam imperitissimis & uulgò fere perspectum est. Quid tamen sit id quod uoce unaqualibet significatur, non nisi exercitatisimis facile traditum est.

Quid sit propositio immediata, & quòd duplex sit demonstratio.

Quoniam autem demonstratio syllogismus est, qui fit ex propositionibus primis & immediatis, ut dictum est, de huiusmodi propositionibus, quænam sint, paulò altius repetere operæ precium est. Itaque dicimus ex Aristotele & Themistio, quòd propositio immediata est, quæ & prima & summa dicitur, prima quidem, ut qua non est alia prior. Summa uerò, ut qua non est superior alia. Immediata igitur dicta est, ut quæ alia demonstratione confirmari non possit. Quo fit, ut huiuscemodi propositiones prima etiam principia appellentur. Sed de his mox plura suo loco. Cum igitur fit syllogismus per primas & immediatas rei causas, hæc demonstratio propter quid dicitur: cum uerò per causas quidem, sed non

immediatas, aut per prima quidem & immediata, sed nō quæ causæ rei sunt, huiusmodi demonstratio uocatur, quæ est. Sanè prima & immediata causa est, quæ affectioni, quæ quidem de re quapiam demonstranda proponitur, æquatur, atq; cum ea conuertitur, ut cum per definitionem rei subiectæ propria ei inesse affectio demonstratur. Prima uerò & non immediata causa est, quæ diffusior est & magis ampla, & quæ in his præcipuè scientijs locum habet, quæ subalternatæ dicuntur, ut in perspectiua, quæ geometriæ subalternata est. Ergo quicumque probat arbores, frugesq; non spirare, quia pulmo his desit, is scire dicitur propter quid, quod pulmo proxima & immediata ratio & causa sit spirationis. Qui uerò idem facit per hoc quòd non sunt animalia, hic iam scire illud dicitur, quia est. Nam hæc probatio non de proximo, sed de longinquo comineat. Ita & Anacharsis cum percontanti cuipiam, quare Scythia tibicines non efficiat, respondisset, quia Scythia uitem non ferret, causam reddidit remotissimam. Nam proxima huius causæ erat, quod Scythæ temulenti non fierent, causa item huius, quia temetum non haberent. Huius denique, quia uites essent illis negatæ.

Quid sit dici de omni, & quid
item per se.

Rursus autem, quoniam propositio omnis ex subiecto aliquo & prædicato connectitur, scire conuenit prædicatum in demonstrandis propositionibus non utcunque, sed per se de subiectis dici oportere: quare quid sit hoc, quod per se uocatur, protinus dicendū est.

Interim

nterim tamen absoluerè prius licebit id, quod de omni prædicari hoc loco dicitur. Nam absq; hoc id, quod per se prædicari dicitur, explicari probè non potest. Prædicari igitur de omni (ut breuissimè dicam) est cum prædicatum subiecto & omnino & semper inesse significatur, nec quicquam refert siue substantiæ, siue accidentis proprii quidem & inseparabilis rationem habeat id, quod prædicatur, ut omnis homo est animal, & omnis cygnus est albus. Per se uerò dicuntur, quæ sunt in eo quod quid est, ut triangulo per se linea inest, & lineæ punctus, & arbor item platano. Nam ut ex linea trianguli, ita ex arbore ipsius platani substantia, ratioq; substantialis constat. Cæterū non omne quod de omni prædicatur, etiam per se prædicatur. Quippe de omni cygno candidum dicitur, quia & semper & omni cygno inest, non tamè in eo quod quid sit, cygno inesse dicitur. Ex his igitur, quæ dicta sunt, patet propositionem per se eam dici, in qua prædicatū est aut definitio subiecti, ut homo est animal rationale: aut definitionis pars aliqua, ut homo est animal, uel homo est rationalis.

Quot sint modi eorū, quæ per se sunt.

Eorum porro quæ per se sunt, quatuor ab Aristotele & Themistio modi traduntur, quorum præter tertium reliquæ tres propriè per se dicuntur, qui & distinguuntur, & dignoscuntur extremis propositionū ad se inuicem collatis. Primus igitur modus est, cū prædicatum propositionis est de ratione quid est dicente subiecti, aut ipsamet ratio subiecti, ut homo est rationalis, uel homo est animal rationale. Secundus uerò, cum

subiectum est de ratione quid est dicente prædicati, ut numerus est par, & numerus est impar, cui Themistius hoc addit, dicens, Aut quoties accidentia sunt, in quarum definitionibus subiecta collocantur, quo modo summum esse per se naso inest, nempe similitudo nasi securitas definitur. Tertius modus est eorum, quæ neque per aliud sunt, neque in alio continentur, ut indiuidua substantiæ. Quartus denique modus est, cum subiectum causam importat, ob quam causam prædicatum ei competit, ut iugulatus interit. Sanè ex his quatuor modis priores duo sunt, qui demonstrationibus accommodabiles præcipuè sunt. Sequentes uerò duo adiecti ab Aristotele uidentur (ut Themistius opinatur) amplificandi, exornandique gratia.

Quid sit Vniuersale, siue Vniuersaliter dici.

Dicendum quoque quid sit, quod hic uniuersale dicitur. Vniuersale Aristoteles definit id, quod cum de omni sit, & per se inest, & quatenus ipsum. Eodem planè modo & Themistius ipsum definit, Vniuersale (inquit) appello, quod de omni, & per se, & quatenus ipsum est, dicitur. Quapropter si quæ de omni dicantur, non tamen propterea necesse est, ut uniuersaliter statim sint. Siquidem album de omni cygno, & atrum de omni coruo affertur, attamen haudquaquam uniuersaliter, quia neque per se, neque quatenus ipsum. Vnde & exploratum iam haberi potest, idem esse & uniuersale, & quod per se dicitur. Exempli gratia, inest per se lineæ longitudo, quia in definitione eius affertur. Inest etiam quatenus

quatenus ipsa est. Neq; uerò si quæ per se sunt, continuo sequitur, ut etiam uniuersaliter sint. Nam quæ secundo aut sequentibus duobus modis per se sunt, uniuersaliter esse non possunt. Sed ut definitio eius quod hic uniuersale dicitur, accuratissima absolutaq; & completa reddatur, adiicienda est particula, primum, ut id scilicet dicatur uniuersale, quod est de omni, & per se, & primū. Itaq; propositio uniuersalis hoc loco dicitur, in qua prædicatū subiecto & omni, & per se, & primo inest. Verbi gratia, esse animal rationale, homini adest primum, nō quatenus animal, sed quatenus homo, nec quatenus Socrates aut Plato, sed his inest secūdo loco, quia sub homine continentur. Vniuersaliter igitur inesse, dicitur, quod omni & per se & primum inest.

Quod demonstratio sit ex necessarijs, quodq; sit perpetuorum, quid item definitio ad demonstrationem.

His ita cognitis, manifestum est demonstrationem ex necessarijs constare. Nam cum scientia per demonstrationem acquisita, ex his fiat, quæ aliter fieri nō possunt, consequens est eam ex necessarijs omnino confieri. Huiusmodi autem maxime ea sunt, quæ per se & uniuersaliter adsunt. Ad hoc rursus argumento est & illud, quod quoties demonstrationem aliquam euertimus, illa uti solemus infirmatione, quod ea quæ sumpta sunt, necessaria non uideantur. Ex quo & illud sequitur, conclusionem uidelicet demonstrationis perpetuā esse, nullamq; demonstrationem caducorum, corruptibiliumq; & fortuitorum. Nam quæ confirmatio esse

K 5 potest

poteſt ipſius concluſionis, cuius ſubiectum diſſolubile caducumꝑ que habeatur, & cui prædicatum neque ſemper, neque omnino ſimpliciterꝑ que, ſed modò inſit, modò non inſit? uerbi cauſa, Ineſt Socrati ut animal ſit, ſed nunc tantum, nec quia Socrates eſt, ſed quia homo eſt. At qui homo ſemper eſt, non autem ſemper Socrates. Et quemadmodum igitur demonſtratio caducorum nõ eſt, ita nec definitio. Quandoquidem definitio uel demonſtrationis principiũ eſt, uel demonſtratio ſolo ſitu differens, uel demonſtrationis concluſio. Principium quidem, ut cũ uel pro immediata propoſitione, uel pro termino in propoſitione huiusmodi deſumitur. Situ uerò ſolo & demonſtratione differens eſt, quoties talis definitio eſt, quæ cauſa rei, quod ita ſit contineat: ut hæc, Deliquium ſolis eſt occultatio luminis eius, ob lunam ei oppoſitam atq; ſubiectam. Definitio hæc ordine paulum mutato, in demonſtrationem comineat hoc pacto, Luna ſubijcitur atq; opponitur ſoli, quod autem ſubijcitur atq; opponitur, occultat, luna igitur ſubiecta atq; oppoſita, ſolem occultat. Concluſio porrò demonſtrationis, ea eſt definitio, quæ cauſam materialẽ attingit. Vnde & hæc quidem materialis, illa uerò formalis à quibuſdam appellatur definitio.

Quod tria ſint, quæ ad demonſtrationem omnem requirantur, & quot modis horum unumquodq; prænoſcatur.

Cum autem tria ſint ueluti momenta quedam in unaquaq; demonſtratione, ut id ab Ariſtotele & Themiftio traditur, quibus uidelicet omnis ſcientia abſoluitur:

soluitur: primum genus subiectum, ut numerus, aut tria-
 gulus: secundum affectiones, quæ & propria passionēs
 rei à quibusdam dicuntur, & subiecto generi inesse de-
 monstrantur, ut paritas & imparitas numero, & tres
 angulos æquales duobus rectis æquipoller et triangulo:
 tertium principia. Ex his, inquam, genus quidem subie-
 ctum statuere oportet, ut sint affectiones, quid signifi-
 cet, quorum utrumque principia & dignitates deside-
 rant: nam & ut sint, & quid significant, antequam de-
 monstrations fieri, sciendum est. Principijs itaque
 utraque prænotio necessaria est. Nec tamen me fugit,
 quadam ex principijs esse, quæ non statim cognitis ter-
 minis explorata habeantur, sed obscuriora paulò, decla-
 ratione proinde probatione que aliqua, nempe diale-
 ctica, indigentia: quippe quæ fiat uel per inductionem,
 uel per diuisionem: atque id nimirum est, quod Aristo-
 teles ait dialecticæ proprium esse & peculiare, ut cum
 sit inquisitiua, ad omnium methodorum principia uiam
 habeat.

De principijs, & eorum multiplici
 differentia.

P Principia in unoquoque genere sunt (quemadmo-
 dum & Aristoteles ea definit) quæ quòd uera sint,
 non contingit demonstrari. Rursus & hoc modo, Princi-
 pia sunt, queis per se, & non per alia fidem habent. Per
 alia quidem idcirco adiectum est, ut intelligamus scien-
 tiæ cuiusque principia esse quibus in eadem scientia, ni-
 hil prius superiusq; sit, per quod cõfirmari explicariq;
 possint, Nam si hæc quoque comprobare necesse fuerit,
 rationem

rationem hanc in infinitum tandem extrahere oportebit. Quare si id necesse non est, sed subiacent, supponunturque hæc tanquam notissima, meritò principia statuuntur dicanturque. Ex his autem alia quidem propria uniuscuiusque scientiæ sunt, alia uerò communia. Propria quidem, ut in geometria, lineam esse longitudinem sine latitudine. Et in dialectica, De quolibet uera est affirmatio uel negatio, de nullo uerò simul. Communia autem, ut si ab æqualibus æqualia demas, remanentia sunt æqualia. Item, quæcunque uni & eidem sunt æqualia, ipsa inter se sunt æqualia. Communia idcirco dicta, quòd pluribus & his etiam diuersis scientijs applicari possint. Talia quoque sunt & dialectica quædam principia, ut si quid prædicatur de definitione, idem & de definito prædicatur, & cætera eiusmodi. Porro ex principijs, quæ propria alicuius scientiæ sunt, hæc quidem dignitates siue prologia dicuntur, hæc uerò positiones. Dignitates quidem dictæ ob id, quòd iure illis fides habenda sit. Nam talia principia sunt, quæ statim quisque audita probat, & quæ quemlibet discens naturam habere necesse est: quod profectò nihil aliud est, quàm illis (eorum tantum cognitio terminis) intellectum nostrum naturali lumine protinus assentire. Cuiusmodi illud est, Totum unumquodlibet maius est qualibet sua parte. Dicuntur rursus & maximæ, siue maximæ propositiones, & cōmunes animi conceptiones, quòd multorum scilicet intellectu faciliè percipiantur. Positiones uerò sunt principia, quæ cum demonstrari non possint, necesse tamen non est, quemlibet docendum ea habere. Ex ipsis rursus quædam suppositiones

positiones dicuntur, quædam definitiones. Suppositiones quidem, quæ aut esse, aut non esse significant, ut punctum esse geometra supponit. Definitiones uerò, quæ absque eo quod est esse, uel non esse, quid sit res indicant. Porro suppositionum aliæ quidem dicuntur petitiones siue postulata, aliæ uerè suppositiones assumptæ. Petitiones siue postulata sunt, quæ hypothesibus ponendis maxime accommodantur aptanturq; ut quoties data propositione quapiam, eius deinde petitur à discente contraria, siue contradictoria concedi, idq; interim disciplinæ gratia, ne quid scilicet in disciplinis absurdum ponatur, aut earum principiis repugnans. Assumptæ demum propositiones dicuntur, quæ præmissæ demonstrationum assumuntur. Vt ad demonstrandum, quod demonstratio omnis ex ueris procedat, assumitur à docente quod falsum non scitur, & quod uerum non scitur, nisi ex ueris. At de principiis quidem hætenus, quibus colligendis haud parum mihi profuit commentariis suis Iodocus Clichthoueus in Iacobum Fabrum Stapul. uir apprimè doctus, & inter scholasticos quoque theologos, partes si non primas, secundas tamen haud dubie obtinens. Cæterum ab his demonstrabiles propositiones θεωρηματικæ à Græcis appellantur, quæ Latinis speculationes dici possunt.

Quòd per quatuor causarum genera demonstratio potissimum fiat.

Quoniam autem omnis demonstratio ex principiis fit, principia autem & causæ idem, illud quoque iam dicere oportet, quòd causæ numero quatuor sunt.

Vna

Vna quidem quod quid est esse, hoc est, substantiæ ratio, formaq; & definitio. Secunda uerò, quæ cum est forma, ut ipsa sit, necesse est. Hæc autem materia est. Nam non potest sine subiecta materia forma subsistere. Tertia autem, unde initium fit motus, quæ est efficiens causa. Quarta uerò, cuius gratia quippiam fit, idq; finis est rei cuiusq;. Sanè omnes hæc causæ in demonstrationibus spectantur, & medij in his termini sunt. Ac ratio quidem ipsa substantiæ, quemadmodum in demonstrationem ueniat, sumaturq;, prius dictum est, uidelicet cum dicebatur de finitionem demonstrationis esse principium, uel ab ipsa demonstratione solo situ differetem. Materia uerò hoc modo redditur, cum quæritur, quãobrem animalium corpora consumantur, corrumpanturq;, quia ex contrarijs constant. Omne siquidem, quod ex contrarijs conflatum est, corrumpi natum est, redditur & primum mouens, si queratur, quare mundus est miranda pulchritudine, quia Deus opifex & ipse pulcherrimus sit. Redditur item finis, si quis sciscitetur, propter quid fabricatus est mundum? quia bonus est. Et quamobrem quispiam uxorem sibi ducendam statuit: nempe ut liberos habeat.

Quo pacto sciëntia ab opiniõe differat.

Sequitur hinc iam ut dicamus, quonã pacto ab opinione differat sciëntia. Differt autem hæc ab illa modis duobus, rebus inquam subiectis, & genere probandi. Rebus quidem subiectis, quod scientiæ quidẽ eorum est, quæ necessaria sunt, & aliter sese habere non possunt. Opinio autem & eorum, quæ falsa plerũq; sunt, & aliter se habere possunt, licet uera sint. Genere uero probandi, quod

di, quòd scientia quidē ex necessarijs proficiscitur propositionibus, opinio uerò ex possibilibus contingentibus uē, quæ nimirum neq; ad scientiā, neq; ad intellectū pertinent, qui principiorum habitus ab Aristotele definitur. Quare si habitus omnis, quo uera cognoscuntur, aut scientia est, aut intellectus, aut opinio: relinquitur opinioem earum rerum esse, quæ tametsi ueræ aliquando sunt, secus tamen esse possunt.

Quòd duplex sit ignorantia, & quid sit solertia.

Ignorantia porro, quæ scientiæ in totum opponitur. duplex ab Aristotele esse traditur. Vna quidem, cum alicuius rei penitus rudes ignariq; sumus, puerorū instar, quæ ob id ignorantia secundū negationem dicitur: altera uerò, quæ affectionis ignorātia uocatur, quoties quis rudis quidem omnino non est, sed falsam illius rei, quam tenere se putat, scientiā opinionem uē habet. Dicta est autem hæc ignorantia affectionis, quòd cui contingit, illius animus persuasionē quadā affectus sit. Putat enim se scire aliquid, qd' tamen nescire melius esset, idq; aut per simplicem apprehensionē, aut per syllogismum. Vnde & ab eodē Aristotele dicta est, partim per syllogismū facta deceptio, partim in sensu error & hallucinatio. Tales profectò sunt barbari omnes & sophistæ, qui cum omnia intelligere uideri uelint, nihil intelligent, nisi suo more omnia, hoc est, corrupte. Præterea ab Aristotele definitur solertia, subtilitas quadā in nō prospecto tempore mediij inueniēdi. Vel sic, solertia est sagax, repentinaq; coniectatio inuentioq; mediij, ut si quis

quis uidens lunam, eam quidem partē, quæ solem uersus semper deuergit, lucidā habere intellexerit ob id, quia luna splendorem à sole mutuatur. Aut si quēpiā quis cum numulario argentario uel colloquente uidens, intelligat statim uersuram cum facere, & causam omnino fœneratitiam esse. Hæc tum coniectatio solertia est.

De quatuor quæstionibus scibilibus.

Postremo autem de quæstionibus scibilibus hac in parte nonnihil dicendum est. Sunt autem numero quatuor, quæ sunt, quod est, propter quid est, si est, & quid est. Quæstiones quidē scibiles dictæ, quod per has quærimus de qualibet re in unaquaque scientia. Quærimus ergo aut de simplici, aut de composito. Simplex quidem hoc loco intelligitur, quod seorsum ex uno aliquo decem generum sumitur, ut est, uel Deus, uel homo, uel Centaurus, uel Charybdis. Compositum autem, ut utrum luna deficiat, aut utrum iustum natura, an lege potius, & institutione hominum constet. Quoties igitur de simplici quærimus, prima & obuia protinus quæstio est, an sit, secunda, quid sit. Primum namque quærimus, an sit Deus, deinde quid sit Deus. Si autem de composito quærimus: prima quæstio est, an subiecto prædicatum insit: secunda, quamobrem insit, hoc est propter quid. Nam simul ac didicimus lunam deficere, continenter quamobrem deficiat, quærimus. Hactenus de demonstratione dicta sufficiant.

INTRACTATVM

OCTAVVM PRAEFATIO.



EQVITVR hinc tractatus de Definitione pariter & de Diuisione. Quæ quidem quòd partes quoq; huius artis sint, ex tripartita superior facta dialecticæ diuisione facile intelligi potuit. Nunc illud addendū insuper est, quòd sicut absq; demonstratione nulla sciētia rite comparari potest, ita absq; duabus his partibus non scientia solum, sed nec ars ulla. Quo fit, ut & merito ipsæ quoque philosophiæ, instrumenta censerī debeant. Distant autem uel hoc ipso hæc tria inter se, quòd diuisione quidem ipsa aditum ad artes omnes, & disciplinas præparat, ceu diligēs quædam exploratrix, quantum uidelicet ars se unaquæq; extendat. Definitio uerò præparata iam atq; explorata, ueluti lumine adhibito, illustrat. Demonstratio deinde hæc omnia perficit, & consummat. Ratio autem cur, cum ordo in his tribus ita se habeat, prius tamen de demonstratione, quàm de cæteris duabus tractare instituerim: quia nimirum ipsa demonstratio est, cui reliquæ duæ, nempe Definitio & Diuisione, inseruire interdum probantur, & accommodari solent, quemadmodum etiam de definitioni ipsa diuisione. Hinc & de definitione quoque prius dicendum, quàm de diuisione.

L

De defi

De Definitione quid sit, & quo pacto à nomine differat, tum item & à descriptione, & quid sit descriptio.

Igitur quid sit definitio, ipsa definitione nunc explicemus oportet. Hæc à Platone quidem definitur hoc modo, Definitio est oratio quæ quid sit, de quo agitur, ostendit quàm breuissimè. In qua definitione oratio posita est, ut à nomine distinguatur: quod nomen quoque rei naturam quomodocunque significet, at ex unica constat uoce: definitio autè ex duabus saltem uocibus. Adiectum deinde est, quæ quid sit de quo agitur, ostendit: quoniam inuenias orationes quidem, quas tamè definitiones nemo dixerit: quando quidem rei naturam nō exponunt. Cuiusmodi orationes sunt, quæ apophthegmata seu dictæria dicuntur, ut Nosce te ipsum, Ne quid nimis, & id genus aliæ. Postremo adiectum est, quàm breuissimè, quo ab alijs distinguitur orationibus multo longioribus, utpote quæ certis constituuntur partibus, quales sunt Ciceronis, & ceteræ huiusmodi. Ab Aristotele uerò in Topicis ipsa ad hunc modum definitur, Definitio est oratio, quod quid est esse significans, hoc est, oratio explicans quæ sit rei natura essentia uel. Quo in loco aduertendum est Aristotelem Græcè loquentem, in definitione sua usum uerbo ἐστίν, quod Græcis est temporis paratatici, Latinis præteriti imperfecti. Atque hoc ipsum ita consueße Aristotelem Geor. Valla Placētinus fideliter asserit, ut erat pro est poneret. Quasi uerò id illi non cum alijs Græcis hominibus commune fuisset, ut certè fuit. Vnde ad confirmandum

dum quod dico ex Galeno Græco autore similem omnino rationem huc adferre non grauabor. Galeni oratio illa huiusmodi est, atque ita legitur in quarto Therapeutica libro ἐν τῷ γένει ἢ νόσου. Quam utique orationē etiā Thomas Linacer uir & Græcè & Latine doctissimus ita uertit atque interpretatus est, Vnum quoddam genus est morbi. Quare ex loquendi libertate & consuetudine (ut dixi) id potius euenire existimandum est, qua Græci uerbum paratici temporis plerumque pro præsentī usurpant. Itaque nos ἢ est uertimus, etsi Aristotelis interpres, quisquis ille fuerit, Erat interpretatus est, uerbo ad uerbum. Ob id fortassis quod illud, quod diximus, uel non animaduertit, uel prorsus ignorauit. Vnde & eam ipsam definitionem hic subiiciendam duximus his uerbis, quibus ab Aristotele posita est, nēpe Græcis, ἐστὶ τὸ ὅριον μὲν λόγῳ ὁ τὸ τῷ ἢ εἶναι σημαίνων. Sed ne illud quidem omittendum puto, Definitionem ipsam termini nomine, quod Græcè ὅριον dicitur, plerumque appellari à translatione terminorum terræ. Nam sicut per illos fundi in agro à se inuicem dissepiscuntur: ita per definitiones res à se inuicem discernuntur. Rursus autem & à nomine Definitio differt: quoniam quod nomen obscurè & indistinctè significat, id Definitio euidenter & discretè exponit. Differt item & à descriptione, quod descriptio quidem ueluti opacæ alicuius picturæ imaginem gerit: Definitio autem perfectæ picturæ faciē refert. Hinc & descriptio à Boëthio definitur, ex proprietatibus informatio quædā rei, & tanquā coloribus quibusdam depi-

ctio. Ex proprietatibus, inquit, hoc est, ex proprijs cuiusque rei accidentibus. Atq; hæc proinde poetis atque oratoribus magis usu uenire solet, nec in id adhibetur, ut quid sit res indicet, sed qualis sit, quasi inspiciendum ante oculos ponat.

Quòd duplex sit definitio.

ERgo duplicem esse definitionem, tam ex his quæ dicta sunt, autore Seuerino Boëthio, quam ex Aurelio Augustino, uel potius alio quopiam, qui etiã Augustino ipso uetustior fuit (ut Lau. Valla sentire uidetur) colligere licet. Alia nanque dialectica est, alia rhetorica: & dialectica quidem est, quæ cõmuni tantum designatur nomie, & definitio appellatur: rhetorica uerò, quæ alio noie, descriptio dicitur, qualis ea est, quæ paulò superius à nobis ex Boëthio definita est. Inter utramq; porrò hoc interesse ex eodẽ Boëthio animaduertimus quòd hæc quæ oratoribus apta est, non etiã philosophis perinde conuenit, quæ tamen philosophorum propria est, ea conuenire potest & oratoribus. Omnia nanq; (inquit ille) quæ philosophorum sunt, orator in dicendo recte usurpare atq; his uti potest. At contrà philosophus in disputationibus suis, quæ oratorum propria sunt, cuncta serè contemnit, Neq; enim adiungit aliquãdo signũ, neq; quod credibile est, aut probabile solum, sed quod necessarium omnino fuerit. Sed de harũ utriusq; siue differentijs, siue speciebus, tam proprijs quàm communibus, deinceps ex ordine dicere haud alienum fuit.

De tri-

De triplici Dialecticæ definitionis
forma ex Cicerone, tum quæad-
modum alia ab alia distet.

Eius igitur definitionis, quæ Dialectica dicta est, tres à M. Cicerone differētiæ ponūtur, siue formæ principales. Ex his una quidem est, quæ substātialis dicitur: altera uerò, quam idem à partium enumeratione appellat: tertia quæ à nota dicitur. Porro eam, quæ substātialis dicitur, & philosophorum maximè propria est: Aristoteles plenam atque perfectam consistere ait ex genere & differentijs, ut cū homo definitur, animal rationale mortale. À partium uerò enumeratiōe definitio est, cū enumeratis omnibus totius alicuius partibus, id quod totum est, cognoscitur quid sit. Quæ quidē definitione poena, quæ legibus sancita est, definitur hoc modo. Poena est, quæ uno ex octo modis fit, nēpe aut dāno, aut uin- culis, aut uerberibus, aut talione, aut ignominia, aut exi- lio, aut seruitute, aut morte. Eadē quoq; definitione & mundus à Cleomede in libro de mūdo ita definitur, Mun- dus est, inquit, ex cælo terraq; necnon ex naturis, quæ intra hæc includuntur cōstitutio. Vnde & admonendus hic est diligens lector, non esse necesse ubi quodāmodo partiū infinitas quædam est, uniuersa in ipsa partiū enu- meratione concludere, ut in definitione mūdi iam facta. Tali item usus est Cicero cum cum definit, qui non liber est, is (inquit) est, qui neque censu, neque uindicta, neq; testamento talis est. Etenim hæ partes sunt dandæ liber- tatis. Nec moueat quempiam, quòd per hanc definitio- nem quid sit non liber, constitutū est, non quid sit, quan-

do peræque definitione opus est, cū ostendere uolumus, quid non sit quidpiā, quān quid sit. Porro à nota, ut Cicero, siue ab etymologia, ut Aristoteles, definitio dicitur, cum uis uerbi, quæ in compositione sita est, rem suā facta quadam discretione designat, ut in primo Offic. libro Cicero, quid sit fides, hoc modo definit, Fides est, inquit, quia fiat quod dictum est. Tribus igitur positis, ueluti principalium definitionū formulis, sola prima, quæ substantialis est, & à toto dicitur, uerè definitio nuncupatur, aliæ duæ nominis tantum honore.

Quæ & quot sint in summa definitionum, siue differētiæ, siue species tam philosophis quā oratoribus, necnon & poëtis communes.

IN summa autem ipsius definitionis, siue differentie, siue species numero quindecim ex Boëthio colliguntur, quarum tamen bonam partem ex Aurelio Augustino in eo, quem de dialectica scripsit libello, si tamen autorem titulus non mētitur, Boëthius collegisse uideri potest, quas & hic nunc per ordinem recensere collibitum est. Ex his igitur prima quidē à Grecis *ὀνομαστικός* dicta est, à Latinis uerò substantialis, siue essentialis appellari potest, ut quæ substantiam essentiam uel rei cuiuslibet proprie demonstrat, qua & philosophi proinde maxime utuntur. Cuiusmodi est hæc hominis definitio, animal rationale mortale risus & disciplinæ capax. Hæc enim per species & differentias descendens, ad proprium tandem uenit. Secunda uerò, quæ à notione Latine, Græcè *ἐννοιατικὸν* dicitur. Hæc rem nō per substan

substantiam, sed per actū potius explicat, ut homo est quod rationali cōceptione & exercitio cunctis præest animantibus. Hic quidem nō quid homo sit, dictum est, sed quid agat, atq; ita quodam quasi signo in notitiam deuocatur. Tertia quæ à qualitate nomē accepit Græcè ποιοῦν dicta, quæ quale quippiam sit ostēdit potius, quā quid sit, ut homo est qui ingenio ualet, artibus pollet, bonumq; ac malum discernit. Hic enim non quid homo sit, sed qualis sit designatus est. Quarta tamē est, quæ à Græcis ὑπεργραφικὴ, à Latinis descriptiua, à Cicerone uerò descriptio appellatur, ut luxuriosus est, qui uictus non necessarij, sed sumptuosi appetens est, delicijs affluens, & ad libidinem procliuus. Quinta uerò est, quæ Græcè κατὰ λέξιν, Latine ad uerbum dicitur. Hæc uocem illam, de qua quæritur alio sermone designat, & quodammodo quid sit declarat, ut conticescere est tacere. Qua etiam definitione locus tum ab Aristotele, tum à Cicerone sedes argumenti definitur. Sexta, quæ Græcis κατὰ διαφοράν, Latinis per differentiam dicitur, ut cum quæritur, quid inter regem & tyrannum intersit, uterque adiecta differentia, quid sit definitur hoc pacto, Rex est, qui pietate & modestia erga suos utitur. Tyrannus autem, qui in suos seuit, & crudelitatem exercet. Hinc & illud apud Terentium in Adelphis, Hoc pater ac dominus interest. Septima est, quæ κατὰ μεταφοράν, id est, per translationem dicitur, ut adolescentia est flos ætatis, senectus ætatis occasus. Item caput arx corporis. Octaua uerò est, quæ κατὰ ἀφαιρέσιν τὸ ἐναντίον, id est, per priuantiam eius contrarij quod de-

finitur, dicitur, ut bonū est, quod malum non est. Quo quidem genere definitionis uti licet, cum notum est alterum contrarium. Hac et Horatius epistola prima ad Mecoenatem usus est, cum ait, Virtus est vitium fugere, et sapientia prima Stultitia caruisse. Nona est, quæ κατὰ ὑποτίπωσιν, id est, per quandam informationem dicitur, ut Aeneas est filius Veneris et Anchisæ. Porro hæc in indiuiduis, quæ Græce ἄτομα dicuntur, uersatur semper. Desideratur præterea et in nominibus quæ ὁμώνυμα sunt, hoc est, æquiuoca, ut est Ajax Oileus et Telamonius. Ergo quoties unum aliquē definire uolumus, à genere, à corpore, à factis, à dictis, ab animo, hoc genere definitionis utimur. Decima deinde species est, quæ dicitur ὡς τίπτε, hoc est, ut secundum figuram dicam, uel exempli causa. Cuiusmodi definitio est, ut si quærat, quid est animal, et respondeatur, ut homo. Quæ et Aristoteles usus est, cū dixit, ὁσία ἐστὶ, ὡς ἀνθρώπου, id est, substantia est, ut homo. Undecima, quæ κατὰ ἐνδείαν πληροῦς ἐκ τῶ ὁμογενοῦς, id est, per indigentiam pleni ex eodem genere dicitur, ut si quærat, quid sit quadrans, et respondeatur, cui dodrans deest, ut as sit. Duodecima, quæ κατὰ ἐπαερον dicitur, id est, per laudē, ut apud Ciceronem pro Cluentio, Lex est mens, et animus, et consiliū, et disciplina ciuitatis. Qualis etiā ea est, quæ ab Aristotele philosophia definitur, ars artium, et scientia scientiarū. Tertiadecima est quæ κατὰ ἀναλογίαν, id est iuxta proportionem dicitur, ut cū maioris rei nomine minor designatur, ut edictum est lex annua, et homo minor mundus. Quartadecima uerò, quæ κατὰ τὸ πρὸς τι, id est,

ad aliquid dicitur, ut pater est, cui filius est. Quintadecima demum, quæ cõl. wõns, id est, causalis dicitur, ut quæ causam rei de qua quæritur, reddat, ut dies est latitio solis super terrâ. Similis huic & illa est apud Ouid. Res est solliciti plena timoris amor. Efficit enim amor, & causa plerunque est, ut quis nimis sollicitè, anxieq; alteri timeat.

Ex quot constet, & à quibus sumatur ea definitio, quæ substantialis dicitur.

Sanè definitio illa, quæ philosophis magis peculiaris est, cum ex genere & differentijs constituatur præcipuè, interim tamen sumitur aut à materia, aut à specie siue forma, aut à subiecto, aut à fine. A materia quidem, ut si statuam definias ex ære, uel alia qualibet materia, quæ huius uel illius rei referat simulachrũ. A forma siue specie, ut si quis definiat iram, quod est ulciscendi cupiditas, quæ eadẽ à materia definitur esse, ebullitio sanguinis circa cor. A subiecto, ut cũ dicit quispiã, Astrologia est ars, quæ circa cœlestia corpora uersatur, A fine uerò, ut quem consequitur, ut medicina est ars in humano corpore sanitatis effectrix.

De uirtute definitionis, tum &
de eius uitijs.

An te omnia autem & quæ sit uirtus definitionis dicendum. Sane hæc est, ut definitio suo ex altera parte definito respondeat. Hanc Rodolphus Agricola legem definitionis uocat, eamque huiusmodi esse dicit, ut neque plura complectatur, quàm ipsum definitum, neque pauciora, sed de quocunque unum dicitur, & al-

terum dicatur. Huic porrò aliam idem adiūgit, ut quid sit res, hoc est, substantiā rei explicet. Præter has dein-
de duas, tertiam quoq; adiicit, ut sit aperta, hoc est, ne-
que ambiguis nominibus, neq; obscuris, aut ex longin-
quo translatis constet. Sunt & aliæ ad hanc rem ab eo-
dem posite leges, quas hic breuitatis studio prætereo.
Ex prædictis igitur & quæ sint uitia definitionis, faci-
le est intelligere. Sunt autem duo præcipuæ, primum, ne
quid abundet, alterum, ne quid deficiat. Et dictionum
quidem abundantia, rei facit defectum: defectus uerò di-
ctionum, abundantiam rei. Atque ex utroq; minus apta
definitio est. Sed hæc nunc exēplis ostendamus. Per abū-
dantiam igitur definitio fit, si hominem ita definias, Ho-
mo est substantia animata sensibilis. Est hæc quidē defi-
nitio, declaratio quædam hominis. Nam hæc omnia, ho-
mo est. Verum si conuertas, non respondebit. Per defe-
ctum uerò, ut si quis definiat cupiditatē hoc modo, Cu-
piditas est aliena appetēdi desiderium. Sed ne hæc qui-
dem ex æquo respōdet rei definite, propterea quòd mi-
nus comprehēsum ea est, quā res nominis postulabat.
Nam non sola cupiditas auaritia est, imo præter auari-
tiam, quæ habēdi proprie cupiditas dicitur, est insuper-
tum dominandi, tum ulciscendi cupiditas. Potest & ter-
tiū his duobus uitiiū adiici, quoties scilicet falsum quip-
piam definitio dicit, hoc pacto, Sapientia est pecunie
quærendæ diligentia. Verū de definitione hætenus.

De diuisione.

Restat hinc tertiū philosophiæ instrumētum, quod
quidem est diuisio, quæ quem habeat usum ad di-
sciplinas

sciplinas comparandas, hinc quoque nosse licebit, quòd sine hac quemadmodum definitio quidem fieri debeat, haud plane intelligi possit. Quippe per quam ea, quæ ad definitionem sumuntur, ex ordine prius colliguntur, id quod facile liquebit, si exempli causa, nomen ipsum susceperis definiendum. Nam primo huius genus uox sumitur, deinde uocem ipsam diuido, in uocem significatiuam, & non significatiuam. Definitio igitur, Nomen quòd est uox significatiua: quæ oratio, quia nomini nõdũ æquatur, rursus diuido significatiuã uocẽ in eã, quæ secundum placitum significatiua est, hoc est, ex hominum impositione, & eam quæ naturaliter significat. Itaq; prædictæ orationi addo, secundum placitum, fitq; definitio nominis hoc modo, Nomen est uox significatiua secundum placitum. Verũ quia nec sic definitio definito ex æquo conuenit, idcirco id quod est significare secundum placitum, deinde diuido, ac dico, uocum secundum placitum significantium, aliæ quidem cum tempore, aliæ uerò sine tẽpore significant. Sed quia ne sic quidem perfectã nominis definitio haberetur, rursus aliam aggredior diuisionem, nempe eius quod est significare sine tempore. Nam huius aliud quidem est, cuius partes extrã significant: aliud uerò, cuius partes extrã non significant. Itaque nominis definitionem tandem hoc modo compleo ac dico. Nomen est uox significatiua secundũ placitum, sine tempore, cuius nulla pars extrã significatiua est. Sed nunc, quid sit diuisio, & quotuapliciter dicatur, dicendum hinc est.

De Diuisione generis in species.

Generis in species diuio fit, cum ipsum in species per differentias diducitur, aliquoties autē et in ipsas species citra differentias, ut magnitudinū hęc est linea, hęc superficies, illa uerò corpus, aliquoties autem nominibus carent eę, quę sub eodē genere cōtinētur species. Quod ubi cōtingit, accipimus unius alicuius speciei differentiam, deinde quia aliarum specierū unam aliquā differentiam communem non inuenimus, circunloquimur eam alterius differentię negatione, quemadmodum in animalis diuisione fieri uidemus, cū ipsum ita diuiditur, animalium aliud rationale, aliud irrationale. Hic irrationale, non nisi eius quod est rationale, negationem explicat. Quamobrem hęc uera differentia esse non potest, quippe cum omnis species ex differentia constituatur. Nihil autem ex negatione constituitur. Ergo quoties negatione facimus diuisionem, prius affirmatio, pōst negatio subiicienda est, nec id ab re quidē: quippe quod affirmatio natura ipsa prior sit negatione. Aliquoties item et differentię loco specierum in diuisione ponuntur, ut cum dicimus, Quantitatis aliud continuum, aliud discretum, quę cum differentiarum nomina sint, uice tamē specierum posita sunt.

Vtrum in species, an in differentias
rectius genera diuidantur.

Vnde et illud iam haud indignum inquisitu suboritur, Vtrum in differentias, an in species rectius genera diuidantur. Sanē huic inquisitioni ita ex Boëtio obuiam itur, Quoniam definitioni diuisionis, generis

neris est in species proximas distributio, idcirco oportet secundum naturam diuisionis, in proprias species generis disgregationem fieri. Verum hoc interdum fieri nequit propter eam, quæ suprâ reddita causa est. Multis siquidem speciebus nomina desunt. Atque ideo, quoniam quædam sunt genera prima, quædam ultima, quædam media. Primum quidem est, ut uerbi causa, substantia: ultimum, ut animal: medium, ut corpus. Corpus namque ut animalis genus est, ita substantia corporis. Vnde quæ admodum neque super substantiam quicquam inueniri potest, quod generis loco collocari ualeat, sic nec sub animali. Homo enim species est, non genus. Quare antiquior uidebitur per species diuisio, si indigentiæ nominum non sit. Ergo si hoc non abundamus, genera prima usque ad ultima conuenit in differentias separare. Hoc autem fit, si primum genus in suas differentias disgregeamus, non in sequentis proximæ, aut posterioris generis differentias, & rursus posterius in suas, & non in sequentis deinde differentias. Neque enim eadem sunt differentie substantiæ & corporis, aut corporis & animalis. Si quis igitur dicat, Substantiarum alia corporalis est, alia incorporalis, recte quidem diuisionem fecerit. Hæ namque propriæ differentie sunt substantiæ. At non recte, si ita dixerit, Substantiarum alia animata, alia inanimata est. Siquidem hæ corporis, non substantiæ differentie sunt, id est, secundi non primi generis. Quare manifestum est, secundum proprias differentias diuisionem faciendam esse, quoties per differentias genus distribuendum uenit.

De diuisione totius in partes, & quot modis tum dicatur, & de partium inter se differentia.

Totum quoniam multipliciter dicitur, eius quoque in partes multiplex diuisio est. Dicitur namque totum aliud quidem secundum quantitatem, idque duobus modis. Nam aut continuum id est, ut corpus: aut discretum, ut grex, item exercitus & populus. Aliud uero quod uniuersale appellatur, ut animal, & unumquodque superius, si ad eius referatur inferius. Aliud quod totum in modo dicitur. Aliud autem, quod ex quibusdam uelut uirtutibus & potentijs constat, ut anima. At hinc nunc exempla subiiciamus oportet. Totum igitur si continuum fuerit aut discretum, in eas diuiditur partes, ex quibus compositum constat, ut hominis corpus in caput, manus, thoracem, & pedes. Quo etiam modo totus populus Romanus in tres partes olim diuisus fuit, in equestres, in senatores, & plebem. Ceterum partium, & perinde etiam totius non eadem ratio est. Quaedam namque pertinent ad substantiam, quaedam ex quantitate nomen habent, quaedam uirtutis & efficacie cuiusdam. Substantiae sunt, cuiusmodi corporis partes supradictae. Quantitatis uero, ut in ijs, quae extensa sunt, ut bipedale, tripedale partes dicimus rei decempedalis. Et in tempore, praeteritum, instans, futurum. In numero, ut denarij, quinque & quinque. Et item unum, duo, tria, quatuor. Virtutis autem partes sunt, quos & gradus quidam uocant, quemadmodum dicimus Achilli plus roboris fuisse, quam Aiaci. Sic & animae partes quatuor faciunt, uiuificandi,

nificandi, sentiendi, mouendi, & intelligēdi. Rursus autem quæ substantiæ partes sunt, aliæ de propinquo substantiam constituūt, ut materia & forma, ut in homine corpus & anima, in arbore uita & lignum. Aliæ ad integritatem rei explendam pertinet, ut domus, parietes, tectum, & fundamētum. Est præterea & alia partium differentia. Siquidē ex his aliæ quædam sunt, quas ὁμογενεῖς Græci uocant, nos cognatas dicere possumus & similes, ut partes ligni aut lapidis. Omnes enim tam ligni quàm lapidis partes, eiusdem generis sunt, ut natura, ita nomine participāt. Aliæ uerò ἑτερογενεῖς à Græcis dictæ, à nostris alterigenæ, id est, alterius atq; alterius generis, siue dissimiles, ut partes domus, ligna, & lapides, & in homine caro, nerui, & ossa. At de partibus quidem totius secundum quantitatem hætenus. Totius uerò uniuersalis diuisio hoc modo fit, Hominum alij in Europa habitant, alij in Africa, alij in Asia.

De Diuisione uocis in significationes.

Diuiditur uox in plures significationes, quoties uel æquiuoca est, uel ambigua. Aequiuoca, ut canis, quæ uox cum una & simplex sit, plura tamē significat, nempe canem domesticū, canem cœlestem, quæ stella ad Orionis pedem, autore Higinio, micat, & canem marinum. Ambigua uerò, ut oratio, qualis hæc, Aio te Acacida Romanos uincere posse. Hæc enim oratio ambigua prorsus est, quippe quæ significare uidetur nō tam Romanos Pyrrhum superaturos, quàm Pyrrhū ipsos Romanos. Ceterum præter hanc uocis diuisionem est alia, quæ uox secundum plures modos diuiditur: ut cum non
plura

plura significat uox aliqua, sed multis dicitur modis, ut infinitum, quod quidem dicitur aut secundum mensuram, ut est mundus opinione aliquorum infinitus: aut secundum multitudinem, ut cum dicimus continuum diuidi posse in infinitum, hoc est, in partes multitudine infinitas, quas partes proportionales quidam uocant: aut secundum tempus, ut cuius terminus inueniri non possit: aut secundum potentiam, quemadmodum Deum infinitum esse dicimus. Alia item diuisio est, qua cum determinatione uox aliqua significare dicitur, uel sine determinatione, ut homo, quæ uox quando sine determinatione dicitur (quod quidem tum maxime est, cum simpliciter profertur) facit in intellectu audientis dubitationem, quæ tamen protinus tollitur, si determinatio aliqua adijciatur, ut omnis homo.

De Diuisione quæ secundum accidens fit.

Porro eorum quæ secundum accidens diuiduntur, alia est diuisio subiecti in accidentia, ut animalium aliud mansuetum, aliud ferum, aliud mediæ inter utrumque naturæ: quemadmodum et id à Plinio annotatum est libro octauo cap. 56. Alia accidentis in subiecta, ut feritatis, alia serpentis, alia uolucris, alia reliquarum belluarum est. Alia demum accidentis in accidentia, ut candidorum, aliud durum, ut margarita, aliud molle, ut lac. Quæ etiam diuisio uicissim in alterutra membra mutari potest: ut eorum quæ dura sunt, aliud album est, ut alabastrum, aliud nigrum, ut ebum: ac rursus eorum quæ mollia sunt, aliud album, aliud nigrum.

De quibusdam legibus, ut rectè diuisio fiat, obseruandis.

VT autem rectè ipsa diuisio procedat, certæ leges obseruandæ produntur. Prima, ut differentiæ, per quas genus in species diuiditur, è regione cõstituantur, & inter se oppositæ sint. Hinc nullus rectè dixerit, animalium aliud rationale est, aliud bipes: idcirco quòd rationale & bipes, licet differant, nulla tamen à se inuicè oppositione seiunguntur. Huic sanè legi etiam subiacet ea diuisio, quæ secundum accidens fieri dicta est. Secunda, ut quicquid in diuiso continetur, id totū membra diuidentia explicent, hoc est, ne quid ultra citràue dicatur, quoties quippiā diuidendū est. Alioqui aut superflua, aut diminuta erit facta diuisio, id quod etiā in definitione cauendum est. Tertia, ut si fieri commodè possit, diuisio omnis bimēbris sit, id quod in definitione eodem modo requiritur. Verum quo minus illud fiat, uocabulorum indigentia plerunq; impedimento est, ut cum querit quispiam, quid est homo: respondentem minime necesse foret dicere, animal rationale mortale, si id quod est animal rōnale, proprio nomine nuncupatum esset: quod deinde cū reliquis differentia iunctum, nèpe mortali, definitionē hominis uerissimā atq; integra oratione perficeret. Eodem sanè modo & diuisio ipsa duobus tantū terminis perficeretur, si non interdū propria uocabula decēssent, ut cum dicimus, Figurarum, quæ quidem trilateræ sunt, aliæ sunt æqualateræ, aliæ ex tribus duo æqualia latera habent, aliæ totæ inæquales. Hæc tri membris diuisio duobus clauderetur terminis, fieretq;
bimem

bimembris, si ita proferretur, Figurarum quæ trilateræ sunt, aliæ sunt æquales, aliæ sunt inæquales. Inæqualium rerfus, aliæ sunt duo tantum latera inæqualia habētes, aliæ tria, hoc est, omnia simul. Sic cū dicimus, rerū alia bona sunt, alia mala, alia indifferentia, qualia sunt, quæ neq; bona, neq; mala sunt. Hæc quidem diuisio trimēbris quoque est, ac bimembris fit, si ita dicatur, Rerum alia sunt differentia, alia indifferentia. Differentium item, alia bona, alia mala. His tribus iam expositis legibus, quarta demum accedat, quæ est huiusmodi, quoties genus aut in differentias, aut in species dissoluitur, post factam diuisionem, eorum per quæ diuisio fit, definitiones atq; exempla protinus subdenda sunt. Atq; in hoc absolutus sit tractatus octauus.

IN TRACTATVM NONVM DE LOCIS DIA- LECTICIS

P R A E F A T I O.



VPEREST pars illa dialecticæ quæ locos nobis subministrat, à quibus argumenta ueluti eruuntur, atq; ea quidem potissimum, per quæ de quauis re, imò uerò & de principijs etiam disciplinarum probabiliter disputare contingit. Vnde euenisse reor, quòd dialectica ipsa à quibusdam dicta est ars artium, & scientia scientiarum, ac proinde digna iudicata, quæ primum locum inter artes atq; scientias omnes obtineat.

Tum & eodē iure disputatoria ars appelletur, id quod nomen ipsum apud Græcos planè indicat, quippe quod non aliunde deduci certum est, quàm à Græco uerbo *διαλέγομαι*, quod præter alia, quæ significat, disputo quoque apud nos significat, id quod facile ijs pro cōperto esse potest, qui uel mediocriter illius gentis linguam callent. Quam qui improbant, ac per hoc ut inutilem contemnunt, hi mihi uidentur uel inuidia torqueri, uel stupore grauari, adeò ut sint planè siue omni iudicio. An iidem nesciunt à Quintiliano probatissimo, grauissimòq; studiorum censore suusum esse, ut à Græco sermone pueri initium disciplinarum capebant? Nec iniuria quidem, quippe quòd (ut idem autor est) à Græcis ad nos omnes bonas artes manarint: sed hi, ut uideo, sicuti nihil probant, nisi quod ad suum faciat palatum, ita Gryllum suum ducem (ut est apud Plutarchum) sequentes per loca inculta prorsus, steriliàq; & penè deserta, glandibus adhuc uestigi malunt, quàm per amœnos atq; feraces campos spatiantes, optimas colligere fruges, unde probè pascantur. At de hoc satis superq; ad præsens. Ceterum in hac parte de locis id præstitit, quod nec antè, nec post alius quisspiam, Rodolphus Agricola è Frisia, quæ Germaniæ haud ignobilis prouincia est, uir profectò non satis laudatus, etià à laudatissimis uiris Hermolao Barbaro, & Erasmo Roterodamo, cuius proinde si etiam uestigia imitari uelim, uix potero. Ita enim omnia & grauiter & acutè ab eo tradita sunt, ut ueluti maiestas quædam in his elucere uideatur. Tamen si quid obiter apud eundem inuenero, quod ad rem nostram faciat (faciet autè haud dubie

dubiè plurimum) haud grauabor huic operis parti inferre, quanta quidem nostra hæc institutio ferre possit.

De utilitate Dialecticæ.

Quoniam igitur hæc pars (ut dictū est) peculiari nomine Dialectica appellatur, de utilitate eius pauca nobis ex Aristotele dicenda uidetur, priusquam locos ipsos aggrediamur. Est autem utilis (ut ille ait) ad tria, ad exercitationes, ad colloquia, et ad ea quæ sunt secundum philosophiam, disciplinas, quæ eadem Græcè idem his uerbis expressit, πρὸς γυμνασίαν, ἐν τεύχεσσι, καὶ πρὸς κατὰ φιλοσοφίαν ἐπισήμας. Ad exercitationes quidē utilis sanè est, quia methodū hanc habētes, facile de proposito quouis argumētari poterimus. Ad colloquia uerò, eo quòd multorū recēsentēs opiniones, non ex his quæ extranea sunt alicui disciplinæ, sed ex proprijs sermocinabimur ad eos, uel potius cōtra eos trāsmutātes, si quid ab his nobis perperā dictum esse uideatur. Quod quidē tum maxime fieri consueuit, cum inter confabulandum (ut fit plerunque, uel in congressu, uel conuictu) quicquam proponebatur discutiēdum. Cuiusmodi profectò colloquia illa uideri possunt, quæ apud Aul. Gellium in Noctibus Atticis, et apud Macrobiū in Saturnalibus passim leguntur. Ad eas porrò, quæ sunt secundum philosophiam, disciplinas, utilis omnino est, quod cum possimus ad utranq; partem disputare, facile in singulis inuēbimur, quid uerum uel falsum sit. Præter eā autem et ad prima eorum, quæ in unaquaque disciplina principia sunt, utilis probatur. Nam ex proprijs propositæ alicuius disciplinæ principijs dicere aut dispu-

tare de ipsis, impossibile est: eo quòd in unaquaq; disciplina prima omnium principia sunt. Atqui id multo cõmodissime fieri potest ex probabilibus, qualia præsertim in hac arte traduntur, quæ cum sit inquisitiua, ad omnium methodorum principia uiam habere dicitur. Sed nunc quid sit locus deinceps dicamus.

De Loco quid sit, tum & de argumento ipso.

Locus igitur est (ut ab Aristotele & Cicerone definitur) sedes argumēti, quæ definitio (si tamē definitio dici meretur) ab eodē Cicerone à similitudine instituta esse mōstratur. Vt igitur (inquit) earum rerum, quæ absconditæ sunt, demonstrato & notato loco facilis inuentio est: sic cū peruestigare argumentū aliquod uoluimus, locos nosse debemus, è quibus argumēta ipsa promantur. Argumentū deinde ab ipso quoq; definitur, rō rei dubiæ faciens fidem. Itaq; locus est, ueluti publicum receptaculum, & (ut Rodolphus Agricola ait) thesaurus quidam, in quo faciendæ fidei instrumenta reposita sunt: hæc nimirum sunt ipsa argumenta. Argumentum igitur, quod fidem rei dubiæ facit, hoc est, rem dubiam probat, à loco aliquo educatur oportet.

De multiplici argumēti significatiōe, & quemadmodū ab argumentatione differat, quod hic argumentum uocamus.

Argumēti sanè multiplex significatio à Quintiliano traditur. Siquidē & fabulæ ad actum scenarū compositæ, Argumenta dicuntur. Rursus omnis ad scribendum destinata materia, Argumentum appellari potest.

test. Et Argumenta etiam dicuntur orationū uelut the-
mata, quemadmodū de Ciceronis orationibus Afconius
Prædianus exponit: Argumētum (inquit) huius oratio-
nis tale est. Verum nullum horum tale argumentū est,
quale hic quæritur, ab arguēdo dictum, quod uidelicet
rem arguat, hoc est, probet. Nam arguere ueteres etiā
ostēdere dixerūt. Hinc illud Vergil. De generes animos
timor arguit. Hoc inquam tale argumentū ab argumen-
tatione differt: quod Argumentatio est uerborum con-
textus, certū aliquid ex ijs quæ antecedunt, concludens,
ut syllogismus & inductio. Argumentū uerò ipsius ar-
gumentationis ratio, quod & mediū nonnunquam dici-
tur. Ac proinde ut in corpore anima, & in anima rur-
sus mens, ita in argumentatione argumentū. Igitur uis
illa atq; sententia & ratio, quæ oratione clauditur, cū
aliquid probatur ambiguum, Argumentum uocatur.
Ipsa uerò argumenti elocutio expressioq; Argumenta-
tio dicitur. Vnde & à Boëthio ita definitur, Argumen-
tatio est argumenti per orationem explicatio.

De Quæstione quid sit, & quemad-
modum ab Enuntiatione, Propositio-
ne, & Conclusionem differat.

ERgo cum argumentum sit ratio, quæ rei dubiæ
fidem faciat, quid hoc loco res dubia uocetur, in-
uestigandum quoq; est. Itaque sciendum, quod res du-
bia haud aliud quippiam hic intelligi debet, quàm pro-
positio dubitabilis, quæ proinde quæstionis sibi nomen
inuenit, atque sortita est, quandoquidem Quæstio dubi-
tabilis propositio definiri solet. Quocirca Quæstio nō

simpliciter propositio dicenda est, sed quæ cum interrogationis nota proponitur, ut nunquid anima immortalis est? Eadem tamen oratio, si simpliciter proferatur, nempe citra interrogationis notam, quatenus uidelicet aliquid de aliquo enuntiat, Enuntiatio dicitur. Quatenus uerò ipsa syllogismi alicuius pars sit, Propositio appellatur. Insuper & conclusio esse potest, cum ex sumptis propositionibus collecta fuerit factio syllogismo, aut utcumq; aliter probata, conuenienti adhibito argumento. Est enim Conclusio argumento uel argumentis probata propositio. Sed illud exemplo nunc ostendamus. Agè igitur quæstio sit, Num anima immortalis est. Id ita quispiam probauerit, tali principio ex Platone desumpto, Quicquid semper mouetur immortale est, anima autem semper mouetur, anima igitur immortalis est: atq; ita eodem oratio, quæ prius in dubitatione adducta, quæstio proinde erat, postea facta est conclusio. Quæ si in altero syllogismo pars sumpta fuerit, Propositio dicitur, & ante hoc Enuntiatio. Igitur quæstio, propositio, enuntiatio, & conclusio, subiecto req; ipsa idem sunt, etsi ratione distinguantur.

Quo pacto Locus sedes argumenti intelligatur, & de Loci diuisione, & de argumenti rursus multiplici acceptione.

Sed nunc etiam aperiamus oportet, quo pacto intelligi planè possit quod dictum est, Locus est sedes argumenti. Sanè id ipsum aperire, nō paruam huic parti lucē afferre uidebitur, itaq; dicamus ex Boëthio, quòd
sedes

sedes argumenti, partim maxima propositio intelligi debet, partim maximæ propositionis differentia, in quæ etiam, ueluti mēbra quædam, locus ipse diuiditur, ut sit ipsius diuisio huiusmodi, Locorum alius est locus maxima, alius locus differentia maximæ. Porro maxima propositio quæ dicitur, aliquoties quidem intra ambitum argumenti continetur, hoc est, ipsi argumentationi inseritur: aliquoties uerò extrà posita, uim tamē argumenti supplet ac perficit. Agè igitur exemplū subiiciamus eius argumenti, intra cuius ambitum maxima propositio cōtinetur, sitq; quæstio, An sit regnum melius consulatu: fiatq; argumentatio hoc pacto, Quod diuturnius bonum est, melius eo est, quod minus diuturnum est, regnum autem diuturnius est, quàm consulat, regnum igitur melius est, quàm consulatus. Huic nimirū argumentationi maxima propositio inserta est, quæ quidem est, quòd diuturnius bonum est, melius eo est, quod minus diuturnum est. Quæ præterea ita nota est, ut extrinsecus probatione non egeat, quinimo ipsa alijs probatio esse potest. Et quia inde nascitur argumentum, recte locus, id est, sedes argumenti uocantur, Rursus subiiciatur exemplum, in quo extrà posita maxima propositio, nihilo minus uim affert argumento. Sit ergo alicui propositum ostendere, quòd inuidus sapiens non est, à quo proinde huiusmodi neclatur syllogismus, Qui inuidus est, alienis affligitur bonis, atqui sapiens bonis alienis non affligitur, sapiens igitur inuidus non est. Hic quidem maxima propositio inclusa nō est, sed extrà posita, uim tamen argumentationi ipsa subministrat. Est enim huic argumentationi fides ex ea

propositione, quæ dicit, Cuicumque definitio non conuenit, nec ipsum definitum. Insuper & argumentum, quo fides rei dubiæ facta est, à definitione deductum est. Scien- dum autem quòd argumenti nomine, tum hic, tum ali- bi, nunc quidem maxima propositio, imò & tota ipsius argumentationis probatio intelligitur: nunc ipsa argu- mentatio, quæ maxima propositione confirmari solet, id quod his quoq; uerbis Quintilianus apertè indicat libro quinto, ubi de argumentis disputat: Hoc enim no- mine (inquit) complectimur omnia, quæ Græci enthy- memata, epichiremata, & apodixeis uocant. Interim uerò & terminus, qui medius constituitur, quoties alijs duobus adiunctis, argumentatio contextitur, ac per hoc uim tenet probationis, Argumentum appellatur.

Quid sit locus maxima, & quid locus differentia maximæ.

EX his igitur quæ dicta sunt, manifestum euadit, quòd locus quidē maxima est uniuersalis & prin- cipalis & indemonstrabilis, atque ita per se nota pro- positio. Cuiusmodi est maxima illa suprà posita, Cuicū- que definitio non conuenit, nec ipsum definitum, & id genus aliæ. Ideo autem uniuersales & maximæ pro- positiones dicuntur: quoniam ipsæ sunt, quæ ceteras continent propositiones: quippe per quas consequens, & rata conclusio fit. Locus uerò differentia maxima est, quo maxima à maxima differt, ut si dicam, à de- finitione, aut à definito, aut ab alio quouis huius ge- neris communi termino. Siquidem per hunc iam ma-
xima

xima propositio, in qua ipse ponitur, ab ea differt maxima, in qua idem terminus uel non ponitur omnino, uel si ponitur, non tamen qui argumētum præstet ad fidem rei dubiæ faciendam. Quare ab illa iam aliquoties repetita maxima, hæc differt maxima, Cuicunque non conuenit definitum, nec ipsa definitio: propterea quòd tametsi idem terminus in utraq; ponitur, ab eodem tamen in utraq; non sumitur argumentum. Vnde illarum duarum maximarum, altera à definitione, altera à definito, ut nomen, ita differentiam accipit. Atque idipsum quidem est, quod Boëthius his propè uerbis innuere uisus est, Differentiæ (inquit) maximarum propositionū idcirco dictæ sunt, quòd cum plurimæ sint propositiones, quæ maximæ uocantur, per has ille ueluti differre inter se dignoscuntur, ut cum ex quibus terminis maximæ propositiones constituentur, per ipsas nomine expresso indicantur. Itaque non in eo quòd maximæ sunt, inter se differunt, sed in eo quòd hic à definitione, ille à definito, & hic rursus à genere, aut à toto locus dictus sit. Præterea si maximæ propositiones loci argumentorum sunt, & differentias maximarum locos esse necesse est. At de his quidem hætenus. Nunc propositū prosequamur, hoc est, rem ipsam, quam quærimus, aggrediamur.

Quo pacto loci differentiarum maximarum diuidantur.

Restat igitur, ut posthabita locorum maximarum diuisione, eos deinde subdiuidamus locos, qui maximarum differentiæ dicti sunt, idq; ob eam in primis.

comino

commoditatē, quòd hi illis pauciores sint. Quippe qui eos contineant ut uniuersaliores. Vnde & per hos facilius transitus fiet, attestante id ipsum Aristotele in Topicis libro secundo. Accedit, quòd ex horum diuisione rem, quam quærimus, citius assequi poterimus. Sit autem diuisio huiusmodi, Locorum, qui maximarum differentiae dicti sunt, alij ab his dicuntur terminis, hoc est, nomen accipiunt, qui in quæstione positi sunt: alij extrinsecus sumuntur: alij inter hos medij sunt. sed illud nunc animaduertendum hic est, quòd cum dicitur, ab his terminis, qui in quæstione positi sunt, id cum primis intelligendum est ab altero illorum. Nam cum duo sint in unaqualibet proposita quæstione termini, subiectus unus, & prædicatus alter, ab horum altero locus differentia maximæ nomen accipit. Vt sit proposita quæstio, Est ne concha animal? in hac duo sunt termini, animal & concha. Dubitatur autem utrum animal de concha prædicetur. Tertius proinde restat inueniendus, qui illos duos cōnectat, atque id quod propositum est, ita esse confirmet, unde & medium appellatur, & ratio, & argumentum. Hic iam tertius ille terminus ab altero illorum nomen accipiet, utpote quod ad eum sit aut ut definitio, aut ut definitum, aut ut genus, aut ut totum, aut ut causa, aut quomodocunque aliter. Vt sit, exempli causa, tertius iste terminus, animalis definitio, quæ est substantia animata sensibilis. Tunc sic argumentor, Concha est substantia animata sensibilis, igitur concha est animal, quod nimirum iam antea dubitari poterat: cuius dubitationis scrupulus hinc pendere uideatur, quòd conchæ nec uideant, nec ullum alium sensum

sum habeant, quàm cibi & periculi, hoc est, gustus & tactus, aut tribus Aristotele & Plinio. Ergo qui tertius accessit terminus, à definitione alterius è duobus, ueluti è loco aliquo eductus, hunc scrupulum sustulit, factusq; est illius argumentationis probatio & argumentum, cuius deinde maxima superueniens propositio (quæ quidem est, De quocunque prædicatur definitio, & definitum) omnem tollit dubitationem ambiguitatemq; : si fortè interim dubitabatur adhuc quænam sit ipsius definitionis ad definitum habitudō.

De tribus locis, qui à substantia dicuntur.

Terminorum porrò, qui in questione ponuntur, alij substantiam rei indicant, alij ipsam consequuntur substantiam. Substantiam rei indicant, siue à substantia termini dicti sunt, quicunque in definitione uel sola consistunt. Definitio quippe est, quæ substantiam rei monstrat, indicatq;. Sed id iam exemplo patefaciamus. Agè igitur, quærat an arbor sit animal, fiat quæ huiusmodi argumentatio, animal est substantia animata sensibilis, arbor autem substantia animata sensibilis non est, non est igitur arbor animal. Locus quidè differentia maximæ, à definitione. Locus uerò maxima, Cuicunque definitio non conuenit, nec definitum. Præterea autem & quoties à descriptione argumentum ducitur, Locus à substantia dici potest. Nam ut definitio substantiæ rei monstrat per genus & differentias, ita descriptio eiusdem intelligentiam claudit quibusdam acciden

cidentibus, unam proprietatē, quæ rei conueniat, efficien-
tibus, uel substantialibus differentiis præter conueniens
genus aggregatis. Quod quidem tum maximè cōtingit,
cū prima genera describuntur. Huius tale sit exem-
plum, Albedo nullis subiacet accidentibus, ergo albedo
substantia non est. Etenim substantia est, quæ omnibus
subiacet accidentibus. Locus quidem differentia maxi-
mæ, à descriptione. Locus uerò maxima, Cuicunque non
conuenit descriptio, nec descriptum. Præter hos duos à
substantia locos, tertius est, qui à nominis interpreta-
tione dicitur, quem Marc. Cicero Notationem, Aristot-
eles Symbolum uocat, illis haud multum absimilis. Siqui-
dem interpretatio nominis, eius rei, quæ nomine ipso si-
gnificatur, quædam quasi designatio est. Ab hac argumē-
tum ducitur, si quærat, Vtrum philosophiæ studen-
dum sit. Ad quod probādū talis instituitur syllogismus,
Philosophia amor sapientiæ est, atqui sapientiæ esse stu-
dendum nemo dubitat, Philosophiæ igitur studendum
est. Locus quidem differentia maximæ, ab interpreta-
tione. Locus uerò maxima, Cui nominis interpretatio
conuenit, & ipsum nomen, cuius interpretatio facta
est. Sanè hoc loco rectè uti possunt ij, qui linguarum im-
periti non sunt. Siquidem interpretari nihil aliud est,
quàm linguam unam per aliam exponere. Fit tamen &
in eadem nonnunquam lingua, ut locuples dicitur, qui
locis abundat, hoc est, prædijs & possessionibus. Ca-
uendum autem ne temere quicquam interpretemur,
quemadmodum ij solent, qui nullius propè linguæ sa-
tagunt. Quo fit, ut ijdem dictum lapidem esse in-
terpre-

terpretentur, quòd pedem lædat: & petram, quòd pe-
 dibus quasi trita sit: cum utrunque Græcam originem
 habeat, id quod Laurentius Valla quoq; attestatur. In-
 super & alia pleraq; ad eundem interpretantur mo-
 dum, ridiculè uidelicet magis, quàm scitè. Neq; uerò no-
 minis interpretatio ob id dicenda non est, si ad uiuum
 (quod dicitur) non reddiderit id quod interpretandum
 proponitur, ut cælum, quod (ut Varro interpretatur)
 quasi cælatum dictum est. Nec item refert, si nō rei cui
 attribuitur, omni ex parte cōueniat, ut Philippus, quod
 nomen interpretatur, amator equorum. Quid si non
 omnibus conueniat, qui hoc nomine uocentur? dummo-
 do tamen illi conueniebat, cui primū impositum est,
 patri fortassis Alexandri Magni. Ex quo frustra mihi
 laborare uidentur hi, qui duplicem nominis interpreta-
 tionem inducunt. Vnam quidem, quæ cum interpretato
 conuertatur: alteram uerò, quæ conuertibilis non sit.
 At nunc illud potius scire debemus, quòd per dictos lo-
 cos uariè argumentari possumus, nunc subiiciendo, nūc
 prædicando eundem terminum, atque ipsum etiam de
 aliquo nunc construendo, nūc destruendo. Tum & con-
 uerso ordine totidem modis, uerbi gratia, à definito, à
 descripto, ab interpretato nomine. Simul' que & maxi-
 mas ipsas toties uariare, id quod studiosus huius artis
 facile ex seipso intelliget, alioqui inutilis prorsus, qui
 huic studio addicatur. Sed iam ad reliquos huius diui-
 sionis locos transseundum est, nisi illud succurre-
 ret prius admonendum, quòd ut à definitione ad defi-
 nitum, à descriptione ad descriptum, & à nominis in-
 terpretatione ad interpretatum, firma est & perpetua
 conse

consequēdi ratio, ita & à proprio, ad id cuius est proprium, & contrà, ut si quid risibile est, idem homo est. Hinc & equus mansuescere posse probatur, cū animal sit disciplinæ capax, iuxta illud Horatij, Fingit equum tenera docile ceruice magister Ire uiam, quā monstrat equus. Locus quidem differētia maximæ à proprio. Locus uerò maxima, Si cui proprium alicuius rei cōuenit, & id cuius est proprium.

De his locis, qui terminorum substantiam consequuntur.

His ita præmonitis, eos iam aggrediamur locos, qui terminorum substantiam consequuntur. Horum sanè multifaria diuisio est. Siquidem plura sunt, quæ singularibus substantijs adherescunt. Ex his igitur alij à toto dicuntur, alij à partibus, alij à causis, alij ab effectibus, siue ut Cicero ait, ab effectis, nonnulli à generatione, & à corruptione, & alij item ab usibus, quidam etiam à communiter accidentibus. Sed ex his omnibus primus exponendus uenit, qui à toto dictus est, quod ut commodius fiat, quot modis ipsum totū dicatur, subijcere oportet. Dicitur autem totum duobus modis: Aut enim ut genus, quod & totum uniuersale dicitur, aut ut id, quod ex partibus integratur. À toto igitur, quod & genus est, argumentum dicitur, ut si quærat, an iustitia sit bona, fiat quæ syllogismus hoc modo, Omnis uirtus est bona, iustitia autem uirtus est, iustitia igitur bona est. Locus quidem differentia maximæ, à toto, hoc est, à genere. Locus uerò maxima, Quæ generi adsunt, & speciei. Rursus sit quæstio, an humanæ res prouidentia

dentia regantur. Dicimus ergo sic, Mundus providentia regitur, humane autem res mundi partes sunt, humane igitur res providentia reguntur. Locus quidem differentia maxima, à toto, id est, ab integro, quod partibus constat. Locus uerò maxima, Quod toti conuenit, & partibus. Porro ut à toto, tum hoc, tum illo argumenta ducuntur, ita & contrà ab utriusq; partibus duci possunt. Itaque à partibus totius, quod genus est, argumentum ducitur, ut si queratur. An uirtus sit mentis bene compositæ habitus, & fiat syllogismus hoc pacto, Iustitia, fortitudo, temperantia, atque prudentia, habitus sunt mentis bene compositæ, & hæc quatuor uni uirtuti uelut generi subiiciuntur, uirtus igitur mentis bene compositæ habitus est. Locus quidem differentia maxima, à partibus totius siue generis. Locus uerò maxima, Quod singulis inest partibus, id toti inesse necesse est. A partibus autem, quæ integri partes esse dicuntur, argumentum ducitur, ut sit hæc quæstio, Est ne rhetorica utilis? Dicimus hoc modo, Inuentio utilis est, & dispositio, & elocutio, & memoria item, & pronuntiatio, & hæc quinque rhetoricæ partes sunt, ut ex quibus ipsa integratur, rhetorica igitur utilis est. Tum uerò & per destructionem argumentatio procedit, ut si querat quispiam, num hic, quem seruum esse constiterit, liber sit. Hunc si quis non esse liberum monstrare uelit, hic dicet, Si neque censu, neque uindicta, neque testamento liber factus est, liber non est. At nulla earum parte liber factus est, non est igitur liber. Locus quidē differentia maxima, à partibus, siue (ut Ciceroni placeat) à partium enumeratione. Locus uerò maxima, Si

omnes partes à re qualibet abiunctæ fuerint, & totum necessariò abiungetur.

De alijs quibusdam modis totius.

SVnt præterea ab his duobus modis alij modi totius. Nanq; & totum dicitur in quâtitate, & totum in modo, & totū in tempore, & totum in loco. Quorum tamen duos posteriores sub toto in quâtitate cōprehendere plane licet. Horū uerò partes sunt, quæ sub ipsis particulariter sumuntur. Totum ergo in quâtitate est, cum uniuersaliter quicquā dicitur, ut est omne animal: cuius partes sunt, homo, leo, bos, & aliud quoduis animal. Totū in modo dicitur, cū simpliciter aliquid proponitur, ut homo, aut ambulat. Pars uerò in modo est, quoties idem cū adiectione aliqua proponitur, ut homo literatus, aut ambulat pedetētim. Totum in tēpore est, ut cū dicimus semper, cuius partes sunt, nunc, hodie, aliquando. Totum in loco, ut cū dicimus, ubiq; cuius partes sunt, hīc, alicubi, Romæ. At horum omniū nunc exempla subiiciantur. Igitur à toto ad partē secundū quantitatem exemplū sit, Si in omnibus est uerus uates Apollo, & in hoc uerus esse perhibetur, qd' dixit, Aio te Aeacida Romanos uincere posse. A'toto aut ad partem secundum tēpus, ut si deus semper est, & nunc est. Rursus à toto ad partē secundum locū, ut si ubiq; deus est, & hīc est. Cæterum in his haudquaquā id consequens est, si à parte ad totum argumentū ducitur, nisi per negationē siue destructionem, ut non est hīc, ergo nec ubiq; est. At uerò à parte secundū modum utiq; recte argumentatio procedit, licet nō contrā, ut si quoquo modo mouetur deus,

deus, & simpliciter mouetur: irascitur autē deus, ergo mouetur: & si quis pedetentim ambulat, & simpliciter ambulat. Talibus ferē exemplis tū hic, tum alibi per hūc tractatum, si cui id māgis libeat, uti omnino potest, ut à toto uniuersali siue à genere ad species siue partes: per destructionē quidem, ut si non est animal, quod cminus uidetur, ergo nec homo est, nec equus: per cōstructionē uerò, ut homo est, aut equus, ergo animal. Sic & à toto, quod partibus integratur, ad ipsas partes per constructionem quidē, ut domus est, ergo tectum est, & parietes, & fundamentū. Per destructionē uerò, ut si non est paries, aut tectum, aut fundamentum, neq; domus est.

De locis qui à causis dicuntur.

A Causis loci dicuntur, uel ab efficiente, uel à materiali, uel à formali, uel à finali. Tot enim modis causa dicitur. Et efficiens quidem causa est, quæ principium motus præstat, ut aliquid fiat. Materia, quæ formas rerum subiecta suscipit. Forma autem, quæ cuiuslibet rei species est & ratio. Finis uerò, cuius gratia aliquid fit. Effectus porro, qui ad has sequitur. Ab efficienti igitur causa argumentum ducitur, ut si quis iustitiam naturalem esse ostendere uoluerit, & dicat hoc modo, Congregatio hominum naturalis est: homo quippe naturaliter ciuile animal est. Iustitiam uerò hominum fecit congregatio: Iustitia igitur naturalis est. Locus quidem differentia maximæ à causa efficiente. Locus uerò maxima, Quorum efficiens causa naturalis est, ipsa quæque naturalia sunt. A materiali uerò, ut si quis Mauros non habere arma cōtendat, idcirco quòd ferrum eis
N 2 desit.

desit. Vel hoc modo, Ferrum non est, igitur gladius non est. Locus quidem differentia maximæ à causa materiali. Locus uerò maximæ, Si non est causa materialis, neque ipsa, quæ ex ea conficiuntur, esse possunt. A' formali autem, ut si quis probet Dædalum non potuisse uolare, quoniam nullis naturali forma pennas habuisset. Locus quidem differentia maximæ à causa formali. Locus uerò maximæ, Tantum unumquodque potest, quātum forma eius naturalis permittit. A' fine, siue à causa finali argumentum ducitur, ut sit propositum, an iustitia bona sit, fiatq; hoc modo argumentum. Si beatum esse bonum est, & iustitia bona est. Hic est enim iustitiæ finis, ut si quis secundum iustitiam uiuat, ad beatitudinem perducatur. Locus quidem differentia maximæ à fine, siue à causa finali. Locus uerò maximæ, Cuius finis bonus est, ipsum quoque bonum est.

De locis, qui ab effectibus dicuntur, & item à generatione & corruptione.

AB effectibus quoque harum argumenta ducuntur. Verum ad hoc ipsum scire oportet, duplicem esse cuiuslibet effectus causam, necessariam, ut sine qua effectus esse non potest, & sufficientem, quæ certè huiusmodi est, ut si adsit, impossibile sit effectum nō esse. Itaque ab effectū ad causam necessariam ita argumentari possumus per constructionem, Gladius est, ergo ferrum est, & domus est, ergo intritū est, & lapides, aut ligna. Locus q. d. max. ab effectū ad causam necessariam Loc. ue. ma, Posito effectū, ponitur & eius necessaria causa. Rursus ab effectū ad causam sufficientē per destructionem

nem potius quam per constructionem, quando construendo argumentationem, non semper euenit, quod inferre uolumus. Vnde non rectè sequitur, Hic interiit, ergo iugulatus est. Si quidē id euenire posset alio quouis casu, aut letali morbo correpto alicui. Destruendo tamen ratum est quod infertur, ut non interiit, ergo iugulatus non est. Item, lumen solis non est, ergo eius lux nō est. Præterea scire debemus, quòd ex ipsis causis latior patet argumentandi campus, autore Hegio. Itaque ab efficiente quidem causa arguere possumus statuam commendabilem esse, quia Phidias eam fecerit, aut Polyclethus, aut Praxiteles. Hinc illud Ouidij, Materiam superabat opus. A materia uerò, res pretiosas aut uiles esse: quippe quòd tela serica preciosior sit lanea, & lanea item lineā. Et iuxta Horatij sententiā, Vilius argentum est auro. Hinc etiam scientia de anima honorabilior ab Aristotele dicta est cætera quauis de natura parte. A forma autem res extare, & item dignas, & minus dignas esse, ut hominem, quòd rationale animal sit, digniorem quolibet animali. A fine, res bonas siue utiles, ut exempli causa, liberales artes, quòd bonos & utiles habeant fines. Cæterum qui ab effectibus dictus est locus, hunc Boëthius eundem esse dicit, cum loco à generationibus, Sed nos eos sciunximus, quòd generatio uidelicet non sit, quæ ad causas ipsas sequatur, cuiusmodi tamen effectus definitur, sed quæ potius uia quædam sit ad effectus producendos, quemadmodum corruptio ad eorum desitionem. Atqui horum speculatio alium postulat locum. A generatione igitur argumentum ducitur hoc modo, Assuefactio ad uirtutem bona est,

na est, igitur uirtus bona est. Lo. q. d. m. à gñatione. Lo. ue. m. a. Cuius generatio bona est, ipsum quoq; bonū est. A corruptione uerò, ut desuefactio à uitio bona est, igitur uitium malum est. Loc. qu. diff. max. à corruptione. Locus uerò max. Cuius corruptio bona est, ipsum quod corrumpitur, siue quod corruptum est, malum est. Sanè sciendū, quòd quoties ab hoc loco argumentamur, prædicatum consequentis contrarium seu oppositum esse debet prædicato antecedentis. Quod tamen non ita euenit in loco à generatione, ob eam fortassis causam, quòd per hanc aliquid acquiratur, per illam autē deperdatur acquisitum. Etenim ut generatio, rei productio est: ita corruptio, eiusdem abolitio.

De locis, qui ab usibus & communiter accidentibus dicuntur.

Vsum definiūt rei cuiusque operationem, at minus propriè. Quandoquidem multarum rerū usus aliquis esse probatur, quarum tamen nulla est operatio, ut librorum quidem est aliquis, nulla autem operatio: & agri: item & gladij. Itaque rectius definitur, cuiusque rei functio. In quibusdam tamen coincidunt usus & operatio, ut uisio oculi, usus eius est, & functio & operatio pariter. Sed & illud hic cauendum moneo, ne abusum pro usu usurpemus, ut hi faciūt, qui ita argumentātur, Interficere hominem malum est, igitur gladius malus est: quando certè in hoc non usus gladij est, sed abusus. Quippe ad propulsandam potius iniuriam, non ad inferendam gladius factus est. Vnde illud Diui Pauli ad Roma. cap. xij. Non frustra gladium gestat is, qui in
repub

republica potestate fungitur. Dei enim minister est uindex ad iram ei qui malum agit. Ab usibus igitur, siue ab usu argumentum ducitur, si ita argumentetur quis =
piam, Equitare bonum est, igitur equus bonus est. Locus quidem differentia maximæ ab usibus, siue ab usu. Locus uerò maxima, Cuius usus bonus est, ipsum quoq;
bonum est. Communiter accidentia, ut hoc loco accipiuntur, sunt quæ sese comitantur, id quæ uel semper, uel plurimum. Ab his igitur argumenta ducuntur, quoties ea sumuntur accidentia, quæ relinquere subiectum uel non possunt, uel non solent, ut si quis hoc modo dicat, Sapientem non poenitet, poenitentia enim malum factum sequitur. Quod quia in sapientem non cadit, ne poenitentia quidem. Lo. q. d. m. à communiter accidentibus. Locus uerò maxima, Cui non inest aliquid, ei nec illud quod illius est consequens, inesse potest. Rursus & hoc modo secundum affirmationem, Pluit, ergo uapores in sublime leuati sunt. Vnde nec illud iam prætereundum est, quòd aliquoties quæ naturaliter priora sunt, in propositione tamen sunt consequentia, ut Peperit, igitur cum uiro concubuit. Quocirca non rectè ita proponitur, Inimicitia sunt, igitur bellum est. Sed è contrario potius, bellum est, igitur inimicitia sunt. Nam ut ludum plerunque comitatur certamen & ira, ita ex ira inimicitia sæpe oriuntur, & ex his funebre bellum, id quod ab Horatio elegantissimè adnotatum est tertia ad Meccenatem epistola: Ludus enim genuit trepidum certamen & iram: Ira truces inimicitias, & funebre bellum. Aliquoties uerò, quæ naturaliter antecedunt, ea & in propositione priora sunt, ut arrogans

N 4 est,

est, ergo odiosus est. Ex arrogantia enim quisq; sit odiosus. Tale est & illud, quod Anselmus inter medijs ordinis theologos (nisi iudicio fallor) collocandus, in libro de casu diaboli annotauit his uerbis, Aliud est, inquit, rem aliquam causam esse alterius rei: aliud positionem rei causam esse, ut aliud sequatur. Nam cum incendium non sit causa ignis, sed ignis est diuerso incendij, positio tamen incendij causa est, ut ignem esse sequatur.

De locis, qui extrinsecus sumuntur, qui & quot sunt.

Expositis locis, qui ab ipsis terminis in questione positis sumuntur: restant dehinc exponendi, qui licet extrinsecus sumpti, argumenta tamen questionibus suppeditant. Hi uero sunt, à rei iudicio, siue ab autoritate, à similibus, à partibus, à proportione, à maiore, à minore, ab oppositis, à repugnantibus, à transumptione, & à transmutata proportionem.

De loco ab autoritate, siue à rei iudicio.

Locus qui rei iudicium tenet, siue Ab autoritate dicitur, huiusmodi est, ut si dicamus id esse, quod uel omnes iudicant, uel plures, & hi uel sapientes, uel in unaquaq; artium penitus eruditi. Huius exemplum est, præter firmamentum esse planetarum orbes septem: quoniam id ita astrologi doctissimi, & in astrologia sapientes, penitusq; eruditi iudicarint. Locus quidem differentia maximæ, ab autoritate, siue à rei iudicio. Locus uero maxima, Quod omnibus uel pluribus, uel sapientibus hominibus uidetur, ei contradicere non oportet. Huic &

ill

a

illa astipulatur maxima, Vnicuiq; in sua arte perito credendum est. Sane hic locus etsi per alias quoq; complures disciplinas usum suum præstat, in duabus tamen id præcipuè spectatur observaturq; Vna quidem, quæ ueluti cæterarum artium fundamentum quoddam est, ac per hoc omnium infima, quippe literas docens, unde et nomen habet, à Græcis γράμματων dicta. Altera uerò, quæ quoniam circa diuinos uersatur sermones, Theologiæ nomen ab illis accepit. Hinc etiam disciplinarum omnium suprema existit, et tanquam aliarum regina haberi debet. Verum ut illius autoritas in primis apud poëtas est atq; historicos, cæterosq; idoneos atq; probatos scriptores: ita huius autoritas ex nouo et ueteri testamento petenda est. Porro cum duplex sit autoritas, humana atque diuina, scire debemus, quòd humana plerunque uacillat, diuina semper firma manet. Humanæ igitur contrauenire interdum licet, diuinæ nunquam: illa sæpe rationibus fulcitur, hæc rationibus nullis indiget, sibi sufficientissima. Ergo cum in humanis disciplinis aliquis instituendus est, is (ut Aurelij Augustini et uerbis et sententia utar) duplici uia ducitur, autoritate, et ratione. Et tempore quidem autoritas, natura uerò ratio prior est. Itaq; quamuis imperitis adhuc autoritas uideatur esse accommodatior (oportet enim, ut Aristoteles ait, addiscentem credere) ratio tamen apertior est eruditis. Autoritas igitur imperitis adhuc, ianuam quodammodo aperit doctrinarum, et discentem ducit. Ratio autem eundem iam eruditum pressis uestigijs hære facit, et omnia intromissa luce commonstrat.

De locis à similibus, & à paribus.

Similia sunt, quibus eadē qualitas inesse perspicitur. Vnde & similitudo definitur, rerum differentium eadem qualitas. Atqui simile, ut hic accipi uidetur, sunt qui ita definiant. Simile est, quod eandem cū altero suae ueritatis probabilitatem habet. A similibus ergo siue à simili, hoc pacto argumentum ducitur, ut si dubitetur, an homini proprium sit bipedem esse, id ita probamus, Similiter inest equo quadrupedem esse, ut homini bipedem: at non est equo quadrupedem esse proprium, igitur nec homini esse bipedem. Locus quidem differentia maximæ à similibus. Locus uerò maxima, De similibus idem est iudicium. Sanè hoc loco usus est diuus Paulus, Si CHRISTVS (inquit) mortuus resurrexit, & nos mortui resurgemus. Vnde errare conuincuntur, qui hunc locum uno pede claudicare dicunt: quòd (ut aiunt) fallat plerūq; adducta similitudo. Verūm id quoties accidit, nō iam à similitudine, sed potius à dissimilitudine erroris sui cām habet. Quapropter Quintilianus huic præcipuè loco iudiciū adhibendum monet: Solent enim (inquit) nos fallere plerūq; similitudinū species, ideoq; adhibendum est his iudiciū. Huic loco haud dissimilis est locus, qui à paribus dicitur. Sunt autē paria, quæ eiusdē sunt quātitatis, & paritas ipsa quantitatis ueluti similitudo quædā est, Ab hoc argumentū fit, si ita proponatur, Si cui in animo est Demosthenē laudare, cur nō & Tulliū laudabit, cū alter alteri par sit? Nempe quantus in eadem persuadendi arte unus, tantus & alter. Locus quidem differentia maximæ, à paribus. Locus uerò maxima,

ma, Parium idem est iudicium.

De loco à proportionē.

Confinis porrò duobus illis quodammodo est, qui à proportionē locus dicitur. Nam ut similitudine res rei comparatur secundum qualitatem, & paritatem secundum quantitatem: ita proportionē habitudo comparatur habitudini. Est enim proportio quædam habitudinis comparatio. A proportionē igitur argumentum ducitur, ut si quæretur, an sorte eligendi sint in ciuitatibus magistratus, dicimus, minimè: quia nec regedis nauibus sorte præficitur gubernator. Locus quidem differentia maximæ, à proportionē. Locus uerò maximæ, Quod in unaquaq; re euenit, id in eius proportionali euenire probabile est. Hoc loco Aristoteles usus est in Ethicis libro primo, cum ait, Ut oculus in capite, ita mens in anima. Sanè hic locus accommodari in primis iudiciis potest, necnò & negotiatoribus. Siquidem ut operatio ad operationem, ita merces ad mercedem: & ut meritum ad meritum, ita præmium ad præmium: & rursus, ut delictum ad delictum, ita pœna ad pœnam. Hæc enim omnia proportionabilia sunt.

De locis à maiore, & à minore.

Maius quod hic dicitur, & item minus, hoc pacto definiri possunt, Maius est, quod suæ ueritatis maiorem habet probabilitatem: è diuerso minus, quod minorem. A maiore autem argumentum ducitur, si ita dicas, Non potest rex arcem aut urbem expugnare, ergo nec miles. Item, si non licuit Herodi habere uxorem uiri alieni, igitur neque fratris. Locus quidem
differentia

differentia maxima, à maiore. Locus uerò maxima, Si id quod magis uidetur inesse, non inest, nec id quod minus uidebitur inesse, inerit. A minore uerò conuerso modo, ut, Si quilibet uel gregarius miles potest expugnare aut arcem aut urbem, & imperator. Item. Si Scipioni priuato licuit Caium Gracchum mediocriter reipublicæ statum labefactantem interficere, quāto magis consulibus licuit persequi, ac demum ultimo afficere supplicio Catilinam, terras cedere, atque incendio uastantem? Item, Si fera diligunt partus suos, quam in liberos nostros uti diligentia debemus? Locus quidem differentia maxima, à minore. Locus uerò maxima, Si id quod minus uidetur inesse, inest, & id quod magis uidebitur inesse, inerit. Hos locos Cicero & Quintilianus uocant à comparatione maiorum & minorum. A comparatione quidem maiorum, ut si quis sacrilegium aut peculatum committit, & furtum committet. A comparatione uerò minorum (qui tamen oratoribus magis, quam philosophis usui est) ut qui facile ac palam mentitur, idem & peierabit.

De loco à transumptione.

Cæterum, qui à transumptione locus dicitur, non is est, quem uulgus dialecticorum esse putat, atque definit, quoties nomen magis notum transumitur pro nomine minus noto, in qua tamē opinione & Boethium esse deprehendo, uirum alioqui de arte dialectica optime meritum. Sed ut cum bona eius uenia dixerim, quandoque bonus dormitat Homerus: imò idem poeta ait, Sæpe opere in longo fas est obrepere somnum. Itaque acutius atque subtilius hoc animaduertentes Alexander Hegius, nostra

nostra ferè ætate apud Dauentriam, nobile profectò & præclarum Germaniæ oppidum, haud incelebris gymnasiarcha, uir alioqui inter priscos philosophos connumerandus, & post hunc Iacobus Faber Stapulensis, obseruandissimus quondam præceptor meus, cum Parrhisijs philosophiæ studijs operam nauarem, & ante hos Buridanus homo certe ingenio felicior, quàm institutione, lōge aliter hunc locum exponunt, atque exemplis insuper declarant. Vnde & ab his transumptio definitur esse, quoties nomen metaphoricos, hoc est, translatitiè sumptum, per propriū explicatur. Ab hoc autem argumentum ducitur, uerbi causa, si dicamus, Dialectica utilis est ad omnem methodū, igitur ad omnem scientiam utilis est. Locus quidem differētia maximæ, à nominis transumptione. Locus uerò maxima, Quicquid alicui conuenit sub nomine metaphoricos sumpto, eidem conueniet & sub nomine proprie sumpto. Sanè hoc loco non philosophi modo utūtur interdum, cæteriꝫ scriptores, sed & sacræ literæ eo plenæ sunt, ac scatent propemodum, ut si leo rugiens fugiendus est, & diabolus fugiendus est. Item, si Christus leo est, & rex est.

De locis ab oppositis, & à repugnātibus.

AB oppositis uerò toties argumenta ducuntur, quoties inter se aliqua opponi dicuntur. Opponuntur autem modis quatuor. Aut enim contrariè, ut album, nigrum: aut priuatiuè, ut iustum, iniustum: aut relatiuè, ut dominus, seruus: aut contradictoriè, ut uidere, non uidere. At de his quidem in tractatu de Prædicamentis satis (ut arbitror) dictum est. Itaque à contrarijs argumentum

gumentum ducitur hoc modo, Si bona est sanitas, ægritudo mala est. Vel, si est aliquod animal sanum, idem ægrum non est, A' priuatiuis uerò, ut si iniustitia fugienda est, sequenda est iustitia. Vel, si quid uidens est, idem profectò non est cæcum. A' relatiuis autem, ut quisquis pater est, filiū habeat necesse est. Vel, si quis pater est alicuius, eius filius non est. Porro à contradictorijs, ut si quis est uidens, idem iam non est non uidens. Locus quidem differentia maximæ, ab oppositis, Locus uerò maxima. In contrarijs, priuatiuis, relatiuis, & cōtradictorijs, opposita sibi conuenire non possunt. In relatiuis insuper alterum sine altero esse non potest. Præter hæc autem sunt & repugnãtia, quæ à nonnullis disparata dicuntur. Repugnãtia quidem, quòd licet nulla oppositione inter se aduersa sint, à se tamen adeò diuersa sunt, ut alterū de altero nequaquam prædicari possit: disparata uerò, quòd ueluti dispares res significant. Ab his igitur argumentum ducitur, ut si ita dicamus, homo est, igitur lapis non est. Item si quid homo est, id neq; bos est, neq; equus, neq; aliorum quicquam, quod ab homine diuersum est. Locus quidem differentia maximæ, à repugnantibus, siue à disparatis. Locus uerò maxima. Quæ sibi repugnāt, hæc neutiquā conuenire possunt.

De loco à transmutata proportionione.

A Dicitur à quibusdā præter prædictos locos, qui extrinsecus sumuntur, locus à trāsmutata proportionione dictus. Is aut huiusmodi est, ut si ita dicamus, Sicut octo ad quatuor, ita sex ad tria: quippe quòd utrobique
pla

pla sit pportio. Ergo sicut octo ad sex, ita quatuor ad tria, quæ numerorum ad se inuicē habitudo, proportio nem utrobique cōstituit sesquitertiā. Octo enim sex superant binario, quæ tertia pars est senarij. Itidē & quatuor tria, unitate, quæ & ipsa pars est tertia ad tria siue ad ternariū. Hinc & trāsmutata proportio dicitur, quòd ab una in aliā quasi transitus fiat. Ceterum talē argumentationem hac maxima corroborant, Si ut primum ad secundum, tertium se habet ad quartum: & ut primum ad tertium, secundum se habet ad quartum.

De locis medijs.

Medij dehinc loci sequuntur, quibus expositis, finē protinus huic tractatui imponemus. Sed cur ita dicantur, dicendum prius. Medij quidem loci dici uidentur, quoniam in his argumenta neque extrinsecus omnino petuntur, neque ab ipsa terminorum substantia, sed ab ipsorum terminorum (ut exempli causa) uel casibus, uel coniugatis, leui quadam mutatione deflectuntur. Similiter & qui à diuisione locus dictus est, medius inter utrosque collocatur: quoniam ex eo nunc ab ipsis in quæstione positis terminis, nunc extrinsecus argumenta sumuntur. Sunt igitur loci medij tres, à casibus, à coniugatis, à diuisione. Et casus quidem est, cum principale aliquod nomen in aduerbiū deflectitur, ut à iustitia iustè. Coniugata uerò dicuntur, quæ ab eodē diuersimode deducta fluxerūt, ut à iustitia iustè, & iustus, iusta, iustū. Sed hæc omnia à Cicerone Cōiugata dicuntur, quod quasi ab uno iugo deducantur: quæ & idem ita definit, Coniugata dicuntur, quæ sunt ex uerbis generis eiusdem. Eiusdem

dem generis uerba sunt, quæ orta ab uno, uariè commutantur, ut sapiens, sapienter, sapientia. A casibus igitur argumentum ducitur, ut si quærat de quopiam, sit ne prudēs: et arguatur esse talis hoc modo, Prudēter agit, ergo prudēs est. A cōiugatis uerò, si hoc pacto, Iustitia bona est, ergo qui iustus est, bonus est. Locus quidē differentia maximæ à coniugatis. Locus uero maxima, Si unum coniugatorum cuiquam conuenit, et reliquum.

De loco à diuisione.

Restat locus à diuisione, qui (ut Boëthio placet) hoc modo tractatur, Omnis enim (inquit) diuisio uel negatione fit, uel partitione. Negatione quidem, ut si quis ita pronuntiet. Omne animal aut habet pedes, aut non habet. Partitione uerò, ut si quis ita dicat, Omne animal aut sanum est, aut ægrum: et quoties uox diuiditur in sua significata. Fiunt igitur argumenta à diuisione, tum per negationē, tum per partitionem. Verum qui diuisionibus utuntur, hi aut directa ratiocinatione contendunt, aut ad aliquod impossibile inconueniens que ducunt, atque ita id quod reliquerant, rursus assumunt. Sit igitur in quæstione propositum, an ulli origo temporis fuerit: quod qui negare uolet, is directa ratiocinatione id demonstrabit hoc modo, Tempus aut originem habet, aut non habet. Sed quia mundus æternus est (id enim paulisper disciplinæ gratia concedatur) tempus quoque æternum: quippe quod mundus sine tempore esse non potuerit. Quod uerò æternum est, origine omnino caret: tempus igitur originem non habet. At si per impossibile idem ostendi desideretur, dicetur

dicetur hoc pacto, Tempus aut originem habet, aut nō habet: sed si tempus habet originem, non fuit semper: Tempus autem habet originem, fuit igitur, quando non fuit tempus. Atqui fuisse, temporis est significatio: fuit igitur tempus, quando nō fuit tempus, quod fieri prorsus impossibile est: non est igitur ullum principium temporis. Quo fit, ut ad alteram diuisionis partē tandem redeatur, & dicatur tempus origine carere. Locus quidē differentia maximæ, à diuisione. Locus uerò maxima, Condiuidentium uno sublato, alterū manet, & posito altero, tollitur reliquū. At uerò qui per partitionē diuisionibus utuntur, hi id duobus modis tentant. Nam quæ diuiduntur, aut simul esse possunt, aut non possunt: simul esse possunt, cū uocem in significationes diuidimus, non possunt uerò, quæ negationis modo diuiduntur, ut aut sanus est, aut aeger. Itaque si quæretur, an canis substantia sit, tum quispian per diuisionē id ita monstrauerit, Latrabile animal substantia est, bellua marina substantia est, sidus item cœlestē substantia est: Hæc autē tria canis nomen significat: est igitur canis substantia. Per modum uerò negationis à diuisione argumentū ducitur hoc modo, Aut sanus est, aut aeger, sed sanus nō est, igitur aeger. Vel sic, aeger nō est, igitur sanus. Vel ita, san⁹ est, igitur aeger nō est. Vel hoc mō, Aeger est, igitur sanus nō est.

Quemadmodū Dialectica probatio à demonstratione differat.

EXpeditis locorū differentiis, illud postremò ueluti coronidē adijcere operæpretium est, quo uidelicet pacto dialectica probatio à demonstratiōe differat. Dif
 ○ fert

fert autem primo, quòd demòstratio omnis ex proprijs, concinnatur: Dialectica uerò probatio ex cõmunibus, Deinde, quòd demòstratio ex solis necessarijs com̃eat: Dialectica uerò probatio interdum ex necessarijs, interdum ex probabilibus. Tertio, quòd demòstratio duas tantum utitur speciebus argumentationis, nempe syllogismo, & inductione: Dialectica uerò probatio omnibus fere, utpote nunc syllogismo, nunc enthymemate, nunc exemplo. Quo fit, ut non sit proprium dialecticæ opinionem aggignere cum formidine de opposito, ut nonnulli falsò persuadent: sed dialecticam potius fidem, quæ cum ex necessarijs fit, colligitur quæ, nõ minus certa est, quàm quæ per demonstrationem paritur. Hoc tamen à scientia differens, quòd scientia ex proprijs aggignitur: illa uerò ex cõmunibus, & nulli scientiæ peculiariter addictis. Cæterum opinionem facere infirmiori ipsius dialecticæ parti competit: qua proinde oratores frequentius, philosophi rarius utuntur.

Quod quidem & diuus Seuerinus Boëthius ita esse comprobatur, atq; his contestatur uerbis,
 Sed, ea quidem argumenta (inquit) quæ ex definitione, uel genere, uel differentia, uel causis, uel ex diuisione ducuntur, demonstratiuis maximè syllogismis uires atq; ordinem subministrant. Reliqua uerò dialecticis & uerisimilibus.

211

N T R A C T A T V M

D E C I M V M P R A E-

F A T I O.



ABSOLVTIS haftenus à nobis nouem & decē, quos instituimus, tractatibus artis dialecticae, in quibus eas partes ipsius artis pertractauimus, quātū compendio licet, per quas rectē, diligēterq; differendi ratio comparatur, qui certē & finis totius artis esse existimatur (quippe per quem uerū à falso discernitur) instituto huic nostro iam satisfecisse uideri possumus. Caterū quoniā falsum sub ueri specie plerūq; obrepit, quo & incauti facillē illudūtur (fallit enim uitium specie uirtutis, ut non tam elegāter quā uere à Iuuenale satyrico poēta dictū est, & ab Horatio in eundem sensum, Decipimur specie recti) idcirco ab Aristotele prouido nimirum artis magistro id etiā curatū est, ut post artis praecepta talia quoq; reliqueret praecepta, quibus etsi nihil quod ac artem faciat, disceremus, his tamen instructi facillē uitare possemus sophistarū argutias captionesq; quorum hāc est praecipua intentio, ut fallant, non doceant: magis appareant scientes, non sint reuera. Vnde & hic illud, neq; incommode, neq; importunē ex Aurelio Augustino adiecero, quod uir ille de eādē re in tertio de doctrina Christiana scriptū reliquit. Cuius hāc sunt uerba, Sunt multae falsae cōclusiones rationum (quae sophismata appellantur) & ueras plerūq; ita imitantes, ut non solum tardos, sed ingeniosos minus

diligenter attentos decipiant. Quare & nos iam ob eandem certe causam, Aristotelem hac quoque in parte sequentes, decimum illis nouem adijcere in animo constituimus tractatū. In quo proinde de sophisticis elenchis (sic enim ab illo appellati sunt) siue de locis sophisticis agamus, ut studiosi adolescētes, si quibus hæc nostra lucubratio quoquo modo profuerit unquam, post artem uel mediocriter perceptam, ex hoc iam etiā percipere possint, quænam sint propria huius artis, quæ non sint: tametsi sine his nec ars ipsa satis sibi constare potest, ut nec grammatica, quæ rectè loquendi scientia definitur, nisi in hac quoque de Barbarismo atque Solæcismo fœdisimis eius artis uitij cura desumeretur non parua: id quod & in morum disciplina iam pro comperto omnibus esse potest. Atque adeò hæc cura de artium quoque uitij prodendis necessaria est: quò uitia latius serpere soleant suapte natura, & (ut suprà dictum est) nonnunquam uirtutum species sibi induant, quò citius circumuehiant incautos. Hinc rectissimè ab eodem Horatio dictum est, In uitium ducit culpæ fuga, si caret arte. Sed iam de Elencho quid primum dicamus, & unde huius tractatus inscriptio.

Qua ratione de sophisticis elenchis inscriptio huius tractatus.

Sed antequàm reliqua huius tractatus exequamur, dicere haud grauabor, cur de sophisticis elenchis inscriptus sit, tū qui ab Aristotele nobis relictus est liber eiusdem negotij, tū qui nobis iam instituitur tractatus ad illius imitationem: quamnis de locis sophisticis inscriptio

scriptio à nonnullis facta sit. Existimat Iacobus Stapu-
lenſis id ab Ariſtotele factum eſſe, partim quòd hic præ-
cipuus ſit ſophiſtarum finis inter quinque, quos illi cõ-
iectant, ac ſibi proponunt, de quibus mox plura: partim
quòd huiusmodi ſyllogiſmus, elenchus inquam ſophiſti-
cus, inſtrumētum ſit maxime idoneum ad conuincendũ,
hoc eſt, ad coarguendum coaltercantem. Vnde & apud
Græcos ἐλεγχος nomen quod dicitur, apud Latinos
præter alia argumentum ſiue probationē ſignificat, &
uerbum ἐλέγχο, quod arguo ſignificat. Sed cū elenchus
dicitur hoc loco, ſophiſticus idcirco additur, ut per ſo-
phiſticum elenchum eum intelligamus ſyllogiſmũ, ſi ta-
men ſyllogiſmus dici ullo modo poſſet, non per quem
probatio & fides rei dubiæ fiat, cuiusmodi certè diale-
cticus ſyllogiſmus eſt, ſed deceptio.

De ſyllogiſmo ſophiſtico quid ſit, &
quo pacto à dialectico differat.

EX his iam quæ dicta ſunt, haud obſcurum eſſe po-
teſt, eundem ſyllogiſmum eſſe, qui nunc ſophiſti-
cus, nunc litigioſus, ſiue cõtentioſus dicitur. Eius porro
duplex ab Ariſtotele definitio traditur. Vna quidẽ qua
ſyllogiſmus eſſe intelligitur, ſcd ex his colligens, quæ ui-
dentur probabilia, imperitis uidelicet, cum tamen non
ſint. Altera uerò, qua apparet quidem eſſe ſyllogiſmus,
attamen non eſt, tametſi ex probabilibus nonnunquam
colligitur. Vnde etiam liquidò nunc apparet, ab huius-
modi ſyllogiſmo dialecticum ſyllogiſmum duplici ratio-
ne differre. Primũ, quòd hic ſyllogiſmus planè ſit: de-
inde quòd ex probabilibus colligat. Ceterũ probabilia

ab Aristotele esse definiuntur, quæ uidentur omnibus, aut plurimis, aut sapientibus, & his quidem uel omnibus, uel plurimis, uel maxime familiaribus & probatis: ut unum quenq; amare eum, à quo beneficia acceperit.

De quinque sophistarū finibus, quas & metas uocant.

Cum ergo sophista omnem neruum, omnemq; conatum cō intendat, ut coaltercantem circumueniat, ille laqueetq; uidendum est, quot & quæ sint, quæ ipse coniecit, ac sibi proponat, ut fines initi certaminis, quos ubi etiā affecutus fuerit, se iam uictorem aduersus corrixantem nimis superbè, insolenterq; proclamat atq; uoci feratur. Sunt uerò hæc numero quinque, Redargutio, Falsum, Inopinabile. Solæcismus, & Nugatio. Est autem Redargutio, cum ui disputationis cogitur quispiam aut negare quod antea concesserat, aut quod prius negauerat rursus concedere. Falsum uerò, quod nullā habet ueritatis causam, ac ne apparentem quidem. Inopinabile uerò, quod præter opinionem omnium, & maximè sapientum proponitur, ut matrē odisse filium suum. Tametsi id de Medea fingunt poëtæ. Solæcismus est, quoties secundum locutionem cogitur respondens barbarizare. Et à Donato definitur uitium in contextu partium orationis, contra regulam artis grammaticæ factū. Videtur tamen hoc loco & pro barbarismo communiter accipi, qui ab eodem Donato definitur, una orationis pars uitiosa in communi sermone, A' Diomede uerò, cōtra Romanī sermonis legē, aut scripta, aut pronūciata uitiosa dictio. Nugatio porrò est, cum respondens cogitur idem sapius

sæpius dicere. Vnde & à nonnullis definitur, eiusdè uerbi inutilis repetitio.

De locis sophisticis, & eorum diuisiõe.

Nunc ad ipsos locos ueniamus, locos dico sophisticos: hoc enim nomine à Georgio Valla Placentino mihi non absurdè appellari uidentur: quippe quòd ex his perinde fallaciæ & sophistica argumenta ducuntur, atque ex locis dialecticis argumenta & probationes dialecticæ. Ab Aristotele tamen modi dicuntur, nonnunquam etiam loci. Horum autem prima diuisiõ hæc est, quòd alij in dictione positi sunt, alij extra dictionẽ. In dictione rursus, alius ab æquiuatione, alius ab amphibologia, alius à compositione, alius à diuisione, alius ab accentu, alius à figura dictionis. Extra dictionem item, alius ab accidente, alius ab eo quod est secundũ quid ad id quod simpliciter dicitur, alius ab ignorantia elenchi, alius à petitione principij, alius à consequenti, alius ab eo quod est non causam pro causa ponere, alius ab eo quod est plures interrogationes unã facere. Patet igitur huiusmodi siue locos, siue modos in summa esse numero tredecim, ex quibus quidem in dictione sex enumerati sunt, extra dictionem uerò septem. Præterea sciendum, quòd argumentationes, quæ istiusmodi struuntur fallacijs, nunc sophismata, nunc paralogismi à Græcis dicuntur, nominibus profectò accommodatis: quippe quæ à uerbis deducuntur, σοφιστῆς καὶ παραλογίζειν, quæ uerba apud Latinos interpretantur imponere siue decipere. Hinc & impostura, & deceptiones. Adeò enim his cauillationibus atque argu-

*tijſ decipitur imperitus quiſpiā, ut credat id eſſe quo d
non eſt, & nō eſſe quod eſt. Vnde etiam Ariſtoteles fal
lacias ipſas & ſophiſtica argumēta, quòd intra colorē
tantum ſint ueritatis, orichalco rectè comparat, auri ui
delicet reſpectu. Nam ut orichalcum imperitis homini
bus aurum eſſe uidetur, ita hæc ab imperitis uera argu
menta eſſe creduntur, cum tamen à peritis ſtatim falſa
eſſe deprehendantur.*

Qua ratione ex his locis alij in dictio
ne, alij extra dictionē exiſtere dicantur.

NEc illud omittendum putaui, quanquā for
taſſis haud ita magni momenti, cur ex dictis iam
locis alij in dictione, alij extra dictionem exiſtere dican
tur. Sanè in dictione dici ob id uideri poſſunt, quòd quæ
ex his locis fallaciæ ſtruuntur, apparentiæ ſuæ cau
ſam habent ex proprietate ſiue affectione aliqua, quæ
uoci (hoc eſt, dictioni) in primis conuenit. Cuiusmodi
ſunt, quæ iam dictæ ſunt, æquiucatio, amphibologia,
compoſitio, diuiſio, accentus, & uocis figuratio. Extra
dictionem uerò, quòd ex his ſumpta argumēta & com
poſitæ fallaciæ credulitatis ſuæ cauſam ſumunt: uel ex
rebus ipſis, quæ ſignificantur: uel ex animi intentione,
quæ ſola rerū rationes, & earum pariter ad ſe inuicem
conſequentias expendit, atq; diſcernit. Vnde & inter
ipſas quoq; fallacias nonnihil diſcriminis habetur: quip
pe quòd per fallacias, quæ ex dictione proueniunt, deci
pitur quiſpiam potiſſimū, quoties cum alio quolibet diſ
putat. Per fallacias uerò, quæ præter dictionem acci
dunt, quoties ſecum diſputat, aut quippiam conſiderat,
penſi

pensiculat q̄; attentius.

De loco ex æquiuatione.

A Equiuocatio dicitur, cum dictio siue uox simplex plura significat. Caterum æquiuoca uox duobus dicitur modis. Aut enim simpliciter talis est, aut analogicōs. Simpliciter quidem, ut canis, quod nomen æquè quadrupedem latrabilem, piscem marinnū, & sidus celeste significat. Analogicōs autem, ut animalis nomen, quod tam uiuum, quàm pictum animal significat, sed non ex æquo. Itaque & paralogismos, quorum ex hoc loco argumenta ducuntur, tot modis uariari contingit. Primo, cum id quod in argumentatione sumitur, simpliciter æquiuocum est, ut Omne expediens bonum est, malum autem expediens est, malum igitur bonum est. Exæpediens hoc loco æquiuocum est. Nam & necessarium, & ad aliquid utile, & opportunū, expediens dicitur, & quod per se bonum est. In minore igitur propositione pro utili siue necessario assumptū est: Pecuniæ nanq; & mercium abiectiones, & id genus alia, cum per se mala sint, sæpenumero tamen utilia sunt & necessaria. In maiore autem expediens sumptum est, ut per se bonum significans: ac per hoc ex æquiuoco paralogismus nomen inuenit. Tali cauillo olim usus (ut est apud Herodotum) Apollo diuinus uates, si credimus, cum Cræsum Lydorum regē oraculo consulto induceret, ut Cyro Persarum regi bellū indiceret, ita dixit: Perdet Cræsus Halyn, transgressus plurima regna. Perdo enim significat & destruo, & amitto. Sciendum tamen, quòd hic uersus apud Herodotum Græcè integer non legitur,

gitur, sed apud Suidam aliunde haud dubie repetitus: κροῖσθ' ἄλυσθ' διαβὰς μεγάλην ἀρχὴν καταλύσθ'. Quem Cicero secundo de Diuinationib. libro ita uertit, ac Latinum reddidit. Cræsus Halyn penetrans magnam peruertet opum uim. Secundo cum id sumitur; quod analogicōs æquiuocum dicitur, ut omne animal est motus sensuumq; per se particeps, quod autem pictum est, animal est, igitur quod pictum est, sensibus et motu participat. Item, omnes gemmæ sunt pretiosi lapilli, at in palmitibus gemmæ reperiuntur, testante id Vergilio, Turgent in palmitē gemmæ: igitur in palmitibus pretiosi reperiuntur lapilli. Sunt porro qui præter duos æquiocationis modos addant insuper et tres alios, nempe ex compositione, et ex consignificatione, et ex transumptione. Ex cōpositione quidem, quoties uox siue dictio simplex et incomposita, unum aliquid significat duntaxat, composita autem plura, ut immortale, quod nomen compositum significat et id, quod potest non mori, et quod non potest mori: cum tamen simplex mortale id significet, quod potest mori. Ex consignificatione autem, ut cum sic contextitur sophisma, Quicumque sanabatur, sanus est: egrotans autem sanabatur, egrotans igitur sanus est. Participium egrotās, cum aliās unum aliquid significet, ex consignificatione tamen ad diuersa tempora trahitur, nempe ad præsens et præteritum imperfectum. Ex transumptione uerò, ut si quis pratum os habere dicat, quia rideat, hoc est, letum sit et fertile et pingue. Hinc Vergilius in Bucolicis dixit, Omnia nunc rident, de arboribus et fructibus inibi loquens.

De loco examphibologia.

Amphibologia autem (quemadmodum ex nomine ipso intelligi datur) dicitur, cum oratio intra se ambiguam claudit sententiam, qualis illa Apollinis (Aio te Acacida Romanos uincere posse) ad Pyrrhum Epirotarum regem, cum oraculum consulisset ipse super euentu belli, quod contra Romanos animo destinauerat. Quem uersum ex Ennio depromptum esse idem Cicero testatur eodem de diuinatione libro. Sanè tota orationis ambiguitas ex eo dependet, quòd accusatiuus, te, ut etiam Romanos, nunc à tergo, nunc à fronte eius uerbi uincere, construi potest. Atq; ita incertum relinquitur ab Acacide, hoc est, à Pyrrho Romanos uinci posse, an contrà, Acacidem à Romanis. Ex hoc igitur loco capto struitur, cum tale sophisma conficitur, Quicquid uidet quispiam, hoc ipsum uidet: at uidet aliquis columnam, columna igitur uidet. Item, Quoscunq; uellem me apprehendere, uellem ut me apprehenderent: hostes autem uellem me apprehendere, igitur uellem ut hostes me apprehenderent. Similiter autem & hoc modo, Quisquis arat littus, littus proscindit aratro: Ast operā perdens, littus perhibetur arare: Ergo operam perdēs, littus proscindit aratro. Differt autem amphibologia ab æquiocatione, quòd æquiocatio quidem ex nomine ipso res diuersas significante in captionem adducit. Amphibologia autē ex oratione fallaciam inuenit. Quo sanè nomine hunc locū appellare libuit, quanquam apud Aristotelem Gracè legitur ἀμφιβολία.

De

De loco ex cōpositione & diuisione.

Compositionem hoc loco pro oratione cōposita, & diuisionem pro oratione diuisa accipere debemus. Et composita quidem oratio est, quæ sensum habet compositum. Diuisa autē, quæ diuisum. Porro compositus sensus est, cum in ipsa oratione partes secundū situm magis debitum intelliguntur. Diuisus uerò, cum e contra. Rursus autem debitus partium in ipsa oratione situs is est, quē idiomatis peritus magis talem adiudicari. Quod tamē, ut facilius deprehendat, tres ad hoc regulæ à Iudoco Clichtoueo traditæ sunt, tribus uocabulis à Iacobo Fabro Stapulensi prius annotatæ, quas proinde hic subscribendas haud ab re existimaui. Vocabula aut sunt, Modus, Determinatio, Determinabile. Itaq; ex his prima regula est, Si modus fuerit aut subiectum, aut prædicatū propositionis, situs partium orationis magis debitus est, ut possibile est sedentē ambulare, aut sedentē ambulare est possibile. Secūda, Si determinatio posita inter duo determinabilia utrique ex æquo propinqua, præcedēs determinauerit, situs magis debitus est, ut Quicquid uiuit semper, est. Adiectum est autem ex æquo propinqua: quoniā si nō ex æquo utriq; propinqua fuerit, tunc si propinquius determinauerit, sensus magis debitus intelligitur, ut Quicumq; scit literas, nunc didicit illas. Tertia regula est, Si determinabile positū inter duas determinationes utriq; ex æquo propinquum cum præcedenti iungatur, sensus compositus est, & situs partiū orationis magis debitus, ut uidi imaginem auream, uestem habentem. His ita prælibatis, ad
sophismata

sophismata ueniamus, quocū ex hoc loco deceptio struitur. Interea tamen & illud præmonendum, quoties con-
textitur syllogismus iuxta expositos locos, si in eo sum-
pta oratio, in sensu quidem diuiso uera fuerit, in cōpo-
sito autem falsa, deceptio ex loco à cōpositiōe prodissē-
dicetur: sin uerò contrā, captio per locum ex diuisione
facta esse intelligetur.

De sophismatis quæ per locos à cōpo-
sitione & diuisione fiunt.

Igitur iuxta tria superius annotata uocabula, sophi-
smata cōficiūtur tribus quoque modis. Primo, cū mo-
dus uariatur, ut Quemcunque possibile est ambulare,
fieri potest ut ambulet: atqui sedentem possibile est am-
bulare, ergo fieri potest ut sedens ambulet. Secundo, cū
determinatio uariatur, ut Quicumq; scit literas nunc, di-
dicit illas, atqui grammaticæ peritus scit literas, igitur
grammaticæ peritus nunc didicit eas. Item, quod unum
solū potest ferre, plura potest ferre: quod autem unum
solum potest ferre, non potest plura ferre: igitur quod
potest plura ferre, non potest plura ferre. Tertio, cum
determinabile uariatur, ut Quicumque bonus est, bonus
est, atqui malus, artifex bonus est, malus igitur artifex,
bonus est. Et hætenus quidem secundum compositionē
facti paralogismi peccant, Qui uerò sequūtur, secun-
dum diuisionem totidem modis peccant, iuxta trium uo-
cabulorū suprā positorū annotationē. Primo, ut Quies-
centem ambulare est impossibile, igitur quiescentem im-
possibile est ambulare: Secundo, ut Quocunque uidisti
hunc percussū, hic percussus est: atqui oculo uidisti hūc
percussū,

percussum, oculo igitur hic percussus est. Tertio, sed esto sit quissiam artium imperitus, moribus autem probus, tunc tale connecto sophisma, Quicumque malus est, malus est: at malus artifex, est bonus, igitur malus, artifex bonus est. Per diuisionē præterea fiunt paralogismi, quoties cōiunctio tū copulatiua, tum disiunctiua, nunc terminos, nunc ipsas copulat disiūgit'ue propositiones: ut quæcunque sunt duo & tria, sunt paria atque imparia: at quinque sunt duo & tria, quinque igitur sunt paria & imparia.

De loco per accentum.

Accentus, quem & ueteres Latini, autore Quintiliano, tenorē appellauere, & à Græcis πρῶτον δ' ἰσχύει & item τὸν & dicitur, à Prisciano definitur lex siue regula ad eleuandam deprimendam'ue syllabam uniuscuiusque particulae orationis. Ab eodem insuper in acutum, grauem, & qui ex utrisque fit, circumflexum diuiditur. Porro acutus (ut Diomedes tradit) apud Latinos in correptis semper, interdum in productis syllabis uersatur. Circumflexus in his quæ producuntur. Grauis autem per se nusquam consistere in uerbo ullo potest: sed in his, in quibus circumflexus est, aut acutus, cæteras syllabas obtinet. Apud Græcos autem cum acutus in dictione tria loca obtineat, ultimum, penultimum, & antepenultimum: circumflexus quotlibet syllabarum sit dictio, non nisi penultimum tenebit locum. Igitur ut nulla uox sine uocali est, ita nulla sine accentu. Ac proinde rectè quidam putauerunt accentum ueluti animam uocis esse. Sed de accentu quidem hætenus plus satis, quando

quando apud Latinos pronuntiatio uocum iuxta accentuum regulas in totum propemodum abolita est, cuius tamen loco quantitas syllabarum perinde obseruatur. Fiunt autem per locum ab accentu sophismata tribus modis. Primo, quando pro syllabæ quantitate uariata, uariatur & significatio dictionis, ut *Quicquid malum est, fugiendum est, pomum autem malum est, igitur pomum fugiendum est*. Secundo, quando uariatur ipsius syllabæ aut aspiratio, aut orthographia, ut *Ad aram fiunt sacra, atqui hara porcorum stabulū est* (unde illud *Oui dij, Immundæ cura fidelis haræ: & illud item Ciceronis, Ex hara productæ, non schola*) igitur ad porcorum stabula fiunt sacra. Tertio, quando dictio aliqua interim diuiditur, interim tota manet, ut *Quicquid inuite fit, coacte fit: uinum autem fit in uite, ergo uinum fit coacte*. Ceterum de loco siue modo per accentum, Aristoteles dicit non facile esse dialecticis orationes facere in his, quæ sunt sine scriptura. In scripturis autem & poematibus magis, quod in his scilicet accentuum per certas notas, & syllabarū ob metri legem, accuratior habeatur obseruatio.

De loco à figura dictionis.

A Figura dictionis hic locus nominatur, quod per eum quicumque fiunt paralogismi, causam apparentiæ non aliunde habeant, quàm à uocis siue dictionis cum alia qualibet siue uoce, siue dictione configuratione, hoc est (ut planius dicam) à consimili dictionis cum alia qualibet dictione desinentia siue terminatione. Nec uideo tamen cur à quibusdam tam longè repeta

repetatur hoc loco figura definitio, qua à geometris definitur magnitudo, quæ termino uel terminis clauditur, cum secundum hanc definitionem, figura nihil commune cum dictione habeat, unde similitudo aliqua intelligi possit. Ex hoc igitur loco captiones struuntur, quoties argumentationem factam constare ac rectè se habere quis autumat, similitudine uocis hallucinatus, cuiusmodi hæc est, Discere est circa disciplinam exerceri, at exerceri circa disciplinam est docere, discere ergo docere est. Captio est, per figuram dictionis. Figuratum siquidem est passiuum in actiuum, & actiuum in passiuum. Nam exerceri circa disciplinam, & actionis & passionis expressiuum est. Quandoquidem exerceri esse potest tam impersonalis quam passiui uerbi modus infinitiuus, ita ut ab impersonali actio, à passiuo passio significetur. Fiunt præterea secundum hunc locum paralogismi, cum ab uno prædicamento transitus fit ad alterum, ut Quicquid heri uidiſti, hodie uides: atqui album heri uidiſti, album igitur hodie uides. Hic transitus est à substantia ad qualitatem. Similis huic argumētatio est hoc modo, Quicquid heri emisti, hodie comedisti, crudum heri emisti, ergo crudum hodie comedisti. Atque id quidem est, quod Aristoteles his uerbis significare uidetur. Quæ autem per figuram dictionis (inquit) fiunt sophismata, accidunt quando uel non idem ut idem interpretantur, ut masculinum, foemininum: uel foemininum, masculinum: uel quod inter hæc est, nempe neutrum, alterum horum. Vel rursus quale, quantum: uel quantum, quale, uel faciens, patiens: & alia, quemadmodum hæc prius diuisa sunt. Siquidem aliquid est, quod non est eorum
quæ

quæ sunt facere aut pati, et si uocis figura uideatur, ut ualere, quod qualitatem potius dicit, nempe sanitatem (est enim ualere sanum esse) quàm actionem aut passionem.

De loco ab accidente.

Sequuntur loci, qui extra dictionē dicti sunt. Ex his primus est, qui ab accidente dicitur. Is autē est (quē admodum & Aristoteles tradit) per quem captiones fiunt, quoties similiter quodcunque existimabitur rei & accidētī inesse. Nam quia multa eidem accidunt, non est necesse omnibus prædicatis, & ei de quo prædicantur, omnia illa similiter inesse. Quādoquidē hoc pacto omnia illa eadem erūt, quemadmodum sophistæ dicunt, ut si Socrates est alter à Platone, Plato autē homo est, Socrates igitur ab homine alter est. Tale est & illud apud Aulum Gelliū sophisma, quod proponitur hoc pacto, Quod ego sum, tu non es: ego autem sum homo, tu igitur homo non es. Item & hoc modo, Homo animal est, animal autē genus, homo igitur genus est. Ac rursus, Polycarpus est homo, at uerò homo disyllabum est, Polycarpus igitur disyllabum est. Sanè hæc & alia id genus sophismata per accidens fieri dicuntur. Per accidēs inquam, hoc est, per extraneū siue diuersum quodammodo aliquid, ut in quibus cōplexio orationis, eas quæ circa naturam sunt diuersitates, ad naturā ipsam trāstulit. Aliud quippe est, secundum naturam esse, & aliud secundū personales accidentalesq; proprietates, ut uerbi causa, Animal cū de homine prædicatur, essentialiter de homine dicitur: cum uerò de animali genus prædicatur,

tur, huiusmodi prædicatio essentialis non est, sed per accidens (ut nec cum de ea uoce quæ est homo, dissyllabum prædicatur) propterea quòd aliud est animal, homo, aliud animal genus. Animal siquidem genus, simpliciter animal est, hoc est tale animal, quod cunctas sub se species communi ratione colligit, eatenus uidelicet, quatenus uitam absolutam sentiendi uel præditam gerant. Homo autem animal una talium est specierum, quæ uitæ tali, nempe absolutæ rationalitatem & dexteritatem affert. Homo igitur non est simpliciter animal, sed tale animal. Tale porrò animal non est genus, sed species. Sed hæc fortassis multò altius repetita sunt, quam præsens institutio ferat.

Quo pacto à recentioribus hic locus tractetur.

Nec tamen ignoro hunc locum ab accidenti latius explicari à recentioribus hoc modo, ut sit accidens, & id cui accidit, uidelicet res subiecta, & præter hæc attributum: quæ & ita distinguunt nominibus magis familiaribus, ut accidens sit, quod mediū in syllogismo dicitur, res subiecta minor extremitas, attributum maior extremitas. Hinc paralogismos per hunc locum fieri dicunt, quoties uel mediū, uel maior extremitas, uel minor extremitas in syllogismo non recte sumitur. Medium quidē, ut si ita arguatur, Cuiuslibet contradictionis altera pars est uera (& accipio hic nunc uerbū, cuiuslibet, more istorū, contra uim propriā pro signo distributiuo, ut ipsi dicunt, qualia sunt omnis & nullus) atqui hæc propositio, homo est lapis, est cōtradictionis altera

altera pars, igitur hæc propositio, homo est lapis, uera est. Captio est in uerbo contradictionis. Assumendū nāq; erat. Atqui hæc propositio, homo est lapis, est contradictio, eò quòd hic terminus in maiore solū uniuersaliter sumebatur. Maior uerò extremitas, ut si ita proponas, Omne animal substantia non est, omnis autem homo est animal, igitur nullus homo substantia est. Hic captio est in uerbo substantiæ, quod in maiori (ut oportebat) uniuersaliter sumptum non est, propterea quòd negatio ei preposita non sit. Verum id ita sophistæ pro arbitrio statuerūt, contra autorum & eorum qui recte loqui didicerunt, consuetudinem. Minor porrò extremitas non rectè sumitur, si ita contexas syllogismum. Nullum dextrum est sinistrum, cuiuslibet autem hominis oculus est dexter, ergo neuter oculus hominis est sinister. Hic oculus minor extremitas particulariter sumitur in minore contra præscriptam secundi modi primæ figuræ legem. Quare ita assumendum erat, cuiuslibet autem hominis uterq; oculus est dexter.

De loco ab eo quod est secundum
quid, ad id quod simpliciter est.

Definitur hic locus ab Aristotele per id, quòd hoc quidem simpliciter dicitur: illud autē quoquomodo, & non præcipuè. Quoquomodo, inquit, hoc est, uel secundum locum, uel secundum tempus, uel ad aliquid, uel secundum aliquid, uidelicet cum quod secundū partem dicitur, simplicitet accipitur. Itaque & paradoxismi secundum hunc locū quatuor fiunt modis. Primo in his, quæ secundum locum dicuntur, ut apud Thraces

quædam gentes olim, ut Solinus autor est, recens natos cum fletu excipere, & defunctos gaudio prosequi pium esse ducebant, igitur pium est, puerperia deslere, & funera gaudio prosequi. Secundo in his quæ sunt secundum tempus, ut bonum est uti victu tenui cum ægotamus, igitur simpliciter uti bonum est. Itē, expedit merces in mare projicere, cum timeatur naufragium, igitur expedit projicere merces. Tertio in his, quæ sunt ad aliquid, ut diuitiæ male utentibus non sunt bonæ, igitur diuitiæ bonæ non sunt: cum tamen ipsæ (ut diuus Ambrosius ait) uirtutum sint instrumenta. Quarto autem in his, quæ sunt secundum aliquid, ut Aethiops dentibus albus est, igitur albus est. Præterea cum ex diuisis coniunctum infertur, hoc pacto, Coriscus bonus est, & idem citharædus, Coriscus igitur bonus est citharædus. Esto autem uita bonus sit, non arte. Huiusmodi paralogismus per hunc locum factus esse intelligitur.

De loco ab ignorantia elenchi.

Per ignorantiam elenchi, siue quod idem est, per inscitiam redargutionis, fiunt paralogismi, quoties omittitur aliquid eorum, quæ ad orationem (ut Aristoteles ait) hoc est, ad ipsius elenchi definitionem requiruntur. Definitur autem ab eodem hoc pacto, Elenchus est contradictio unius & eiusdem non nominis, sed rei & nominis non synonymi, sed eiusdem, ex his quæ data sunt, non cōnumerato eo quod est in principio, ad idem, secundum idem, similiter, & per idem tempus. Quæ quidem definitione certum est nusquam ab Aristotele longiorem factam esse, idque (ut reor) propter sophistarum impor

importunitates. Quapropter & singulas eius particu-
las latius explicare, atque distinguere necessum fortassis
fuerit. Quandoquidem in ea quædam syllogismi tantum
causa ponuntur, quædam ob contradictionem solū, quæ-
dam etiam ad utrumque spectant. Syllogismi causa po-
nuntur, partim ex his quæ data sunt ex necessitate, par-
tim, non connumerato eo quod est in principio. Ob con-
tradictionē uerò, ut quæ postremo loco enumerata sunt.
Cuiusmodi sunt ad idem, secundum idem, similiter &
per idem tempus. Præter hæc autem ad utrūque reliqua
pertinent. Porro paralogismi, qui per hunc locum fieri
consueverunt, hoc præcipuè peccant, quòd ex quatuor
postremis aliquid omittitur. Vnde & quatuor quoque
modi assignantur. Primus cum omittitur particula ad
idem, ut decem sunt dupla ad quinque, & non sunt
dupla ad sex: ergo decem dupla sunt, & dupla non
sunt. Similiter si quis Socratem inter duos locatum,
idcirco pronuntiet ipsum dextrum esse & non de-
xtrum. Secundus modus est, quando omittitur par-
ticula secundum idem, ut hoc est duplum secundum
longitudinem, & non est duplum secundum latitudi-
nem, duplum igitur est, & non duplum, aut si quis ocu-
lum nigrum esse dicat, & non nigrum: propterea
quia id quod circa orbem ipsius oculi est, qui medius
pupillam tenet, album sit, ipse uerò orbis niger spe-
ctetur. Tertius, quando omittitur particula similiter,
ut cognosco Socratem, & eundem non cognosco ueni-
entem, igitur cognosco Socratem, & eundem nō cogno-
sco. Quartus uerò, quādo omittitur particula per idem
tempus, ut si quis Socratem proponat sedentem, & non

sedentem, ad diuersa tempora respiciendo.

De loco à petitione principij.

IN principio petere, est id, quod ad demonstrationē propositum est, ponere & accipere ut confessum. In principio igitur petitur aliquid, cum eius adhuc desideratur demonstratio, quod tamen ut confessum accipitur. Vnde & ab Aristotele definitur secundo Priorum analyticorum uolumine hoc modo, Petere (inquit) id quod est in principio, est ostendere quicquā per id, quod per seipsum manifestum non est, quod profecto est propositum non ostendere, Accidit autem modis quatuor. Primo, quando a syllogista & incollectilis ratio fuerit. Secundo, quando id quod sumitur, ignotius eo est, quod colligere uolumus. Tertio, quando quod sumimus, æquè ignotum est, atque id quod conficere uolumus. Quarto, cum posterius sumitur ad demonstrandum id, quod prius est. Cæterū præter hos sunt & alij quatuor modi, quos octauo libro Topicorum idem autor recenset. Primus, cum quod particulariter demonstrandum est, uniuersaliter quis postulauerit, ut si quis uolens probare, contrariorum eandem esse disciplinam, postulauerit idcirco omnium oppositorum eandem esse disciplinam. Secundus, cum quod uniuersaliter est ad ostendendum propositum, particulariter ab aliquo petitur: ueluti si de omnibus contrarijs propositum est, de aliquibus solum quispiam postulet. Tertius uerò, cum quis diuidens propositum petit: ut si cum oportet quempiam coniunctim ostendere medicinam sani & egri esse, is tum utrumque postulet seorsum, atque diuisim, uerbi causa, Est n.

Est ne medicina sani? & rursus, Est ne medicina ægri? atq; idem dehinc ita argumentetur, Medicina sani est. & medicina item ægri est, igitur medicina sani est, & item ægri. Quartus demum, cum quis eorum quæ ex necessitate se inuicem sequuntur, alterum petit, ut si cui propositum est ostendere, quòd diameter est incommensurabilis lateri quadrati, is assumat, quòd diametro latus incommensurabile est.

De loco à consequenti.

A Consequenti locus dicitur, quemadmodum & Aristoteles tradit, quoties propter consequens redargutio fit, ut si quis petat consequentiam conuerti, quæ tamen cōuertitur minime. Exempli gratia, si quis, quia hoc ex necessitate est, & illud est, idcirco putauerit, quia illud sit, & alterum quoque ex necessitate esse. Vnde & deceptiones, quæ propter opinionem ex sensu sunt, hoc modo plerunque fiunt. Hinc sæpenumero id, quòd fel est, mel esse suspicantur, eò quòd flauus color ut fel, ita & mel quoque consequitur. Quapropter si quis ita argumentetur, hoc mel est, igitur flauum, rectè quidem sequitur: at contrà non rectè, si hoc modo, Hoc flauum est, igitur mel est. Huius autem loci, alij duos, alij tres statuunt modos. Ex his primus est, quoties quis, ut ab antecedente ad consequens rectè sese habet consequentiæ ratio, ita è contrario à consequente ad ipsum antecedens firmam similiter atq; constantem consequentiæ uim esse existimauerit, ut si animal est, homo est, igitur si homo non est, animal non est. Secun-

*du, quoties facta consequētia, ab abolitione antecēdē
tis credit aliquis & consequens peræque aboleri posse,
ut si homo est, animal est, igitur si homo non est, animal
non est. Tertius uerò modus est, quoties ex communiter
accidentibus per id, quod consequēs esse solet, uolumus
ostendere id quod præcedit, ut qui insanus est, in solitu
dinem fugit, Democritus autem in solitudinem fugit,
igitur Democritus insanus est. Dicitur autem per con
sequens, quoniam consequitur insanum esse, in solitudi
nem fugere, ueruntamen non conuertitur. Non enim si
quis fugit in solitudinem, consequens continuo est, ut
insaniet. Inuenias siquidem, qui res humanas despiciēs,
stabilitatem & quietem quærat, & ob hoc ad loca à
tumultibus libera secedat: quemadmodum Democritum
fecisse memoriæ proditum est: proinde falsò creditum
est ab Atheniensibus, cum insaniuisse. Quemadmodum
falsò quoque creditum est olim ab infidelibus nostræ re
ligiōis monachos desipuisse, quòd relictis omnibus quæ
posederant, in deserta loca secesserint: unde & Ana
choritæ dicti sunt & Eremitæ: ut de Paulo primo ere
mita & Hilarione Hieronymus, de diuo Antonio Atha
nasia, & de alijs compluribus Seuerus Sulpitius in eo
libro, quem de uita diui Martini inscripsit, memoriæ
prodiderunt.*

De loco ab eo quod est, non causam
ut causam ponere.

Hic locus ab eo nomen habet, quod est non causam
ut causam ponere, quod quidem fit dicente Ari
stotele, cum assumitur id quod non causa est, tanquam
propter

propter illud fiat redargutio. Accidit autem tale quid in his syllogismis, qui sunt ad impossibile, in quibus scilicet necessarium est interimere aliquid ex his, quæ sumpta sunt. Huius quidem exemplum est, quo & Aristoteles ipse utitur, ut si quærat, Suntne anima & uita idem? quod si à respondente concedatur, ita deinde elenchus sophisticus sit, Omne quod est contrarium corruptioni, generatio est: atqui mors corruptio quædam est uitæ contraria, & anima & uita sunt idem, uita igitur est generatio, & uiuere generari. Hoc autem impossibile est, quippe qui uiuit, iam non generatur, sed genitus est. Hic si is, qui proposuerat, num anima & uita sunt idem, per interemptionem inferat ob consequentis scilicet falsitatem, igitur idem non sunt anima & uita, & respondens hoc quoque concedat argumentationis uim impulsus, ne tunc quidem subterfugere poterit redargutionis notam. Quippe qui quæ antea concessa sunt, eadem ipse postea negauerit, quod certe per imperitiā eius accidit, non aduertentis eam propositionem, quæ interempta est, causam non esse cur illatum sit consequens falsum, ac per hoc ne interimendam quidem fuisse. Quandoquidem ipsa posita, aut non posita, nihilominus id quod impossibile est, eodem syllogismo collectum sequitur. Quin hæc potius interimenda erat, Mors corruptio quædam est, quæ nimirum falsa propositio est. Siquidem neque mors corruptio, neque uita generatio est: sed ut generationem uita, ita corruptionem mors comitatur. Itaque in syllogismo superioris facti, quæ propositio causa non erat, ut causa sumpta est.

De loco ab eo quod est, plures interrogationes ut unam facere.

Restat ultimus ex his, qui extra dictionē dicti sunt, locus, nomen hinc sortitus, quod per eum plures interrogationes factæ, una esse credantur. Quoties igitur duæ pluresve interrogationes fiunt, ad quas responsio datur perinde atq; una facta sit, captio per hunc locum fieri dicitur. Quod profectò tunc euenire solet, cū latet respondendum plures esse, idq; uel per imperitiā, uel ob non diligentem ad respondendum circumspectionem. Porro interrogationes plures dicuntur, quum plura de uno, aut unum de pluribus, aut plura de pluribus interrogantur. De quibus & Aristoteles hoc modo, In harum autem aliquibus quidem (inquit) facile est uidere quod non una, sed plures quoque dandæ sunt responsiones, ut utrum terra est mare, an cælum? In aliquibus uerò nō ita facile, ut putas ne hic & hic homo est? Quo fit, ut cum aliquis percusserit hunc, & hunc hominem, & non homines percussisse dicatur. Rursus, cum interrogamus, Sint ne hæc bona an non? demonstratis tam bonis quàm malis, utrumuis responderit aliquis, redargutionem haudquaquam effugiet, ob falsi uidelicet confessionem. Quandoq; autem assumptis, hoc est, admissis quibusdam, redargutio non minus fiet, ut si quis concedat similiter & unum & plura dici, ut exempli causa, alba, uel nuda, uel cæca. Nam si cæcum est, quod uisum non habet, natum tamen habere: & cæca erunt, quæ uisum non habent, nata tamē habere. Igitur cū hoc quidem uisum habet, illud autem non habet: si tum interrogat.

terroget quispiam, sunt ne hæc uidentia, an non uidentia? utrumlibet respondens dederit, erunt procul dubio ambo uel uidentia, uel non uidentia. Quod quidē utiq; falsum esse statim deprehenditur ex hypothesi facto. Hæc ita ex Aristotele penè ad uerbū, ut cætera magna ex parte, quæ in hoc tractatu continentur, omiſſis multorum ambagibus in re non magni momenti.

Quemadmodum ad ignorātiā elenchi omnes prædicti loci reduci possint, & quòd dupliciter elēchus accipiat.

Inquirendum deinceps, quo pacto prædicti loci omnes, siue elenchi sophistici ad redargutionis inscientiam reuocari possint, idq; ex Aristotelis præsertim instituto, ut qui de omnibus his ita pronuntiat, Aut distinguendi sunt, inquit, apparentes syllogismi omnes, atq; redargutiones, aut ad ignorantiam elenchi reducendi, uel ab ijs præcipuè, qui hanc omnium dictorum modorum principium faciunt: quatenus elenchus ipse generatim accipiat, simulque omnes intra suæ definitionis ambitum positas particulas amplectatur. Dico autem generatim, quando alioqui ex dictis modis, siue locis unus & ipse habeatur, nempe ad quatuor ultimas particulas factæ definitionis relatus. Itaque sciendum, quòd omnes paralogismi, quicunque iuxta præscriptos modos fiunt, peccant, uel quia syllogismi nō sint, tametsi uidentur: uel quia contradictio in his non rectè sese habeat: uel quia nō eadem ubiq; tam rei quàm nominis ratio obseruetur, id quod nūc per singulos locos discurrendo breuiter ostēdere operepræitum fuerit. Ergo quicunq;

quicumque fiunt per æquiocationem, per amphibologiam, & per figuram dictionis, omnes ad elenchum re-
ducuntur, eò quòd in his duplex tum nomen, tum ora-
tio sumitur, ob rei uidelicet significatæ diuersitatem.
Similiter autem & qui per compositionem, & diuisionem, & accentum fiunt, ob ipsius tum orationis, tum nominis uariationem. Porro qui secundum accidens fiunt, & item propter consequens, & per id, quod est sumere quod in principio est, necnon per id, quod est non causam ut causam ponere: propterea quòd unusquisque horum præuicator sit præscriptæ nuper syllogisticæ legis. Qui uerò propter id, quod quoquomodo & simpliciter: quoniam non de eodem affirmatio & negatio est: quare nec in his ulla est uera contradictio, licet credatur. Postremò autem & qui fiunt propter id, quod est plures interrogationes ut unam facere: quòd in his non enucleamus, neque discernimus propriam ipsius propositionis rationem, quæ quidem est ut unum de uno dicatur. Nam eadem est unius rei, & rei simpliciter definitio, ut hominis, & unius hominis. Cum ergo, quæ in syllogismo sumitur, apparet esse propositio, & non est, quatenus in ea non unum de uno prædicatur, manifestum quòd & hic ad inscitiam redargutionis reuocandus est. Est enim redargutio syllogismus quidem, nempe contradictionis. Ex quo iam palam factum est, omnes locos siue modos ad ignorantiam elenchi reuocari posse, hos quidem, qui in dictione sunt, quoniam in his apparens est contradictio: illos autem, qui extra dictionem, maiori ex parte propter syllogismi rationem definitio-
nemque.

Ex quibus causis sophisticæ prodeant deceptiones.

Consentaneum fortassis fuerit inuestigare quoque, quibus ex causis huiusmodi imposturæ atque deceptiones proueniant. Itaque dicamus ex Aristotele, quòd deceptio omnis prouenit in his quidem, quæ per equiuocationem & amphibologiam fiunt, sophismatis: eò quòd non potest quispiam distinguere id quod multiplex est, siue multipliciter dicitur, ab eo quod uno modo dicitur duntaxat. At in his, quæ per compositionem & diuisionem: eò quòd nihil interesse putatur inter orationem compositam & diuisam. Similiter autem & in his, quæ per accentum fiunt: propterea quòd nonnullis idem significare uidetur eadem uox intensa & remissa, hoc est, acuto uel graui accētū prolata. Et in his itē, quæ per figuram fiunt ob dictionis similitudinem: quòd difficile sit diiudicare, quæ similiter atq; aliter proferantur. Ferè enim quisquis hoc facere poterit, is in procidū est, ut quod uerum est uideat: & per hoc promptus erit uel cōcedere, quod cōcedendum est, uel negare, quod est negandum. Rursus autem in his, quæ per accidens: eò quòd quis nescit diiudicare, idē ne sit an diuersum quod sumitur, tum an unum, an multa. Similiter autem in his, quæ per consequens fiunt: per hoc quòd arbitramur, ut consequens ab antecedente non separatur unquam (est enim ipsum antecedentis pars quædam) ita nec à consequente antecedens separatum iri. Porro in his, quæ fiūt propter omissionem orationis, hoc est, alicuius particularum, quæ in elenchi ratione posite sunt, & in his
quæ

sis collectus sit, aut quia syllogismus non est, tametsi uideatur. Ergo cum duobus modis falsum esse syllogismū contingat, duobus quoq; modis ipsum dissoluendum docet, nempe aut per interemptionē, aut per distinctionē. Per interemptionē quidē, ut quoties ex falsis collectus est. Per distinctionē uerò, cum apparet syllogismus, et non est. Verū enim uero, ut id quod quærimus breuiori uia, quàm quæ ab Aristotele tradita est, assequi possimus, ex Iacobo Fabro Stapulensi tres regulas in animū induxi hic subiiciendas. Quarū prima hæc est, In omnibus paralogismis, qui fiunt per æquiocationē, amphibologiam, cōpositionem, diuisionē, et accentum, si quod sumptum est multiplex, distinguendū est. Alioqui confusionem parit, quæ tollitur interim, cū ipsum distinguitur. Insuper et in eisdem cōsequentia ratio discutienda examinandaq; uenit. Secūda, In omnibus paralogismis, qui fiunt per figurā dictionis, per accidens, per id quod est secundū quid et simpliciter, per ignorantiam elenchi, per cōsequens, per non cām ut causam, per id quod est plures interrogationes facere ut unam, consequentia neganda est, et mox cur negata sit, ratio subiungenda. Tertia, In omnibus paralogismis, qui fiunt per id quod est petere id, quod est in principio, ipsum antecedēs aut negandum planē est, aut certē addubitandum.

PERORATIO.

HABES studiosc lector, siue adolescens, siue adultæ ætatis iuuenis, dialecticā tibi paratam, non aliā ob causam (sic mihi crede) nisi ut posthac, quicquid in
studijs

studijs liberalibus addiscēdum tibi fuerit, citra crassam illam & sœdam barbariem, facile id iam asequi uideri possis. Quippe quòd hæc sola uisa sit hætenus deesse ad ternarium illum studiorum numerũ, quæ triuij comuni nomine appellant, id quod in primis triuijalium ludorum magistri atq; præceptores sæpe ac multum conuesti sunt aliquot annis, tales utiq; præceptores (qui ut pro comperto ipse habeo) totis uiribus ad hoc contendunt, ut docilem iuuentutem ritè instituunt, à barbarie auocent, bonas artes doceant. Itaq; si hæc dialectica nostra talis tibi uisa fuerit, ut ex ea id, quod summo opere tui moliuntur præceptores, pro uoto asequi poteris, bene est: sin uerò nondum id à me præstitũ sit (quod equidem uereri possum) conatum saltem quæso, si non rem ipsam, laudaueris.

I N G A R R V L V M S O P H I -
stam Ioannis Murmellij Ruremun-
densis Epigramma.

G Arrule qui nostrum tentas lapidare libellum,
In lucem pueris ede Sophista tuum.
Non decet in rudium cœtu traducere doctos,
Vana loqui turpe est, gloriolamq; sequi.
Ecquid apud calathos, inter muliebria pensa
Reddere te clarum lana caprina potest?
Quando nihil præter uerbosa sophismata nosti,
Barbarie sordens, grammaticæq; rudis.
Ecquid habes sophiæ, quod te in penetralia ducat?
Ecquid Aristotelem Porphyriumq; tenes?

Haud

Haud operæpretium est (mihi crede) refellere nugæ,

Digna legi scribens experiere uirum.

Saucius & possum genuinum infigere dentem:

Deq; meo crudum uulnere uulnus erit.

Ingenijs hominum studeo prodesse iuuantis,

Estq; mihi uero gloria nulla prior.

IOANNES MVRMELLIVS RVRE

mundenfis Petro suo S. P. D.

Rogas me sedulo, & crebro adhortaris Petre suauissime, ut breui te arte instituam, quam ratio ne uoces eas, quæ in categorijs locum habent, discernere queas ab illis, quæ à prædicamentis alienæ sunt: & ut certos quosdam tibi tradam canones, quibus facile discas, in quo unaquæque uox categorica prædicamento reponatur. Ardua profectò res est, & seuis caninæ facundia morsibus exposita, in tam uaria & multijuga opinionum diuersitate, dialecticorum alijs alia sentientibus, breui ea libello perstringere, quæ pluribus longissimi operis uoluminibus uix satis exactè potuerint uel à doctissimo philosopho explicari. Cum tamen mecum cogitem, quantum utilitatis tibi studiosis que liberarum artium iuuenibus ex hoc quod petis, prouenturum sit, utcunque pro temporis, quo suppetit otium, breuitate, uotis tuis non morem gerere non possem. Accipe igitur lucubratiunculam hanc nostram, ut habeas & *ᾠκωγῆν* quandam in Aristotelis decem prædicamenta: & ingenium tuum ne grammaticæ solum, sed fructuosius etiam dialecticæ studijs excolito, ut uera dignoscens à falsis, & finiendi, diuidendi, argumentandiq;

Q rationem

rationem tenens rectam uiam habueris, & iter expedi-
tum ad optimam quanq; disciplinam. Vale, & præce-
ptorem tuum dilige. Alcmariæ Phrisiorum oppido stu-
dijs liberalibus sanè quàm accommodato. Anno à partu
uirginis M. D. X I I I. Idibus Septembribus.

IN ARISTOTELIS

DECEM PRÆDICAMEN

ta Ioannis Murmellij Ruremun-
densis Isagoge.



ISAGOGEN hanc in decem
Aristotelis Peripateticorū principis
κατηγορίας tribus digero capitibus,
quorum primo quidem agam de uoci-
bus à prædicamentorum serie reiectis
& alienis: secundo aut̃ super ijs, qui-
bus in ordine categorico locus est: tertio uerò dictiones
aliquot tradam, quæ uel ad diuersa prædicamenta, uel
ad unius eiusdemq; seiunctas species referuntur. Porro ut
hæc facilius memoriæ commendari possit, & tenacius
inherere, singula capita in suos titulos sunt distributa.

De uocibus à prædicamentorum se-
rie reiectis & alienis Isagoges in Aristo-
telis prædicamenta.

Caput primum.

Decem esse prædicamenta

titulus. j.

De prædicamentorum quæsituiis

titu. ij.

Nouem regulis cognosci uoces à prædicamentis alie-

nas

titu. iij.

De

De reiectis à prædicamentorum ordine uocibus regula-	
rum nouem prima	titu.iiij.
Secunda regula	titu.v.
Tertia regula	titu.vj.
Quarta regula	titu.vij.
Quinta regula	titu.vij.
Sexta regula	titu.ix.
Septima regula	titu.x.
Octaua regula	titu.xj.
Nona regula	titu.xij.
Bisariam aliquid locū habere in prædicamēto	titu.xij.

De dictionibus quibus in ordine
categorico locus est.

Caput Isagoges huius secundum.

Series categoriæ Substantiæ.	titu.j.
De ijs, quæ sunt prædicamenti Substatiæ, regula pri-	
ma	titu.ij.
Regula secunda	titu.ij.
Regula tertia	titu.iiij.
Regula quarta	titu.v.
Regula quinta	titu.vj.
Regula sexta	titu.vij.
Regula septima	titu.vij.
Regula octaua	titu.ix.
Regula nona	titu.x.
Regula decima	titu.xj.
Regula undecima	titu.xij.
Regula duodecima	titu.xij.
Series categoriæ Quantitatis	titu.xij.

De ijs, quæ sunt prædicamenti <i>Quantitatis</i> , regula prima	titu. xv.
Regula secunda	titu. xvj.
Regula tertia	titu. xvij.
Quarta regula	titu. xvij.
Quinta regula	titu. xix.
Series prædicamenti Ad aliquid	titu. xx.
De ijs, quæ sunt prædicamenti Ad aliquid, prima regula	titu. xxj.
Secunda regula	titu. xxij.
Tertia regula	titu. xxij.
Series prædicamenti <i>Qualitatis</i> .	titu. xxiiij.
De ijs, quæ sunt primæ speciei <i>Qualitatis</i> , regula prima	titu. xxv.
Secunda regula	titu. xxvj.
Tertia regula	titu. xxvij.
Quarta regula	titu. xxvij.
De ijs, quæ sunt secundæ speciei <i>Qualitatis</i> , regula prima	titu. xxix.
Secunda regula	titu. xxx.
Tertia regula	titu. xxxj.
De ijs, quæ sunt tertiæ speciei <i>Qualitatis</i> , regula prima	titu. xxxij.
Secunda regula	titu. xxxij.
Tertia regula	titu. xxxiiij.
De ijs, quæ sunt quartæ speciei <i>Qualitatis</i> , regula prima	titu. xxxj.
Secunda regula	titu. xxxvj.
Series	

Series prædicamenti Actionis	titu. xxxvij.
De ijs, quæ sunt in prædicamento Actionis, regula	titu. xxxviii.
Series prædicamenti Paſſionis	titu. xxxix.
De ijs, quæ sunt in prædicamēto Paſſionis regula	tit. xl.
Series prædicamenti Vbi	titu. xli.
Descriptio Vbi, ex Trapezuntio	titu. xlii.
De ijs, quæ sunt in prædicamento Vbi, regula	titu. xliii.
Series prædicamēti Quando	titu. xliiii.
Descriptio Quando, ex Trapezuntio	titu. xlv.
De ijs, quæ sunt in prædicamento Quando, regula	titu. xlvi.
Series prædicamenti Situs	titu. xlvij.
Descriptio Situs, ex Trapezuntio	titu. xlviii.
De ijs, quæ sunt in prædicamēto Situs, regula	titu. xlix.
Series prædicamenti Habitus	titu. l.
Descriptio Habitus	titu. li.
De ijs, quæ sunt in prædicamento Habitus, regu.	tit. lii.

De dictiōibus aliquot, quæ uel ad diuersa prædicamēta, uel ad unius eiusdemq; seiunctas species referuntur.

Caput huius introductionis tertium.

Quòd una eademq; species, secundum aliud atque aliud diuersis generibus supponi possit	titu. i.
De habitu, dispositione, scientia, sensu, & positione	titu. ii.
De raro, spisso, leui, & aspero	titu. iii.
De calido, humido, & lumine	titu. iiii.
De doctore, imperatore, uiro, comite	titu. v.

DE VOCIBVS A' PRAE-

dicamentorum serie reiectis & alienis Isa-
goges in Aristotelis prædicamenta.

Decem esse prædicamēta Titulus I.



Rimus omnium Aristoteles decem κα-
τηγορίας constituit, quæ à Quintilia-
no elementa dicuntur, à Seuerino Boe-
thio prædicamēta, Sunt autē hæc. Sub-
stantia, Quantitas, Ad aliquid. Quali-
tas, Agere, Pati, Vbi, Quando, Sit us, & habere. Substā-
tia est (ut singulatim exēpla referantur) ut homo. Quāti-
tas, ut linea. Ad aliquid, ut pater. Qualitas, ut iustitia.
Agere, ut secare. Pati, ut secari. Vbi, ut in Academia.
Quando, ut hodie. Situs, ut iacēre. Habere, ut togatum
esse. Sed & his ea uersiculis complexi sumus,
Arbor, sex, seruos, seruore, refrigerat, u slos.

Ruri, cras, stabo, nec tunicatus ero.

De prædicamētorū quæsituiis. Titu. II.

Decem prædicamentorum quæsituiua tradunt eruditi,
Quid, quantum, quid huius, quale, quid agens, quid pa-
tiens, ubi, quando, quomodo situm est, quomodo habi-
tuatum est. Cum enim quæritur, quid est Socrates? re-
spondetur, homo, animal, aut substantia, quæ à quibus-
dā dicitur essentia. Quantum est Socrates? interrogatus
respondet, quadricubitus. Quid Platonis? magister. Qua-
lis? temperans. Quid agit? disputat. Quid patitur? uer-
beratur. Vbi philosophatur? Athenis. Quando locutus
est Alcibiadi? hodie. Quomodo situs est? stat. Quomodo
habituatus est? palliatus.

Nouem regulis cognosci uoces à prædicamentis alienas. Titulus III.

Quemadmodū (ut Seuerini Boëthij uerbis utar) qui serere ingenuum uolet agrum, liberat arua prius frutibus, falce rubos, filicemq; refecat, ita et nos primum te docebimus, quæ uoces à prædicamentis alienæ sint, ut ijs reiectis, in prædicamentorū serie collocandas facilio-ri ratione cōprehendas. Tenendæ igitur tibi sunt nouæ regulæ, quas his triuialibus uersiculis comprehendī:
Complexum, consignificans, fictum, polysemum,
Vox logicæ, deus, excedens, priuatio, parsq;
Hæc studiose categorijs non accipiuntur.

De reiectis à prædicamentorum ordine uocibus regularum nouem prima.

Titulus IIII.

Prima regularum hæc est, Nulla uox complexa, nisi simplicis loco accipiatur, in prædicamēto ponitur: proinde si quis te rogarit, in qua categoria collocatur iustus homo? in nulla respondeto. Signatè aut additū est, nisi simplicis loco accipiatur, quòd ob uerborū inopiam sæpenumero pluribus p uno cogimur uti, ita ut tametsi uoces sunt plures, intellectus tamē sit simplex, et res, quæ significatur, una. Exempli gratia, corpus animatū, licet uox sit complexa, genus tamen est unum, sic et quantitas continua, et quantitas discreta.

Secunda. Titulus V.

Nulli syncategoremati locus est in categoria. Syncategorema dicitur uox cōsignificatiua, id est, ea quæ nec συνηγετική=uniuersalē rem, nec particularē significat, sed cōsignifi γόρημα=cat, id est, cum alia dictione orationem ad significandum

ingreditur, ut omnis, nullus, aliquis, quidā, hic, ille, uti-
nam, quidē, apud, heu. Sciendū hoc loco est, ex octo par-
tibus orationis (quas grāmatici cōstituunt) duabus dun-
taxat, nomini quidē et uerbo locū patere prædicamēti:
participium autem sub uerbo suo comprehendī, aduer-
bium uerò sub nomine. Nam ut literati docēt, & nomē
in aduerbiū, & rursus aduerbium in nomen aliquando
trāsit. Loci aduerbia ad prædicamentū Vbi, pertinent,
Temporis, ad Quando. Qualitatis uerò & quantitatis
aduerbia, ad Qualitatem Quantitatemq; reducuntur.

Tertia regula. Titulus VI.

Omniū uox rei commentitiæ & fabulosæ (quam na-
tura non fert) significatiua, est à prædicamentis aliena:
ut Cerberus, Sphinx, Chimera, Sirē, Cyclops, Harpyia,
Styx, Acheron.

Quarta regula. Titulus VII.

Nulla uox polysēma in categoriā recipitur, nisi am-
biguitate deposita, unum significet. πολυσήμου, Græ-
cè dicitur multa significans, ut canis, terrestrem signifi-
cat, marinum, & cœlestem: unde lepidū extat Ausonii
de lepore capto epigramma.

Trinacrij quondam currentem in littoris ora

Ante canes leporem cæruleus rapuit:

At lepus: in me omnis terræ pelagiq; rapina est,

Forssitan & cœli, si canis astra tenet.

Quinta regula. Titulus VIII.

Voces logicæ, quas aliarum gratia dialectici usur-
pant, sunt à prædicamentis alienæ. Voces logicas, id est,
rationales, appello eas, quas iuniores terminos secundæ
intentionis uocant, cuiusmodi sunt, Nomen, uerbum,
oratio,

oratio, propositio, subiectum, praedicatum, genus, species, & id genus alia.

Sexta regula. Titulus IX.

Nulli dictioni infinitum significanti locus est in praedicamento. Infinitum quidem actu intelligo, non potentia: proinde deus, numen, aeternum, increatum, creator, & id genus reliqua nullius sunt categoriae.

Septima regula. Titulus X.

Omnis uox omnia rerum ambiens genera loco categoriae uacat. Sunt autem quatuor (quae uulgo transcendentia dicuntur) teste Ioanne Pico, ens, unum, uerum, & bonum: si ita accipiantur, ut eorum negationes sint, nihil, diuisum, falsum, & malum. Addita sunt illis aliae duo, aliquid, & res, ab recentioribus Auicennam secutis.

Octaua regula. Titulus XI.

Nulla uox priuationem significans locum habet in praedicamento, ut cecitas, surditas, tenebrae.

Nonna regula. Titulus XII.

Nulla uox partis principijue materialis seu constitutiui significatiua, in praedicamenti serie reponitur: Proinde forma, materia, corpus, anima, caput, pectus, uenter, manus, pes, & id genus reliqua sunt a praedicamenti reiecta.

Bifariam aliquid locum habere in praedicamento. Titulus XIII.

Bifariam aliquid in praedicamento locum habet: nam aut per se in recta serie collocatur, ut genera, species, & indiuidua, aut per aliud praedicamento attinet, idque trifariam. Primum enim differentiae omnes specificae eius sunt praedicamenti, cuius genera, quorum ille sunt diuisi-

ue, non secunda qualitatis speciei, ut ex neotericis quidam loquaculi sophistæ falsò autumant. Deinde autem partes & principia ei prædicamento attinent, cuius ea sunt, quæ ex illis constituuntur, ut caput, pes, manus, ad Substantiam referuntur: unitas, & punctum ad Quantitatē. Postremò uerò motus species ad suum quæq; terminū reducuntur, ut generatio & corruptio ad Substantiam, crementum & diminutio ad Quantitatē, alteratio ad Qualitatem, loci mutatio ad Vbi. Trapezuntius motum quidem speciem Quantitatis facit: generare uerò, corrumpere, augere, diminuere, alterare, & loco mouere actioni subijcit. Sunt qui motum ob ambiguitatem à prædicamentorū serie remouent, cum de suis (quæ uidentur species) nō uniuocè, uerū æquiuocè prædicetur.

De dictionibus, quibus in ordine categorico locus est.

Caput Isagoges huius secundum.

Series categoriæ Substantiæ. Titu. I.

Substantia		
Corporea		Incorporea
	Corpus	
Simplex		Mistum
	Corpus mistum	
Animatum		Inanimatū
	Corpus animatum	
Sensibile		Insensibile
	Animal	
Rationale		Irrationale
	Homo	
Socrates	Plato	Xenophon
		De

De ijs, quæ sunt prædicamen-
ti Substantiæ.

Regula prima. Titulus II.

Omne nomen significans substantiam incorpoream,
est primi prædicamēti, ut spiritus, angelus, dæmon, ma-
nes, hoc nomine nunc intelligo animam à corpore sepa-
ratam. Propertius,

Sunt aliquid manes, letum non omnia fuit.

Angelus autē bisariam accipitur, nūc pro spiritu, estq;
huius categoriæ: nunc ut est officij nomen, non Substan-
tiæ (nam ἄγγελος Græcè, interpretare nuncius Latine ἄγγελος.
nè) & est primi generis qualitatis, tametsi quidā in præ-
dicamentum ad aliquid coniiciant.

Regula secunda Titulus III.

Mundus, cælum, orbes cælestes, planeta, stella, &
elementa sunt huius prædicamenti. Cæli sunt decē. Cœ-
lum empyreum, cælum crystallinum, firmamentum, &
septem planetarum orbes. Planeta septem sunt, Satur-
nus, iupiter, Mars, Sol, Venus, Mercurius, Luna, quos
hoc uersu complexi sumus, Luna, Hermes, Cypris, Sol,
Mars, iouis, & pater huius. Rerum naturalium elemē-
ta sunt quatuor, ignis, aër, aqua, & terra, de quibus hic
noster est uersiculus, Aër, ignis, aqua, & tellus sunt se-
mina rerum.

Regula tertia. Titulus IIII.

Omnis animalis species est prædicamenti substantiæ.
Specierū animalis, hæ sunt specialissimæ, ut hō, equus,
leo: illæ uerò subalternæ, ut pecus, bestia, bellua, fera,
quadrupes, piscis, auis, serpens, uermis. Pecudis species
sunt,

sunt, bos, equus, asinus, mulus, camelus, ouis, capra, porcus, ceruus, elephas, & id genus reliqua. Ferae species sunt, leo, ursus, pardus, tigris, lupus, uulpes, & id genus cetera. Pisces subiiciuntur, balena, cancer, conger, mullus, salmo, carpio, concha, ostreum, gobio, rhombus, & ceterae species innumerae. Auis species sunt, aquila, philomela, bubo, noctua, ciconia, passer, coruus, moneula, psittacus, perdix, turdus, uultur, & cetera. Serpentes, draco, basiliscus, uipera, ceraastes, seps, natrix. Vermes, apes, araneus, bombyx, blatta, culex, crabro, gryllus, limax, pulex, papilio, hirudo, tinea, tereudo, & eiusmodi alia.

Regula quarta. Titulus V.

Omne nomen arboris est in categoria substantiae, ut pomus, malus, pyrus, abies, laurus, salix, betula, uitis, robur, taxus, castanea, fagus, cupressus.

Regula quinta. Titulus VI.

Omne nomen herbae huius est praedicamenti, ut amaracus, abrotanum, mandragora, malua, hyssopus, lactuca, foeniculum, elleborus, ruta, pulegium, salvia, lappa, tribulus, anethum, urtica, trifolium.

Regula sexta. Titulus VII.

Omne fruticis nomen est huius categoriae. Dicitur autem frutex, qui ad iustam arboris magnitudinem non as-
 Frutex qd. surgit, & statura similis est herbis multis, sed non demoritur, neque arescit, ut herba, uerum perennis est. Huius species sunt, nardus, myrrha, casia, genista, papyrus, arundo. Sciendum est nonnullas res easdem ab his inter arbusculas, ab illis inter frutices numerari, ut iuniperum, balsamum,

samum, myrrham, & id genus alia. De nonnullis etiam, sint ne magis herbae an frutices, dubitatur. Nec hoc ignorandum est à Nicephoro corpus animatum sensibile diuidi in animal & zoophytum. Dicitur autem ζῷον ζῷον quod nec animalium, nec plantarum, sed tertiam ex utrisque; naturam habet, ut urtica marina, & sponsia, de quibus uide Plinium lib. 1 x. cap. x l v.

Regula septima. Titulus VIII.

Omnia florum, fructuum, & aromatum nomina, si capiuntur, ut res totas, & per se integras significant, sunt in ordine huius praedicamenti, ut rosa, lilium, narcissus, uiola, ligustrum, caltha, pomum, malum, pyrum, prunum, cerasum, morum, bacca, oliua, cornum, ficus, glans, mespilum, nux, iuglans, castanea, auellana, aroma, saccharum, cinnamomum, zingiber, piper, garyophylon, & id genus reliqua.

Regula octaua. Titulus IX.

Frumentorum & leguminum nomina sunt huius categoriae, ut triticum, siligo, far, hordeum, pannicum, milium, auena, faba, pisum, lens, eruum, lupinus, uicia.

Regula nona. Titulus X.

Lapidum & gemmarum uocabula sunt huius praedicamenti, ut adamas, marmor, magnes, crystallus, succinum, smaragdus, iaspis, corallium, achates, carbunculus, chrysolithus, saphirus, flix, topus, pumex.

Regula decima. Titulus XI.

Omnia metallorum & fossilium nomina sunt in praedicamento Substantiae, ut aurum, argentum, electrum, aes, orichalchum, stannum, plumbum, ferrum, alumen, sulphur, nitrum,

trū, fal, cadmia, *uernix, miniū, chrysocola, & reliqua.

*Vernix nomen est, neq; Græcū, neq; Latinum, sed à Barbarica uulgari appellatione in forma Latinam trāslatū. Vulgo enim res ipsa uernis dicitur. Est autē species gūmi, quæ Græcis sandatacha dicitur, ut quibusdā uidetur.

Κομύτης.
Γαλαξίας.
ἄλωμ.
ἱρις.
παράλιος.

Regula undecima. Titulus XII.

Omnia impressionū nomina, siue ea sint ignitæ, siue aëreæ, siue aqueæ, siue terreæ, siue radiorum apparitione fiant, huius sint prædicamenti. Impressio, à philosophis res naturales indignantibus, dicitur corpus mixtū, imperfectū. Impressiones ignitæ sunt, stipulæ ardentes, æges, dali, sidus uolans, cādela, trabes, columnæ, teretes lanceæ, clypei, globi, faces ignitæ, pyramides, draco uolans, & similes. Addūtur his cometes, & galaxias. Impressiones aqueæ sunt, uapor, pluuia, ros, pruina, nix, grando, fontes, flumina, mare. Aëreæ, uenti, terræmotus, fulmina, ecnephas, typhon. Quæ radiorū apparitione fiunt, sunt halon, iris, uirgæ, parelij. De terreis impressionibus in proxima regula dictum est, ubi de metallis & fossilibus.

Regula duodecima. Titulus XIII.

Omne nomen substantiam rei inanimatæ significans est in categoria Substantiæ. Hæc regula continet in se quasdam suprā positas, & eam breuitatis gratia damus ob multa, de quibus nondū meminimus. Dicimus itaque montem, collem, urbem, oppidum, domum, templum, turrem, tunicam, togam, gladium, cultrum, panem, uinum, lac, mel, ceruissiam, carnem, os, doliū, pateram, hastam, scrinium, & id genus reliqua huius esse prædicamenti: nec assentimur ijs, qui simpliciter aiunt eiusmodi res ob figuram ab artifice inductā esse de quarto genere Qualitatis, cum Substantia longè præponderet accidenti. Quisquis rectè sentit, gladium Substantiam quidem esse: figuram

Vnaqueq; tamē res à forma sua habet, ut sit id, quod est.

figuram uerò eius Qualitatem non diffitetur. Quidam contendunt nullius esse prædicamenti nomina rerum artificio productarum, quòd Substantiam simul & Qualitatem complectantur.

Series categoriæ Quantitatis.

Titulus XIII.

Quantitas

Continua

Discreta

Quantitas continua

Intrinssecus
mensuratiua

Extrinssecus
mēsuratiua

Quantitas continua in=
trinssecus mensuratiua

Latabilis

Illatabilis

Linea

Hæc linea,

Ista linea,

Illa linea.

De ijs, quæ sunt prædicamenti Quan-
titatis, Regula prima.

Titulus XV.

Omne nomen magnitudinis est in prædicamento
Quantitatis, ut linea, superficies, corpus, longitudo, la-
titudine, altitudo, profunditas, crassities, bicubitum, tri-
cubitum, pedale, bipedale, tripedale, sesquipedale, &
id genus cætera.

Regula secunda. Titulus XVI.

Omne nomen mensuræ ad hoc prædicamentum perti-
net, ut uncia, digitus, palmus, pes, ulna, cubitum, pas-
sus, stadium, diaulus, miliū, dolichus, modius, sextarius, Διαυλος
congius, hemina, chœnix, urna, cotyla, cyathus, as & Δολιχός.
partes

rationem tenens rectam uiam habueris, & iter expedi-
tum ad optimam quanq; disciplinam. Vale, & præce-
ptorem tuum dilige. Alcmariæ Phrisiorum oppido stu-
dijs liberalibus sanè quàm accommodato. Anno à partu
uirginis M. D. X I I I. Idibus Septembribus.

IN ARISTOTELIS

DECEM PRÆDICAMEN-

ta Ioannis Murmellij Ruremun-
densis Isagoge.



ISAGOGEN hanc in decem
Aristotelis Peripateticorū principis
ἡγετυγίας tribus digero capitibus,
quorum primo quidem agam de uoci-
bus à prædicamentorum serie reiectis
& alienis: secundo aut̃ super ijs, qui-
bus in ordine categorico locus est: tertio uerò dictiones
aliquot tradam, quæ uel ad diuersa prædicamenta, uel
ad unius eiusdemq; seiunctas species referūtur. Porro ut
hæc facilius memoriæ commendari possit, & tenacius
inherere, singula capita in suos titulos sunt distributa.

De uocibus à prædicamentorum se-
rie reiectis & alienis Isagoges in Aristo-
telis prædicamenta.

Caput primum.

Decem esse prædicamenta

titulus. j.

De prædicamentorum quæstiuus

titu. ij.

Nouem regulis cognosci uoces à prædicamentis alie-

nas

titu. iij.

De

De reiectis à prædicamentorum ordine uocibus regula-	
rum nouem prima	titu. iij.
Secunda regula	titu. v.
Tertia regula	titu. vj.
Quarta regula	titu. vij.
Quinta regula	titu. viij.
Sexta regula	titu. ix.
Septima regula	titu. x.
Octaua regula	titu. xj.
Nona regula	titu. xij.
Bisariam aliquid locū habere in prædicamēto	titu. xij.

De dictionibus quibus in ordine
categorico locus est.

Caput Isagoges huius secundum.

Series categoriæ Substantiæ.	titu. j.
De ijs, quæ sunt prædicamenti Substantiæ, regula pri-	
ma	titu. ij.
Regula secunda	titu. iij.
Regula tertia	titu. iiij.
Regula quarta	titu. v.
Regula quinta	titu. vj.
Regula sexta	titu. vij.
Regula septima	titu. viij.
Regula octaua	titu. ix.
Regula nona	titu. x.
Regula decima	titu. xj.
Regula undecima	titu. xij.
Regula duodecima	titu. xij.
Series categoriæ Quantitatis	titu. xij.

De ijs, quæ sunt prædicamenti <i>Quantitatis</i> , regula prima	titu. xv.
Regula secunda	titu. xvj.
Regula tertia	titu. xvij.
Quarta regula	titu. xvij.
Quinta regula	titu. xix.
Series prædicamenti Ad aliquid	titu. xx.
De ijs, quæ sunt prædicamenti Ad aliquid, prima regula	titu. xxj.
Secunda regula	titu. xxij.
Tertia regula	titu. xxij.
Series prædicamenti <i>Qualitatis</i> .	titu. xxiiij.
De ijs, quæ sunt primæ speciei <i>Qualitatis</i> , regula prima	titu. xxv.
Secunda regula	titu. xxvj.
Tertia regula	titu. xxvij.
Quarta regula	titu. xxviiij.
De ijs, quæ sunt secundæ speciei <i>Qualitatis</i> , regula prima	titu. xxix.
Secunda regula	titu. xxx.
Tertia regula	titu. xxxj.
De ijs, quæ sunt tertiæ speciei <i>Qualitatis</i> , regula prima	titu. xxxij.
Secunda regula	titu. xxxiiij.
Tertia regula	titu. xxxiiij.
De ijs, quæ sunt quartæ speciei <i>Qualitatis</i> , regula prima	titu. xxxj.
Secunda regula	titu. xxxvj.
Series	

Series prædicamenti Actionis	titu. xxxvij.
De ijs, quæ sunt in prædicamento Actionis, regula	titu. xxxvij.
Series prædicamenti Passionis	titu. xxxix.
De ijs, quæ sunt in prædicamēto Passionis regula	tit. xl.
Series prædicamenti Vbi	titu. xli.
Descriptio Vbi, ex Trapezuntio	titu. xliij.
De ijs, quæ sunt in prædicamento Vbi, regula	titu. xliij.
Series prædicamēti Quando	titu. xliiij.
Descriptio Quando, ex Trapezuntio	titu. xlv.
De ijs, quæ sunt in prædicamento Quando, regula	titu. xlvj.
Series prædicamenti Situs	titu. xlvij.
Descriptio Situs, ex Trapezuntio	titu. xlvij.
De ijs, quæ sunt in prædicamēto Situs, regula	titu. xlix.
Series prædicamenti Habitus	titu. l.
Descriptio Habitus	titu. lj.
De ijs, quæ sunt in prædicamento Habitus, regu.	tit. lij.

De dictiōibus aliquot, quæ uel ad diuersa prædicamēta, uel ad unius eiusdemq; seiunctas species referuntur.

Caput huius introductionis tertium.

Quòd una eademq; species, secundum aliud atque aliud diuersis generibus supponi possit	titu. i.
De habitu, dispositione, scientia, sensu, & positio-	
ne	titu. ii.
De raro, spisso, leui, & aspero	titu. iii.
De calido, humido, & lumine	titu. iiii.
De doctore, imperatore, uiro, comite	titu. v.

DE VOCIBVS A PRÆ

dicamentorum serie reiectis & alienis Isagoges in Aristotelis prædicamenta.

Decem esse prædicamēta Titulus I.



Rimus omniū Aristoteles decem κατηγορίαις cōstituit, quæ à Quintiliano elementa dicūtur, à Seuerino Boethio prædicamēta, Sunt autē hæc. Substantia, Quantitas, Ad aliquid. Qualitas, Agere, Pati, Vbi, Quando, Sit us, & habere. Substantia est (ut singulatim exēpla referantur) ut homo. Quantitas, ut linea. Ad aliquid, ut pater. Qualitas, ut iustitia. Agere, ut secare. Pati, ut secari. Vbi, ut in Academia. Quando, ut hodie. Situs, ut iacēre. Habere, ut togatum esse. Sed & his ea uersiculis complexi sumus, Arbor, sex, seruos, seruore, refrigerat, u slos.

Ruri, cras, stabo, nec tunicatus ero.

De prædicamētorū quæsituiis. Titu. II.

Decem prædicamentorum quæsitua tradunt eruditi, Quid, quantum, quid huius, quale, quid agens, quid patiens, ubi, quando, quomodo situm est, quomodo habitatum est. Cum enim quæritur, quid est Socrates? respondetur, homo, animal, aut substantia, quæ à quibusdā dicitur essentia. Quantus est Socrates? interrogatus respondet, quadricubitus. Quid Platonis? magister. Qualis? temperans. Quid agit? disputat. Quid patitur? uerberatur. Vbi philosophatur? Athenis. Quando locutus est Alcibiadi? hodie. Quomodo situs est? stat. Quomodo habitatus est? palliatus.

Nouem regulis cognosci uoces à prædicamentis alienas. Titulus III.

Quemadmodū (ut Seuerini Boëthij uerbis utar) qui serere ingenuum uolet agrum, liberat arua prius frutibus, falce rubos, filicemq; resecat, ita et nos primum te docebimus, quæ uoces à prædicamentis alienæ sint, ut ijs reiectis, in prædicamentorū serie collocandas faciliore ratione cōprehendas. Tenendæ igitur tibi sunt nouæ regulæ, quas his triuialibus uersiculis comprehendere: Complexum, consignificans, fictum, polysemum, Vox logicæ, deus, excedens, priuatio, parsq; Hæc studiose categorijs non accipiuntur.

Dereiectis à prædicamentorum ordine uocibus regularum nouem prima.

Titulus IIII.

Prima regularum hæc est, Nulla uox complexa, nisi simplicis loco accipiat, in prædicamento ponitur: proinde si quis te rogarit, in qua categoria collocatur iustus homo? in nulla respondeto. Signatè aut additū est, nisi simplicis loco accipiat, quòd ob uerborū inopiam sæpenumero pluribus p uno cogimur uti, ita ut tametsi uoces sunt plures, intellectus tamē sit simplex, et res, quæ significatur, una. Exempli gratia, corpus animatū, licet uox sit complexa, genus tamen est unum, sic et quantitas continua, et quantitas discreta.

Secunda. Titulus V.

Nulli syncategoremati locus est in categoria. Syncategorema dicitur uox cōsignificatiua, id est, ea quæ nec συνηγετική= uniuersalē rem, nec particularē significat, sed cōsignifi γόρημα. cat, id est, cum alia dictione orationem ad significandum

ingreditur, ut omnis, nullus, aliquis, quidā, hic, ille, uti-
nam, quidē, apud, heu. Sciendū hoc loco est, ex octo par-
tibus orationis (quas grāmatici cōstituunt) duabus dun-
taxat, nomini quidē et uerbo locū patere prædicamēti:
participium autem sub uerbo suo comprehendī, aduer-
bium uerò sub nomine. Nam ut literati docēt, & nomē
in aduerbiū, & rursus aduerbium in nomen aliquando
trāsit. Loci aduerbia ad prædicamentū Vbi, pertinent,
Temporis, ad Quando. Qualitatis uerò & quantitatis
aduerbia, ad Qualitatem Quantitatēq; reducuntur.

Tertia regula. Titulus VI.

Omniū uox rei commentitiæ & fabulosæ (quam na-
tura non fert) significatiua, est à prædicamenti alicna:
ut Cerberus, Sphinx, Chimera, Sirē, Cyclops, Harpyia,
Styx, Acheron.

Quarta regula. Titulus VII.

Nulla uox polysēma in categoriā recipitur, nisi am-
biguitate deposita, unum significet. πολυσήμου, Græ-
cè dicitur multa significans, ut canis, terrestrem signifi-
cat, marinum, & coelestem: unde lepidū extat Ausonij
de lepore capto epigramma.

Trinacrij quondam currentem in littoris ora
Ante canes leporem cæruleus rapuit:
At lepus: in me omnis terræ pelagiq; rapina est.
Forsitan & cæli, si canis astra tenet.

Quinta regula. Titulus VIII.

Voces logicæ, quas aliarum gratia dialectici usur-
pant, sunt à prædicamenti alienæ. Voces logicæ, id est,
rationales, appello eas, quas iuniores terminos secundæ
intentionis uocant, cuiusmodi sunt, Nomen, uerbum,
oratio,

oratio, propositio, subiectum, prædicatum, genus, species, & id genus alia.

Sexta regula. Titulus IX.

Nulli dictioni infinitū significanti locus est in prædicamento. Infinitum quidem actu intelligo, non potentia: proinde deus, numen, æternum, increatum, creator, & id genus reliqua nullius sunt categoriæ.

Septima regula. Titulus X.

Omnis uox omnia rerum ambiens genera loco categoriæ uacat. Sunt autem quatuor (quæ uulgo transcendentia dicuntur) teste Ioanne Pico, ens, unum, uerū, & bonum: si ita accipiantur, ut eorum negationes sint, nihil, diuisum, falsum, & malū. Addita sunt illis alia duo, aliquid, & res, ab recentioribus Auicennam secutis.

Octaua regula. Titulus XI.

Nulla uox priuationem significans locum habet in prædicamento, ut cæcitas, surditas, tenebræ.

Nonæ regula. Titulus XII.

Nulla uox partis principijue materialis seu constitutiui significatiua, in prædicamenti serie reponitur: Proinde forma, materia, corpus, anima, caput, pectus, uenter, manus, pes, & id genus reliqua sunt à prædicamenti reiecta.

Bifariam aliquid locū habere in prædicamento. Titulus XIII.

Bifariam aliquid in prædicamēto locum habet: nam aut per se in recta serie collocatur, ut genera, species, & indiuidua, aut per aliud prædicamento attinet, idq; trifariam. Primum enim differētiæ omnes specificæ eius sunt prædicamēti, cuius genera, quorum ille sunt diuisi-

uæ, non secundæ qualitatis speciei, ut ex neotericis quidam loquaculi sophistæ falsò autumant. Deinde autem partes & principia ei prædicamento attinent, cuius ea sunt, quæ ex illis constituuntur, ut caput, pes, manus, ad Substantiam referuntur: unitas, & punctum ad Quantitatē. Postremò uerò motus species ad suum quæq; terminū reducuntur, ut generatio & corruptio ad Substantiam, crementum & diminutio ad Quantitatē, alteratio ad Qualitatem, loci mutatio ad Vbi. Trapezuntius motum quidem speciem Quantitatis facit: generare uerò, corrumpere, augere, diminuere, alterare, & loco mouere actioni subijcit. Sunt qui motum ob ambiguitatem à prædicamentorū serie remouent, cum de suis (quæ uidentur species) nō uniuocè, uerū æquiucè prædicetur.

De dictionibus, quibus in ordine categorico locus est.

Caput Isagoges huius secundum.

Series categoriæ Substantiæ. Titu. I.

	Substantia	
Corporea		Incorporea
	Corpus	
Simplex		Mistum
	Corpus mistum	
Animatum		Inanimatū
	Corpus animatum	
Sensibile		Insensibile
	Animal	
Rationale		Irrationale
	Homo	
Socrates	Plato	Xenophon
		De

De ijs, quæ sunt prædicamenti Substantiæ.

Regula prima. Titulus II.

Omne nomen significans substantiam incorpoream, est primi prædicamenti, ut spiritus, angelus, dæmon, manes, hoc nomine nunc intelligo animam à corpore separatam. Propertius,

Sunt aliquid manes, letum non omnia fuit.

Angelus autem bifariam accipitur, nunc pro spiritu, estque huius categoriæ: nunc ut est officij nomen, non Substantiæ (nam ἄγγελος Græcè, interpretare nuncius Latine ἄγγελος. nè) et est primi generis qualitatis, tametsi quidam in prædicamentum ad aliquid coniiciant.

Regula secunda Titulus III.

Mundus, cælum, orbis cælestes, planeta, stellæ, et elementa sunt huius prædicamenti. Cæli sunt decem. Cælum empyreum, cælum crystallinum, firmamentum, et septem planetarum orbis. Planeta septem sunt, Saturnus, Iupiter, Mars, Sol, Venus, Mercurius, Luna, quos hoc uersu complexi sumus, Luna, Hermes, Cypris, Sol, Mars, Iouis, et pater huius. Rerum naturalium elementa sunt quatuor, ignis, aer, aqua, et terra, de quibus hic noster est uersiculus, Aer, ignis, aqua, et tellus sunt semina rerum.

Regula tertia. Titulus IIII.

Omnis animalis species est prædicamenti substantiæ. Specierum animalis, hæ sunt specialissimæ, ut homo, equus, leo: illæ uero subalternæ, ut pecus, bestia, bellua, fera, quadrupes, piscis, avis, serpens, uermis. Pecudis species sunt,

sunt, bos, equus, asinus, mulus, camelus, ouis, capra, porcus, ceruus, elephas, & id genus reliqua. Ferae species sunt, leo, ursus, pardus, tigris, lupus, uulpes, & id genus cetera. Pisces subiiciuntur, balæna, cancer, conger, mullus, salmo, carpio, concha, ostreū, gobio, rhombus, & ceterae species innumerae. Auis species sunt, aquila, philomela, bubo, noctua, ciconia, passer, coruus, mone-dula, psittacus, perdix, turdus, uultur, & cetera. Serpētis, draco, basiliscus, uipera, cerastes, seps, natrix. Vermis, apes, araneus, bombyx, blatta, culex, crabro, gryllus, limax, pulex, papilio, hirudo, timea, tereudo, & eiusmodi alia.

Regula quarta. Titulus V.

Omne nomen arboris est in categoria substantiæ, ut pomus, malus, pyrus, abies, laurus, salix, betula, uitis, robur, taxus, castanea, fagus, cupressus.

Regula quinta. Titulus VI.

Omne nomen herbae huius est prædicamēti, ut amaracus, abrotanum, mandragora, malua, hyssopus, lactuca, fœniculum, elleborus, ruta, pulegium, salvia, lappa, tribulus, anethum, urtica, trifolium.

Regula sexta. Titulus VII.

Omne fruticis nomē est huius categoriæ. Dicitur autem frutex, qui ad iustam arboris magnitudinē non as-
Frutex qd. surgit, & statura similis est herbis multis, sed nō demoritur, neq; arescit, ut herba, uerū perennis est. Huius spēs sunt, nardus, myrrha, casia, genista, papyrus, arundo. Sciendum est nonnullas res easdem ab his inter arbusculas, ab illis inter frutices numerari, ut iuniperū, balsamum,

samum, myrrham, & id genus alia. De nonnullis etiam, sint ne magis herbae an frutices, dubitatur. Nec hoc ignorandum est à Nicephoro corpus animatum sensibile diuidi in animal & zoophytum. Dicitur autem ζώοντιον ζώοντιον quod nec animalium, nec plantarum, sed tertiam ex utroque quid. trisq; naturā habet, ut urtica marina, & spongia, de quibus uide Plinium lib. ix. cap. xlv.

Regula septima. Titulus VIII.

Omnia florum, fructuum, & aromatum nomina, si capiuntur, ut res totas, & per se integras significant, sunt in ordine huius praedicamenti, ut rosa, liliū, narcissus, uiola, ligustrum, caltha, pomum, malum, pyrum, prunū, cerasum, morum, bacca, oliua, cornū, ficus, glans, mespilum, nux, iuglans, castanea, auellana, aroma, saccharum, cinnamonum, zingiber, piper, garyophylon, & id genus reliqua.

Regula octaua. Titulus IX.

Fruventorum & leguminum nomina sunt huius categoriae, ut triticum, siligo, far, hordeum, pannicum, milium, auena, faba, pisum, lens, eruum, lupinus, uicia.

Regula nona. Titulus X.

Lapidum & gemmarum uocabula sunt huius praedicamenti, ut adamas, marmor, magnes, crystallus, succinum, smaragdus, iaspis, corallium, achates, carbunculus, chrysolithus, saphirus, silex, tophus, pumex.

Regula decima. Titulus XI.

Omnia metallorum & fossilium nomina sunt in praedicamento Substantiae, ut aurum, argentum, electrum, aes, orichalchum, stannum, plumbum, ferrum, alumen, sulphur, nitrum,

figuram uerò eius *Qualitatem* non diffitetur. Quidam contendunt nullius esse prædicamenti nomina rerum artificio productarum, quòd *Substantiam* simul & *Qualitatem* complectantur.

Series categoriæ *Quantitatis*.

Titulus XIII.

Quantitas

Continua

Discreta

Quantitas continua

*Intrinssecus
mensuratiua*

*Extrinssecus
mēsuratiua*

*Quantitas continua in=
trinssecus mensuratiua*

Latabilis

Illatabilis

Linea

Hæc linea,

Istæ linea,

Illa linea.

De his, quæ sunt prædicamenti *Quantitatis*, Regula prima.

Titulus XV.

Omne nomen magnitudinis est in prædicamento *Quantitatis*, ut *linea*, *superficies*, *corpus*, *longitudo*, *latitudo*, *altitudo*, *profunditas*, *crassities*, *bicubitum*, *tricubitum*, *pedale*, *bipedale*, *tripedale*, *sesquipedale*, & id genus cætera.

Regula secunda. Titulus XVI.

Omne nomen mensuræ ad hoc prædicamentum pertinet, ut *uncia*, *digitus*, *palmus*, *pes*, *ulna*, *cubitum*, *passus*, *stadium*, *diaulus*, *miliū*, *dolichus*, *modius*, *sextarius*, Δίαυλος, congius, hemina, chœnix, urna, cotyla, cyathus, ας & Δολιχός. partes

partes eius si capiantur ita, ut meram quantitatem significant. Ponderum nomina meo iudicio sunt à prædicamentis aliena, quòd cum quantitate qualitatem significant, ut libra, selibra, bilibris, trilibris, pondo, talentum. Sed hæc doctioribus relinquo exactius disputanda. Illud quoq; sit ne linea species infima, an subalterna, quod & de tempore potest dubitari.

Regula tertia. Titulus XVII.

Omne nomen numerale est huius categoriæ, ut duo, tria, quatuor, quinque, decem, centum, mille, binarius, ternarius, centenarius. Primus autem, secundus, tertius, & id genus alia pertinent ad prædicamentum ad aliquid. Vnitas autem non est numerus, sed eius principium.

Regula quarta. Titulus XVIII.

Omnis modulus, quo dictione dum proferimus, mensuramus, est huius prædicamenti: nam quantitatis, id est, quo syllabæ longæ breuesue mensurantur, ex quo provenit oratio, species discretæ quantitatis.

Regula quinta. Titulus XIX.

Locus & tempus sunt categoriæ Quantitatis, tametsi quidam locum in prædicamento ad aliquid reponant, & diuus Aurelius Augustinus in confessionum opere fateatur, se, quid sit tempus, ignorare. Acuum quoque huius prædicamenti esse censendum est, æternitate uerò nullius. Partes temporis sunt, hora, dies, septimana, mensis, annus, olympias, lustrum, seculum, & id genus reliqua.

Series prædicamenti Ad aliquid.

Titulus XX.

Ad aliquid

Aequaliter com
parabileInæqualiter cō
parabileAd aliquid inæqua=
liter comparabileDignius cor=
relatiuoIndignius cor=
relatiuoRelatiuum corre=
latiue dignius

Respiciens filium

Non respiciens
filium

Hic pater,

Pater

Iste pater,

Ille pater.

De ijs, quæ sunt prædicamenti Ad
aliquid, Regula prima.

Titulus XXI.

Omne categorema principali significato rem signi=
ficans non absolutam, sed alterius respectiuam, est præ=
dicamenti Ad aliquid, ut pater, filius: auus, nepos: mari=
tus, uxor: socer, gener: magister, discipulus: patronus,
cliens: dominus, seruus: rex, parasitus: patronus, liber=
tus, (Est autem patronus nomen ambiguum, & modò
ad clientem refertur, modò ad libertum) dux, comes: du=
plum, dimidium: magnum, paruum: multum, paucum: Patrouus cus
maius, minus: prius, posterius: amicus, inimicus: hospes, iufmodi nos
ciuis: socius, sodalis, hostis: similis, dissimilis: æqualis, men,
inæqualis, & alia sexcenta.

R

Secunda

Secunda regula. Titulus. XXII.

Nomina cognationis & affinitatis sunt huius categoriæ, ut parens, proles, pater, filius, auus, nepos, frater, soror, sobrinus, consobrinus, coniunx, compater, affinis, leuir, socer, gener, uiricus, priuignus.

Tertia regula. Titulus XXIII.

Pleraque nomina cum præpositione composita huius sunt prædicamenti, ut commilito, collega, confacerdos (qui Græcè symmystes dicitur) concanonicus, conuietor, contubernalis, condiscipulus, coauditor, compotor, cõpetitor, collacteus, collactaneus, confervus, cognominis, consanguineus, coëpulo, cohabitator, confabulator, congeror, coniunx, concolor, confonus, & eiusmodi reliqua.

Series

Series prædica. Qualitatis. Ti. XXIII.

Qualitas

Formæ attinens	Qualitas for= mæ attinens	Materiæ attinens
Comparata	Affectio	Natura insita
Facile dimobilis	Habitus	Difficulter dimobilis
Spiritalis	Habitus spi= ritualis	Corporalis
Intellectualis	Habitus in= tellectualis	Moralis
Theoreticus	Habitus in= tellectualis Theoreticus	Præcticus
Conclusionis	Scientia	Principiorum
Contemplatiua	Scientia con= templatiua	Actiua
Principalis	Logice	Adminiculatiua
Disputatoria	Dialectice	Non disputatoria

Hæc dialectice, Platōis dialectice, Chrysippi dialectice.

De ijs quæ sunt primæ speciei Qua-
littatis, Regula prima.

Titulus. X X V.

Omnis dispositio & habitus corporalis est in primo Qualitatis genere, ut calor, frigiditas, sanitas, simitas, cæsitās, candor, nigredo, fuscum, robur, ægritudo, morbus, & eius species, ut febris, paralysis, pleuritis, podagra. Dispositio, quæ & affectio dicitur, & latius accipitur & pressius. Primo modo est qualitas ad bene malè ue operandum acquisita. Secundo est qualitas ad bene malè ue operandum acquisita per facile à subiecto dimobilis. Habitus est ad operandum cōparata qualitas difficulter è subiecto dimobilis.

Regula secunda. Titulus X X V I.

Omnis habitus intellectualis est in primo genere Qualitatis. Habitus intellectuales sunt quinque, quibus semper assentimur uero: Sapientia, Intellectus, Scientia, Prudentia, & Ars. Duo, quibus modò uero assentimur, modò falso: sunt autem opinio & suspicio. Sapientia est habitus cognitiuus dei & diuinorum. Intellectus est habitus primorum principiorum cognitiuus. Scientia est habitus conclusionis per demonstrationem acquisitus. Prudentia est recta ratio rerum à nobis agēdarum. Ars est recta ratio rerum à nobis efficiendarum. Opinio est assensus rei ualidior. Suspicio, est assensus rei minus ualidus. Scientiarum igitur & artium nomina in hoc genere collocantur, ut grammatica, dialectica, rhetorica, arithmetica, musica, geometria, astronomia, physice, ethice, metaphysice, poëtice, agricultura, militia, lanificium,

Dispositio
quid, & quot
modis dicat.

Habitus qd.

Habit⁹ intelle
ctuales quot
& qui sint.

Sapientia.

Intellectus.

Scientia.

Prudentia.

Ars.

Opinio.

Suspicio.

cium, & id genus alia.

Tertia regula. Titulus XXVII.

Omnes habitus morales, id est, uirtutes & uitia sunt in hoc primo genere Qualitatis, ut iustitia, iniustitia, fortitudo, audacia, timiditas, liberalitas, auaritia, prodigalitas. A theologis nostris ponuntur etiã in hac specie habitus spirituales infusi, ut fides, spes, charitas, & id genus uirtutes supernaturales: itẽ habitus concreati, ut species intellectuales, & rationes angelorum mentibus concreatae: sed huiusmodi habitus non capit definitio à ueteribus peripateticis data, nec mirũ, cum illi ueræ religionis ac sapientiæ expertes id genus habitus non nouerint. Quare malim eos reponere inter Qualitates præter hæc quatuor genera apparentes: aut aliam tradere habitus finitionem, atq; uulgò datur. Nec mirandum uideatur, quòd dixerim Qualitates præter hæc quatuor genera apparẽtes. Nã Seuerino Boethio interprete Aristotelis in Prædicamentorum libro hæc uerba sunt, Et fortasse alij quoque apparebunt Qualitatis modi, sed qui maximè dicuntur, ferè tot sunt.

Quarta regula, Titulus XXVIII.

Nomina magistratuum & dignitatum sunt in hoc primo genere Qualitatis, ut pontifex, episcopus, sacerdos, rex, consul, prætor, censor, ædilis, & id genus reliqua. Pauper item, diues, fortunatus, infortunatus, beatus, felix, miser, nobilis, ignobilis, honoratus, gloriosus, & huiusmodi nomina sunt huius speciei.

De ijs, quæ sunt secundæ speciei
Qualitatis, Regula prima.
Titulus XXXIX.

Omnis naturalis potentia uel impotentia est in secundo genere Qualitatis. Naturalis potentia est, Qualitas ad bene operandum innata, ut salubritas, durities. Naturalis impotentia est Qualitas ad male debilitèr uel operandum, aut ad patiendum innata, ut insalubritas, mollicies. Trapezuntius autem in dialecticis, Naturalis (inquit) potentia uel impotentia, dicitur uis quædã insita, uel imbecillitas, qua facilius quicquã aut ægrius uel pati uel agere natura potest, ut durum, molle, ualeudinaris, robustus, & quæ huiusmodi sunt natura insita, nõ aduentitia. Hæc ille. Vires igitur naturales planetarum fiderum, elementorum, animalium, plantarum, lapidum, & cæterorum sunt huius generis.

Regula secunda. Titulus XXX.

Omne simpliciter speciei proprium est in hoc secundo genere Qualitatis, ut risibile, flebile, disciplinæ susceptiuũ, hinnibile, latrabile, mugibile, gannibile, & eiusmodi alia.

Regula tertia. Titulus XXXI.

Omnis animæ potentia est huius secundi generis. Animæ potentia uis est eius, qua alicuius operis est effectiua. Eius quinque sunt genera, ut hæc subiecta indicabunt.

Veg e



Non ignorandum est ab Auicenna, Alberto Magno, & plerisque alijs poni quinque sensus interiores, sensum communem, uim imaginatiuam, existimatiuā, phantasiā, & memoriā. Ab Auerrhoi uerò, Thoma Aquinate, & Marsilio Ficino in libro de uoluptate quatuor duntaxat, uim existimatiuam à phantasia non separantibus. Nicephori hominis alioqui præstantis doctrinæ opinio neutiquam mihi probatur, uisum & ceteros sensus ponentis in ea Qualitatis specie, quæ dicitur Habbitus & Affectio.

De ijs, quæ sunt tertiæ speciei Qualitatis. Regula Prima.
Titulus XXXII.

Omnis passio & passibilis qualitas, est in tertio genere Qualitatis. Passio (ut hic accipitur) est qualitas transiens, quæ sensui passionem infert, aut quæ à passionem infertur, ut rubor ex uerecundia, excandescencia ex ira, pallor ex timore, ira ex cōtristatiōe. Passibilis qualitas, dicitur qualitas permanens, quæ sensui passionem infert, aut quæ infertur à passionibus, ut dulcedo, amarities, albor, nigror.

Passio modò est actionis affectus, prædicamentum quidem ab alijs distinctum, ut calefieri, infrigidari: modò est qualitas transiens uel animæ uel corpori ex passione innata, & res quædam media inter passionem & qualitatem, qualitas inquam inchoata & imperfecta, quæ que non potis est subiectum denominare, ut ira ex contemptione, erubescencia ex uerecundia.

Secui. da

Secunda regula. Titu. XXXIII.

Omnis qualitas sensibilis in hoc tertio genere collocatur, ut color, album, nigrum, flauum, liuidum, puniceum, purpureum, uiride, caeruleum: sonus, uox, murmur, crepitus, susurrus, strepitus, fragor, sibilus, echo: odor, sapor, dulce, amarum, pingue, salsum, acre, austum, acutum, acidum, calidum, frigidum, tepidum, humidum, siccum, laeue, asperum, graue, leue.

Tertia regula. Titu. XXXIIII.

Passiones animæ, quæ & affectiones & perturbationes dicuntur, à quibusdam in hac tertia specie collocantur. Iacobus autem Faber Stapulensis homo doctissimus, & de optimis studijs scribendo meritis optimè, ponit eas in prædicamento passionis, nos suprà medias esse diximus inter passionem & Qualitatem. Stapulensis Aristotelis uerba pensitat illas passionis aientis, Qualitates uerò minime: pensitat & originem earundem, & (ut ita loquar) fluxitatem. Illi autem rem putant passioni superadditam, etsi non Qualitatem perfectam, at semen & elementum Qualitatis, undeq; si accesserit permanentia, facile passibilis Qualitas coalescat. Passiones animæ duodecim Egidius Romanus & alij neoterici ponunt, amorem, desiderium, odium, abominationem, delectationē, dolorem seu tristitiā, spem, desperationem, audaciam, timorē, iram, segnitiam. His adduntur à quibusdam zelus, gratia, nemesis, misericordia, inuidia, erubescencia. Nonnulli species quoque rerum tum sensibilibium, tum intelligibilium & passionis appellāt, & in hoc tertio genere Qualitatis reponunt.

De ijs, quæ sunt quartæ speciei Qualitatis, Regula prima.

Titulus XXXV.

Omnis figura, & circa unumquodq; constans forma, est in quarto genere Qualitatis. Seuerinus Boethius figuram & formam hoc modo separat, Figura, inquit, est triangulum uel quadratum: forma autem ipsius trianguli uel quadrati quedam Qualitas: unde etiam formosos homines dicimus. Figura enim quedam uel pulchrior, uel mediocris, uel alio quodam modo constituta Qualitas forma nominatur. Figura (ut geometra definiunt) est quæ sub aliquo uel aliquibus terminis continetur. Sub aliquo quidē, ut circulus: sub aliquibus uerò, ut triangulū uel quadratū. Nicephorus inter figuram & formam hoc discrimen tradit, Figura dicitur talis expressio & linearis effectio. Forma extrinsecus promines coloris qualitas, idea, & informatio, & interpolata coloratio, & simpliciter talis quedam iniecta uisui, superficiiei forma. Sunt qui figuram in rebus inanimatis accipiāt, formam autem in rebus animatis. Alij porrò figuram quidem fastigiose cedentem: formam uerò supernam superficiem uocent. Hactenus Nicephorus.

Secunda regula. Titulus XXXVI.

Omnis qualitas circa quantitatem consistens, est in hoc quarto genere, ut paritas & imparitas circa numerum: rectitudo & curuitas circa lineam: concauum, cōuexum, & planum, circa superficiem: teres, rotundum, orbiculare, turbinatum, pyramidale, quadratum, trigonum, tetragonum, pentagonum, circa corpus.

Series

Series prædicamenti actionis.

Titulus. XXXVII.

Actio

Immanens

Transiens

Actio im=
manens

In intellectu

Extra intellectum

Intellectio

Simplicium ap=
prehensuaNon simplicium
apprehensuaSimplicium
apprehensio

Hæc simplicium apprehensio, ista, illa.

De ijs, quæ sunt in prædicamen=
to Actionis, Regula. Titu=
lus. XXXVIII.

Omnis dictio significans agere, est huius prædica=
menti, ut calefacere, frigefacere, humectare, siccare, in=
telligere, appetere, uideri, audiri, olfaceri, gustari, tangi,
sentiri.

Series

Series prædicamenti Passionis.

Titulus XXXIX.

	Passio	
<i>Spiritualis</i>		<i>Corporalis</i>
	Passio spiri- tualis	
<i>Partis brutæ</i>		<i>Partis rōnalis</i>
	Passio spiritualis partis brutæ	
<i>Sensitiuæ</i>		<i>Appetitiuæ</i>
	Passio sensus	
<i>Exterioris</i>		<i>Interioris</i>
	Passio sensus exterioris	
<i>Ab re uisibili illata</i>		<i>Non illata ab re uisibili</i>
	Visio	
<i>Hæc uisio,</i>	<i>Ista uisio,</i>	<i>Illa uisio.</i>

De ijs, quæ sunt in prædicamen-
to Passionis, Regula.

Titulus XL.

Omnis dictio significans pati, est huius prædicamen-
ti, ut ad intelligendum agi, delectari, contristari, irasci,
sentire, uidere, audire, odorari, olfacere, gustare, tan-
gere, dementari, doceri, uri, secari, calefieri, frige fieri,
humectari, siccari, discere, sperare, metuere, et id genus
reliqua. Scire uerò est in prædicamento Qualitatis.

Series

Series prædicamēti Vbi. Tit. XLI.

Vbi

<i>Commune</i>		<i>Proprium</i>
	<i>Vbi commune</i>	
<i>Extra quam</i>		<i>In aqua</i>
	<i>Vbi commune extra aquam</i>	
<i>In ciuitate</i>		<i>Extra ciuitatem</i>
	<i>Vbi commune extra aquam in ciuitate</i>	
<i>Sub tecto</i>		<i>Sub dio</i>
	<i>Sub tecto</i>	
<i>In loco sacro</i>		<i>In loco profano</i>
	<i>Sub tecto in loco profano</i>	
<i>Publico</i>		<i>Priuato</i>
	<i>In edificio priuato</i>	
<i>In edificio Socratis,</i>		<i>In domo Platonis.</i>

Descriptio Vbi, ex Trapezuntio.

Titulus XLII.

Vbi, est quæ à loci circumscriptione procedit, corpo Vbi quid.
ris locatio. Nō est enim idē Locus & Vbi: nam Locus est
in eo quod capit, Vbi uerò in eo quod circumscribitur.

De ijs quæ sunt in prædicamento Vbi,

Regula. Titulus XLIII.

Omnis distio significans in loco, est in prædicamēto
Vbi, ut in igni, in aëre, in aqua, in terra, in urbe, in agro,
in

in eremo, in uilla, in tēplo, in theatro, Romæ, Athenis,
in Academia, in Lyceo, domi, militiæ, humi, ruri, hic,
istic, illic.

Series prædicamenti Quando.

Titulus XLIII.

Quando

Præsens

Non præsens

Quando non præsens

Præteritum

Futurum

Quando futurum

Paulò pòst
futurum

Non paulò pòst
futurum

Mox

Hoc mox,

Istud mox,

Illud mox.

Descriptio Quando, ex Trapezun-
tio Titulus XLV.

Quando est, quæ relinquitur ex tempore rerum esse-
ctio. Id diuiditur in præteritum, instans, & futurum, quã-
uis nihil horum sit: nam cū hæc tria tempora sint, quan-
do tempus non est, sed affectio rei, quæ fuisse, uel esse,
uel futura dicitur.

De ijs, quæ sunt in prædicamēto Quã-
do, Regula. Titulus XLVI.

Omnis dictio significans in tempore, est in catego-
ria Quando, ut hodie, heri, nudiustertius, superiori men-
se, superiori anno, manè, meridie, uesper, cras, perēdie,
olim, quondā, olympiade cētesima, anno ab urbis origi-
ne quingētesimo, anno à uirginis partu supra millesimū
& quingentesimum decimotertio, & id genus cætera.

Series

Series prædicamenti Sîtus.

Titulus XLVII.

Situs

<i>Enatura</i>		<i>Ex appetitu</i>
	<i>Situs ex appetitu</i>	
<i>Intellectiuo</i>		<i>Sensitiuo</i>
	<i>Situs ex uoluntate</i>	
<i>Sui corporis</i>		<i>Alicni corporis</i>
	<i>Situs sui corporis</i> <i>uoluntarius</i>	
<i>In pedes erecti</i>		<i>Non erecti in</i> <i>pedes</i>
	<i>Status</i>	
<i>Hic status,</i>	<i>Iste status,</i>	<i>Ille status.</i>

Descriptio Situs, ex Trapezuntio.

Titulus XLVIII.

*Situs est partium quædam positio ac ordinatio, quæ
stantia, sedentia, aspera, leuia, & huiusmodi dicuntur.*

*De ijs, quæ sunt in prædicamen-
to Situs, Regula. Titu-
lus XLIX.*

*Omnis dictio significans positionem quandam par-
tium ac ordinationem est in prædicamento Situs, ut sta-
tus, sessio, accubitus, iacere, raritas, spissitudo, asperitas,
leuor, accliuitas, decliuitas, inclinatio, inflexio, supini-
tas, & id genus reliqua.*

Series

Series prædicamenti Habitus.

Titulus L.

Habitus

Domesticus

Militaris

Habitus do-
mesticusVnius partium
corporisPlurium par-
tium corporisHabitus do-
mesticus plu-
rium corpo-
ris partiumMediate
adiacensImmediate
adiacens

Indusiatura

Hæc indusiatura, Ista indusiatura, Illa indusiatura.

Descriptio Habitus.

Titulus LI.

Habitus est res media inter corpora, & quæ eis ad-
iacent, secundum quam hæc quidem haberi, illa uerò ha-
bere dicuntur, ut armatura, tunica.

De ijs, que sunt in prædicamento

Habitus, Regula Titu. LII.

Omnis dictio habitum significans, est huius catego-
rie, siue is sit domesticus, siue militaris, siue ad uelamē,
siue ad cultum corporis pertineat, ut armatum esse, lori-
catum, pharetratum, galeatum, scutatū, palliatum, to-
gatum, pileatum, calceatum, anulatum, torquatum, co-
ronatum, & huiusmodi alia.

De

De dictionibus aliquot, quæ uel ad diuersa prædicamenta, uel ad unius eiusdemq; seiunctas species referuntur.

Caput huius introductionis tertium.

Quòd una eademq; species secundum aliud atq; aliud diuersis generibus supponi possit.

Titulus I.

TAmetsi uerissimè dictum sit à philosopho in prædicamentorum libro, Diuersorum generũ & non subalternatim positorum diuersæ sunt species, id est, secundum speciem differentię, nihilo tamẽ minus una eademq; species pro diuersis rationibus supponi diuersis generibus potest, quod ne cui parum eruditorum mirabile uideatur, ipsius Aristotelis ex eodem libro uerba subiiciam. At uerò (inquit) non decet cõturbari, ne quis nos dicat de qualitate propositionem facientes, multa de relatiuis interposuisse. Habitus enim & dispositiones eorum, quæ Ad aliquid sunt, esse dicebamus. Penè enim in omnibus talibus genera Ad aliquid dicuntur, nihil autem eorum, quæ singula sunt. Et non multò pòst subdit, Amplius si contingat hoc ipsum & Quale, & Relatiuum esse, nihil est inconueniens in utrisq; hoc generibus enumerare. Quæ uerba Boëthius enarrans: Nā cum sit uerum (inquit) unam eādemq; rem duobus diuersis generibus non posse esse suppositam, illud tamen conuenit, secundum aliud, atq; aliud, unam eandemq; speciem duobus generibus posse subnecti.

De habitu, dispositione, scientia, sensu, & positione. Titulus II.

Sicut Aristoteli & Boëthio placet, habitus (quæ & habitudo dicitur) dispositio, scientia, & sensus modò in relatione, modò in qualitate numerantur. In relatione quidem, nam & habitus, habilis rei habitus dicitur: & res habilis, habitu habilis. Dispositio, dispositæ rei dispositio: disposita res, dispositione disposita. Sciëntia, sciibilis rei sciëntia: sciibilis res, scientia sciibilis. Sensus, sensibilis rei sensus: sensibilis res, sensu sensibilis. In Qualitate uerò, quòd ab eis subiecta qualia denominantur. Sic & positio nūc Ad aliquid est, in eo quòd positæ rei positio est: & posita res est, positione posita: nūc prædicamentum ab alijs distinctū, quòd & Situs dicitur, in eo quòd ab illa sedētia, stantia, rara, spissa, aspera, leuia, et eiusmodi denominantur. Recentiores dialectici duplicia relatiua cōstituentes: hæc quidē, quæ appellant secundum dici, illa uerò secundum esse, nihil ex alijs prædicamentis inter relatiua secundū esse numerat: at non parū multa inter secundum dici relatiua. Hoc insuper addūt, priorem Ad aliquid definitionem à Platone profectam, utrisq; relatiuis conuenire, quam Aristoteles posteriore solis secundū esse relatiuis cōueniēti, iure correxerit.

De raro, spisso, leui, & aspero. Tit. III.

Rarum, Spissum, Leue, & asperum (si Alberto Magno sum, Leue, credimus) trifariam accipiuntur. Primum quidē, ut positiones quasdam partium significant. Nam rarum ideo uocatur, quia partes eius ita distāt à se, ut inter eas alieni generis corpus possit admitti, ut spōgia, pumex. Spissum,

sum, quoniam ita sibi partes vicinæ sunt, atq; ad se inuicem strictæ, ut inter eas nullum corpus possit incidere, ut ferrum, adamas. Leue, quòd eius partes æquali iacent superficie, ita ut nulla earum emineat, ut lamina argentea. Asperum, cuius partes inæqualiter sitæ sunt, ita ut aliæ emineant, aliæ uerò sint depressæ, ut tyrocnestis. Et hoc modo sunt in categoria Situs. Deinde autem, ut tætuui inferunt passionem, & sic in tertio Qualitatis genere collocantur. Postremum uerò, ut figuræ sunt, & in quarta specie Qualitatis reponuntur.

ΤΥΡΟΚΝΗΣΙς
præter alia,
quæ signifi-
cat hæc uox
gladiū quod
significat,

De calido, humido, & lumine. Tit. III.

Calidum, humidum, & lumen, primum quidem spectantur, ut igni calidum natura inest, aquæ humidū, lumen corpori luminoso, suntq; in secundo genere Qualitatis. Deinde autem, ut Substantiarum susceptibiliū affectiones sunt, & in primo Qualitatis genere collocantur. Postremum uerò, ut sensum passionē afficiunt, lumen quidem uisum, illa uerò tactum, & sunt tertij generis eiusdem prædicamenti.

De doctore, imperatore, uiro, comite.

Titulus V.

Doct̃or si ad discipulū refertur, est in categoria Relatiuorum: nā doct̃or discipuli doct̃or est, & discipulus est doct̃oris discipulus. Si eū significat, qui docēdi quospiam habitu præditus est, tametsi iā nemo sit ei discipulus, est in prima specie Qualitatis. Ita imperator, cū ad exercitum mutuo refertur, nomen est Ad aliquid: cum eum significat, qui habitum & autoritatē habet imperandi, in primo Qualitatis genere numeratur. Porro, uir

si maritum significat, Relatiuum nomen est: si sexum, in secunda specie Qualitatis: si ætatem, in prima eiusdem collocatur. Comes uerò si ducis comes dicitur, Relatiuum est indignius correlatiuo: si autem comitis comes, ut in illo mimographi, Comes facundus in uia pro uehiculo est, Relatiuum est æquali consistens comparatione.

F I N I S.

A D P V E R V M L I B E =

ralibus studijs operam dantem Hen=
deca syllabi parænetici.

FAc discas Dialecticen sititor
Synceræ puer eruditionis:
Quid nugæ tibi proderunt canoræ?
Quid cognoscere Pegasi uolatum,
Hortos Hesperidum, caput Medusæ,
Stymphali uolucres, cruore Nessi
Infectam tunicam, nouas in auras
Tractum Cerberon Herculis catena,
Ni discreueris atra candidis, &
Falsis uera, probata fabulosis?

Fac discas Dialecticen sititor
Synceræ puer eruditionis:
Exacta hæc, ratioq; disserendi,
Disciplinaq; disputationum
Definire docet: secare totum,
Argumenta scienter explicare,
Enthymemata curta: syllogismos
Integros ratione congruenti

Infor

Informare loco, modo, figura,
 Complecti generale singulatim,
 Exemplo simili probare dictum.

Fac discas Dialecticen sititor
 Syncera puer eruditionis:
 Hæc ars uera docet, facit scientes,
 Omnes in methodos uiam ministrat,
 Instrumenta tenens scientiarum,
 Illustrans genus omne disciplinæ,
 A' diuerticulis specuq; recta
 Ducens ad speculationis arcem:
 Hæc filum tibi Thesei dat, ut ne
 Ingressus Labyrinthon impliceris:
 Alcide quoq; porrigit trinodem
 Clauam: nec patitur deesse flammæ,
 Ne succrescat Hydræ caput recisum.

Fac discas Dialecticen sititor
 Syncera puer eruditionis:
 Hæc quicumque minus peritus arte
 Parui pendet eam pili ue fecit,
 In mendacia lapsus & tenebras,
 A' recta ratione deuiavit:
 Ut qui florigeris sudans in hortis,
 In re constituit beatitatem
 Nobiscum pecoriq; belluisq;
 Communi: patientiam perosus,
 Quem captum domuit tenax uoluptas.

Fac discas Dialecticen sititor
 Syncera puer eruditionis:

Olim floruit hac disertus arte
 Inuenta domitor trucidis tyranni,
 Hac Zeno quoque Cittæus alter
 Vitæ concolor actione functus,
 Aeternum bene nomen hac peritus
 Chrysippus sibi comparauit, aure
 Purgata, ingenioq; perspicaci,
 Adq; unguem cumulans suos acervos:
 Hac & Carneades laboriosus
 Purgans elleboro capax cerebrum,
 Et fortis schola tota Stoicorum,
 Doctus Nicomachi pater Platoq;
 Immortale sibi decus tulerunt.
 Hac Peringius eruditione
 Necnon & studijs poëticorum
 Librorum iuuenes sacris Mineræ
 Imbutos polit excolitq;: nostram
 Qui sortemq; uiciſſitudinemq;
 Expertus tibi Paule militauit,
 Magna Saxonie docens in urbe:
 Hinc Ludgere tibi, deinde rursus
 Paulo militat inclyto labore,
 Sic fortuna uices suas rotauit.

Fac discas Dialecticæ sititor
 Synceræ puer eruditionis:
 Sed uitanda tibi libido quedam
 Rixandi puerilis, ingeniq;
 Ostentatio uana, & aucupatus
 Fluxæ gloriolæ: suis Sophistæ

Meandris

*Mæandris rapidum diem terentes
Gryphis, tendiculis, strophisq; ludant:
De lana quoque litigent caprima,
In uanisq; libris recentiorum
Tanquam Lotophagos apud tenaces
Sirenum scopulos ue consenescant.
Te fili studiose metientem
Fac tempus iuuet expeditiori
Maturoq; gradu uiam secare,
Quantum de logicis sat est, acuto
Commendare animo: dehinc uacare
Morali sophiæ, sacræq; libris
Scripturæ, ut fieri queas beatus,
Et ueræ pietatis admonere
Multos, iustitia uale, et arte,
Sic uotum superi tuum secudent.
Fac discas Dialecticæ sititor
Synceræ puer eruditionis.*

F I N I S.



1. 1897年1月1日
 2. 1897年1月1日
 3. 1897年1月1日
 4. 1897年1月1日
 5. 1897年1月1日
 6. 1897年1月1日
 7. 1897年1月1日
 8. 1897年1月1日
 9. 1897年1月1日
 10. 1897年1月1日
 11. 1897年1月1日
 12. 1897年1月1日
 13. 1897年1月1日
 14. 1897年1月1日
 15. 1897年1月1日
 16. 1897年1月1日
 17. 1897年1月1日
 18. 1897年1月1日
 19. 1897年1月1日
 20. 1897年1月1日
 21. 1897年1月1日
 22. 1897年1月1日
 23. 1897年1月1日
 24. 1897年1月1日
 25. 1897年1月1日
 26. 1897年1月1日
 27. 1897年1月1日
 28. 1897年1月1日
 29. 1897年1月1日
 30. 1897年1月1日
 31. 1897年1月1日
 32. 1897年1月1日
 33. 1897年1月1日
 34. 1897年1月1日
 35. 1897年1月1日
 36. 1897年1月1日
 37. 1897年1月1日
 38. 1897年1月1日
 39. 1897年1月1日
 40. 1897年1月1日
 41. 1897年1月1日
 42. 1897年1月1日
 43. 1897年1月1日
 44. 1897年1月1日
 45. 1897年1月1日
 46. 1897年1月1日
 47. 1897年1月1日
 48. 1897年1月1日
 49. 1897年1月1日
 50. 1897年1月1日
 51. 1897年1月1日
 52. 1897年1月1日
 53. 1897年1月1日
 54. 1897年1月1日
 55. 1897年1月1日
 56. 1897年1月1日
 57. 1897年1月1日
 58. 1897年1月1日
 59. 1897年1月1日
 60. 1897年1月1日
 61. 1897年1月1日
 62. 1897年1月1日
 63. 1897年1月1日
 64. 1897年1月1日
 65. 1897年1月1日
 66. 1897年1月1日
 67. 1897年1月1日
 68. 1897年1月1日
 69. 1897年1月1日
 70. 1897年1月1日
 71. 1897年1月1日
 72. 1897年1月1日
 73. 1897年1月1日
 74. 1897年1月1日
 75. 1897年1月1日
 76. 1897年1月1日
 77. 1897年1月1日
 78. 1897年1月1日
 79. 1897年1月1日
 80. 1897年1月1日
 81. 1897年1月1日
 82. 1897年1月1日
 83. 1897年1月1日
 84. 1897年1月1日
 85. 1897年1月1日
 86. 1897年1月1日
 87. 1897年1月1日
 88. 1897年1月1日
 89. 1897年1月1日
 90. 1897年1月1日
 91. 1897年1月1日
 92. 1897年1月1日
 93. 1897年1月1日
 94. 1897年1月1日
 95. 1897年1月1日
 96. 1897年1月1日
 97. 1897年1月1日
 98. 1897年1月1日
 99. 1897年1月1日
 100. 1897年1月1日

1897年1月1日

1897年1月1日

1897年1月1日

1897年1月1日

1897年1月1日

1897年1月1日

1897年1月1日

1897年1月1日





